

**PARAMATTHA-DĪPANĪ ITI-
VUTTAKAṬṬHAKATHĀ OF DHAMMA-
PĀLÂCARIYA**

Vols. I, II

Pali Text Society

TEXT SERIES Nos. 40, 41

Paramattha-Dīpanī

Iti-Vuttakāṭṭhakathā

(ITI-VUTTAKA COMMENTARY)

of

Dhammapālâcariya

EDITED BY

M. M. BOSE, M.A.

**LECTURER IN INDIAN VERNACULARS, AND KEEPER OF BENGALI
MANUSCRIPTS IN THE UNIVERSITY OF CALCUTTA**

VOLS. I, II

Published by

THE PALI TEXT SOCIETY, LONDON

Distributed by

**ROUTLEDGE & KEGAN PAUL LTD.
LONDON, HENLEY & BOSTON**

1977

370.409

P

A. 3823

595 n.i.p.6

v. 1

Vol. I *First published* 1931
Vol. II *First published* 1933
Combined reprint 1977

ISBN 0 7100 8551 6

© Pali Text Society

Reprinted through the generosity of
The Institute for Advanced Studies of World Religions
New York

THE ASIATIC SOCIETY
CALCUTTA 700016

Acc N 49330

14.11.88

S2.m. 08/251

COMPUTERISED
C 6606

Printed in Great Britain by
UNWIN BROTHERS LIMITED,
THE GRESHAM PRESS, OLD WOKING, SURREY

PREFACE OF VOL. I

THIS edition of the *Iti-Vuttakatṭhakathā* is based upon the following sources:

1. A Sinhalese MS. kindly loaned me by Mrs. Rhys Davids.
2. A Sinhalese printed text published by the Tripitaka Publication Press, Colombo, Ceylon, in the Buddhist Era 2471 (A.D. 1928).

The references to both these books have been marked as "C" in footnotes.

3. A Siamese printed text published from the Capital of Siam by the *Mahāmakūṭa-Rājavidyālaya* in the Buddhist Era 2463 (A.D. 1920), marked as "S" in footnotes.

4. I could not procure a Burmese copy, but references to it, as noted in the printed texts of Ceylon and Siam, have been put in the footnotes, marked as "B" for the convenience of readers. Other references are mostly to the publications of the Pāli Text Society.

I acknowledge with thanks the help received from Mr. Sailendra Nath Mitra, M.A., with Dr. Nalinākṣa Dutt, Ph.D., M.A., Lecturers in Pāli at the University of Calcutta, who have revised the MS. up to *Duka-Nipāta-Vaṇṇanā* before it was sent for the press, and from my pupil, Mr. Heramba Chandra Chackravarty, M.A., Lecturer, City College, Calcutta, who has done for me a portion of the transcription work.

M. M. BOSE.

CALCUTTA UNIVERSITY,
CALCUTTA, INDIA.

December 24, 1933.

NOTE

IN Rhys Davids' *Manual of Buddhism*, 1878, etc., the Iti-Vuttaka Commentary is not, in his list of the Piṭaka Commentaries (p. 237), included in Dhammapāla's Paramatthadīpanī, but is placed next to the four Anthology Commentaries so named, and is called Abhidhammatthadīpanī.

I have not traced this separate name in the Commentary itself. Here, after every Nipāta but the first, the work is explicitly included in the Paramatthadīpanī. At the end of the first Nipāta I find substituted Paramatthavibhāvanī. I note that the editor does not discuss this; nor can I explain it. *

At Dr. Bose's request I have read through and re-revised his revised proofs. He is hence not wholly responsible for such errors as may have escaped me, nor is he responsible for readings I have altered. On behalf of the Society I thank him very sincerely for his patient labours.

C. A. F. RHYS DAVIDS,
General Editor.

* But see note at Vol. II, p. iii.

CONTENTS OF VOL. I

	PAGE
PREFACE - - - - -	v
ITI-VUTTAKA-VANṆANĀ - - - - -	1
NIDĀNA-VANṆANĀ - - - - -	4
EKA-NIPĀTA-VANṆANĀ - - - - -	35
DUKA-NIPĀTA-VANṆANĀ - - - - -	96

CONTENTS OF VOL. II

NOTE - - - - -	iii
TIKA-NIPĀTA-VANṆANĀ - - - - -	1
CATUKKA-NIPĀTA-VANṆANĀ - - - - -	141
INDEX OF WORDS - - - - -	195
INDEX OF PROPER NAMES - - - - -	202

Paramattha-Dīpanī
Iti-Vuttakatṭhakathā
(ITI-VUTTAKA COMMENTARY)
of
Dhammapālâcariya

VOL. I

■

■

■

Paramatthadīpanī nāma Khuddaka-Nikāy'atṭhakathā¹

*NAMO TASSA BHAGAVATO ARAHATO SAMMĀ-
SAMBUDDHASSA²*

ITI-VUTTAKA-VANṆANĀ

Arambhakathā¹

*Mahākāraṇikaṃ nāthaṃ ñeyyasāgara-pāraguṃ
Vande nipuṇagambhīraṃ vicitra-naya-desanaṃ.
Vijjācarana-sampannā yena niyyanti lokato
Vande tamuttamaṃ dhammaṃ sammā-sambuddhapūjitaṃ.
Sīlādiguṇasampanno t̥hito maggaphalesu yo
Vande ariya-saṃghaṃ taṃ puññaakkhettaṃ anuttaraṃ.
Vedanā-janitaṃ puññaṃ: iti yaṃ ratanattaye
Hat'antarāyo sabbattha hutvāhan tassa tejasā.*
Ekakāḍḍipabhedena desitāni mahesinā
Lobhādīnaṃ pahānāni dīpanāni visesaṭo.
Suttāni ekato katvā Iti-Vutta-pad'akkharaṃ
Dhammasaṃgāhakaṃ therā saṃgāyipsu mahesayo.
Itivuttakam icc'eva nāmena vasino pure
Yaṃ Khuddaka-Nikāyasmiṃ gambhīr'attha-padaḥkamaṃ.
Tassa gambhīra-ñāṇehi ogāhetabba-bhāvato
Kiñcāpi dukkarā kātum attha-saṃvaṇṇanā mayā

* These eight lines are found in other works of Dhammapāla (vide Udān'atṭhakathā, p. 1).

Sahasamvaṇṇanam yasmā dharate Satthu-sāsanaṃ
 Pubbācariya-sihānaṃ tiṭṭhate va vinicchayo
 Tasmā taṃ avalambitvā ogāhetvāna pañca pi
 Nikāye.upanissāya Porāṇ'atthakathā-nayaṃ*
 Nissita-vācanāmettaṃ suvisuddhaṃ anākulam
 Mahāvihāra-vāsīnaṃ nipuṇ'attha-vinicchayaṃ
 Punappunāgataṃ atthaṃ vajjayitvāna sādhuṃ
 Yathābalaṃ karissāmi Itivuttaka-vaṇṇanam
 Iti ākaṃkhamānassa saddhammassa ciraṭṭhitim
 Vibhajantassa tass'atthaṃ nisāmayatha sādhuvo-ti.

Tattha Itivuttakaṃ nāma Eka-nipāto, Duka-nipāto, Tika-nipāto, Catukka-nipāto-ti catunnipāta-saṅgahaṃ. Taṃ pi Vinaya-Piṭakaṃ, Suttanta-Piṭakaṃ, Abhidhamma-Piṭakan-ti-tisu Piṭakesu Suttanta-Piṭaka-pariyāpannaṃ. Dīgha-Nikāyo, Majjhima - Nikāyo, Saṃyutta-Nikāyo, Aṅguttara - Nikāyo, Khuddaka-Nikāyo-ti pañcasu Nikāyesu Khuddaka-Nikāya-pariyāpannaṃ. Suttaṃ, Geyyaṃ, Veyyākaraṇaṃ, Gāthaṃ, Udānaṃ, Itivuttakaṃ, Jātakaṃ, Abbhuta-dhammaṃ, Vedallaṃ-ti navasu sāsanaṃ-aṅgesu Itivuttaka-bhūtaṃ.

Dvāsīti¹ Buddhato gaṇhiṃ, dve-sahassāni bhikkhuto;
 Caturāsīti sahasassāni ye 'me dhammā pavattino-ti†

evaṃ Dhamma-bhaṇḍāgārikaṇa paṭiññātesu caturāsītiyā dhamma-kkhandha-sahassesu katipaya dhamma-kkhandha-saṅgahaṃ. Suttato Ekaka²-nipāte tāva sattavisati suttāni, Duka-nipāte dvāvisati, Tika-nipāte paññāsa, Catukka-nipāte terasā-ti dvādasāśūbika³-sutta-sata-saṅgahaṃ. Tassa Nipātesu Ekaka-nipāto ādi, Vaggesu Pāṭibhoga-vaggo, Suttasu Lobha-suttaṃ.

Tassāpi *Vuttaṃ k'etaṃ Bhagavatā*-ti ādikaṃ āyasmatā Ānandena paṭhama-mahāsāṅgīti-kāle vuttaṃ nidānamādi.

* Six lines up to this are also common to Udān'atthakathā (vide pp. 1-2) as well as the following six lines with necessary variations.

† Theragāthā, 1024.

Sā panāyaṃ paṭhama-mahāsaṅgīti Vinaya-Piṭake tantimā-rūlhā eva. Yo pan'ettha Nidāna-kosall'atthaṃ vattabbo Kathā-maggo, so pi Sumaṅgalavilāsiniyā Dīghanikāy'-aṭṭha-kathāya vitthārato vutto,* yevā-ti tattha vuttanayen'eva veditabbo.

* Sum., p. 2 *sqq.*

NIDĀNA-VANṆANĀ

Yam pan'etaṃ vuttaṃ h'etaṃ Bhagavatā-ti ādikaṃ nidānaṃ, ekadhammaṃ bhikkhave pajahathā-ti ādikaṃ suttaṃ, tattha vuttaṃ Bhagavā-ti ādini nāmapadāni. Iti-ti nipātapadaṃ. Pajahathā-ti ettha pa-iti upasagga-padaṃ, jahathā-ti ākhyā-tapadaṃ, iminā nayena sabbattha padavibhāgo veditabbo.

Atthato pana vutta-saddo tāva sa-upasaggo anupasaggo ca vapane vāpasamikaraṇe kesohāraṇe jīvitavuttiyaṃ pamutta-bhāve pāvacana-bhāvena pavattite ajjhesane kathane-ti evaṃ ādisu dissati. Tathā h'esa—

“ Gāvo tassa pajāyanti khetto vuttaṃ virūhati

Vuttānaṃ phalamasānāti yo mittānaṃ na dūbhati ”-ti*

ādisu vapane āgato. “ No ca kho paṭivuttan ”-ti † ādisu atṭhadantakādīhi vāpasamikaraṇe. “ Kāpaṭhiko māṇavo daharo vuttasiro ”-ti ‡ ādisu kesohāraṇe. “ Pannalomo para-da-vutto migabhūtena cetasā viharatī ”-ti § ādisu jīvitavuttiyaṃ. “ Seyyathā pi nāma paṇḍupalāso bandhanā pavutto abhabbo haritatāyā ”-ti || ādisu bandhanato pamutta-bhāve. “ Yesamidaṃ etarahi porāṇaṃ mantapadaṃ gītaṃ pavuttaṃ samihitaṃ ”-ti ¶ ādisu pāvacana-bhāvena pavattite. “ Loke pana ¹vutto guṇo¹ vutto parāyano ”-ti** ādisu ajjhesane. “ Vuttaṃ kho pan'etaṃ Bhagavatā: dhammadāyādā me bhikkhave bhavatha, mā āmisa-dāyādā ”-ti †† ādisu kathane. Idhāpi kathane daṭṭhabbo. Tasmā vuttaṃ kathitaṃ bhāsitaṃ ti attho. Dutiyo pana vutta-saddo vacane ciṇṇa-bhāve ca veditabbo.

Hi-ii jātu² vibyattan³-ti etasmiṃ atthe nipāto. So idāni

* J. vi, 14. † Vin. iii, 131. ‡ M. ii, 168. § Vin. ii, 184.

|| Vin. iii, 47. ¶ M. ii, 200; also D. i, 104; Vin. i, 245; A. iii, 224.

¹ (?)

†† M. i, 12.

vuccamānasuttassa Bhagavato vibyattam¹ bhāsita-bhāvaṃ jote-ti. Vācaka-sadda-sannidhānehi payuttā nipātā. Te hi vattabbamattham jotenti.

Etan-ti ayaṃ eta-saddo—

“Yo ca Buddhañca dhammañca saṃghañca saraṇaṃ gato,

Cattāri ariya-saccāni sammappaññāya passati.

Dukkhaṃ, dukkha-samuppādaṃ, dukkhassa ca atikkamaṃ,

Ariyañc’ aṭṭhaṅgikaṃ maggaṃ, dukkh’ūpasama-gāmiṇaṃ.

Etam kho saraṇaṃ khemaṃ, etaṃ saraṇaṃ-uttamaṃ,

Etam saraṇaṃ-āgamaṃ sabba-dukkhā pamuccatī”-ti*

ādisu yathā-vutte āsanna-paccakkhe āgato.

“Appamattakaṃ kho pan’etaṃ, bhikkhave, oramattakaṃ silamattakaṃ, yena puthujjano Tathāgatassa vaṇṇaṃ vadamāno vadeyyā”-ti† ādisu pana vakkhamāne āsanna-paccakkhe āgato.² Idhā-pi vakkhamāne y’eva daṭṭhabbo. Saṃkhāyana³-vasena vakkhamānaṃ hi suttaṃ Dhamma-bhaṇḍāgārikaṇa vuddhiyaṃ ṭhapetvā tadā *etan-ti* vuttaṃ.

‡*Bhagavatā*-ti ettha Bhagavā-ti garu-vacanaṃ. Gāruṇhi loke Bhagavā-ti vadanti. Tathāgato ca sabba-guṇa-visiṭṭhatāya sattānaṃ garu, tasmā Bhagavā-ti veditabbo. Porāṇehi pi vuttaṃ—

Bhagavā-ti vacanaṃ seṭṭhaṃ, Bhagavā-ti vacanaṃ-uttamaṃ

Gāru-gārava-yutto⁴ so, Bhagavā tena vuccatī-ti.

Seṭṭha-vācakaṃ hi vacanaṃ seṭṭha-guṇa-sahacaraṇato seṭṭhan-ti vuttaṃ. Athavā, vuccatī-ti vacanaṃ attho. Tasmā Bhagavā-ti vacanaṃ ‘seṭṭhan-ti Bhagavā’-ti iminā vacanena

* Dh. 28.

† D. i, 3.

‡ *The following occur in Udān’atṭhakathā*, pp. 23-24; also cf. *Su-maṅgalavilāsinī*, pp. 33-34.

¹ C byattam.

² C omits.

³ C saṃgāyana.

⁴ S garu°, also seq.

vacanīyo yo attho, so seṭṭho-ti attho. Bhagavā-ti vacanam-uttaman-ti etthā-pi es'eva nayo. Gāraṇa-yutto-ti gāru¹-gāraṇa-yutto gāru-guṇa-yogato. Gāru-karaṇam vā sātisaṇṇam arahatī-ti gāraṇa-yutto,² gāraṇāraho-ti attho. Evaṃ guṇa-visiṭṭha-sattuttama-garu-gāraṇādhivacanam etaṃ yadidaṃ Bhagavā-ti. Api ca—

Bhagī bhajī bhāgī vibhattavā iti
Akāsi bhaggaṇ-ti garu-ti bhāgyavā
Bahūhi nāyehi subhāvitattano
Bhavantago so Bhagavā-ti vuccatī-ti*

Niddeseṭ āgatanayena

Bhāgyavā bhaggaṇa yutto, bhaggehi ca vibhattavā
Bhattavā vantageṇa bhavesu Bhagavā tato-ti

imissā gāthāya ca vasena Bhagavā-ti padass'attho vattabbo. So paṇāyama attho sabbākāreṇa Visuddhi-magge Buddhānusatiniddeseṭ vutto-ti, tattha vuttanayena'eva veditabbo.

Apara nayo. Bhagavā³-ti Bhagavā, bhāgavā-ti vā Bhagavā. Bhāge vaṇī-ti Bhagavā, bhage vaṇī-ti Bhagavā. Bhattavā-ti Bhagavā. Bhage vami-ti Bhagavā, bhāge vami-ti Bhagavā.

Bhāgavā bhagavā³ bhāge bhage ca vaṇī bhattavā
Bhage vami tatthā bhāge vami-ti Bhagavā jino.

Tattha kathaṃ bhāgavā-ti Bhagavā? Ye te sīlādayo dhamma-kkhandhā guṇa-koṭṭhāsā, te anañña-sādharaṇā niratisayā Tathāgatassa atthā⁴ upalabbhanti. § Tathā hi'ssa sīlasamādhi-paññā-vimutti-vimuttiñāṇa-dassanaṃ, hiri-ottappaṃ, saddhā-viriyaṃ, sati-sampajaññaṃ, sīla-visuddhi, citta-visuddhi, diṭṭhi-visuddhi samatho-vipassanā, tīni kusala-mūlāni, tīni sucaritāni, tayo sammā-vitakkā, tiṣṣo anavajja-saññā, tiṣṣo dhātuyo, cattāro satipaṭṭhānā, cattāro sammappa-dhānā, cattāro iddhi-pādā, cattāro ariya-maggā, cattāri ariya-

* The meaning of these terms have been explained in Niddesa i, 142-43; 211-12.

† Niddesa i, 142.

‡ Visuddhi-Magga i, 198-213.

§ Cf. UdA. 335-336.

¹ S garu*, also below.

² S bhattavā.

³ C gārubhāva°.

⁴ B and C atthi.

phalāni, catasso paṭisambhidā, catu-yoni-pariucchadaka-
ñāpāni, cattāro ariya-vaṃsā, cattāri vesārajja-ñāpāni, pañca
padhāniy' aṅgāni, pañco'aṅgiko sammā-samādhi, pañca-ñāpiko
sammā-samādhi, pañco' indriyāni, pañca balāni, pañca nissāra-
ṇiyā dhātuyo, pañca vimutt' āyatana-ñāpāni, pañca vimutti-
paripācaniyā paññā, cha anussati-tṭhānāni, cha gāravā,¹ cha
nissāraṇiyā dhātuyo, cha satata-vihārā, cha anuttariyāni, cha
nibbedha-bhāgiyā saññā,² cha abhiññā, cha asādhāraṇa-
ñāpāni; satta aparihāniyā dhammā, satta ariya-dhanāni, satta
bojjhaṅgā, satta sappurisa-dhammā, satta nijjara-vatthūni,
satta saññā, satta dakkhiṇeyya-puggala-desanā, satta khīṇā-
sava-bala-desanā; aṭṭha paññā-paṭilābha-hetu-desanā, aṭṭha
sammattāni, aṭṭha loka-dhammātikamo, aṭṭha ārambha-
vatthūni, aṭṭha akkhaṇa-desanā, aṭṭha mahāpurisa-vitakkā,
aṭṭha abhibhāyatana-desanā, aṭṭha vimokkhā; nava yoniso-
manasikāra-mūlakā dhammā, nava pār'suddhi-padhāniy'-
aṅgāni, nava ṣaṭṭāvāsa-desanā, nava āghāta-ppaṭivinayā,
nava saññā, nava nānatta-desanā,³ nava anupubba-vihāra-
desanā⁴; dasa nātha-karaṇa-dhammā, dasa kasiṇāyatanāni,
dasa kusala-kamma-pathā, dasa sammattāni, dasa-ariya-vāsā,
dasa asekkha-dhammā, dasa Tathāgata-balāni; ekādasa mett'-
ānisaṃsā; dvādasa dhamma-cakkākārā; terasa dhutaṅga-
guṇā⁵; cuddasa Buddha-ñāpāni; pañca-dasa vimutti-pari-
pācaniyā dhammā; soḷasa-vidhā ānāpāna-ṣaṭi; sattarasa⁶
aparantapaniyā⁷ dhammā; aṭṭhārasa Buddha-dhammā; ekū-
ṇavisati paccavekkhaṇa-ñāpāni; catu-cattālisa ṇāpa-vatthūni;
paññāsa uday'abbaya-ñāpāni; paṭopapaṇṇāsa kusala-dhammā;
satta-sattati ṇāpa-vatthūni; catuvisati-koṭi-sata-saḥassa-
samāpatti-sañcārī⁸-mahā-vajira-ñāpāni; anantanaya-samanta-
paṭṭhāna - pavicaya⁹ - paccavekkhaṇa - desanā - ṇāpāni, tathā
anantāsu loka-dhātūsu anantānaṃ sattānaṃ āsayādi-vibhā-
vana-ñāpāni cā-ti evamādayo anantā aparimāṇa-bhedā anañ-
ñā-sādhāraṇā niratisayā guṇa-bhāgā guṇa-koṭṭhāsā vijjanti
upalabbhanti. Tasmā yathāvutta-vibhāgā guṇa-bhāgā assa

¹ UdA. jāgarā.

² S *vihārā.

³ S atapaniyā.

⁴ C paññā.

⁵ C dhutaṅga.

⁶ S *pattiyo-pañca.

⁷ S navanānattā.

⁸ S soḷasa.

⁹ S *paccaya.

atthī-ti Bhāgavā. Bhāgavā¹-ti vattabbe² ākārassa rassattam katvā Bhagavā-ti vutto. Evaṃ tāva bhāgavā-ti Bhagavā.

Yasmā sīlādayo sabbe guṇa-bhāgā asesato
Vijjanti sugate tasmā Bhagavā-ti pavuccati.

Katham bhatavā-ti Bhagavā? Ye te sabbaloka-hitāya ussukamāpannehi manussattādike aṭṭha dhamme samodhānetvā Sammā-sambodhiyā katamahābhinhārehi mahābodhisattehi paripūretabbā dāna-pāramī sīla-nekkhamma-paṇṇā-viriya-khanti-sacca-adhiṭṭhāna-mettā-upekkhā-pāramī-ti dasa pāramiyo, dasa upa-pāramiyo, dasa paramattha-pāramiyo-ti samatimsa - pāramiyo, dānādīni cattāri saṅgha - vatthūni, cattāri adhiṭṭhānāni, atta-pariccāgo, nayana-dhana-rajja-putta-dāra-pariccāgo-ti pañca mahā-pariccāgā, pubba-yogā³ pubba-cariyā dhamm'akkhānaṃ lok'attha-cariyā ñāt'attha-cariyā Buddh'attha-cariyā-ti evam-ādayo saṃkhepato vā puñña-sambhāra - ñāṇa - sambhārā Buddha - kāraka⁴-dhammā, te mahābhinhārato paṭṭhāya kappānaṃ sata-sahasādhikāni cattāri asaṃkheyyāni, yathā hāna-bhāgiyā saṃkilesa-bhāgiyā ṭhiti-bhāgiyā vā na honti atha kho uttar'uttari-visesa-bhāgiyā-ti⁵ honti, evaṃ sakkaccaṃ nirantaraṃ anavasesato bhatā-sambhatā assa atthī-ti bhatavā-ti Bhagavā, nirutti-nayena ta-kārassa ga-kāraṃ katvā. Athavā, bhatavā-ti te yeva yathā-vutte Buddha-kāraka⁴-dhamme vutta-nayena bhari sambhari paripūresi-ti attho. Evaṃ pi bhatavā-ti Bhagavā.

Sammā⁶-sambodhiyā sabbe dāna-pārami ādike
Sambhāre bhatavā⁷ nātho tasmā pi Bhagavā mato.

Katham bhāge vaṇi-ti Bhagavā? Ye te catuvisati-koṭi-sahassa-saṃkhā devasikaṃ valaṇṇanaka-samāpatti-bhāgā, te anavasesato lokahit'attham⁸ attano diṭṭhadhammasukhavihār'-atthañca nicca-kappaṃ vaṇi bhaji sevi bahulamakāsi-ti bhāge vaṇi-ti Bhagavā. Athavā, abhiññeyyesu dhammesu kusalā-disu khandhādisu ca ye te pariññeyyādi-vasena saṃkhepato vā catubbidhā abhisamaya-bhāgā. Vitthārato pana—"Cakkhum⁹

¹ S omiṭṭa.

² C vattabbo.

³ S °yogo.

⁴ S °kara.

⁵ C °vā.

⁶ C Yasmā.

⁷ C bhagavā.

⁸ S °thañca.

⁹ S Cakkhu.

pariññeyyaṃ—pe—jarāmaraṇaṃ pariññeyyaṃ”—ti* ādinā anekabhedā pariññeyya-bhāgā,¹ “Cakkhussa samudayo pahātabbo—pe—jarāmaraṇassa samudayo pahātabbo”—ti† ādinā pahātabba-bhāgā, “Cakkhussa nirodho sacchikātabbo²—pe—jarāmaraṇassa nirodho sacchikātabbo”—ti‡ ādinā sacchikātabba-bhāgā, “Cakkhunirodha-gāminī paṭipadā bhāvetabbā²—pe—cattāro satipaṭṭhānā bhāvetabbā”²—ti§ ādinā ca anekabhedā bhāvetabbā-bhāgā ca dhammā, te sabbe vani bhaji yathārahaṃ gocara-bhāvanā-sevanānaṃ vasena sevi, evampi bhāge vani-ti Bhagavā. Athavā, ime sīlādayo dhammakkhandhā sādharmaṇaṃ guṇakoṭṭhāsā guṇa-bhāgā kin-ti? nu kho te veneyya-santānesu paṭiṭṭhaheyyun-ti mahākarupāya vani abhipaṭṭhayi. Sā c’assa abhipaṭṭhanā yathādhippeta-phalāvahā ahosi. Evaṃ bhāge vani-ti Bhagavā.

Yasmā ñeyya-samāpatti guṇa-bhāge Tathāgato Bhaji paṭṭhayi sattānaṃ hitāya Bhagavā tato.

Kathaṃ bhage vani-ti Bhagavā? Samāsato tāva kata-puññehi³ payoga-sampannehi yathā-vibhavaṃ bhajiyanti-ti bhagā, lokiya-lok’uttarā-sampattiyo. Tattha lokiye tāva Tathāgato sambodhito pubbe bodhisatta-bhūto paramukkamsa-gate vani bhaji sevi, yattha paṭiṭṭhāya niravasesato Buddha-kara-dhamme samanento⁴ Buddha-dhamme paṭipācesi. Buddha-bhūto pana te niravajja-sukhamassañhite anañña-sādhāraṇe lok’uttare pi vani bhaji sevi. Vitthārato pana padesarajja-issariya-cakkavatti-sampatti-devarajja-sampatti-ādi-vasena jhāna-vimokkha-samādhi-samāpatti-ñāṇadassana-magga-bhāvanā-phalasacchikiriyādi-uttarimanussa-dhamma-vasena ca aneka-vihite anañña-sādhāraṇe bhage vani bhaji sevi. Evaṃ bhage vani-ti Bhagavā.

Yā tā sampattiyo loke, yā ca lok’uttarā puthū Sabbā tā bhaji sambuddho tasmā pi Bhagavā mato-ti.

* Pts. i, 23.

† (?)

‡ (?)

§ (?)

¹ C anekapari°.

² C puññehi.

³ S omīte.

⁴ C samannānento.

Katham bhattavā-ti Bhagavā? Bhattā dajha-bhattikā assa bahū atthī-ti bhattavā.¹ Tathāgato hi mahākaruṇā-sabbaññutaññādi-aparimita-nirupamappabhāva-guṇa-visesa-samañgibhāvato sabbasatt'uttamo sabbānattha-parihārapubbañgamāya niravasesa-hitasukha-vidhāna-tapparāya niratīsayāya payogasampattiyā sadevamanussāya pajāya accant'ūpakāritāya dvattiṃsa-mahāpurisa-lakkhaṇa-asīti-anuvyañjana-byāmappabhādi-anaññasādhāraṇa-guṇa-visesa-paṭimaṇḍita-rūpakāyatāya yathābhuccagūṇādhiगतena itī-pi so bhagavā-ti ādinaya-ppavattena lokattayavyāpinā suvipulena suvisuddhena ca thutighosena samannāgatattā ukkaṃsapāramippattāsu appicchatā-santutṭhitādisu suppatitṭhitabhāvato dasabala-catuvesārajjādi-niratisaya-guṇa-visesa-samañgibhāvato ca rūpappamāṇo rūpappasanno, ghosappamāṇo ghosappasanno, lūkhappamāṇo lūkhappasanno, dhammappamāṇo dhammappasanno-ti evaṃ catuppamāṇike lokasannivāse sabbathā pi pasādāvaha-bhāvena samanta-pāsādikattā aparimāṇaṇaṃ sattānaṃ sadevamanussānaṃ ādara-bahumāna-gāravāyatanatāya paramapemaṃ sambhatti-tṭhānaṃ. Ye tassa ovāde patitṭhitā aveccappasādena samannāgatā honti, kenaci asaṃhāriyā tesāṃ sambhatti samaṇena vā brāhmaṇena vā devena vā māreṇa vā brahmuṇā vā. Tathā hi te attano jīvita-pariccāge pi tattha pasādaṃ na pariccajanti tassa vā āṇaṃ dajha-bhatti-bhāvato. Ten'evāha:—

Yo ve kataññū katavedī dhīro

Kalyāṇamitto dajhabhatti ca hotī-ti.

“Seyyathā-pi bhikkhave mahāsamuddo tṭhitidhammo vellaṃ nātivattati, evameva kho bhikkhave yaṃ mayā sāvakānaṃ sikkhāpadaṃ paññattaṃ taṃ mama sāvakā jīvita-hetupi nātikkamanti”*-ti ca. Evaṃ bhattavā-ti Bhagavā niruttinayena ekassa ta-kārassa lopam katvā itarassa ga-kāraṃ katvā.

Gupātisaya-yuttassa yasmā lokahitesino

Sambhattā bahavo satthu Bhagavā tena vuccatī-ti.

* Vin. ii, 238.

¹ C bhagavā.

Katham bhage vami-ti Bhagavā? Yasmā Tathāgato bodhisatta-bhūto pi purimāsu jātisu pāramiyo pūrento bhaga-samkhātaṃ sirim issariyaṃ yasañca vami uggiri¹ kheja-piṇḍaṃ viya anapekkho chaḍḍeyi,² tathā hi'ssa Somanassa kumāra-kāle,* Hatthi-pāla-kumāra-kāle,† Ayoghara-pañḍita-kāle,‡ Mūgapakkha-pañḍita-kāle,§ Cūla-sutta-soma-kāle-ti|| evamādisu nekkhamma-pārami-pūraṇa-vasena deva-rajja-sadisāyā rajja-siriyā pariccatta-bhāvānaṃ parimānaṃ n'atthi. Carimatta-bhāve pi³ hattha-gataṃ cakkavatti-sirim deva-lokādhīpacca-sadisam catuddīpissariyaṃ cakkavatti-sampatti-sannissayaṃ satta-ratana-samujjalaṃ yasañca tiṇāyapi amañña-māno nirapekkho pahāya abhinikkhamitvā sammā-sambodhiṃ abhisambuddho, tasmā iti⁴ siri-ādike bhage vami-ti Bhagavā.

Athavā, Bhāni nāma nakkhattāni, tehi samaṃ gacchanti pavattanti-ti bhagā, sineru-yugandhara-uttarakuru-himavan-tādi-bhājana-lokavisesa-sannissayā sobhā kappa-tṭhitiya-bhāvato. Te pi Bhagavā vami tannivāsi-sattāvāsa-samatikkamanato tappaṭibaddha-cchanda-rāga-ppahānena pajahati, evam pi bhage vami-ti Bhagavā.

Cakkavatti-sirim yasmā yasaṃ issariyaṃ sukhaṃ
Pahāsi loka-cittañca⁵ sugato Bhagavā tato.

Katham bhāge vami-ti Bhagavā? Bhāgā nāma koṭṭhāsā. Te khandhāyatana-dhātvādi-vasena, tatthāpi rūpa-vedanādi-vasena atitādi-vasena ca aneka-vidhā. Te ca Bhagavā sabbam papañcam sabbam yogaṃ sabbam gaṇṭhaṃ sabbam saṃyojanaṃ samucchinditvā amatadhātuṃ samadhi-gacchanto vami uggili anapekkho chaḍḍayi, na paccāgami. Tathā h'esa sabb'atthakameva paṭhaviṃ āpaṃ tejaṃ vāyaṃ cakkhuṃ sotam ghānaṃ jivhaṃ kāyaṃ manam, rūpe sadde gandhe rase phoṭṭhabbe dhamme cakkhu-viññānaṃ—pe—mano-viññānaṃ,

* J. iv, 444.

§ J. vi, 30.

† J. iv, 473.

|| J. v, 177.

‡ J. iv, 491.

¹ S uggili.

² S chaḍḍesi.

³ S purimatta°, with a fn. "carimatta-bhāveti yuttataraṃ."

⁴ Cime.

⁵ S °cittañca.

cakkhusamphassaṃ—pe—mano-samphassaṃ, cakkhu-samphassajaṃ vedanaṃ—pe—mano-samphassajaṃ vedanaṃ, cakkhu-samphassajaṃ saññaṃ—pe—mano-samphassajaṃ saññaṃ, cakkhu-samphassajaṃ cetanaṃ—pe—mano-samphassajaṃ cetanaṃ, rūpa-taṇhaṃ—pe—dhamma-taṇhaṃ, rūpa-vitakkaṃ—pe—dhamma-vitakkaṃ, rūpa-vicāraṃ—pe—dhamma-vicāraṇ-ti ādinā anupada-dhamma-vibhāga-vasena pi sabb'eva dhamma-kotṭhāse anavasesato vami uggili anapekkho pariccāgena¹ chaḍḍayi. Vuttaṃ h'etaṃ—"Yantaṃ, Ānanda, cattaṃ vantaṃ muttaṃ pahīnaṃ paṭinissatthaṃ, taṃ Tathāgato puna paccāgamissati-ti, n'etaṃ tṭhānaṃ vijjati"-ti.* Evampi bhāge vami-ti Bhagavā.

Athavā, bhāge vami-ti sabbe pi kusalākusale sāvajjāna-vajje hīnappanite kaṇha-sukka-sappaṭibhāge ca² dhamme ariyamagga-ñānamukhena vami uggiri³ anapekkho pariccāji pajahi paresaṇca tathattāya dhammaṃ desesi. Vuttampi c'etaṃ—"Dhammāpi vo bhikkhave paḥātabbā, pageva adhammā. Kullūpamaṃ vo bhikkhave dhammaṃ desessāmi nittharaṇ'atthāya no gahaṇ'atthāyā"-ti† ādi. Evampi bhāge vami-ti Bhagavā.

Khandhāyatanadhātuvādi dhammabhedā mahesinā

Kaṇhasukkā yato vantaṃ tato pi Bhagavā mato.

Tena vuttaṃ—

Bhāgavā bhatavā bhāge bhage ca vani bhattavā

Bhage vami tathā bhāge vami-ti Bhagavā jino-ti

tena Bhagavatā.

Arahatā-ti kilesehi ārakattā, anavasesāriṇaṃ⁴ hatattā, saṃsāra-cakkassa vā arāṇaṃ hatattā, paccayādīnaṃ arahattā, pāpa-karaṇe rahābhāvā-ti imehi kāraṇehi arahatā arahā.² Ayam ettha saṃkhepo. Vitthāro pana Visuddhi-maggeṭṭ vuttanayena veditabbo.

* D. ii, 118-19.

† M. i, 134, 135.

‡ Ibid., i, p. 198 *sq.*, also cf. VinA. 112-15; DA. 146; PJ. ii, 441; MA. 52; AṅgA. ed A. i, 180.

¹ S pariccāji.

² S omits.

³ S uggili.

⁴ S anavasesānaṃ vā kilesāriṇaṃ.

Etha ca *Bhagavatā*-ti imināssa bhāgyavantattādīpanena kap-
pānaṃ anekesu asaṃkheyyesu upacita-puñña-sambhāra-
bhāvato satapuñña-lakkhaṇa-dharassa dvattiṃsa-mahāpurisa-
lakkhaṇa - asiti-anubyañjana-byāmapabbhā-ketumālādi - paṭi-
maṇḍitā anañña-sādhāraṇā rūpa-kāya-sampatti dīpitā hoti.
Arahatā-ti imināssa anavasesa-kilesa-ppahāna-dīpanena āsava-
kkhaya - padaṭṭhāna-sabbaññuta-ñāpādhigama - paridīpakato¹
dasabala-catuvesārajja-cha-asādhāraṇa-ñāna-aṭṭhārasāveṇika-
buddhadhammādi acinteyyā parimeyyā² dhamma-kāya-sam-
patti dīpitā hoti. Tadubhayena pi lokiya-parikkhakānaṃ
bahu-mata-bhāvo gahaṭṭha-pabbajitehi abhigamanīyatā, tathā
abhigatānañca tesam kāyika-cetasika-dukkhāpanayane paṭi-
bala-bhāvo āmisadāna-dhammadānehi upakāritā, lokiya-lok-
uttarehi guṇehi saṃyojana-samatthata ca pakāsitā hoti.
Tathā *Bhagavatā*-ti iminā caraṇa-dhammesu muddhabhūtā³
dibbavihārādi - vihāravisesa-samāyoga-paridīpanena caraṇa-
sampadā-dīpitā hoti. *Arahatā*-ti iminā sabbavijjāsu sikhā-
ppattā āsava-kkhaya-ñāpādhigama-paridīpanena vijjā-sam-
padā-dīpitā hoti. Purimena vā antarāyika-niyyānika-dhammā-
naṃ aviparīta-vibhattabhāva-dīpanena pacchima-vasāraj-
jadvaya-samāyogo, pacchimena savāsana-niravasesa-kilesa-
ppahāna-dīpanena purima-vesārajja-dvaya-samāyogo vibhā-
vito hoti. Tathā purimena Tathāgatassa paṭiññāsacca-
vacīsacca-ñāpasacca-paridīpanena kāmagaṇa-lokiyādhīpacca-
yasa-lābha-sakkārādi-pariccāga-paridīpanena ca² anavasesa-
kilesābhisamkhāra-pariccāga-paridīpanena ca saccādhīṭṭhāna-
cāgādhīṭṭhāna-pāripūri-pakāsitā hoti. Dutiyena sabba-saṃ-
khā-rūpa-samādhigama-paridīpanena sammāsambodhi-pari-
dīpanena ca upasamādhīṭṭhāna-paññādhīṭṭhāna-pāripūri-
pakāsitā hoti.

Tathā hi Bhagavato bodhisatta-bhūtaṃsa lokuttara-guṇe
katābhinīhāraṃsa mahā-karunā-yogena yathā-paṭiññāṃsa sabba-
pāramitānuṭṭhānena saccādhīṭṭhāna-pāramitā, paṭipakkha-
pariccāgena cāgādhīṭṭhāna-pāramitā, guṇehi citta-vūpasamena
upasamādhī-ṭṭhāna-pāramitā-ti⁴ evaṃ parahit'ūpāya-kosallato
paññādhīṭṭhānaṃ pāripūri-gataṃ. Tathā yācaka-janaṃ

¹ C °dīpanato.

² S muddhabhūta in fn.

³ S omīta.

⁴ C hi.

avisamvādetvā dassāmi-ti paṭijānanena paṭiññam avisamvādetvā dānena saccādhittānaṃ, deyyadhamma¹-pariccāgato cāgādhittānaṃ, deyyapaṭiggāhaka-dāna-deyya-parikkhayesu lobha-dosa-moha-bhaya-vūpasamena upasamādhittānaṃ ya-thārahaṃ yathā-kālaṃ yathā-vidhiṃ dānena paññuttaratāya ca paññādhittānaṃ pāripūri-gataṃ. Iminā nayena sesa pāramitāsu pi caturādhittāna-pāripūri veditabbā. Sabbā hi² pāramiyo sacca-ppabhāvitā cāgābhibyañjitā upasamānubrūhitā paññā-parisuddhā-ti evaṃ caturādhittāna-samudāgatassa Tathāgatassa saccādhittānaṃ. Saccādhittāna-samudāgamena sīla-visuddhi, cāgādhittāna-samudāgamena³ āpadāsu thāmo veditabbo, paññādhittāna-samudāgamena³ ājīva-visuddhi, upasamādhittāna-samudāgamena citta-visuddhi, paññādhittāna-samudāgamena diṭṭhi-visuddhi. Tathā saccādhittāna-samudāgamen'assa samvāsena sīlaṃ veditabbam. Cāgādhittāna-samudāgamena samvohāreṇa soceyyam veditabbam. Upasamādhittāna-samudāgamena⁴ āpadāsu thāmo veditabbo. Paññādhittāna-samudāgamena⁴ sākacchāya paññā veditabbā. Tathā saccādhittāna-samudāgamena aduṭṭho adhivāseti. Cāgādhittāna-samudāgamena aluddho paṭisevati. Upasamādhittāna-samudāgamena abhito⁵ parivajjeti. Paññādhittāna-samudāgamena amūlho vinodeti. Tathā saccādhittāna-samudāgamena c'assa nekkhamma-sukha-ppatti. Cāgādhittāna-samudāgamena paviveka-sukha-ppatti. Upasamādhittāna-samudāgamena upasama-sukha-ppatti. Paññādhittāna-samudāgamena sambodhi-sukha-ppatti dīpitā hoti. Saccādhittāna-samudāgamena vā vivekaja-pītisukha-ppatti. Cāgādhittāna-samudāgamena samādhija - pītisukha - ppatti. Upasamādhittāna-samudāgamena pītiya-kāyasukha-ppatti.⁶ Paññādhittāna-samudāgamena satipārisuddhija-upekkhā-sukha-ppatti. Tathā saccādhittāna-samudāgamena parivāra-sampatti-lakkhaṇa-paccaya-sukha-samāyogo paridīpito hoti avisamvādanato. Cāgādhittāna-samudāgamena santuṭṭhilakkhaṇa-sabhāva-sukha-samāyogo alobha-bhāvato. Upasamādhittāna-samu-

¹ C deyyaphala°.² C pi.³⁻³ S omits.¹⁻⁴ C omits.⁵ C ahita.⁶ C pītiya°.

dāgamena¹ katapuññatā-lakkhaṇahetu-sukha-samāyogo kilesehi anabhibhūta-bhāvato. Paññādhiṭṭhāna-samudāgamena vimuttisampattilakkhaṇa-dukkh'ūpasama-sukhasamāyogo paridīpito hoti, ñāṇa-sampattiyā nibbānādhiḡamanato. Tathā saccādhiṭṭhāna - samudāgamena ariyassa sīla - kkhandhassa anubodha - paṭivedha - siddhi, cāḡādhiṭṭhāna - samudāgamena ariyassa samādhi - kkhandhassa, paññādhiṭṭhāna - samudāgamena ariyassa paññakkhandhassa, upasamādhiṭṭhāna-samudāgamena ariyassa vimutti-kkhandhassa anubodha-paṭivedha-siddhi dīpitā hoti. Saccādhiṭṭhāna-paripūraṇena catu-paccaya-siddhi. Cāḡādhiṭṭhāna-paripūraṇena sabba-nissagga-siddhi. Upasamādhiṭṭhāna - paripūraṇena indriya - saṃvara - siddhi. Paññādhiṭṭhāna-paripūraṇena buddhi-siddhi. Tena ca nibbāna-siddhi. Tathā saccādhiṭṭhāna-paripūraṇena catu-ariya-saccābhisamaya-paṭilābho, cāḡādhiṭṭhāna-paripūraṇena catu-ariya-vamsa-paṭilābho, upasamādhiṭṭhāna-paripūraṇena catu-ariya-vihāra-paṭilābho, paññādhiṭṭhāna-paripūraṇena catu-ariya-vohāra-paṭilābho dīpito hoti.

Aparo nayo. *Bhagavatā*-ti etena sattānaṃ lokiyalok'uttara-sampatti-abhikankhā-dīpanena Tathāgatassa mahā-karuṇā pakāsītā hoti. *Arahātā*-ti etena pahāna-bhāvanā-sampattidīpanena² pahāna-paññā pakāsītā hoti. Tattha paññāya saddhamma-rajjappatti karuṇāya dhamma-saṃvibhāgo. Paññāya saṃsāradukkha-nibbidā, karuṇāya saṃsāradukkha-pahānaṃ.³ Paññāya saṃsāradukkha-parijānaṃ, karuṇāya para-dukkha-paṭikārārambho. Paññāya parinibbānābhimukha-bhāvo, karuṇāya tad-adhiḡamo. Paññāya sayāṃ tarenaṃ, karuṇāya paresaṃ tāraṇaṃ. Paññāya Buddhabhāva-siddhi, karuṇāya Buddha-kicca-siddhi. Karuṇāya vā Bodhisatta-bhūmiyaṃ saṃsārābhimukha-bhāvo, paññāya tattha anabhirati. Tathā karuṇāya paresaṃ ahiṃsaṇaṃ,⁴ paññāya sayāṃ⁵ parehi abhāyaṇaṃ. Karuṇāya paraṃ rakkhanto attānaṃ rakkhati, paññāya attānaṃ rakkhanto paraṃ rakkhati. Tathā karuṇāya aparantaṇo, paññāya anattantaṇo. Tena attāna-hitāya paṭipannādisu catuttha-puggala-bhāvo siddho

¹ S upasamādha°.

² S pahānasampatti°.

³ S °sahanaṃ.

⁴ S abhiṃsaṇaṃ.

⁵ S omits.

hoti. Tathā karuṇāya lokanāthatā, paṇṇāya atta-nāthatā. Karuṇāya c'assa niratābhāvo,¹ paṇṇāya uphamābhāvo.² Tathā karuṇāya sabba-sattesu janatānuggaho paṇṇānugga-tattā na pana sabbattha viratta-citto, paṇṇāya sabba-dhammesu viratta-citto, karuṇānugatattā na pana sabba-sattānugahāya pavatto. Yathā hi karuṇā Tathāgatassa sineha-soka-virahitā³ evaṃ paṇṇā ahaṃkāra-mamaṃkāra-vinimuttā-ti aññamañña-visodhitā parama-visuddhā-ti daṭṭhabbā. Tattha paṇṇā-khettaṃ balāni, karuṇā-khettaṃ vesārajjāni. Tesu bala-samāyogena parehi na abhibhuyyati, vesārajja-samāyogena parehi abhibhavati. Balehi satthusampadā-siddhi, vesārajjeḥ sāsanasampadā-siddhi. Tathā balehi Buddharatana-siddhi, vesārajjeḥ dhammaratana-siddhi-ti. Ayam ettha *Bhagavatā arahatā*-ti pada-dvayassa attha-yojanāya mukhamatta-dassanaṃ.

Kasmā paṇ'ettha *vuttaṃ k'etaṃ Bhagavatā*-ti vatvā puna *vuttaṇ*-ti vuttaṃ? Anussava-paṭikkhepena niyama-dassan'-atthaṃ. Yathā hi kenaci parato sutvā vuttaṃ yadi pi 'na tantena⁴ vuttaṃ, na pi tena ca vuttaṃ parena pi vuttattā, na ca tantena vuttameva api ca kho sutvaṃ pi, na evamidha.⁵ Bhagavatā hi parato asutvā sayambhūṇāpena attanādhigataṃ *vuttaṇ*-ti imassa visesa-dassan'-atthaṃ dvikkhattuṃ *vuttaṇ*-ti vuttaṃ. Idaṃ vuttaṃ hoti: *vuttaṃ k'etaṃ Bhagavatā* tañca kho Bhagavatā ca⁶ vuttaṃ, na aññena vuttameva 'na sutan-ti. Adhika-vacanaṃ hi aññamañña-matthaṃ bodheti-ti, na punarutta-doso. Esa nayo ito paresu pi. Tathā pubba-racanābhāva-dassan'-atthaṃ dvikkhattuṃ *vuttaṇ*-ti vuttaṃ. Bhagavā hi sammā-sambuddhatāya ṭhānuppattika-ppaṭibhāpena sampatta-parisāya ajjhāsayānurūpaṃ dhammaṃ deseti. Na tassa kāraṇā dānādīnaṃ viya pubba-racanā-kiccaṃ atthi. Ten'etaṃ dasseti *vuttaṃ k'etaṃ Bhagavatā*, tañca kho na pubba-racanā-vasena takka-pariyāhataṃ vimaṃsānucaritaṃ, api ca kho veneyy'ajjhāsayānurūpaṃ ṭhānaso vuttamevā-ti. Appaṭivattiya-vacana-bhāvassa dassan'-atthaṃ vā dvikkhattuṃ *vuttaṇ*-ti vuttaṃ. Yaṃ hi Bhagavatā vuttaṃ vuttaṃ

¹ C ninnatābhāvo, also alternative form in S.

² C unnamā, also alternative form in S.

³ C virahitatt'.

⁴ C ca jānantena.

⁵ C evameva.

⁶ S va.

eva taṃ na kenaci paṭikkhipitum sakkā akkhara-sampattiyaṃ attha-sampattiyaṃ ca. Vuttaṃ h'etaṃ:—“¹Ekam samayaṃ¹ Bhagavatā Bārāṇasiyaṃ Isi-patane miga-dāye anuttaraṃ² dhamma-cakkaṃ pavattitaṃ appaṭivattiyaṃ ³kenaci vā³ samaṇena vā brāhmaṇena vā”-ti.* Aparāṃ pi vuttaṃ:—“Idha bhikkhave āgaccheyya samaṇo vā brāhmaṇo vā nayidaṃ dukkhaṃ ariya-saccaṃ yaṃ samaṇena Gotamena paññattaṃ, ahamidaṃ dukkhaṃ ariya-saccaṃ t̥hapetvā aññaṃ dukkhaṃ ariya-saccaṃ paññāpessāmi-ti n'etaṃ t̥hānaṃ vijjati”-ti† ādi. Tasmā appaṭivattiya-vacana-bhāva-dassan'atthaṃ dvikkhattum *vuttaṃ*-ti vuttaṃ. Athavā, sotūnaṃ attha-nipphāda-bhāva-dassan'atthaṃ dvikkhattum *vuttaṃ*-ti vuttaṃ. ⁴Yaṃ hi⁴ paresaṃ āsayādiṃ ajānantena asabbaññunā adese akāle vā vuttaṃ, taṃ saccaṃ pi samānaṃ sotūnaṃ attha-nipphādane asaṃmatthātāya avuttaṃ nāma siyā pageva asaccaṃ. Bhagavatā pana sammāsambuddha-bhāvato sammadeva paresaṃ āsayādiṃ desa-kālaṃ attha-siddhiñca jānantena vuttaṃ ekantena sotūnaṃ yathādhipet'-attha-nipphādanato vuttameva, n'atthi tassa avuttattā pariyāyo. Tasmā sotūnaṃ attha-nipphāda-bhāva-dassan'-atthaṃ pi dvikkhattum *vuttaṃ*-ti vuttaṃ. Api ca yathā na taṃ suttaṃ nāma yaṃ na viññāt' atthaṃ ⁵yaṃ na ca⁵ tathattāya paṭipannaṃ. evaṃ na taṃ vuttaṃ nāma yaṃ na sammā paṭiggahitaṃ. Bhagavato pana vacanaṃ catasso pi parisā sammadeva paṭiggahetvā tathattāya paṭipajjanti. Tasmā sammadeva paṭiggahita-bhāva-dassan'atthaṃ pi dvikkhattum *vuttaṃ*-ti vuttaṃ. Athavā, ariyehi aviruddha-vacanabhāva-dassan'atthaṃ dvikkhattum *vuttaṃ*-ti vuttaṃ. Yathā hi Bhagavā kusalākusala-sāvajjānavajja-bhede dhamme pavattinivattiyo sammati-paramatthe ca avisaṃvādentō vadati, evaṃ Dhammasenāpati-pabbhūtaṃ ariyā pi bhagavati dharamāne parinibbute ca tass'eva desanaṃ anugantvā vadanti, na tattha nānā-vadakā. Tasmā *vuttaṃ-araḥatā*, tato

* Vin. i, 12; also cf. S. v, 423; Pts. ii, 149, etc.

† S. v, 428 (with some variations).

¹⁻¹ S etaṃ.

² C omits.

³⁻³ S omits.

⁴⁻⁴ S yaṃhi in *sa*.

⁵⁻⁵ S yañca.

para-bhāge arahatā ariya-saṃghenāpi¹-ti. Evaṃ ariyehi aviruddha-vacana-bhāva-dassan' atthaṃ pi evaṃ vuttaṃ. Athavā, purimehi Sammā-sambuddhehi vuttanaya-bhāva-dassan'atthaṃ pi dvikkhattuṃ *vuttan*-ti vuttaṃ. Sati pi hi² jāti-gottāyu-ppamānādi-visese dasa-balādi-guṇehi viya dhamma-desanāya buddhānaṃ viseso n'atthi. Aññamaññaṃ attanā ca te pubbenāparam aviruddhaṃ yeva vadanti. Tasmā *vuttaṃ h'etaṃ* yathā Buddhe hi attanā ca pubbe idāni pi amhākaṃ Bhagavatā tath'eva *vuttaṃ arahatā*-ti. Evaṃ purima-Buddhehi attanā ca suttantaresu vuttanaya-bhāva-dassan'-atthaṃ pi dvikkhattuṃ *vuttaṃ*. Tena Buddhānaṃ desanāya sabbattha avirodho dīpito hoti. Athavā, *vuttan*-ti yadetam dutiyaṃ padaṃ³ mahatta-bhāva-vacanaṃ⁴ daṭṭhabbaṃ. Idaṃ vuttaṃ hoti: *vuttaṃ h'etaṃ Bhagavatā arahatā* pi⁵ *vuttaṃ ekadhammaṃ bhikkhave*-ti ādikaṃ idāni vuccamāna-vacanan-ti. Athavā, *vuttan*-ti yadetam dutiya-padantara-vacan'atthaṃ,⁶ atha kho vacan'atthaṃ⁷ daṭṭhabbaṃ, ten'evaṃ⁸ nidasseti: *vuttaṃ h'etaṃ Bhagavatā*, tañca kho na vuttamattaṃ, na kathitamattaṃ, atha kho veneyyānaṃ kusalamūlaṃ desitan-ti⁹ attho. Athavā, yadetam *vuttan*-ti dutiyaṃ padaṃ tam vattanatthaṃ.⁷ Ayaṃ hi'ssa attho: *vuttaṃ h'etaṃ Bhagavatā arahatā*, tañca kho na vuttamattaṃ, apica tadattha-jātaṃ vuttaṃ caritan-ti. Tena yathā-vādī Bhagavā tathā-kārī-ti dasseti. Athavā, *vuttaṃ Bhagavatā* vuttaṃ⁸ *arahatā* vuttaṃ yuttenā-ti attho. Athavā, *vuttan*-ti saṃkhepa-kathaṃ uddisanaṃ sandhāyāha. Puna *vuttan*-ti vitthāra-kathā-niddisanaṃ. Bhagavā hi saṃkhepato ca vitthārato ca dhammaṃ deseti. Athavā, Bhagavatā⁹ dūrutta-vacanābhāva-dassan'atthaṃ *vuttaṃ h'etaṃ Bhagavatā*-ti vatvā puna *vuttan*-ti vuttaṃ. Sabbadā ñānānugata-vaci-kammatāya hi Bhagavato savāsana-pahīna-sābba-dosassa akkhalitabyapathassa kadāci pi dūruttaṃ nāma n'atthi. Yathā keci loka satisammosena davā vā ravā vā kiñci vatvā attha-paṭiladdha-saññā pubbe

¹ S omīḥ.² C arahanta vuttabhāva°.³ C dutiyaṃ padaṃ tam na padantara vaca°.⁴ C ṭhapanatthaṃ.⁵ C tenetaṃ.⁶ C ropitaṃ ti.⁷ C pavattanatthaṃ.⁸ S vuttavacanaṃ.⁹ C bhagavato.

vuttam avuttam¹ vā karonti paṭisaṃkharonti, na ca paṭisaṃkharonti vā, na evaṃ Bhagavā. Bhagavā pana nicca-kālam samāhito a-sammosa-dhammo a-sammoha-dhammo ca sabbaññuta-ñāṇa-samupagulhāya² paṭibhāṇa-paṭisaṃbhidāya upanīta-mattam³ aparimita-kālam sambhata-puñña-sambhāra-samudāgatehi anañña-sādhāraṇehi visada-visuddhehi karaṇa-viññū-visesehi sotāyatana-rasāyatana-bhūtam supantānam amatavassam vassanto viya sotabba-sāram savanānuttariyam catu-ariya-saccam pakāsento karavikarutamañjunā sareṇa sabhāva-niruttiyā vineyy'-ajjhāsayānurūpam vacanam vadati. N'atthi tattha vālagga-mattam pi akkhalitam,⁴ kuto pana dūruttāvakāso. Tasmā yaṃ Bhagavatā vuttam, tam vuttameva, na avuttam dūruttam vā kadāci hotī-ti dassan'attham *vuttam h'etaṃ Bhagavatā*-ti vatvā puna *vuttamarahatā*-ti vuttan-ti na ettha punarutta-doso-ti. Evamettha punarutta-saddassa sātthakatā veditabbā.

Iti me sūtan-ti ettha *īti*-ti ayaṃ *īti*-saddo hetu-parisaṃāpannādi-pad'attha-pariyāya-pakāra-nidassanāvadhāraṇādi-anek'attha-ppabhedo. Tathā h'esa-“Ruppatī-ti kho bhikkhave tasmā rūpan-ti vuccatī”-ti* ādisu hetu-atthe dissati. “Tasmā⁵ me, bhikkhave, dhammadāyādā bhavatha, mā āmisadāyādā. Atthi me tumhesu anukampā. Kinti me sāvakā dhammadāyādā bhaveyyū, no āmisadāyādā-ti”† ādisu parisamāpanne. “*Iti vā īti* evarūpā nacca-gīta-vādita-visūkadassanā paṭivirato”-ti‡ ādisu ādi-atthe. “Māgandhiyo-ti tassa brāhmaṇassa saṃkhā samañña paññatti vohāro nāmaṃ nāmakamam nāmadheyyam nirutti byanjanamabhilāpo”-ti§ ādisu pad'attha-pariyāye. “Iti kho bhikkhave sappatibhayo bālo appatibhayo paṇḍito, sa-upaddavo bālo anupaddavo paṇḍito, sa-upasaggo bālo anupasaggo paṇḍito”-ti|| ādisu pakāre. “Sabbam¹ atthī-ti kho Kaccāna ayameko anto, sabbam¹ na'tthī-ti kho Kaccāna ayaṃ dutiyo anto”-ti¶ ādisu ni-

* S. iii, 86.

† M. i, 12.

‡ D. i, 5.

§ Niddeśa i, 191 (only the first three words).

|| A. i, 101.

¶ S. ii, 17.

¹ S omits.² C *sambbulho sayam.³ S *mattham.⁴ S avakkha°.⁵ S *mātiha.

dassane. "Atthi idappaccayā jarāmarañan-ti¹? Iti ce vadeyya—'jātipaccayā jarāmarañan-ti' icc'assa vacaniyan-ti"* ādisu avadhāraṇe, sannitṭhāne-ti attho.

† Svāyamidha pakāra-nidassanāvadhāraṇesu daṭṭhabbo. Tattha pakār'atthena *īti*-saddena etamattham dīpeti: Nānā-naya-nipuṇam-anek'-ajjhāsaya-samuṭṭhānamattha-byañjana-sampannam vividha-pāṭihāriyam dhammattha-desanā-paṭivedha-gambhīram sabba-sattānam sakasaka-bhāsānurūpato sotapatham-āgacchantam tassa Bhagavato vacanam sabba-ppakāreṇa ko samattho viññātuṃ? Sabbathāmena pana sotukamyataṃ² jānetvā pi *īti me sutaṃ*, mayā pi ekena pakāreṇa sutan-ti. Ittha ca³ ekatta-nānatta-abyāpāra-dhammatā-samkhātā, nandiyūvaṭṭa-tipukkhala-sīhavikilita-disālocana-aṅkusa-samkhātā ca visayādi-bhedena nānā-vidhā nayā nānā-nayā vā⁴ pūligatiyo. tā ca paññatti-anupaññatti-ādivasena, saṃkilesa-bhāgiyādi-lokiyādi-tadubhaya-vomissatādivasena, kusalādi-vasena, khandhādi-vasena, saṅgahādi-vasena, samaya-vimuttādi-vasena, ṭhapanādi-vasena, kusalamūlādi-vasena, tika-paṭṭhānādi-vasena ca nānappakārā-ti nānā-nayā. Tehi nipuṇam saṅham sukhuman-ti nānānaya-nipuṇam. Āsayo ca⁵ ajjhāsayo. So ca sassatādi-bhedena apparajakkhatādi-bhedena ca aneka-vidho, att'ajjhāsayaḍḍiko eva vā aneko ajjhāsayo anek'ajjhāsayo. So samuṭṭhānam upatti-hetu etassā-ti anek'ajjhāsaya-samuṭṭhānam. Kusalādi-attha-sampattiyā tabbimbhāvana-byañjana-sampattiyā saṃkāsa-ppakāsa-vivaraṇa-vibhajana-uttānikaraṇa-paññatti-vasena chahi attha-padehi akkhara-pada-byañjanākāra-nirutti-niddesa-vasena, chahi byañjana-padehi ca samannāgatattā atthabyañjana-sampannam. Iddhi-ādesanānusāsānī-bhedena tesu ca ekekassa visayādi-bhedena vividham bahu-vidham

* D. ii, 55.

† For the following compare Sumaṅgala-Vilāsini, pp. 27-31; also repeated in Udānatṭhakathā, pp. 9-18 (with some variations). Cf. KhA. 100; MA. 3.

¹ C has the following after this: "iti putṭhena satā Ānanda, atthi-ti'ssa vacaniyam. Kimpaccayā jarāmarañanti?" Also in S. fn.

² C sotukāmatam.

³ S omits.

⁴ S nayā vā.

⁵ S va.

pāṭihāriyaṃ etassā-ti vividha-pāṭihāriyaṃ. Tattha paṭipakkha-haraṇato vā¹ rāgādi-kilesāpanayanato pāṭihāriyaṃ-ti atthe sati Bhagavato paṭipakkhā rāgādayo na santi ye haritabbā, puthujjanānaṃ pi vigat'ūpakkilese atthagūṇa-samannāgate citte hata-ppaṭipakkhe iddhi-vidhaṃ pavattati, tasmā tattha pavatta-vohārena ca na sakkā idha pāṭihāriyaṃ-ti vuttaṃ. Yasmā pana mahā-kāruṇikassa Bhagavato vencyya-gatā ca kilesā paṭipakkhā. tasmā tesāṃ haraṇato pāṭihāriyaṃ. Athavā. Bhagavato sāsanaassa ca paṭipakkhā tiṭṭhiyā; tesāṃ haraṇato pāṭihāriyaṃ. Te hi diṭṭhi-haraṇavasena ca diṭṭhi-ppakāsane asamattha-bhāvena iddhi-ādesanānusāsani hi haritā apanītā hontī-ti. Paṭi-ti vā pacchā-ti attho. Tasmā samāhite citte vigat'ūpakkilese katakiccena ca pacchāharitabbhaṃ pavattetabbhaṃ-ti pāṭihāriyaṃ. Attano vā upakkilesesu catuttha-jjhāna-maggena haritesu pacchā-haraṇaṃ pāṭihāriyaṃ. Iddhi-ādesanānusāsaniyo ca vigat'ūpakkilesena katakiccena ca sattahit'atthaṃ puna pavatte-tabbā, hatesu ca attano upakkilesesu para-santāne upakkilesa-haraṇāni hontī-ti pāṭihāriyāni bhavanti. Pāṭihāriyameva pāṭihāriyaṃ. Pāṭihāriye vā iddhi-ādesanānusāsani-samudāye bhavaṃ ekekaṃ pāṭihāriyaṃ-ti vuccati. Pāṭihāriyaṃ vā. catuttha-jjhānaṃ maggo ca paṭipakkha-haraṇato. Tattha jātaṃ ²tasmiṃ vā² nimitta-bhūtaṃ tato vā āgatan-ti pāṭihāriyaṃ. Yasmā pana ³tantitanti-attha-tanti-desanā³ vā tadabhisumaya⁴-saṃkhātā hetu-phala-tadubhaya-paṇṇatti-paṭivedha-saṃkhātā vā dhammattha-desanā-paṭivedha-gambhīrā anupacita-sambhārehi sasādīhi viya mahā-samuddo dukkhogālhā alabbha-neyya-pa-tiṭṭhā ca. Tasmā tehi catūhi gambhīra-bhāvehi yuttan-ti dhammattha-desanā-paṭivedha-gambhīraṃ. Eko eva Bhagavato dhamma-desanā-ghoso ekasmiṃ khaṇe pavat-tamāno nānā-bhāsānaṃ sattānaṃ attano⁵ bhāsānaṃ vasena apubbaṃ acarimaṃ gahaṇ'ūpago hutvā atthādhi-gam-āva hoti. Acintevyo hi buddhānaṃ¹ buddhānubhāvo-ti.

¹ S omits.^{2 3} C omits.^{3 3} C tanti atthadesanā, also tantitantidesanā, in fn.⁴ C tabbhoārābhi°.⁵ Duplicated in C.

Sabba-sattānaṃ saka-saka-bhāsānurūpato sotapatham-āgacchatī-ti veditabbaṃ.

Nidassan'atthena: Nāhaṃ sayambhū, na mayā idaṃ sacchikatan-ti attānaṃ parimocento *iti me sulā*, mayā pi evaṃ sutan-ti. Iminā idāni vattabbaṃ sakala-suttaṃ nidasseti.

Avadhāran'atthena: “ Etadaggaṃ, bhikkhave, mama sāva-kānaṃ bhikkhūnaṃ bahu-ssutānaṃ, ¹yadidaṃ Ānando,¹ gati-mattānaṃ, sati-mattānaṃ, dhiti-mattānaṃ, upatthākānaṃ, yadidaṃ Ānando-ti ”* evaṃ Bhagavatā—‘ Āyasmā Ānando attha-kusalo dhamma-kusalo byañjana-kusalo nirutti-kusalo pubbāpara-kusalo-ti ’† evaṃ Dhamma-senāpatinā ca pasattha-bhāvānurūpaṃ attano dhāraṇa-balaṃ dassento sattānaṃ sotukamyataṃ janeti, *iti me sulā*, tañca kho atthato vā byañjanato vā anūnāmanadhikaṃ, evameva na aññathā-ti daṭṭhabban-ti. Aññathā-ti Bhagavato sammukhā sutākārato aññathā, na pana Bhagavatā desitākārato. Acinteyyānu-bhāvā hi Bhagavato desanā, sā na sabbākāreṇa sakkā viññā-tun-ti vutto vāyaṃ'attho. Sutākārā-virujjhanam-eva hi dhāraṇa-balaṃ. Na h'ettha atthantaratā-parihāro dvinnaṃ pi atthānaṃ eka-visayattā. Itarathā hi thero Bhagavato desanāya sabbathā paṭiggahaṇe samattho asamattho vā-ti² āpaj-jeyyā-ti.

Me-saddo tīsu atthesu dissati. Tathāhi'ssa—‘ Gāthābhi-gītaṃ me abhojaneyyaṃ ’-ti‡ ādisu me³ mayā-ti attho. “ Sādhu me, bhante, Bhagavā saṃkhittena dhammaṃdesetū ”§ ti ādisu mayhan-ti attho. “ Dhamma-dāyādā me, bhikkhave, bhavathā-ti ”|| ādisu mamā-ti attho. Idha pana ‘ mayā sutan ’-ti ca ‘ mama sutan ’-ti ca attha-dvaye yujjati. Ettha ca ‘ yo paro na hoti so attā ’-ti evaṃ vattabbe niya-ka’jjhatta-saṃkhāte saka-santāne vattanato tividho pi me-saddo yadipi ekasmiṃ yeva atthe dissati, karaṇa-sampadā-nādi-visesa-saṃkhāto pan'assa vijjat'evāyaṃ attha-bhedo-ti āha me-saddo tīsu atthesu dissati-ti.

* A. i, 24-5.

† A. iii, 201.

‡ S. i, 167; Sn. 81.

§ S. iii, 35; iv, 63.

|| M. i, 12.

Sutan-ti ayam *suta*-saddo sa-upasaggo ca anupasaggo ca gamana-vissuta-kilinn'ūpacitānuyutta-sotaviññeyya-sota-dvārānusāravīññātādi anek'attha-ppabhedo. Kiñcāpi hi kiriyā-visesako upasaggo, jotaka-bhāvato pana sati pi tasmim *suta*-saddo eva tantamattham vadatī-ti anupasaggassa *suta*-saddassa atth'uddhāreṇa sa-upasaggo pi udāhariyati. Tattha-
 "Senāya pasuto"-ti* ādisu gacchanto-ti attho. "*Suta*-dhammassa passato"-ti† ādisu vissuta-dhammassā-ti attho. "*Avassutā avassutassā*"-ti‡ ādisu kilesena kilinnākilinnassā-ti attho. "Tumhehi puññaṃ pasutaṃ anappakan"-ti§ ādisu upacitan-ti attho. "Ye jhāna-pasutā dhīrā"-ti|| ādisu jhānānuyuttā-ti attho. "Diṭṭhaṃ sutam mutan"-ti¶ ādisu sota-viññeyyan-ti attho. "*Suta*-dharo *suta*-sannicayo"-ti** ādisu sota-dvārānusāra-viññāṇa-dharo-ti attho. Idha pan'assa sota-dvārānusāreṇa upadhāritan-ti vā upadhāraṇan-ti vā attho. *Me*-saddassa hi mayā-ti atthe sati, *īti me sutam*, mayā sota-dvārānusāreṇa upadhāritan-ti attho. Mamā-ti atthe sati, *īti mama sutam*, sota-dvārānusāreṇa upadhāraṇan-ti attho.

Evam-etesu tīsu padesu, yasmā *suta*-sadda-sannidhānena¹ ²ca tena² *īti*-saddena savana-kiriyā-jotakena bhavitabbaṃ, tasmā *īti*-ti sotaviññāṇādi-viññāṇakicca-nidassanaṃ. *Me*-ti vutta-viññāṇa-samaṅgī-puggala-nidassanaṃ. Sabbāni pi vākyāni evaṃkār'attha-sahitāni yeva avadhāraṇa-phalattā.³ Tena *sutan*-ti assavana-bhāva-ppaṭikkhepato anūnāviparīta-ggahaṇa-nidassanaṃ. Yathā hi sutam sutan-ti vattabbataṃ arahati, taṃ sammā sutam anūna-ggahaṇaṃ aviparīta-ggahaṇaṃ hotī-ti. Athavā, sadd'antar'atthā-mohana-vasena⁴ saddo attham vadatī-ti. Yasmā *sutan*-ti etassa asutam na hotī-ti ayam-attho, tasmā *sutan*-ti assavana-bhāva-ppaṭikkhepato anūnāviparīta-ggahaṇa-nidassanaṃ. Idaṃ vuttaṃ hoti: *īti me sutam*, na diṭṭhaṃ, na sayambhū-ñāṇena sacchikataṃ, na aññathā vā upaladdhaṃ, taṅca sammadevā-ti. Avadhā-

* (?) † Vin. i, 3.

‡ Khuddakapāṭha, 6; KhA. 215.

¶ M. i, 4, 135; A. ii, 23; Sn. 1086.

‡ Vin. iv, 213.

|| DhP. 27, 181.

** M. i, 213; A. ii, 23.

¹ C °dhāne.

² C °phalanti.

³ C payuttana.

⁴ C °tthājotana vasena.

raṇ'atthe vā *īi*-sadde ayamattha-yojanā-ti:—tadapekkhassa *sula*-saddassa niyam' attho sambhavatī-ti asavana-bhāva-ppaṭikkhepo anūnāviparita-ggahaṇa-nidassanatā ca veditabbā. Evaṃ savana-hetu savanavisesa-vasena padattayassa attha-yojanā katā-ti daṭṭhabbam.

Tathā *īi*-ti sota-dvārānusāreṇa pavattāya viññāṇa-vīthiyā nānattha-byañjana-ggahaṇato nāna-ppakāreṇa ālambāṇe pavatti-bhāva-ppakāsanam ākār'attho *īi*-saddo-ti katvā. *Me*-ti atta-ppakāsanam. *Sulan*-ti dhamma-ppakāsanam ya-thā-vuttāya viññāṇa-vīthiyā pariyatti-dhamm-ārammaṇattā. Ayaṃ h'ettha saṃkhepo:—nāna-ppakāreṇa ārammaṇe pavattāya viññāṇa-vīthiyā kāraṇa-bhūtāya mayā na aññam katam, ayaṃ dhammo suto-ti. Tathā *īi*-ti nidassita-ppakāsanam nidassan' attho *īi*-saddo-ti katvā, nidassetabbassa nidassitabba-bhāvābhāvato. Tasmā *īi*-saddena sakalam pi suttaṃ paccāmaṭṭhan-ti¹ veditabbam. *Me*-ti puggala-ppakāsanam. *Sulan*-ti puggala-kicca-ppakāsanam. *Sula*-saddena hi labbhamānā savana-kiriyā savana-viññāṇa-ppabandha-ppaṭibaddhā. Tattha ca puggala-vohāra-sahite² dhamma-ppabandhe savana-kiriyā labbhati. Tassāyaṃ saṃkhep' attho:—yaṃ suttaṃ niddisissāmi taṃ mayā *īi* *sulan*-ti. Tathā *īi*-ti yassa citta-santānassa nānārammaṇassa pavattiyā nānattha-byañjana-ggahaṇam hoti, tassa nānākāra-niddeso, ākār'attho *īi*-saddo-ti katvā. *īi*-ti hi ayaṃ ākāra-paññatti dhammānam tantaṃ pavatti-ākāram upādāya paññāpetabba-sabhāvattā. *Me*-ti kattu-niddeso. *Sulan*-ti visaya-niddeso. Sotabbo hi dhammo savana-kiriyā kattu-puggalassa savana-kiriyā-vasena pavatti-ṭṭhānam hoti. Etāvata nāna-ppakāra-ppavattena citta-santānena taṃ samaṅgino kattu-visaya-ggahaṇe sanniṭṭhānam dassitaṃ hoti. Athavā, *īi*-ti puggala-kicca-niddeso. Sutānam hi dhammānam gahitākārassa nidassanassa avadhāraṇassa vā pakāsa-bhāvena *īi*-saddena tad-ākārādi-dhāraṇassa puggala-vohār' upādāna-dhamma-byāpāra-bhāvato puggala-kiccaṃ nāma niddiṭṭham hotī-ti. *Sulan*-ti viññāṇa-kicca-niddeso. Puggala-vādino pi hi savana-kiriyā viññāṇa-nirapekkhā na hotī-ti. *Me*-ti

¹ C parama.^o

² C 'rahite.

ubhaya-kicca-yutta-puggala-niddeso. *Me*-ti hi sadda-ppa-vatti ekanten'eva suta-visesa-visayā viññāpa-kiccañca tatth'eva samodahitabban-ti. Ayaṃ pan'ettha saṃkhepo:— mayā savana-kicca-viññāpa-samañginā puggalena viññāpa-vasena laddha-savana-kicca-vohāreṇa¹ *sulan*-ti.

Tathā² *īī*-ti ca *me*-ti ca sacchikatṭha-paramattha-vasena avijjamāna-paññatti. Sabbassa hi saddādhiḡamaniyassa atthassa paññatti-mukhen'eva paṭipajjitabbattha³ sabba-paññattinañca⁴ vijjamānādīsu chasveva paññattīsu avirodho.⁵ Tasmā yo māyā-marīci-ādayo viya abhūt' attho anussavādīhi gahetabbo viya anuttam' attho⁶ ca⁷ na hoti, so rūpa-saddā-diko ruppanānubhāvanādiko⁸ ca paramattha-sabhāvo sacchikatṭha-paramattha-vasena vijjati. Yo⁹ pana *īī*-ti ca *me*-ti ca vuccamāno¹⁰ ākāra¹¹di¹²attho, so¹³ a-paramattha-sabhāvo sacchikatṭha-paramattha-vasena anupalabbhamāno avijjamāna-paññatti nāma. Kim-ettha taṃ paramatthato atthi, yaṃ *īī*-ti vā *me*-ti vā niddesaṃ labhettha? *Sulan*-ti vijjamāna-paññatti. Yaṃ hi taṃ sotena upaladdhaṃ, taṃ paramatthato vijjamānan-ti. Tathā *īī*-ti sotapatham-āgate dhamme upādāya tesam upadhāritākārādīnaṃ paccāmasana-vasena. *Me*-ti santati-pariyāpanne khandhe kāraṇādi-visesa-visiṭṭhe upādāya vattabbato upādāya-paññatti. *Sulan*-ti diṭṭhādīni upanidhāya vattabbato upanidhāya-paññatti. Diṭṭhādi-sabhāva-rahite saddāyatane pavattamāno pi suta-vohāro dutiyaṃ tatiyan-ti ādiko¹² viya¹³ paṭhamādīni yaṃ¹³ diṭṭhamuta-viññāta-nirapekkhaṃ, na taṃ *sulan*-ti viññeyyattā diṭṭhādīni upanidhāya vattabbo hoti-ti¹⁴ asutaṃ na hoti-ti hi¹⁵ *sulan*-ti pakāsito yam-attho-ti.¹⁶

¹ S °ssavanakicca°.

² C' tattha.

³ S paṭipatti-.

⁴ S paññattinañca.

⁵ C avirodho.

⁶ C anumān'attho.

⁷ C pi.

⁸ C °nānūsavanādi°.

⁹ C so.

¹⁰ C pavucca°.

¹¹⁻¹² C omits.

¹³ C ādi.

¹³⁻¹³ C paṭhamādīni nissāya.

¹⁴ After this C has —“ sutatthā niddisiyanti. Sutanti vacanena asammosan dīpeti sutākārassa yathāvato dīpanato, na hi sammūlho nānū-ppakāra-paṭibhedasamattho hoti, lobhappahānādi-vasena nānū-ppakārā duppaṭivedhatthā suttantā-ti,” much of which occur below with variations and order changed.

¹⁵ S omits.

¹⁶ C hotīti.

Ettha ca *īṭ*-ti vacanena a-sammohaṃ dīpeti. Paṭividdhā hi atthassa pakāra-visesā *īṭ*-ti idha āyasmatā Ānandena pac-cāmaṭṭhā, ten' assa asammoho dīpito hoti. ¹Na hi sammūlho nāna-ppakāra-ppaṭivedha-samattho hoti. Lobha-ppahānādi-vasena nāna-ppakārā duppaṭividdhā ca sutan-ti niddisiyanti. *Sutan*-ti vacanena asammohaṃ dīpeti sutākārassa yathāvato dassiyamānattā.¹ Yassa hi sutam muṭṭhaṃ hoti, na so kālantare 'mayā sutan' -ti paṭijānāti. Icc'assa asammohena sammohābhāvena paññāya eva vā savana-kāla-sambhūtāya taduttari-kāla-paññā-siddhi. Tathā asammohena² sati-siddhi. Tattha paññā-pubbaṅgamāya satiyā byañjanāva-dhāraṇa-samatthatā. Byañjanānaṃ hi paṭivijjhitabbo ākāro nātigambhīro yathāsputa-dhāraṇam-eva tattha karaṇīyan-ti satiyā byāpāro adhiko. Paññā tattha guṇa-bhūtā hoti, paññāya sati²-pubbaṅgamā-ti katvā. Sati-pubbaṅgamāya paññāya attha-paṭivedha-samatthatā. Atthassa hi paṭivijjhitabbo ākāro gambhīro-ti, paññāya byāpāro adhiko. Sati tattha guṇa-bhūtā hoti, satiyā pubbaṅgamā-ti katvā. Tadubhaya - samatthatā - yogena attha - byañjana - sampannassa dhamma-kosassa anupālana-samatthatāya Dhamma-bhaṇḍā-gārikatā-siddhi.

Aparo nayo. *Īṭ*-ti vacanena yoniso-manasikāraṃ dīpeti. Tena vuccamāna-ākāra-nidassanāvadhāraṇ' atthānaṃ upari vakkhamānaṃ nāna-ppakāra-ppaṭivedha-jotakānaṃ ayiparītakānaṃ aviparīta-saddhamma-visayattā. Na hi ayoniso-manasikaroto nāna-ppakāra-ppaṭivedho sambhavati. *Sutan*-ti vacanena avikkhepaṃ dīpeti. Nidāna-pucchā-vasena pakaraṇa-ppattassa vakkhamānassa suttassa savanaṃ na samādhānam-antarena sambhavati, vikkhitta-cittassa savanābhāvato. Tathā hi vikkhitta-citto puggalo sabba-sampattiyaṃ vuccamāno pi 'na mayā sutam, puna bhaṇathā' -ti vadati. Yonisoma-nasikāreṇa c'ettha atta-sammāpanidhiṃ pubbe kata-puñña-taṇha sādheti, sammā-appanīhitattassa pubbe akata-puññassa vā tad-abbāvato. Avikkhepeṇa saddhamma-savanaṃ sappuris' upassayaṇa sādheti, asutavato sappuris' upassaya-

¹⁻² This portion occurs in C in the quotation noted above under fn. 14. The order is not maintained, and there are variations also.

² S "moena.

² S omits.

rahitassa ca tad-abhāvato. Na hi vikkhitta-citto saddhammam sotum sakkoti, na ca sappurise anupassayamānassa savanam atthi.

Aparo nayo. Yassa citta-santānassa nānākāra-ppavattiyā nānattha-byañjana-ggahanam hoti, tassa nānākāra-niddeso-ti vuccati.¹ Yasmā ca so Bhagavato vacanassa attha-byañjana-ppabbheda-pariccheda-vasena sakala-sāsana-sampatti-ogāhanena niravasesa-parahita-pāripūri-kāraṇa-bhūto, evaṃ bhaddako ākāro na sammā-appaṇihit' attano pubbe akata-puññassa vā hoti, tasmā iñ-ti iminā bhaddakena ākāreṇa pacchima-cakka-dvaya-sampattiṃ attano dīpeti: *sutan-ti* savana-yogena purima-cakka-dvaya-sampattiṃ. Na hi appaṭirūpe dese vasato sappuris' ūpassaya-rahitassa vā savanam atthi. Icc'assa pacchima-cakka-dvaya-siddhiyā āsaya-suddhi siddhā hoti. Sammā paṇihitatto pubbe ca kata-puñño visuddhāsayo hoti, tad-avisuddhi-hetūnam kilesānam dūri-bhāvato. Evam² hi vuttam—

“Sammā paṇihitam cittam seyyaso nam tato kare”-ti.*

“Kata-puñño'si tvam, Ānanda: padhānam-anuyuñja: khippam hohisi³ anāsavo”-ti† ca. Purima-cakka-dvaya-siddhiyā payoga-suddhi. Paṭirūpa-desa-vasena hi sappuris' ūpassayena ca sādhūnam dīṭṭhānugati-āpajjanena pi visuddha-ppayogo hoti. Tāya ca āsaya-suddhiyā adhigama-byattisiddhi, pubbe eva taṇhā-dīṭṭhi-samkilesānam visodhitattā. Payoga-suddhiyā āgama-byattisiddhi. Suparisuddha-kāyavaci-payogo hi vippaṭisārābhāvato a-vikkhitta-citto pariyattiyam visārado hoti. Iti payog' āsaya-suddhassa āgamādhigama-sampannassa vacanam aruṇ'uggamanam viya suriyassa udayato, yoniso-manasikāro viya ca kusala-dhammassa arahati Bhagavato vacanassa pubbañgamam bhavitun-ti ṭhāne nidānam ṭhapento iñ me *sutan-ti* ādim-āha.

Aparo nayo. Iñ-ti iminā pubbe vutta-nayena nāna-ppakāra-ppaṭivedha-dīpakena attano attha-paṭisambhidā-paṭi-

* Dh. 6, 43.

† D. ii, 144.

¹ C vuttam.

² C tathā.

³ C hohi.

bhāpa-paṭisambhidā-sampatti-sabbhāvaṃ dīpeti. *Sutan*-ti iminā *īti*-sadda-sannidhānato vakkhamānāpekkhāya vā sotabba-bheda-paṭivedha-dīpakena dhamma-nirutti-paṭisambhidā-sampatti-sabbhāvaṃ dīpeti. *Iti*-ti ca idaṃ vuttanayen' eva yoniso-manaṣikāra-dīpakam vacanam bhāsamāno — 'ete mayā dhammā manasānupekkhitā, dīṭṭhiyā suppaṭi-viddhā'-ti dīpeti. Pariyatti-dhammā hi 'idha sīlam kathitam, idha samādhi, idha paññā ettakā ettha anusandhiyo'-ti ādinā nayena,¹ manasā anupekkhitā anusavākāra-parivitakka-parisambandhitāya dhamma-nijjhāna-khanti-bhūtāya nīta-pariññā-samkhātāya vā dīṭṭhiyā tattha tattha vutta-rūpārūpa-dhamme 'iti rūpaṃ, ettakaṃ rūpaṃ'-ti ādinā nayena suṭṭhu vavaṭṭhapetvā paṭi-viddhā attano ca paresaṇca hita-sukhāvahā honti-ti. *Sutan*-ti idaṃ savana-yoga-dīpakam vacanam bhāsamāno, 'bahū mayā dhammā sutā dhatā vacasā paricitā'-ti dīpeti. Sotāvadhāna-ppaṭibaddhā hi pariyatti-dhammassa savana-dhāraṇa-paricayā. Tad-ubhayena pi dhammassa svākhātā-bhāvena attha-byañjana-paripūriṃ dīpento savane ādaraṃ janeti. Attha-byañjana-paripunnam hi dhammam ādaraṇa asupanto mahato hitāya paribāhiro hoti-ti ādaraṃ janetvā sakkaccaṃ dhammo sotabbo-ti.²

Iti me sutan-ti iminā pana sakalena vacanena āyasmā Ānando Tathāgata-ppaveditam dhamma-vinayaṃ attano adahanto asappurisa-bhūmiṃ atikkamati, sāvakattaṃ paṭijānanto sappurisa-bhūmiṃ okkamati, tathā³ asaddhammā cittaṃ vutṭhāpeti, saddhamme cittaṃ paṭiṭṭhāpeti, 'kevalaṃ sutam-ev' etaṃ mayā, tass' eva pana Bhagavato vacanan'-ti dīpento attānaṃ parimoceti, Satthāraṃ apadisati, Jīna-vacanam appeti, dhamma-nettiṃ paṭṭhapeti. Api ca, *īti me sutan*-ti attanā uppādita-bhāvaṃ appaṭijānanto, purima-vacanam⁴ vivaranto, 'sammukhā paṭiggahitam idaṃ mayā tassa Bhagavato catu-vesāraja-visāradassa dasabala-dhārassa āsambhañṭhānaṭṭhāyino sīha-nāda-nadino sabba-satt' uttamassa dhamm' issarassa dhamma-rājassa dhammādhīpatino dhamma-dīpasa dhamma-saraṇassa saddhamma-va-cakkavattino Sammā-sambuddhassa, 'na ettha atthe vā dhamme vā pade

¹ C omits.² S omits.³ C 'savanam, also in fn., S.

vā byañjane vā kaṅkhā vā vimati vā kattabbā'-ti sabba-deva-manussānaṃ imasmiṃ dhamma-vinaye assaddhiyaṃ vināseti, saddhā-sampadaṃ uppādeti. Ten' etaṃ vuccati—

Vināsayati assaddhaṃ, saddhaṃ vaḍḍheti sāsane
Iti¹ me sutaṃ icc' evaṃ vadaṃ Gotama-sāvako-ti.

Etthāha-'kasmā pan' ettha yathā aññesu suttesu evaṃ me sutaṃ, ekaṃ samayaṃ Bhagavā²-ti ādinā kāla-dese apadisitvā va nidānaṃ bhāsitaṃ, evaṃ na bhāsitan'-ti? Apare tāva āhu-'na pana thereṇa bhāsitattā.' Idaṃ hi nidānaṃ āyasmatā Ānandena na paṭhamam bhāsitaṃ. Khujjuttarāya pana Bhagavatā upāsikāsu ca³ bahussuta-bhāvena etad-agge ṭhapitāya sekkha-paṭisambhida-ppattāya ariya-sāvikāya Sāmāvatī-pamukhānaṃ pañcannaṃ itthi-satānaṃ paṭhamam bhāsitaṃ.* Tatrāyaṃ anupubbi-kathā:—

Ito kira kappa-sata-sahasā-matthake Padumuttaro nāma Sammā-sambuddho loke uppajjitvā pavattita⁴-vara-dhamma-cakko Haṃsavatīyaṃ viharati.† Ath' eka-divasaṃ Haṃsavatīyaṃ ekā kuladhītā Satthu dhamma-desanaṃ⁵ sotuṃ gacchanti upāsikāhi saddhiṃ ārāmaṃ gatā Satthāraṃ ekaṃ upāsikaṃ bahu-ssutānaṃ etad-agge ṭhapentaṃ disvā, adhi-kāraṃ katvā taṃ ṭhān' antaraṃ paṭṭhesi. Satthā pi naṃ byākāsi,—'anāgate Gotamassa nāma Sammā-sambuddhasa sāvikā⁶ upāsikā⁶ bahussutānaṃ aggā bhavissasī'-ti. Tassā yāvajjivaṃ kusalaṃ katvā deva-loke nibbattitvā, puna manus-sesū-ti, evaṃ deva-manussesu saṃsarantiyā kappa-sata-sahasā⁶ atikkante,⁷ atha imasmiṃ Bhadda-kappe amhākaṃ Bhagavato kāle deva-lokato cavitvā Ghosita-seṭṭhissa gehe dhātiyā kucchismiṃ paṭisandhiṃ gaṇhi. Uttarātissā nāmaṃ akāmsu. Sā jāta-kāle khujjā ahoṣi-ti Khujjuttarā tveva paññāyittha. Sā aparabhāge Ghosita-seṭṭhinā rañño Udenassa Sāmāvatīyā dinna-kāle tassā paricārīka-bhāvena dinnā rañño Udenassa antepure vasati. Tena ca samayena Kosambiyaṃ

* Vide Dh. A. i, (Pt. ii.), pp. 208-10; Divy. 529-30; 575-76; P.J. ii, 543; A. A. i, 418 ff.

† J. i, 37.

¹ S evaṃ.

² S omīṭṭa.

³ C pavatta°.

⁴ S desanaṃ.

⁵ C 'kānaṃ.

⁶ C 'saṃ.

⁷ C 'kantaṃ.

Ghosita-seṭṭhi-Kukkuṭa-seṭṭhi-Pāvārika-seṭṭhino Bhagavan-
 taṃ uddissa tayo vihāre kāretvā janapada-cārikaṃ carante
 Tathāgate Kosambī-nagaraṃ sampatte Buddha-ppamu-
 khassa bhikkhu-saṃghassa¹ vihāre niyyādetvā mahā-dānāni
 pavattesuṃ. Māsamattaṃ pi atikkami.* Atha nesaṃ etad-
 ahoṣi—‘Buddhā nāma sabba-lokānukampakā aññesaṃ pi
 okāsaṃ dassāma’-ti. Kosambī-nagara-vāsino pi janassa
 okāsaṃ akāmsu. Tato paṭṭhāya nāgarā vīthiasabhāgena
 gaṇasabhāgena mahā-dānaṃ denti. Ath’eka-divasaṃ Satthā
 bhikkhu-saṃgha-parivuto Mālākāra-jeṭṭhakassa gehe nisīdi.
 Tasmim̐ khaṇe Khujjuttarā Sāmāvatīyā pupphāni gahetuṃ
 aṭṭha kahāpaṇe ādāya taṃ gehaṃ agamāsi. Mālākāra-
 jeṭṭhako taṃ disvā, ‘Amma Uttare, ajjat uyhaṃ pupphāni
 dātuṃ khaṇo n’atthi, ahaṃ Buddha-ppamukhaṃ bhikkhu-
 saṃghaṃ parivisāmi, tvaṃ pi parivesanāya sahāyikā hohi,
 evaṃ kate² paresaṃ veyyāvacca-karaṇato muccissasī’-ti āha.
 Tato Khujjuttarā Buddhānaṃ bhattagge veyyāvaccaṃ akāsi.
 Sā³ Satthārā upanisinna-kathā-vasena kathitaṃ sabbaṃ
 dhammaṃ uggaṇhi, anumodanaṃ pana sutvā sotāpatti-phale
 patitṭhāsi. Sā⁴ aññesu divasesu cattāro va⁵ kahāpaṇe datvā
 pupphāni gahetvā gacchati. Tasmim̐ pana divase diṭṭha-
 sacca-bhāvena parasantake cittaṃ anuppādetvā aṭṭhāpi ka-
 hāpaṇe datvā⁶ pacchim̐ pūretvā⁶ pupphāni gahetvā Sāmāvatīyā
 santikaṃ agamāsi. Atha naṃ sā pucchi,—‘Amma Uttare,
 tvaṃ aññesu divasesu na bahūni pupphāni āharasi, aṇṇa
 bahukāni, kinno rājā uttaritaraṃ pasanno’-ti? Sā musā
 vattuṃ abhabbatāya, atṭhe attanā kataṃ anigūhitvā sab-
 baṃ kathesi. ‘Atha kasmā aṇṇa bahūni āharitāni’-ti ca
 vuttā,—‘ajjāhaṃ Sammā-Sambuddhassa dhammaṃ sutvā
 amataṃ sacchākāsim̐, tasmā tumhe na vañcemī’-ti āha.
 Taṃ sutvā,—‘Are duṭṭha-dāsi, ettakaṃ kēlaṃ tayā gahite
 kahāpaṇe dehi’-ti atajjetvā pubba-hetunā codiyamānā, ‘amma
 tayā pītaṃ amataṃ amhe pi pāyehi’-ti vatvā, ‘tena hi maṃ

* Vide A.A. i, 438-40.

¹ S saṃghassa.

⁴ C tā.

² C ito.

⁵ C omits.

³ S omits.

⁶ S omits.

nahāpehi'-ti vutte, soḷasahi gandhodaka-ghaṭehi nahāpetvā, dve maṭṭha-sātake dāpesi. Sā ekaṃ nivāsetvā, ekaṃ ekaṃ-saṃ¹ pārupitvā, āsanam paññāpetvā, āsane nisīditvā, vicitra-vijjanim ādāya nīcāsanesu nisinnāni pañca mātugāma-satāni āmantetvā, sekkha-paṭisambhidāsu ṭhatvā, Satthārā desitanīyāmen' eva tāsaṃ dhammaṃ desesi. Desanāvasāne tā sabbā sotāpatti-phale patitṭhahiṃsu. Tā sabbā pi Khujjut-taraṃ vanditvā,—‘Amma, ajja paṭṭhāya tvaṃ kiliṭṭhakammaṃ mā kari, amhākaṃ mātutṭhāne ācariya-tṭhāne tiṭṭhāhi'-ti garu-tṭhāne ṭhapayiṃsu.

Kasmā pan' esā dāsī hutvā nibbattā-ti²? Sā kira Kassapa-Sammā-sambuddha-kāle Bārāṇasiyaṃ setṭhi-dhītā hutvā nibbattā, ekāya khīṇāsava-ttheriyā upaṭṭhāka-kulaṃ gatāya 'etamme ayye pasādhana-peḷikaṃ dethā'-ti veyyāvaccam kāresi. Therī pi 'adentiyā mayi āghātaṃ uppādetvā niraye nibbattissati, dentiyā paresaṃ dāsī hutvā nibbattissati' niraya-santāpato dāsibhāvo seyyo-ti anudayaṃ paṭicca, tassā vacanaṃ akāsi. Sā tena kammena pañca jāti-satāni paresaṃ dāsī-yeva hutvā nibbatti.

Kasmā pana khujjā ahosi? Anuppanne kira Buddhe Bārāṇasi-rañño gehe vasanti ekaṃ rāja-kulūpakaṃ Pacceka-Buddhaṃ thokaṃ khujja-dhātukaṃ disvā attanā sahavāsinaṃ mātu-gāmānaṃ purato parihāsaṃ karonti yathā-vajjaṃ keḷivasena khujjākāraṃ dassesi. Tasmā khujjā hutvā nibbatti.

Kim pana katvā mahā-paññā jātā-ti? Anuppanne kira² Buddhe Bārāṇasi-rañño gehe vasanti aṭṭha pacceka-Buddhe Rāja-gehato Uṇhapāyāsassa pūre patte parivattetvā parivattetvā gaṇhante disvā attano santakāni aṭṭha danta-valayāni idha ṭhapetvā gaṇhathā-ti adāsi. Te tathā katvā olokesuṃ. 'Tumhākaññev'etāni pariccattāni gahetvā gacchathā'-ti āha. Te nandamūlakapabbhāraṃ agamaṃsu. Ajjā pi tāni valayāni arogān'eva. Sā tassa nissandena mahāpaññā jātā.

Atha naṃ Sāmāvatī-pamukhāni pañca itthi-satāni, 'Amma, tvaṃ divase divase² Satthu-santikaṃ gantvā Bhagavatā-desitaṃ dhammaṃ sutvā amhākaṃ desehi'-ti vadiṃsu. Sā tathā koronti apara-bhāge Tīpīṭaka-dharā jātā. Tasmā

naṃ Satthā “ Etadaggaṃ bhikkhave mama sāvikanāṃ bahu-
ssutānaṃ upāsikānaṃ yad idaṃ Khujjuttarā ”-ti* etad-agge
ṭhapesi. Iti upāsikā bahussuta-bhāvena Satthārā etad-agge
ṭhapitā paṭisambhidappattā Khujjuttarā ariya-sāvikā Sat-
thari Kosambiyaṃ viharante kālena kālaṃ Satthu-santikaṃ
gantvā, dhammaṃ sutvā. antepuraṃ gantvā, Sāmāvati-
pamukhānaṃ pañcannaṃ itthi-satānaṃ ariya-sāvikānaṃ
Satthārā-desita-niyāmena yathā-sutaṃ dhammaṃ kathenti
attānaṃ parimocetvā Satthu-santike suta-bhāvaṃ pakāsentī
vuttaṃ h’etaṃ Bhagavutū vuttam-arahatū-ti me sutan-ti ādi¹
nidānaṃ āropesi.

Yasmā pana tasmaṃ yeva nagare Bhagavato sammukhā
suvā tad ahe’va tāya tāsāṃ bhāsitaṃ, tasmā ekaṃ samayaṃ
Bhagavā Kosambiyaṃ viharatī-ti kāla-desāṃ apadisituṃ
payojana-sambhavo va n’atthi vā supākāṭa-bhāvato. Bhik-
khuniyo-passū santike imāni suttāni gaṇhiṃsu. Evaṃ param-
parāya bhikkhūsu pi tāya āropitaṃ nidānaṃ pākāṭaṃ ahosi.
Ath’ āyasmā Ānando Tathāgatassa parinibbānato apara-bhāge
Sattapaṇṇa-guhāyaṃ Ajātasuttanā kārāpīte saddhamma-
maṇḍape Mahākassapa-ppamukhasa vasigaṇassa majjhe nisi-
ditvā dhammaṃ saṅgāyanto imesaṃ suttānaṃ nidānassa
dvaḥhakaṃ² pariharanto tāya āropita-niyāmen’eva nidānaṃ
āropesi-ti. Keci paṇ’ ettha bahūpakāre papañcenti. Kiṃ
tehi ?

Api ca nānā-nayehi saṅgīti-kārā dhamma-vinaye saṅgā-
yiṃsu. Anubuddhā hi dhamma-saṅgāhaka-mahātherā. Te
sammadeva dhamma-vinayassa saṅgāyanākāraṃ jānantā
katthaci ‘ evam-me sutan ’-ti ādinā, katthaci ‘ tena samayenā ’-
ti ādinā, katthaci gāthā-bandha-vasena nidānaṃ ṭhapentā,
katthaci sabbeṇa sabbaṃ nidānaṃ aṭhapentā vagga-saṅgahādi-
vasena dhamma-vinayaṃ saṅgāyiṃsu. Tattha idha *vuttaṃ h’-*
etan-ti ādinā nidānaṃ ṭhapetvā saṅgāyiṃsu. (Kiñci) sutta-
geyyādi-vasena nav’ aṅgam-idaṃ Buddha-vacanaṃ yathā-
c’etaṃ evaṃ sabbesaṃ-pi Sammā-sambuddhānaṃ. *Vuttaṃ-*
h’etan appakañca nesaṃ ahosi suttaṃ geyyan-ti-ādi. Tattha

* A. i, 26.

¹ S omiṭṭa.

² S dvadhātaṃ.

Iti-vuttak'aṅgassa aññaṃ kiñci na paññāyati tabbhāva-nimittam t̐apetvā *vuttam h' etam—pe—me sutan-ti* imaṃ¹ vacanam. Tenāhu at̐hakathācariyā *vuttañ-h' etam Bhagavatlā-ti* ādi-naya-ppavattā dvādas-uttara-sata-suttantā Iti-vuttakan-ti. Tasmā Satthu adhippāyam jānantehi dhamma-saṅgāhakehi ariya-sāvikāya pi vā imesaṃ suttānaṃ Iti-vuttak' aṅga-bhāva-nāpanattham iminā va nayena nidānam t̐apitan-ti veditabbam.

Kim-attham pana dhamma-vinaya-saṅgahe kariyamāne nidāna-vacanam vuttam²? Nanu Bhagavatā bhāsita-vacanaṃ³ eva saṅgaho kātabbo-ti? Vuccate, desanāya t̐hiti-asammosa-saddheyyabhāva-sampādanattham. Kāla-desadesaka-parisā-padeschi upanibandhitvā t̐hapitā hi desanā cira-t̐hitikā hoti, asammosa-dhammā saddheyyā ca. Desakāla-kattu-hetu-nimittchi upanibandho viya vohāra-viniccayo. Ten' eva ca āyasmatā Mahā-Kassapena Brahmajāla-Mūla-pariyāya-suttādīnaṃ desanādi-pucchāsu⁴ katāsu tāsūṃ visajjanaṃ karontena Dhamma-bhaṇḍāgārikena *evam-me sutan-ti* ādinā nidānam bhāsitaṃ. Idha pana desa-kūluggahaṇe kāraṇam vuttam-eva.

Api ca Satthu-sampatti-pakāsan' attham nidāna-vacanam. Tathāgatassa hi Bhagavato pubba-racanānumānāgama-takkābhāvato Sammā-sambuddha-bhāvasiddhi. Na hi Sammā-sambuddhassa pubba-racanādihi attho atthi sabbattha appa-t̐hata-nāṇa-cāratāya eka-ppamāṇattā ca ñeyya-dhammesu. Tathā ācariyamut̐thi-dhammamacchariya⁴ sāsana-sāvakānuggaha-bhāvato khīṇāsava-bhāva-siddhi. Na hi sabbaso khīṇāsavassa te sambhavantī-ti suvisuddhassa parānuggaha-vutti. Evam desaka - saṃkilesa - bhūtānaṃ diṭṭhisīla - sampadādūsakānaṃ avijjā - taṇhānaṃ accantābhāva-saṃsūcakehi nāṇa-sampadā-pahāna-sampadābhibyañjakehi ca sambuddhavisuddha-bhāvehi purima-vesārajja-dvaya-siddhi, tato ca antarāyika-niyyānika-dhammesu asammoha-bhāva-siddhito pacchima-vesārajja-dvaya-siddhi-ti. Bhagavato catu-vesārajja-samannāgamo atta-hita-para-hita-sannissayo nidā-

¹ C idam.

² C omits.

³ S desādi°.

⁴ After this S prefers in fn. the word "abhāvato," and "ca" after bhāvato below.

na-vacanena pakāsito hoti, tattha tattha sampatta-parisāya
 ajjhāsayānurūpaṃ tñānuppatti-paṭibhāpena dhamma-desanā-
 dīpanato. Idha pana anavasesa-kāma-dosa-ppahāna-vidhāya
 desanā-dīpanato cā-ti yojetabbam. Tena vuttaṃ Satthu-
 sampatti-pakāsanatthaṃ nidāna-vacanan-ti. Ettha ca *Bha-
 gavato ārahatā*-ti imehi padehi yathā-vutta-attha-vibhāva-
 natā heṭṭhā dassitā eva.

Tathā sāsana-sampatti-pakāsanatthaṃ nidāna-vacanam.
 Nānu nāna-karunā-pariggahita-sabba-kiriyassa hi Bhagavato
 n'atthi nīratthakā paṭipatti atta-hitā vā. Tasmā paresam
 eva atthāya pavatta-sabba-kiriyassa hi Sammā-sambuddhassa
 hi sakalam pi kāya-vacī-mano-kammaṃ yathā-pavattaṃ
 vuccamānaṃ diṭṭha-dhammika-samparāyika-paramatthehi
 yathārahaṃ sattānam-anusāsanatṭhena sāsanaṃ sabba-ra-
 canā¹ kāla²-desa-desaka-parisā-padesehi tattha tattha nidāna-
 vacanehi yathārahaṃ pakāsiyati. Idha pana desaka-parisā-
 padesehi-ti yojetabbam. Tena vuttaṃ sāsana-sampatti-pakā-
 sanatthaṃ nidāna-vacanan-ti.

Api ca Satthuno pamāṇa-bhāva-ppakāsanena sāsanaṃ
 pamāṇa-bhāva-dassanatthaṃ nidāna-vacanam. Tañc'assa
 pamāṇa-bhāva-dassanaṃ heṭṭhā vuttanayānusāreṇa *Bha-
 gavato ārahatā*-ti imehi padehi bhāvitā-ti veditabbam.
 Idam - ettha nidāna - vacana - ppayojanassa mukhamatta-
 nidassanan-ti.

Nidāna-vāṇṇanā niṭṭhitā.

¹ C na pubba-racanā.

² C Ta idam kāla°.

EKA-NIPĀTA-VANNA

I, 1. Idāni *ekadhammaṃ bhikkhave pajākathā*-ti ādinā nayena Bhagavatā nikkhittassa suttassa vannaṇāya okāso anupatto. Sā paṇ'esā atthavaṇṇanā, yasmā suttanikkhepaṃ vicāretvā vuccamānā pākaṭā hoti, tasmā sutta-nikkhepaṃ tāva vicāressāma.

*Cattāro hi suttanikkhepā¹; att'ajjhāsayo, par'ajjhāsayo, pucchāvasiko, atth'uppattiko-ti. Yathā hianeka-sata-sahasabhedāni pi suttantāni saṃkilesa-bhāgiyādi-paṭṭhāna-nayena soḷasa-vidhataṃ nātivattanti, evaṃ att'ajjhāsayādi-suttanikkhepa-vasena cattubbidhataṃ nātivattanti-ti. Tattha yathā att'ajjhāsayassa atth'uppattiyā ca par'ajjhāsayapucchāhi saddhiṃ saṃsaggabhedo sambhavati, att'ajjhāsayo ca par'ajjhāsayo ca pucchā-vasiko ca atth'uppattiko ca par'ajjhāsayo ca atth'uppattiko ca pucchāvasiko cā-ti att'ajjhāsayapucchānusandhi-sambhavato,² evaṃ yadi hi³ atth'uppattiyā att'ajjhāsayena-pi saṃsagga-bhedo sambhavati, att'ajjhāsayādihi pana purato tīthehi atth'uppattiyā saṃsaggo n'atthi-ti, niravaseso paṭṭhāna-nayo na sambhavati. Tadantogadhataṃ vā sambhavantānaṃ sesa-nikkhepānaṃ mūla-nikkhepa-vasena cattāro sutta-nikkhepā vuttā-ti veditabbaṃ.

Tatrāyaṃ vacan'attho:—Nikkhiṇiyati-ti nikkhepo. Suttaṃ eva nikkhepo sutta-nikkhepo. Athavā, nikkhepanaṃ nikkhepo. Suttassa nikkhepo sutta-nikkhepo. Sutta-desanā-ti attho. Attano ajjhāsayo att'ajjhāsayo. So assa atthi kāraṇa-bhūto-ti att'ajjhāsayo. Attano ajjhāsayo etassā-ti vā att'ajjhāsayo. Par'ajjhāsāye pi es'eva nayo. Pucchāya vaso-ti pucchāvaso. So etassa atthi-ti pucchāvasiko. Sutta-desanāya vatthu-bhūtaṃ atthassa uppatti atth'uppatti. Atth'uppatti eva atth'uppattikā.⁴ Sā etassa atthi-ti atth'up-

* Vide Udān'atthakathā, p. 29 ff.

¹ S nikkhepā.

² C ajjhāsayo.

³ C pi.

⁴ C 'pattiko.

pattiko. Athavā, nikkhiṭṭiyati suttaṃ etenā-ti nikkhepo, att'ajjhāsayādi eva. Etasmiṃ pana attha-vikappe attano ajjhāsayo att'ajjhāsayo. Paresaṃ ajjhāsayo par'ajjhāsayo. Pucchiyattī-ti pucchā, pucchitabbo attho. Pucchā-vasena pavattaṃ dhamma-patiggāhakaṇaṃ vacanaṃ pucchāvasaṃ. Tad-eva nikkhepa-saddāpekkhāya pucchāvasiko-ti¹ pulliṅga-vasena vuttaṃ. Tathā atth'uppatti eva atth'uppattiko-ti evam-ettha attho veditabbo.

Api-ca paresaṃ indriya-paripākādi-kāraṇa-nirapekkhattā att'ajjhāsayassa visuṃ sutta-nikkhepa-bhāvo yutto. Ten'-evāha—'Kevalaṃ attano ajjhāsayen' evā'-ti? Dhamma-tantiṭṭhaṇaṃ atthaṃ pavattita-desanattā. Par'ajjhāsayā-pucchā-vasikāṇaṃ pana paresaṃ ajjhāsayā-pucchāṇaṃ desanā-nimitta-hetu-bhūtaṇaṃ² uppattiyaṃ pavattitāṇaṃ kathaṃ atth'uppattiyaṃ anavarodho, pucchāvasik'atth'uppattikāṇaṃ vā par'ajjhāsayānuparodhena pavattitāṇaṃ kathaṃ par'ajjhāsaye anavarodho-ti na codetabbametāṃ? Paresaṃ abhinīhāra-paripucchādi-vinimutassa'eva sutta-desanā-kāraṇ'uppādassa atth'uppatti-bhāvena gahitattā par'ajjhāsayā-pucchāvasikāṇaṃ visuṃ gahaṇaṃ. Tathā-hi Brahmajāla-Dhammādayāda-suttādīnaṃ³ vaṇṇāvanna-āmis'uppādādi-desanā-nimittaṃ atth'uppatti⁴ vuccati. Paresaṃ pucchā vinā ajjhāsayameva nimittaṃ katvā desito par'ajjhāsayo. Pucchā-vasena desito pucchāvasiko-ti pākato'yamattho-ti.⁴ Yāni Bhagavā parehi anajjhittṭho kevalaṃ attano ajjhāsayen'eva katheti seyyathidaṃ *Ākaṃkheyya-suttaṃ*,† *Tuvattaka-suttaṃ*†-ti evamādīni tesāṃ att'ajjhāsayo nikkhepo. Yāni pana—“Paripakkā kho Rāhulassa vimutti-paripācanīyā dhammā, yannūnāhaṃ Rāhulaṃ uttarim āsavāṇaṃ khaye veneyyan”-tiṣ evaṃ paresaṃ ajjhāsayāṃ khantiṃ abhinīhāraṃ bujjhana-bhāvaṇa oloketvā par'ajjhāsayā-vasena kathitāni, seyyathidaṃ *Rāhulovāda-suttaṃ*,|| *Dhammacakka-ppavattana-suttaṃ*||-ti evamādīni, tesāṃ par'ajjhāsayo nikkhepo. Bhagavantaṃ

* Vide D. i, 1; M. i, 12 ff.

† Sn. 173.

|| M. iii, 277; S. iv, 105.

† M. i, 33.

§ M. iii, 277.

¶ Vin. i, 10; S. v, 420.

pana upasaṅkamitvā kho¹ devā, manussā, catasso parisā, cattāro vaṇṇā, tathā tathā pañhaṃ pucchanti,—“Bojjhaṅgā bojjhaṅgā-ti, bhante, vuccanti,” “nīvaranā nīvaranā-ti vuccanti”-ti* ādinā. Evaṃ puṭṭhena Bhagavatā yāni kathitāni *Bojjhanga-samyuttādāni*,† tesam pucchāvasiko nikkhepo. Yāni pana tāni uppannaṃ kāraṇaṃ paṭicca kathitāni, seyyathidaṃ ²*Dhamma-dāyāda-suttaṃ*. *Mamsūpa-maṃ*² *Dārukkhaṇḍhūpama*-ti‡ evamādinī, tesam atth’uppatiko nikkhepo. Evaṃ-imesu catūsu sutta-nikkhepesu imassa suttassa par’ajjhāsayo nikkhepo. Para’ajjhāsaya-vasena h’etaṃ nikkhattaṃ. Kesaṃ ajjhāsayena? Lobhe anādinava-dassinaṃ³ puggalānaṃ. Keci pana att’ajjhāsayo-ti vadanti.

Tattha *eka-dhammaṃ bhikkhave*-ti ādisu *eka-saddo* atth’eva aññ’atthe—“Sassato attā ca loko ca, idameva saccam moghamaññanti itth’eke abhivadanti”-ti§ ādisu. Atthi seṭṭhe—“Cetaso ekodi-bhāvan”-ti|| ādisu. Atthi asahāyo—“Eko vūpakaṭṭho”-ti¶ ādisu. Atthi saṃkhāyaṃ—“Eko ca kho, bhikkhave, khaṇo ca samayo ca brahmacariya-vāsāyā”-ti** ādisu. Idhāpi saṃkhāyameva daṭṭhabbo.

Dhamma-saddo pariyatti-sacca-samādhī-paññā-pakati-puññā-patti-suññatā-ñeyya-sabhāvādisu dissati. Tathā hi’ssa—“Idha bhikkhū dhammaṃ pariyāpunaṭi”-ti†† ādisu pariyatti attho. “Diṭṭhadhammo”-ti‡‡ ādisu saccāni. “Evaṃ dhammā te Bhagavanto ahesun”-ti§§ ādisu samādhī.

“Saccam dhammo dhiti cāgo

Sa ve pecca na socati”-ti||| ādisu paññā.

“Jātidhammānaṃ, bhikkhave, sattānaṃ evaṃ icchā upajjati”-ti¶¶ ādisu pakati. “Dhammo have rakkhati dhammacā-

* S. v, 72 ff.

† S. v, 63.

‡ M. i, 12; S. ii, 97; S. iv, 179, 181.

§ M. ii, 233; cf. D. i, 187.

|| M. i, 21; D. i, 37.

¶ M. i, 391; S. i, 140.

** A. iv, 227.

†† A. iii, 177.

‡‡ Vin. i, 12.

§§ D. ii, 10.

||| S. i, 215.

¶¶ M. iii, 250.

¹ S omits.

²⁻² C ²dāyādāsutta-Mamsūpamaṃ.

³ C ādinava°.

rin"-ti* ādisu puññaṃ. "Tippaṃ dhammānaṃ aṇṇata-
reṇa vadeyya, pārājikena vā saṃghādisesena vā pācittiyeṇa
vā"-ti† ādisu āpatti. "Tasmiṃ kho pana samaye dhammā
honti"-ti‡ ādisu suññatā. "Sabbe dhammā sabbākāreṇa
Buddhassa Bhagavato ñānamukhena āpāthaṃ āgacchanti"-ti§
ādisu ñeyyo. "Kusalā dhammā akusalā dhammā"-ti|| ādisu
sabhāvo attho. Idhāpi sabhāvo. Tasmā *ekadhamman*-ti
eka saṃkilesa-sabhāvan-ti adhippāyo. Eko ca so dhammo
cā-ti ekadhammo, taṃ ekadhammaṃ.

Bhikkhave-ti bhikkhu ālapati. Kimatthaṃ pana Bhagavā
dhammaṃ desento bhikkhu ālapati, na dhammameva deseti-
ti? Sati-janan'atthaṃ. Bhikkhū hi aṇṇaṃ cintentā pi dham-
maṃ paccavekkhantā pi kamma-tṭhānaṃ manasikarontā pi
nisinnā honti, tena¹ paṭhamam anālapetvā dhamme desi-
yamāṇeayaṃ desanā kiṃ-nidānā kiṃ-paccayā-ti sallakkhetuṃ
na sakkonti. Ālapitena pana² satim upaṭṭhapetvā sallak-
khetuṃ sakkonti, tasmā sati-jananatthaṃ *bhikkhave*-ti ālapati.
Tena ca tesam bhikkhūnaṃ sīlavatādi-guṇa-yoga-siddhena
hīnādhika-jana-sevita-vattaṃ pakāseto uddhata-ninnabhāve
niggahaṃ karoti. Bhikkhave-ti iminā karuṇā-vipphārasoma-
hadaya-nayana-nipāta-pubbaṅgamaṇa vacanena te attano
mukhābhimukhe karonto ten'eva kathetu-kamyatā-dīpakena
vacanena nesam sotu-kamyataṃ janeti. Ten'eva ca sambō-
dhan'aṭṭhena sādhukaṃ savane manasikāre pi niyojati. Sā-
dhukaṃ savana-manasikārāyattā³ hisāsana-sampatti. Aññesu
pi deva-manussesu pi³ parisa-pariyāpannesu vijjamānesu
kasmā bhikkhū eva āmantesi-ti? Jeṭṭha-seṭṭhāsanna-sadā-
sannihita-bhāvato. Sabbaparisa-sādhāraṇā hi Bhagavato
dhammadesanā. Parisāya ca jeṭṭhā bhikkhū paṭhamup-
pannattā. Seṭṭhā anāgāriyabhāvaṃ ādiṃ katvā satthu-cari-
yānuvidhāyakattā sakala-sāsana-ppaṭiggāhakattā ca. Āsan-
nā tattha nisinnesu saṃpavuttiyā. Sadā sannihitā satthu
santikāvacarattā vicarattā.² Api ca te dhammadesanāya

* Th. i, 303.

† Vin. iii, 189.

‡ Cf. Dhs. para. 147, 505, 534.

§ Nid. ii, 451.

|| Dhs. p. 1.

¹ C te.² S omits.³ C *kārāsattā.

bhājanam yathānusiṭṭham paṭipatti-sabhāvato savisesato ca. Ekacce bhikkhū sandhāya ayaṃ desanā-ti te eva ālapi.

Pajāhathā-ti ettha pahānam nāma tadañgapahānam, vikkhambhanappahānam, samucchadappahānam, paṭipassadhippahānam, nissaraṇappahānan-ti pañca-vidham. Tattha yaṃ dipāloken'eva tamassa paṭipakkha-bhāvato alobhādīhi lobhādikassa nāmarūpe-paricchedādi-vipassanā-ñāṇehi tassa¹ anattassa pahānam. Seyyathidaṃ pariccāgena lobhādimalassa, silena pānātipātādi-dussīlyassa, saddhādīhi assaddhiyādikassa, nāmarūpavavaṭṭhānena sakkāyaditṭhiyā, paccaya-pariggahena ahetu-visamahetu-ditṭhinam, tass'eva aparabhāgena kaṃkhāvitaraṇena kathamkathībhāvassa, kalāpa-sammasanena 'aham mamā'-ti gāhassa, maggāmaggavaṭṭhānena amagge magga-dassanāya, udayadassanena uccheda-ditṭhiyā, vāya-dassanena sassata-ditṭhiyā, bhaya-dassanena sabhayesu abhayasaññāya, ādīnava-dassanena asādasaññāya, nibbidānupassanena abhiratisaññāya, muñcitu-kamyatā-ñāṇena amuñcitu-kamyatāya, upekkhā-ñāṇena anūpekkhāya, anulomena dhammaṭṭhitiyā, nibbānena paṭilomabhāvassa, gotrabhunā saṃkhāra-nimitta-bhāvāya pahānametaṃ tadañgappahānam nāma. Yaṃ pana upacāraṇābhedenā samādhinā pavattibhāva-nivāraṇato ghaṭṭappahāren'eva udaka piṭṭhe sevālassa tesam tesam nīvaraṇādi-dhammānam pahānam, etaṃ vikkhambhanappahānam nāma. Yaṃ catunnam ariyamaggānam bhāvitattā taṃ taṃ maggavato attano santāne diṭṭhigatānam pahānāyā-ti ādinā nayena vuttassa samudaya-pakkiyassa kilesagaṇassa accantaṃ appavattibhāvena samucchindanam, idaṃ samuccheda-ppahānam nāma. Yaṃ pana phalakkhaṇe paṭipassaddhattam kilesānam, etaṃ paṭipassaddhi-ppahānam nāma. Yaṃ pana sabbasaṃkhatam nissatato pahīna-sabbasaṃkhatam nibbānam, etaṃ nissaraṇappahānam nāma. Evaṃ pañcavidhena pahānena anāgāmika-bhāvakarassa pahānassa adhippetattā idha samuccheda-ppahānan-ti veditaḥham. Tasmā *pajāhathā*-ti pariccajatha samucchindathā-ti attho.

Ahaṇ-ti Bhagavā attānam niddisati. *Vo*-ti ayaṃ vo-saddo

paccatta-upayoga-karaṇa-sāṁvivacana - padapūraṇa - sampadānesu dissati. Tathā hi—“ Kacci pana vo, Anuruddhā, samaggā sammodamānā ”-ti* ādisu paccatte āgato. “ Gacchatha, bhikkhave, paṇāmemi vo ”-ti† ādisu upayoge. “ Na vo mama santike vatthabban ”-ti‡ ādisu karaṇe. “ Sabbesaṃ vo, Sāriputta, subhāsitan ”-ti§ ādisu sāṁvivacane. “ Ye hi vo ariyā parisuddhakāyakammantā ”-ti¶ ādisu padapūraṇe. “ Vanapattha¹-pariyāyaṃ vo, bhikkhave, desissāmi ”-ti|| ādisu sampadāne. Idhāpi sampadāne eva daṭṭhabbo.

Pāṭibhogo-ti paṭibhū. So hi dhāraṇakam paṭicca dhanikassa, dhanikam paṭicca dhāraṇakassa paṭinidhibhūto dhanikasanta-kassa, tato haraṇādisaṃkhātena bhuñjanena bhogo-ti paṭibhogo. Paṭibhogo eva *pāṭibhogo*. *Anāgāmītāyā*-ti anāgāmi-bhāvatthāya. Paṭisandhiggahana-vasena hi kāmabhāvassa anāgamanato anāgāmi. Yo yassa dhammassa adhigamena anāgāmi-ti vuccati, saphalo so tatiyamaggo *anāgāmi* nāma.

Iti Bhagavā veneyya-damana-kusalo veneyy’ajjhāsaya-nukūlaṃ tatiyamaggādhigamaṃ lahunā upāyena ekadhamma-pūraṇatā-mattena² thiraṃ katvā dassesi yathā taṃ Sammā-sambuddho. Bhinna-bhūmikāpi hi paṭigha-saṃyojanādayo tatiya-magga-vajjhā kilesā kāmarāga-ppahānaṃ nātivattan-ti-ti.

Kasmā pan’ettha Bhagavā attānaṃ paṭibhoga-bhāve ṭhapesi? Tesam bhikkhūnaṃ anāgāmi-maggādhigamāya ussāhajananatthaṃ. Passati hi Bhagavā mayā³ *ekadhammaṃ bhikkhave pajahatha, ahaṃ vo paṭibhogo anāgāmītāyā*-ti vutte ime bhikkhū addhā naṃ ekadhammaṃ pahāya sakkā tatiyabhūmiṃ samadhigantaṃ yato Dhammasāmi paṭhamamāha *ahaṃ paṭibhogo*-ti ussāhajātā tathattāya paṭipajjitabbaṃ maññisanti-ti, tasmā ussāhajananatthaṃ anāgāmītāya tesam bhikkhūnaṃ attānaṃ paṭibhoga-bhāve ṭhapesi.

Katamaṃ ekadhammaṃ-ti ettha⁴ *katamaṃ*-ti pucchāvacanaṃ. Pucchāvacanaṃ nāmesā pañcavidhā: aditṭhajotana-pucchā, ditṭhasaṃsandana-pucchā, vimaticchēdanā-pucchā, anumati-

* M. i, 206.

† M. i, 457.

‡ M. i, 219.

§ M. i, 17.

|| M. i, 104.

¹ S vanasāṇḍe.² S omiṭṭa.³ C omiṭṭa.⁴ C tattā.

pucchā, kathetukamyatā-pucchā-ti.* Tattha pakatiyā lak-
khaṇaṃ aññātaṃ hoti adit̐ṭhaṃ atulitaṃ atiritaṃ aviditaṃ
avibhūtaṃ avibhāvitaṃ. Tassa nāpāya dassanāya tulanāya
tīraṇāya vibhūt'atthāya vibhāvan'atthāya pañhaṃ pucchati,
ayaṃ adit̐ṭha-jotana-pucchā. Pakatiyā lakkhaṇaṃ ñātaṃ
hoti diṭṭhaṃ tulitaṃ tiritāṃ vibhūtaṃ vibhāvitaṃ, so añ-
ñehi paṇḍitehi saddhiṃ saṃsandan'atthāya pañhaṃ puc-
chati, ayaṃ diṭṭhasaṃsandanā-pucchā. Pakatiyā saṃsa-
yapakkhanno hoti vimatipakkhanno dvelhakajāto 'evaṃ
nu kho, na nu kho, kinnu kho, kathaṃ nu kho'-ti, so
vimateccchedan'atthāya pañhaṃ pucchati, ayaṃ vimatecche-
danā-pucchā. Bhagavā hi anumattiggahaṇ'atthaṃ pañhaṃ
pucchati—"Taṃ kiṃ maññatha bhikkhave? Rūpaṃ nic-
caṃ vā aniccaṃ vā"-ti† ādinā ayaṃ anumati-pucchā. Bha-
gavā hi‡ bhikkhūnaṃ kathetukamyatāya pañhaṃ pucchati—
"Cattāro'me bhikkhave āhārā bhūtānaṃ vā sattānaṃ t̐hitiyā
sambhavesīnaṃ vā anuggahāya: kata 'me cattāro"-ti§ ayaṃ
kathetukamyatā-pucchā.

Tattha purimā tisso pucchā buddhānaṃ n'atthi. Kasmā
n'atthi? Tisu hi addhāsu kiñci saṃkhatāṃ addhāvinimut-
taṃ vā asaṃkhatāṃ sammāsambuddhānaṃ adit̐ṭhaṃ atuli-
taṃ atiritaṃ avibhūtaṃ avibhāvitaṃ nāma n'atthi, tena
nesaṃ² adit̐ṭhajotana-pucchā n'atthi. Yaṃ pana tehi attano
ñāpena paṭividdhaṃ, tassa aññena samaṇena vā brāhmaṇena
vā devena vā Mārena vā brahmunā vā saddhiṃ saṃsanda-
na-kiccaṃ n'atthi, tena nesaṃ² diṭṭha-saṃsandanā-pucchāpi
n'atthi. Yasmā pana Buddhā bhagavanto akathaṃ-kathī
tiṇṇavicikicchā sabbadhammesu vigatasāṃsayā, tena nesaṃ
vimateccchedanā-pucchā pi n'atthi. Itarā pana dve pucchā
atthi. Tāsu ayaṃ kathetu-kamyatā-pucchā-ti veditabbā.

Idāni tāya pucchāya puṭṭhamatthaṃ sarūpato dassento
lobhaṃ bhikkhave ekadhamman-ti ādimāha.

Tattha lubbhanti tena sayāṃ vā lubbhati, lubbhanamatta-
meva vā tan-ti lobho. Svāyaṃ ārammaṇaggahaṇa-lakkhaṇa
makkaṭālepo viya, abhisāṅgaraso tattakapāle pakkhittamaṃ-

* Vide Manoratha-Pūraṇī, p. 101 sqq.

† M. i, 138.

‡ S. ii, 11.

sapesi viya, apariccāgapaccupaṭṭhāno telañjanarāgo viya, saṃyojanīyesu dhammesu assādadassanapadaṭṭhāno taṇhā-nadī-bhāvena vaḍḍhamāno yattha samuppanno sīghasotā nadī viya mahāsamuddaṃ apāyameva taṃ sattaṃ gahetvā gacchatī-ti daṭṭhabbo. Kiñcāpiayaṃ lobha-saddo sabbalobha-sāmaññavacano, idha pana kāma-rāga-vacano-ti veditabbo. So hi anāgāmimagga-vajjho.

Puna *bhikkhave*-ti ālapanam dhammassa paṭiggāhakabhāvena abhimukhībhūtānaṃ tattha ādara-janan'atthaṃ.

Pajahathā-ti iminā pahānābhisamayō vihito. So ca pariññā-sacchikiriyā-bhāvanābhisamayehi saddhiṃ eva pavattati na visun-ti. Catusaccādhītṭhānāni cattāri pi sammādiṭṭhiyā kiccāni vihitān'eva honti. Yathā ca lobhaṃ *pajahathā*-ti vutte pahānekaṭṭhabhāvato dosādīnaṃ pi pahānaṃ atthato vuttameva hoti, evaṃ samudaya-saccavisaṃsaṃ sammādiṭṭhikicce pahānābhisamaye vutte tassā saha-kārīkāraṇabhūtānaṃ sammāsaṅkappādīnaṃ sesamagg'aṅgānaṃ pi samudayasacca-visaya-kiccaṃ atthato vuttameva hotī-ti, paripunṇo ariyamagga-byāpāro idha kathito-ti daṭṭhabbaṃ. Iminā nayena satipaṭṭhānādīnaṃ pi bodhipakkhiyadhammānaṃ byāpārassa idha vuttabhāvo. Yathārahaṃ vitthāletabbaṃ.

Api c'ettha lobhaṃ *pajahathā*-ti etena pahāna-pariññā vuttā. Sā ca tīraṇapariññādhītṭhānā tīraṇapariññā ca nītapariññādhītṭhānā-ti adhiṭṭhāna-bhāvena tisso pi pariññā bodhitā honti. Evamettha saha-phalena catu-sacca-kammaṭṭhānaṃ paripunṇaṃ katvā pakāsitaṃ-ti daṭṭhabbaṃ. Athavā, lobhaṃ *pajahathā*-ti sahaphalena nīpadassana-visuddhi desitā. Sā ca paṭipadāññāpadassana - visuddhi - sannissayā—pe—cittavi-suddhi-sīla-visuddhi-sannissayā cā-ti nānantarika-bhāvena sahaphalena sabbāpi satta visuddhiyo vibhāvitā-ti veditabbaṃ. Evametāya visuddhika-bhāvanāya pariññā-ttayaṃ sampādanena lobhaṃ pajahitukāmena—

Anatthajanano lobho, lobho cittappakopano

Bhayamantarato jātaṃ taṃ jano nāvabujjhati.

Luddho atthaṃ na jānāti, luddho dhammaṃ na passati,

Andhatamaṃ tadā hoti, yaṃ lobho sahate naraṃ.*

“ Ratto kho āvuso rāgena abhibhūto pariyādinna-citto pāṇaṃ pi hanati, adinnaṃ pi ādiyati, sandhiṃ pi chindati, nillopaṃ pi harati, ekāgārikaṃ pi karoti, paripantho pi tiṭṭhati, parādāraṃ pi gacchati, musāpi bhanati, tadapi tesaṃ bhavataṃ samaṇa-brāhmaṇānaṃ ajānataṃ apassataṃ avedayataṃ taṇhānuga-tānaṃ paritasitaṃ vipphanditameva.”*

“ Tanhādutiyo puriso dīghamaddhāna-saṃsaraṃ
Itthabhāv’aññathābhāvaṃ saṃsāraṃ nātivattati ”†
“ N’atthi rāgasamo aggi, n’atthi dosasamo kali ”‡
“ Kāmarāgena dayhāmi, cittaṃ me pariḍayhati.”§
“ Ye rāgarattānupatanti sotāṃ.
Sayāṃ kataṃ makkaṭako va jālan ”-ti|| ca.

Evamādi suttapadānusāreṇa nānāyehi lobhassa ādīnavaṃ paccavekkhitvā taṃ pahānāya paṭipajjitabbaṃ.

Api ca cha dhammā kāmarāgassa pahānāya saṃvattanti: asubhanimittassa uggaho, asubha-bhāvanānuyogo, indriyesu guttadvāratā, bhojane mattaññutā, kalyāṇa-mittatā, sappāya-kathā. Dasavidhaṃ hi asubhanimittaṃ uggāḥantassāpi kāma-rāgo pahiyyati, kāyagatāsati bhāvanā-vasena saviññāpake, uddhamātakādi-vasena aviññāpake asubhe, asubha-bhāvanānuyogam-anuyuttassāpi, manachatṭhesu indriyesu saṃvaraṇa-vasena satikavāṭena plhitadvārassāpi, catunnaṃ pañcanaṃ vā ālopānaṃ okāse sati udakaṃ pīvitvā yāpanasīlatāya bhojane mattaññuno pi. Ten’evāha—

Cattāro pañca ālope abhutvā udakaṃ pīve
Alaṃ phāsuviḥārāya pahitattassa bhikkhuno¶-ti.

Asubha-kammaṭṭhāna-bhāvanārate kalyāṇamitte sevantaṃ tassāpi ṭhānanisajjādisu dasa-asubha-nissita-sappāyakathāya pi pahiyyati. Ten’evāha—“ Atthi bhikkhave asubhanimittaṃ, tattha yoniso manasikāro bahulikāro ayamāhāro anuppannassa vā kāmacchandassa anuppādāya uppannassa vā kāmacchandassa pahānāyā ”-ti.** Evaṃ pubba-bhāge

* A. i, 156-9; Vin. ii, 153; D. i, 52.

† A. ii, 10.

‡ Dh. 30.

§ S. i, 188.

|| Dh. 50.

¶ Th. 983.

** Cf. S. v, 105 (with anāhāro for āhāro, uppādāya for anuppādāya, and pahānāya in the end); also A. i, 4.

kāmarāga-saṃkhātassa lobhassa pahānāya paṭipanno vipassanaṃ ussukkāpetvā tatiya-maggena¹ taṃ anavasesato samucchindati. Tena vuttaṃ lobhaṃ bhikkhave ekadhammaṃ pajahatha, ahaṃ vo paṭibhogo anāgāmīti²ti.

Etthāha-ko paṇ'ettha lobho pahiyati, kiṃ atīto atha anāgato udāhu paccuppanno-ti ? Kiñc'ettha na tāva atīto lobho pahiyeyya anāgato vā tesaṃ abhāvato. Na hi niruddhaṃ anuppannaṃ vā atthī-ti vuccati, vāyāmo ca aphalo āpajjati. Atha paccuppanno evampi aphalo vāyāmo tassa sarasabhañgattā,³ saṃkiliṭṭhā ca maggabhāvanā āpajjati cittavippayutto vā lobho siyā, na cāyaṃ nayo icchito-ti. Vuccate tena⁴ vuttanayena atītānāgata-paccuppanno lobho pahiyati. Seyyathāpi idha taruṇo rukkho asaṇṇjātaphalo taṃ puriso kudhāriyā mūle chindeyya tassa rukkhassa chede asati yāni phalāni nibbatteyyuṃ tāni rukkhassa chinnattā ajātāni eva na jāyeyyuṃ, evameva ariya-maggādhigame asati uppañjanāraho lobho ariyamaggādhigamena paccayaghātassa katattā na uppañjati. Ayaṃ hi atṭhakathāsu bhūmiladdhuppanno-ti vuccati. Vipassanāya hi ārammaṇabhūtā pañcakkhandhā, tassa uppañjanaṭṭhānatāya bhūmi nāma. Sā bhūmi tena laddhā-ti katvā bhūmiladdhuppanno. Ārammaṇādhiggahituppanno avikkhambhituppanno asamūhatuppanno-ti ca ayameva pavuccati.⁵

Tatthā-ti tasmim sutte. Ekam⁶ sutta-jātam⁷ idāni gāthābandha-vasena vuccatī-ti.⁸ Kena pana vuccatī⁹ ? Bhagavatā ca.¹⁰ Aññesu hi tādisesu ṭhānesu saṅgītikārehi upanibandhā gāthā honti. Idha pana Bhagavatā va gāthā-rucikānaṃ puggalānaṃ ajjhāsaya-vasena vuttamevatthaṃ gahetvā gāthā bhāsītā.

Tattha yena lobhena luddhāse sattā gacchanti duggatin-ti yena ārammaṇa-ggahana-lakkhaṇena tato eva abhisāṅgarasena lobhena luddhā ajjhattika-bāhiresu āyatanesu giddhā gadhitā. Se-ti hi nipātamattaṃ. Akkharacintakā pana idisesu ṭhānesu sekārāgamaṃ icchanti. Tatthā luddhattā eva kāya-sucaritādīsu kiñci sucaritaṃ akatvā kāyaduccaritādīni ca

¹ C °neva.

² C na pabhañgattā, also in S fn.

³ S na.

⁴ C vuccati.

⁵ C etanti.

⁶ C etaṃ atthajātam.

⁷ C vuccamānaṃ.

⁸⁻⁹ C iti vuccati—etena puna vuccatīti.

¹⁰ S va.

upacinitvā rūpādisu satta-visattatāya sattā-ti laddhanāmā pañino dukkhassa nipphattitṭhānatāya duggatī-ti saṃkhyam gatam nirayam tiracchānayanim pīttivīsayañca paṭisandhig-gaḥaṇa-vasena gacchanti uppajjanti.

Tam¹ lobham sammadaññāya pajahanti vipassino-ti tam yathāvuttam lobham sabhāvato samudayato atthaṅgamato assādato ādinavato nissaranato-ti imehi ākārehi sammā aviparitam hetunā ñāpena aññāya ñāta-tīraṇapariññā-saṃ-khātāya paññāya jānitvā rūpālike pañc'upādāna-kkhandhe aniccādihi vividhehi ākārehi passanato vipassino avasiṭṭha-kilese vipassanāpaññāpubbaṅgamāya maggapaññāya samuccheda-ppahāna-vasena pajahanti, na puna attano santāne uppajjitum denti.

Pahāya na punāyanti imam lokam kudācanan-ti evam (saha) jetṭhakappahānekattṭhehi avasiṭṭha-kilesehi saddhim tam lobham anāgāmi-maggena pajahitvā puna pacchā imam kāmādhātu-saṃkhātam lokam paṭisandhiggahaṇa-vasena kudācīpi na āgacchanti, orambhāgiyānam saṃyojanānam sup-pahīnattā. Iti Bhagavā anāgāmiphalena desanam niṭṭhā-pesi.

Ayampi attho-ti nidānāvasānato pabhūti yāva gāthāpari-yosānā iminā suttena pakāsito attho. *Api-saddo* idāni vak-khamāna-suttattha-sampīḍano. Sesam vuttanayameva.

Imasmim sutte samudaya-saccam sarūpen'eva āgatam. Pahānāpadesena maggasaccam. Itaram saccadvayam tadubhaya-hetutāya niddhāretabbam. Gāthāya pana dukkha-samudaya-magga-saccāni yathārutta-vasen'eva ñāyanti. Itaram niddhāretabbam. Esa nayo ito paresu-pi suttasu.

Paramatthadīpaniyā Khuddaka-Nikāy'atṭhakathāya Iti-vuttaka-vaṇṇanāya paṭhama-sutta-vaṇṇanā niṭṭhitā.

2. *Vuttam h'etam—pe—dosan-ti* dutiya-suttam. Tatrāyam apubba-pada-vaṇṇanā. Yathā ettha evam ito paresu-pi sabbattha apubba-pada-vaṇṇanam yeva karissāma. Yasmi idam suttam dosabahulānam puggalānam ajjhāsayaṃ olo-

ketvā dosavūpasaman'attham desitam, tasmā *dosam bhikkhave ekadhammam pajāhathā*-ti āgataṃ.

Tattha *dosan*-ti—"Anattham me acarī-ti āghāto jāyati"-ti* ādinā nayena sutte vuttānaṃ navannaṃ attham me nācarī-ti ādināñca tappatipakkhato siddhānaṃ ¹navannaṃ cā-ti¹ atthārasannaṃ khāpukaṇṭakādinā atthānena saddhiṃ ekūnavisatiyā aññatarāghātavatthu-sambhavaṃ āghātaṃ. So hi dussan ti tena, sayam vā dussati, dussanamattameva vā tan-ti doso-ti vuccati. So caṇḍikkalakakhaṇo pahatāsiviso viya visappanaraso visanipāto viya attano nissayadahanaraso vā dāvaggi viya dussanapaccupaṭṭhāno laddhokāso viya sapatto yathāvutta-āghāta-vatthu-padaṭṭhāno visa-saṃsatthapūti-muttaṃ viya daṭṭhabbo. *Pajāhathā*-ti samucchindatha.

Tattha ye ime—"Pañc'ime bhikkhave āghātappaṭivīṇayā, yattha bhikkhuno uppanno āghāto sabbaso paṭivīṇetabbo. Katame pañca? Yasmiṃ bhikkhave puggale āghāto jāyetha, mettā tasmīṃ puggale bhāvetabbā—pe—karuṇā—pe—muditā²—pe²—upekkhā—pe²—asatimanasikāro tasmīṃ puggale āpajjitabbo, evaṃ tasmīṃ puggale āghāto paṭivīṇetabbo. ³Yasmin bhikkhave puggale āghāto jāyetha,³ kammassakataēva vā tasmīṃ puggale adhiṭṭhātābbā kammassako ayamāyasmā kammaḍāyādo bhavissati"-ti† evaṃ pañca āghātappaṭivīṇayā vuttā eva—"Pañc'ime āvuso āghātappaṭivīṇayā, yattha bhikkhuno uppanno āghāto sabbaso paṭivīṇetabbo. Katame pañca? Idhāvuso ekacco puggalo aparisuddhakāyasamācāro hoti, aparisuddhavadāsamācāro, evarūpe pi āvuso puggale āghāto paṭivīṇetabbo"-ti,‡ evamādinā pi nayena pañca āghātappaṭivīṇayā vuttā. Tesu yenakenaci āghātappaṭivīṇayavidhinā paccavekkhitā-ti.² Api ca yo⁴—"Ubhatodaṇḍakena ce pi bhikkhave kakacena corā ocarakā aṅgamaṅgāni okanteyyūṃ, tatrāpi yo mano padoseyya na me so tena² sāsana-karo ti."§ Satthu ovādo—

* Vibhaṅga, p. 362.

† A. iii, 186.

† A. iii, 185-6.

‡ M. i, 129.

¹⁻¹ C °mevāti.

² S omits.

²⁻³ S omits.

⁴ C omits.

“ Tass’eva tena pāpiyo yo kuddham paṭikujjhati
 Kuddham appaṭikujjhanto saṅgāmaṃ jeti dujjayaṃ
 Ubhinnaṃattham carati attano ca parassa ca
 Paraṃ saṃkupaṭamā natvā yo sato upasammati ”-ti.*

“ Satt’ime bhikkhave dhammā sapattakantā sapattakaraṇā kodhanam āgacchanti itthiṃ vā purisaṃ vā. Katame satta? Idha bhikkhave sapatto sapattassa evaṃ icchati-‘aho vatāyaṃ dubbhaṇṇo assā’ ti. Taṃ kissa hetu? Na bhikkhave sapatto sapattassa vaṇṇavatāya nandati. Kodhanāyaṃ bhikkhave purisapuggalo kodhābhibhūto kodhapareto kiñcāpi so hoti sunahāto suvilitto kappitakesamassu odātavathavāsano, atha kho dubbhaṇṇo va hoti kodhābhibhūto. Ayaṃ bhikkhave paṭhamo dhammo sapattakanto sapattakaraṇo kodhanamāgacchati itthiṃ vā purisaṃ vā.

“ Puna ca paraṃ bhikkhave sapatto sapattassa evaṃ icchati-‘aho vatāyaṃ dukkham sayeyyā’ ti—pe¹—‘na pacurattho assā’ ti—pe—‘na bhogavā assā’ ti—pe—‘na yasavā assā’ ti—pe—na mittavā assā’ ti—pe—‘kāyassa bheda parammaraṇā apāyaṃ duggatiṃ vinipātaṃ nirayaṃ upapajjeyyā’ ti. Taṃ kissa hetu? Na bhikkhave sapatto sapattassa sugatigamanena nandati, kodhanāyaṃ bhikkhave purisapuggalo kodhābhibhūto kodhapareto kāyena duccaritaṃ carati vācāya duccaritaṃ carati manasā duccaritaṃ carati, so kāyena duccaritaṃ caritvā vācāya duccaritaṃ caritvā manasā duccaritaṃ caritvā kāyassa bheda parammaraṇā—pe—nirayaṃ uppajjati kodhābhibhūto ”-ti.†

“ Kuddho attham na jānāti, kuddho dhammaṃ na passati.”‡
 —pe . . .

“ Kodham jahe vipphaṇṇaṃ mānaṃ
 Saṃyojanaṃ sabbamatikkameyya.”§

Pe . . . “ Anattahajjanāno kodho, kodho cittappakopano.”‡

* S. i, 163, 222.

† A. iv, 96.

‡ A. iv, 94-6.

§ Dh. 33, 221.

“Kodhaṃ ghatvā sukkaṃ seti kodhaṃ ghatvā na socati.
Kodhassa visamūlassa madhuraggassa brahamaṇā”-ti.*
“Ekāparādhamaṃ khama bhūripaṇṇā
Na paṇḍitā kodhabalā bhāvanti”-ti †

evamādinā nayena dosa ādinave vutta-ppaṭipakkhato dosa-
ppahāne ānisaṃse ca paccavekkhitvā pubbabhāge dosaṃ
tadaṅgappahānādi-vasena pajahitvā vipassanaṃ ussukkāpe-
tvā tatiya-maggena sabbaso dosaṃ samucchindatha paja-
hathā-ti tesam bhikkhūnaṃ tattha niyojanaṃ. Tena vuttaṃ
dosaṃ bhikkhave ekadhammaṃ pajahathā-ti.

Duṭṭhāse-ti āghātena dūsita-cittatāya paduṭṭhā. Sesam-
ettha yaṃ vattabbaṃ taṃ paṭhama-sutta-vaṇṇanāyaṃ
vuttanayameva.

Dutiyasuttavaṇṇanā.

3. Tatiye: *Mohan*-ti aññaṃ. Taṃ hi—“Dukkhe añ-
ṇaṃ, dukkhasamudaye aññaṃ, dukkhanirodhe aññaṃ,
dukkhanīrodhagāminiyā paṭipadāya aññaṃ”†-ti ādinā na-
yena Vibhaṅge anekabhedam pi. Muihanti tena sayam vā
muihati muihamattamevā vā tan-ti *moho*-ti vuccati. So
cittassa andha-bhāva-lakkhaṇo añña-lakkhaṇo vā, asampa-
ṭivedharaso ārammaṇa-sabhāva-cchādanaraso vā, sammo-
ha-ppaṭipatti-paccupaṭṭhāno andhakāra-paccupaṭṭhāno vā,
ayonisomanasikārapadaṭṭhāno sabbākusalānaṃ mūlan-ti
daṭṭhabbo.

*Idāni*¹ *pajahathā*-ti padassa—

“Mūlho atthaṃ na jānāti, mūlho dhammaṃ na passati,
Andhatamaṃ tadā hoti yaṃ moho sahate naraṃ.”§

“Anatthajanano moho—pe . . .”§

“Avijjā bhikkhave pubbaṅgamā akusalānaṃ dhammānaṃ
eva samāpattiya.”||

* S. i, 161, with *chetvā* for *ghatvā*.

† J. iv, 313.

‡ Vibh. 362.

§ It. 84.

|| It. 34.

"Mohasambandhano loko bhabbarūpo'va dassati"*

"Moho nidānaṃ kammānaṃ samudayāya"†

"Mūlho kho brāhmaṇa mohena abhibhūto pariyādinnaocitto diṭṭhadhammikaṃ pi bhayaṃ veraṃ pasavati, samparāyikaṃ pi bhayaṃ veraṃ pasavati"-ti‡ ca ādinā nayena yo koci kāmaccchandādi - kilesa - dhammehi nibbattetabbo anatto sabbo so mohahetuko-ti ca mohe ādinavaṃ tappatipakkhato moha-ppahāne ānisaṃsañña paocavekkhitvā kāmaccchandādi-ppahāna-kkamen'eva pubbabhāge tadañgādivasena mohaṃ pajahantā tatiyamaggena yathāvuttalobhadosa'ekattaṃ mohaṃ samucchadavasena *pajahatā*-ti attho daṭṭhabbo. Anāgāmimaggaṃ vajjho eva hi moho idhādhippeto-ti.

Mūlhāse-ti kusalākusala-sāvajjānavajjādi-bhede attano hitāhite sammūlha. Sesaṃ vuttanayameva.

Tatiyasuttavaṇṇanā.

4. Catutthe. *Kodhan*-ti dosaṃ. Doso eva hi kodha-pariyāyena bujjanakānaṃ puggalānaṃ ajjhāsa-vasena evaṃ vutto, tasmā dutiya-sutte vuttanayen'eva o'ettha attho veditabbo. Api ca kujjhanalakkhaṇo kodho, āghāta-karaṇa-raso cittaṃ byāpattibhāva-paccupaṭṭhāno, cetaso pūcibhāvo daṭṭhabbo¹-ti. Ayamapi viseso veditabbo.

Catutthasuttavaṇṇanā.

5. Pañcime. *Makkhan*-ti paraguṇamakkhaṇaṃ. Yadi pi hi so gūṭhaṃ gahetvā paraṃ paharanto viya attano kāyaṃ² paṭhamataraṃ makkhati yeva, tathā pi paresaṃ guṇamakkhaṇādhippāyena pavattetabbatāya paraguṇamakkhaṇo-ti vuocati. Tathā hi so udakapūñjanaṃ viya nahātassa sariragataṃ udakaṃ paresaṃ guṇe makkheti, pūñjati, vinā-

* Udāna, 79.

† A. i, 134.

‡ For the first part see A. i, 157 ff.

¹ C paḍaṭṭhānoti.

² C karaṇa.

seti. Paresaṃ hi pākāṭānaṃ nāma mahantānaṃ pi kārānaṃ khepanato dhammasanato makkho-ti vuccati. So paraguna-makkhanalakkaḥaṇo tesāṃ vināsanaraso tadavacchādana-paccupaṭṭhāno. Atthato pana paresaṃ guṇamakkhanākāreṇa pavatto domanassa-sahagatacittuppādo-ti daṭṭhabbaṃ. *Pajāhathā*-ti tattha vuttappabhedanica dose ca vuttanayaṃ ādinavaṃ ādinavappahānen'ev'assa ānisaṃsaṃ paccavekkhitvā, pubba-bhāge tadañigādivasena pajahantā, vipassanaṃ usukkāpetvā vā, tatiyamaggena anavasesaṃ samucchinda-thā-ti attho.

*Makkhāse*¹-ti makkhitaparagunā² paresaṃ guṇānaṃ makkhitāro. Tato eva attano pi dhammitagunā-ti attho. Sesaṃ vuttanayameva.

Pañcamaśuttavaṇṇanā.

6. Chaṭṭhe : *Māna*-ti jātiādivatthukaṃ cetaso uppa-manāṃ. So hi-'Seyyo'hamasmi'-ti* ādinā nayena maññanti tena sayāṃ vā maññanti mānaṃ sampaggaho-ti vā māno-ti vuccati. Svāyaṃ 'seyyo'hamasmi'-ti māno, 'sadiso'hamasmi'-ti māno, hīno'hamasmi'-ti māno-ti evaṃ tividho hoti.³ Puna seyyassa seyyo'hamasmi'-ti māno, seyyassa sadiso, seyyassa hīno, sadisassa seyyo, sadisassa sadiso, sadisassa hīno, hīnassa seyyo, hīnassa sadiso, hīnassa hīno'hamasmi'-ti, māno-ti evaṃ navavidho pi uppāti-lakkaḥaṇo ahaṃkāraraso sampaggaharaso vā, uddhamātabhāvapaccupaṭṭhāno ketukamyatāpaccupaṭṭhāno vā, diṭṭhivippayutta-lobhapadaṭṭhāno ummādo viyā-ti daṭṭhabbo. *Pajāhathā*-ti tassa sabbassa pi attukkaṃsana-paravambhana-nimittatā, garuṭṭhāniyesu abhivādana-paccuṭṭhāna-añjalikamma-sāmicikammādināṃ akaraṇe kāraṇatā, jātimada-purisaamadādi-bhāvena pamādāpattihetubhāvo-ti evamādi-bhedāṃ ādinavaṃ tappaṭipakkhato nirabhimānatāya ānisaṃsaṃ paccavekkhitvā, rājasabhaṃ anuppatta-caṇḍālo viya sabrahmacārisu nīvacittataṃ paccupaṭṭhapetvā, pubba-bhāge tadañigādivasena

* S. iii, 48-9, also for " tividho māno " foll. and Vibh. 346; etc.

¹ S Makkhitāseti.

² C makkhitā guṇā.

³ S omīta.

taṃ pajahantā vipassanaṃ vaḍḍhetvā anāgānimaggena samucchindathā-ti attho. Anāgānimaggavajjho eva hi māno idhādhippeto.

Mattāse-ti jātimada-purisaamadādi-vasena mānena pamāda-pattihetubhūtena mattā attānaṃ paggaḥetvā madantā.¹ Sesaṃ vuttanayameva.

Imesu pana paṭipāṭiyā chasu suttesu gāthāsu vā anāgāmi-phalaṃ pāpetvā desanā niṭṭhāpitā.

Tattha ye ime avihā atappā sudassā sudassā akaniṭṭhā-ti uppatti-bhava-vasena pañca anāgāmino. Tesu avihesu uppannā avihā nāma. Te antarāparinibbāyī, upahaccaparinibbāyī, asaṃkhāraparinibbāyī, sasaṃkhāraparinibbāyī, uddhamso-akaniṭṭhagāmi-ti pañcavidhā. Tathā atappā sudassā sudassino. Akaniṭṭhesu pana uddhamso-akaniṭṭhagāmi parihāyati. Tattha yo avihādisu uppajjitvā, āyuvemajjhaṃ anatikkamitvā, arahattappattiyā kilesa-parinibbānena parinibbāyati, ayaṃ antarāparinibbāyī nāma. Yo pana avihādisu ādito pañcakappasatādibhedam āyuvemajjhaṃ atikkamitvā parinibbāyati, ayaṃ upahacca-parinibbāyī nāma. Yo asaṃkhāreṇa adhimatta-ppayogaṃ akatvā appa-dukkena kilesa-parinibbānena parinibbāyati, ayaṃ asaṃkhāra-parinibbāyī nāma. Yo pana sasaṃkhāreṇa adhimatta-ppayogaṃ katvā kicchena kasireṇa parinibbāyati, ayaṃ sasaṃkhāra-parinibbāyī nāma. Itaro pana avihādisu uddham-gahita-bhāvena uddhamassa taṇhā-sotaṃ maggasotameva cā-ti uddhamso. Avihādisu uppajjitvā arahattaṃ pattup-asakkonto tattha tattha yāvatāyukaṃ thatvā paṭisandhigga-haṇa-vasena akaniṭṭhaṃ gacchatī-ti akaniṭṭhagāmi.

Ettha ca uddhamso-akaniṭṭhagāmi, ²uddhamso-na-akaniṭṭhagāmi, na-uddhamso-akaniṭṭhagāmi, na-uddhamso-na-akaniṭṭhagāmi-ti³ catukkaṃ veditabbaṃ. Kathaṃ? Yo avihāto paṭṭhāya cattāro devaloke sodhetvā, akaniṭṭhaṃ gantvā parinibbāyati, ayaṃ 'uddhamso-akaniṭṭhagāmi' nāma. Yo pana hetthā tayo devaloke sodhetvā, sudassā devaloke thatvā parinibbāyati, ayaṃ 'uddhamso-na-akaniṭṭhagāmi' nāma. Yo ito akaniṭṭhameva gantvā pari-

¹ C corantā.

² C omīta.

nibbāyati, ayaṃ 'na-uddhamso-to-akanitṭhagāmi' nāma. Yo pana heṭṭhā catūsu deva-lokesu ṭhatvā tattha tatth'eva parinibbāyati, ayaṃ 'na-uddhamso-to-na-akanitṭhagāmi' nāmā-ti.

Tattha aviheṣu uppajjitvā kappasatato oraṃ parinibbāyiko, dvinnāṃ kappasatānaṃ matthake parinibbāyiko, pañcakappasate asampattamatte parinibbāyiko-ti tayo antarā-parinibbāyinaṃ.¹ Vuttañh'etaṃ—"Uppannaṃ vā samanantaraṃ apattaṃ vā vemaṃjjhanti."² Vā-saddena hi pattamaggo³ pi saṅgahito-ti.

Evāṃ tayo antarā-parinibbāyino eko upahacca-parinibbāyī, eko uddhamso-to. Tesu asaṃkhāra-parinibbāyino pañca, asaṃkhāra-parinibbāyino pañcā-ti dasa honti. Tathā stappāsu sudassāsu sudassisū-ti cattāro dasakā cattāḷisaṃ. Akaniṭṭhe pana uddhamso-tassa abhāvato tayo antarā-parinibbāyino eko upahacca-parinibbāyī.

Asaṃkhāra-parinibbāyino cattāro, asaṃkhāra-parinibbāyino cattāro-ti aṭṭha. Evameva aṭṭha-cattāḷisaṃ anāgāmino. Te pana⁴ sabbe-pi imesu avisesa-vacanena gahitā-ti daṭṭhabbo.⁴

Chaṭṭhasuttavaṇṇanā.

7. Sattame: *Sabban*-ti anavasesaṃ. Anavasesa-vācako hi ayaṃ *sabba*-saddo. So yena yena sabbatthaṃ gacchati tassa tassa anavasesataṃ dīpeti, yathā sabbāṃ rūpaṃ, sabbā vedanā, sabbasakkāya-pariyāpannesu dhammesū-ti. So pañāyaṃ *sabba*-saddo sappadesa-nippadesa-visayatāya duvidho. Tathā h'eva sabbā-sabbāṃ, padesa-sabbāṃ, āyatana-sabbāṃ, sakkāya-sabban-ti catūsu visayesu diṭṭha-ppayogo. Tattha—"Sabbe dhammā sabbākāreṇa Buddhassa bhagavato nānamukhe āpāthamāgacchanti"-ti[†] ādisu sabbā-sabbasmiṃ āgato. "Sabbesaṃ vo Sāriputta subhāsitaṃ pariyāyena"[†]-ti[†] ādisu padesa-sabbasmiṃ. "Sabbāṃ vo bhikkhave desesāmi cakkhuñ'eva rūpañca—pe—manañ'eva dhamme cā"-ti[‡]

* Puggalapaññatti, p. 16.

† M. i, 219.

† Nid. ii, 451.

‡ S. iv, 15 (with variations).

ettha āyatana-sabbasmim. "Sabbadhamma-mūlapariyāyaṃ vo bhikkhave desessāmi"-ti* ādisu sakkāya-sabbasmim. Tattha sabba-sabbasmim āgato nippadesa-visayo. Itaresu tisu-pi āgato sappadesa-visayo. Idha pana sakkāya-sabbasmim viditabbo. Vipassanāya ārammaṇabhūtā tebhūmika-dhammā hi idha *sabban*-ti anavasesato gahitā.

Anabhijānan-ti—"Ime dhammā kusalā, ime akusalā, ime sāvajjā, ime anavajjā"-ti† ādinā,—“Ime pañcakkhandhā, imāni dvādasāyatanaṇi, imā aṭṭhārassa dhātuyo, idaṃ dukkhaṃ ariyasaccam, ayaṃ dukkha-samudayo ariyasaccan”-ti‡ ca ādinā sabbe abhiññeyya-dhamme aviparita-bhāvato na abhijānanto abhivisittihena ñāṇena ¹na jānanto.¹

Aparijānan-ti na parijānanto. Yo hi sabbaṃ tebhūmika-dhammajātaṃ parijānāti, so tīhi pariññāhi parijānāti,—ñāta-pariññāya, tīraṇavariññāya, pahānapariññāya. Tattha katamā ñātapariññā? Sabbaṃ tebhūmikaṃ nāmarūpaṃ, idaṃ rūpaṃ, ettakaṃ rūpaṃ, na ito bhiyyo idaṃ nāmaṃ, ettakaṃ nāmaṃ na ito bhiyyo-ti bhūtaṃ paccuppaṇṇaṃ rūpaṃ phassādi-bhedaṃ nāmañca lakkhana-rasa-paccupaṭṭhāna-padaṭṭhānato vavaṭṭhapeti, kammāvijjādikañc’assa paccayaṃ pariggaṇhati, ayaṃ ñātapariññā. ²Katamā tīraṇapariññā? ³Evam ñātaṃ katvā taṃ sabbaṃ tīreti aniccato dukkhato rogato-ti dvācattālisāya ākārehi, ayaṃ tīraṇapariññā. Katamā pahānapariññā? Evam tīrayitvā aggamaggena sabbasmim chandarāgaṃ pajahati, ayaṃ pahānapariññā. Ditthivisuddhi-kamkha-vitarāṇavisuddhiyo pi ñātapariññā. Maggā-magga-paṭipadā-ñāpadassana-visuddhiyo kalāpasammasanādi-anuloma-pariyosānā vā peññā tīraṇapariññā. Ariyamaggena pajahanaṃ pahānapariññā. Yo sabbaṃ parijānāti so imāhi tīhi pariññāhi parijānāti.§ Idha pana virāgappahānaṃ paṭikkhepa-vasena visum gahitattā ñātapariññāya tīraṇapariññāya ca vasena parijānaṇaṃ veditabbā. Yo pan’evam na parijānāti, taṃ sandhāya vuttaṃ *aparijānan*-ti.

Tattha cittaṃ avirājeyan-ti tasmim abhiññeyye visese pariñ-

* M. i, 1.

† Cf. A. i, 190.

‡ Vbh. 401 foll., 99 foll.

§ Cf. Nd. i, 53; J. vi, 259; Visu. 606.

¹⁻¹ O ajānanto.

²⁻² C omits; MSS. read throughout tir-.

ñeyye attano cittasantānaṃ na virājayam na virajjanto yathā tattha rāgo na hoti, evaṃ virāgānupassanaṃ na uppādentoti attho. *Appajahan*-ti vipassanā-paṭiñā-sahitāya magga-paṭiñāya tattha pahātabba-yuttakaṃ kilesavaṭṭaṃ anavasesato na pajahanto. Yathā c'etaṃ evaṃ abhijānanādayo pi missaka-magga-vasena veditaḃbā. Pubba-bhāge hi nānācittavasena ñāta-tīraṇa-pahāna-pariññāhi kamena abhijānanādāni sampādetvā, maggakāle ekakkhaṇe'eva kicca-vasena taṃ sabbaṃ nipphādentam ekameva ñāṇaṃ pavattati-ti. *Abhabbo dukkhakkhayāyā*-ti nibbānāya sakalassa vaṭṭadukkhassa khepanāya abhabbo¹ nālaṃ na samattho-ti attho.

Sabbāñca kho-ti ettha ca-saddo byatireke. *Kho*-saddo avadhāraṇe. Tadubhayena abhijānanādito laddhabbaṃ vissesam dukkhakkhayassa ekantakāraṇaṃ dipeti.

Abhijānanādīsu yaṃ vattabbaṃ taṃ vuttameva. Tattha paṇa paṭikkhepa-vasena vuttaṃ idha vidhānavasena veditaḃbaṃ. Ayaṃeva viseso.

Apica, *Abhijānan*-ti upādānakkhandhapañcaka-samkhātaṃ sakkāya-sabbaṃ sarūpato paccayato ca ñāpassa abhimukhīkaraṇa-vasena abhijānanto hutvā, abhāvākārādi-pariggahena taṃ aniccādi-lakkhaṇehi paricchijjamāna-vasena pariājānanto. *Virājayan*-ti sammadevassa aniccātādi-avabodhanena uppannabhayādīnaṃ ca nibbidādi-ñāṇānubhāvena attano "cittaṃ virattaṃ karonto"² tattha anumattaṃ pi rāgaṃ anupādentoti. *Pajahan*-ti vuṭṭhānagāmini-vipassanā-sahitāya maggapaṭiñāya samudayapakkiyaṃ kilesa-vaṭṭaṃ pajahanto samucchindanto. *Bhabbo dukkhakkhayāyā*-ti evaṃ kilesamala-ppahānena ca sabbassa kamma-vaṭṭassa parikkhīṇattā, anavasesa-vipākavaṭṭakhepanāya sakala-saṃsāra-vaṭṭadukkhapaṭikkhaya-bhūtiyā vā anupādisesāya nibbānadhātuyā *bhabbo* ekantena taṃ pāpunīti-ti evamettha attho daṭṭhabbo.

Yo sabbaṃ sabbato ñatvā-ti yo yuttayogo āradhavi-passako sabbaṃ tebhūmikadhammajātaṃ sabbato, sabbabhāgena kusalādi-kkhandhādi-vibhāgato, dukkhādi-piṇḍādi-vibhāgato ca. Athavā *sabbato*-ti sabbasmā kakkhala-phusanādi-lakkhaṇādito aniccādito cā-ti sabbākārato jānitvā, vipassanāpub-

¹ C nabhabbo.

² C citte akaranto.

bañgamena magga-ñāpena paṭivijjhivā, vipassanā-ñāpena vā jānanahetu. *Sabbatthesu na rajjati*-ti sabbesu attitādivasena anekabhedā-bhinnesu sakkāya-dhammesu na rajjati, ariya-maggādhigamena rāgaṃ na janeti. Iminassa taṇhāgāhassa abhāvaṃ dassento tannimittatā diṭṭhimānaggāhānaṃ—
 ‘etaṃ mama, eso’hamasmi, eso me attā’-ti* imassa micchāgāha-dvayassā pi abhāvaṃ dasseti. *Sa ve*-ti ettha *sa*-iti nipāta-mattam. *Ve*-ti byattam. Ekamsenā-ti vā etasmiṃ atthe nipāto. *Sabbam pariññā*-ti sabbaparijānanato yathā-vuttassa sabbassa pariññābhisamaya-vasena parijānanato. *So*-ti yathā-vutto yogāvacaro ariyo eva vā. *Sabbam dukkham upaccagā*-ti sabbam vaṭṭa-dukkham *accagā* atikkami samatikkanto-ti attho.

Sattamasuttavaṇṇanā.

8. Aṭṭhame apubbaṃ n’atthi. Kevalaṃ mānavasena desanā pavattā. Gāthāsu pana *Mānupetā ayaṃ pajā*-ti kamma-kilesehi pajātattā¹ *pajā*-ti laddhanāmā ime sattā manana-lakkhaṇena mānena upetā upagatā mānagatā. *Mānagaṇṭhā bhava ratā*-ti kimi-kīṭa-paṭaṅgādi-attabhāve pi mānena gaṇṭhitā, māna-samyojanena samyuttā, tato eva dīgharattam paribhāvitā, ahaṅkāra-vasena ‘etaṃ mamā’-ti saṃkhāresu ajjhosaṇa-bahulattā, tattha nicca-sukha-attādi-vipallāsa-vasena kāmādi-bhave ratā. *Mānaṃ aparijānantā*-ti tasmā taṃ tīhi pariññāhi na parijānantā arahatta-magga-ñāpena vā anatikkamantā. ‘Mānaṃ aparīṇīyā’-ti keci paṭhanti. *Āgantāro punabbhavan*-ti puna āyatiṃ uppattibhavaṃ punap-punaṃ bhavato vā, punabbhava-saṃkhātaṃ saṃsāraṃ aparāpara-parivattana-vasena gantāro upagantāro honti. Bhavato na parimuccanti-ti attho. *Ye ca mānaṃ pahantvāna*² *vimuttā mānasamkhaye*-ti ye pana arahatta-maggena sabbaso mānaṃ pajahitvā mānassa accanta-saṃkhaya-bhūte arahatta-phale nibbāne vā tadekaṭṭha-sabbakilesa-vimuttiyā vimuttā suṭṭhu muttā. *Te mānagaṇṭhābhikkhūtā*³ *sabbam gaṇṭham*⁴ *upaccagun-*

* M. i, 135.

¹ S omits, but notes “pajāyati-ti” in fn.

² Cf. Text, p. 5, fn. 1.

³ C “bhūno; vide Text, p. 5, fn. 3.

⁴ C dukkham; vide Text, and fn. 4.

ti te parikkhīṇa-bhava-saṃyojanā arahanto sabbaso māna-gaṇṭhaṃ¹ mānasasāyojanam samuccheda-ppahānena abhi-bhavitvā tñitā, anavassasam vaṭṭa-dukkham atikkamimsū-ti attho.

Evametasmim sattamasutte ca arahattam kathitan-ti.

Atthamasuttavaṇṇanā.

9, 10. Navama-dasamesu apubbam n'atthi. Desanā-vilā-sena tathā bujghanakānam veneyyānam ajjhāsaya-vasena vā tathā desitānī-ti daṭṭhabbam.

Navama-dasama-suttavaṇṇanā.

Paṭhama-vagga-vaṇṇanā niṭṭhitā.

II, 1-3. Dutiyavagge pi paṭhamāḍini tīpi suttāni vutta-nayān'eva. Tathā desanā-kāraṇam pi vuttameva.

4. Catutthe: *Nāham bhikkhave*-ti ādisu *na-kāro* paṭi-sedh'attho. *Ahan-ti* Bhagavā attānam niddisati. *Aññan-ti* idāni vattabbam avijjānīvaraṇato aññam. *Ekanīvaraṇam* pi-ti ekam nivāraka-dhammam pi. *Samanupassāmī-ti* dve samanupassanā: diṭṭhi-samanupassanā ca ñāṇa-samanupassanā ca. Tattha—"Rūpam attato samanupassatī"-ti* ādinā āgatā ayam diṭṭhi-samanupassanā nāma. "Aniccato samanupassati no niccato"-ti† ādinā pana āgatā ayam ñāṇa-samanupassanā nāma. Idhāpi ñāṇa-samanupassanā va adhippetā. *Samanupassāmī-ti* ca padassa *na-kāreṇa* sambandho. Idam vuttam hoti:—"nāham bhikkhave sabbaññuta-ñāṇasaṃkhātena samanta-cakkhunā sabba-dhamme hatthāmalakam viya oloken-to"-pi *aññam ekanīvaraṇam* pi *samanupassāmī-ti*.

Yena nīvaraṇena nivutā pajā dīgharattam sandhāvanti saṃsāraṇī-ti yena nivāraka-sabhāvattā nīvaraṇena dhamma-sabhāvam jānitum passitum paṭivijjhītum adatvā chādetvā

* A. ii, 214.

† A. A. i, 20; cf. Pp. ii, 232.

N'atth'añño-ti ādikā gāthā vuttassa ca atthassa saṅgaṇhana-vasena bhāsītā. Tattha *nivutā*-ti nivāritā paliguṇṭhitā paṭicchāditā-ti attho. *Ahorattan*-ti divā c'eva rattiñca. Sabba-kālan-ti vuttaṃ hoti. *Yathā mohena āvutā*-ti yena pakāreṇa avijjānīvaraṇa-saṃkhātēna mohena āvaritā paṭicchāditā suviññeyyaṃ pi ajānantiyo pajā saṃsāre saṃsaranti, tathārūpo *añño ekadhammo* pi ekaṇīvaraṇaṃ pi n'atthi-ti yojetabbaṃ. *Ye ca mohaṃ pahantvāna tamokkhandhaṃ padālayun*-ti ye pana ariyasāvakā pubbabhāge tadañgādip-pahāna-vasena heṭṭhimamaggehi taṃ taṃ maggavajjhaṃ mohaṃ pajahitvāna aggamaggēna vajirūpamaññāṇēna moha-saṃkhātameva tamorāsiṃ padālayiṃsu anavasesato samucchindiṃsu. *Na te puna saṃsaranti*-ti te arahanto

Khandhānañca paṭipāṭi dhātu-āyatanāna ca
Abbochinnāṃ vattamānā saṃsāro-ti pavuccatī-ti*

evaṃ vutte imasmiṃ saṃsāre na saṃsaranti na paribbhā-manti. Kiṃ kāraṇā? *Hetu tesāṃ na vijjati*-ti yasmā saṃsā-rassa hetu mūlakāraṇaṃ avijjā, sā tesāṃ na vijjati, sabbaso n'atthi samucchinnattā-ti.

Catutthasuttavaṇṇanā.

5. Pañcame: Yassa vijjati, taṃ puggalaṃ dukkhehi kammavipākehi¹ bhavayonigati-viññāṇaṭṭhiti-sattāvāse yā bhavantarādihi samyojetī-ti *samyojanaṃ*. Taṇhāyan'aṭṭhena *taṇhā*. ²Tasanti paritasanti vā tāyā-ti *taṇhā*.² *Samyuttā*-ti cakkhvādisu abhinivesa-vatthūsu bandhā. Sesāṃ vuttana-yameva.

Kāmaṇo'ettha avijjāya pi samyojanabhāvo taṇhāya ca nīvaraṇabhāvo atthi yeva, tathāpi avijjāya paṭicchāditādīna-vehi bhavehi taṇhā satte samyojetī-ti imassa viśesassa dassa-n'atthaṃ purimasutte avijjā-nīvaraṇabhāven'eva, idha ca taṇhā *samyojana*-bhāven'eva vuttā. Kiñca³? Nīvaraṇa-samyojana-

* PJ. ii, 426. See Udān'aṭṭhakathā, p. 270, fn. 5-7.

¹ B kammaṃ vā vipākehi.

² S tapati paraṃ paritapati tapanti tāyā-ti taṇhā, fn.

³ S kiñci.

ppadhānadassan'attham. Yathā hi nīvaraṇabhāvena avijjā saṃkileśa-dhammānaṃ padhānabhūtā pubbaṅgamā ca, evaṃ saṃyojana-bhāvena nesaṃ taṇhā-ti tadadhinapadhānabhāvaṃ dassetuṃ suddhadvaye evamete dhammā vuttā. Api ca, vīse-sena avijjā nibbānasukhaṃ nivāreti-ti nīvaraṇaṇ-ti vuttā. Taṇhā saṃsāra-dukkhena satte saṃyojeti-ti saṃyojanaṇ-ti. Dassana-gamanantarāya-karaṇato vā vijjācaraṇavipakkhato dvayaṃ dvidhā vuttaṃ. Vijjāya hi ujuvipaccanikabhūtā avijjā nibbānadassanassa avīparitadassanassa ca vīse-sa-to antarāyakaṛā. Caranadhammānaṃ Ujuvipaccanikabhūtā taṇhā gamanassa sammāpaṭipattiyā antarāyakaṛā-ti. Evama-yaṃ avijjāya nivuto andhikato taṇhāya sabbaso¹ bandho² assutavā puthujjano andho viya bandho mahākantāraṃ saṃsāra-kantāraṃ nātivattati. Anattahajanaṇa-hetudva-yassa³ dassan'attham pi dvayaṃ dvidhā vuttaṃ. Avijjāgato hi puggalo bālabhāvena attham parihāpeti anattaṇca attano karoti, akusalo viya āturo asappāyakiriyāya. Jānanto⁴ pi bālo bālabhāvena attham parihāpeti, anattaṇca karoti, jānanto⁴ viya rogi⁵ asappāyāsevi. Makkaṭālepopamasuttaṇ-^oetassa⁶ atthassa sādhaṃ. Paṭiccasamuppādassa mūla-kāraṇa-dassan'atthamettha dvayaṃ dvidhā vuttaṃ. Vīse-sena hi sammohassa balavabhāvato avijjākhettaṃ atīto addhā. Paṭṭhanāya balavabhāvato taṇhākhettaṃ anāgato addhā. Tathā hi bālaṇano sammohabahuḷo atītaṃ manusocati, tassa avijjāpaccayā saṃkhārā-ti sabbam netabbaṃ. Paṭṭhanā-bahuḷo anāgataṃ pajjapati, tassa taṇhāpaccayā upādānaṇ-ti-ādi sabbam netabbaṃ. Eten'eva vā pubbantāparato⁶ aparanta-ppaṭisandhānevassa yathākkamaṃ mūlakāraṇatā dassitā-ti veditabbaṇ-ti. †Gāthāsu. *Taṇhādutiyo*-ti taṇhā-sahāyo. Taṇhā hi nirudaka-kantāre maricikāya udaka-saṇṇā viya pīpāsābhibhūtaṃ appaṭikāra-dukkhābhibhūtaṃ pi sattaṃ assāda-sandassana-vasena sahāyakiccaṃ karoti, bhavādisu anibbindaṃ katvā paribbhaṃpeti, tasmā taṇhā

* S. v, 148.

† (Sic.) For these Gāthās, see A. ii, 10.

¹ C saṃvuto.² C baddho here and below.³ C "uppattihetu".⁴ S omits.⁵ S karoti.⁶ C "tāharaṇaṇa.

purissassa *duṭṭiyā*-ti vuttā. Nannu ca aññepi kilesādayo bhavābhiniṭṭattiyaṃ paccayaṃ va? Saccametam. Na pana tathā visesapaccayo yathā taṇhā. *Taṇhā*¹ hi kusalehi vinā akusalehi kāmāvacarādi-kusalehi ca vinā rūpāvacarādi-kusalehi bhava-niṭṭattiyaṃ visesapaccayo, yato samudaya-saccan-ti vuccati-ti.

Itthabhāv'aññathābhāvan-ti itthabhāvo ca aññathābhāvo ca itthabhāv'aññathābhāvo, so etassa atthi-ti itthabhāv'aññathābhāvo, samsāro-ti. Tattha² *itthabhāvo* manussattam. *Aññathābhāvo* tato avasiṭṭhasattāvāsā. *Itthabhāvo* vā tesam tesam sattānam paccuppanno attabhāvo. *Aññathābhāvo* anāgatattabhāvo. Evarūpo vā añño-pi attabhāvo *itthabhāvo*. Na evarūpo *aññathābhāvo*. Tam *itthabhāv'aññathābhāvaṃ samsāraṃ* khandhadhātu-āyatana-paṭipāṭim nātivattati na atikkamati.

*Evamādinavaṃ*³ *ñatvā taṇhā-dukkhassa sambhavan*-ti evaṃ⁴ sakalavaṭṭadukkhassa sambhavaṃ samudayaṃ taṇhaṃ ādinavaṃ ñatvā ādinavato ñatvā-ti attho. Athavā *Evamādinavaṃ* *ñatvā*-ti evaṃ yathāvuttam samsāraṃ nātivattanam ādinavaṃ dosaṃ ñatvā. *Taṇhā-dukkhassa sambhavan*-ti taṇhaṃ vuttanayena vaṭṭa-dukkhassa padhāna-kāraṇan-ti ñatvā.

Vītataṇho anādāno sato bhikkhu paribbaje-ti evaṃ tīhi pariññāhi pariṇānanto vipassanam vaḍḍhetvā, magga-paṭipāṭiyaṃ taṇhaṃ vigamento aggamaggena sabbaso vītataṇho vigatataṇho tato eva catūsu upādānesu kassaci pi abhāvena āyatim paṭisandhi-samkhātassa vā ādānassa abhāvena anādāno sati-vepullappattiyaṃ sabbattha satokāritāya sato bhinnakilesa bhikkhu *paribbaje* careyya,⁵ khandha-pariniṭṭhānena vā samkhāra-ppavattito apagaccheyyā-ti attho.

Pañcama-suttavaṇṇanā.

6. Ohatthe: **Sekkhassā*-ti ettha ken'atthena *sekkho*? Sekkha-dhamma-paṭilābhato *sekkho*. Vuttañhi'etam—"Kit-

* Vide MA. i, 40-1; and for this Sutta, cf. M. i, 4.

¹ O tathā.

² O tam tathā.

³ S etamā

⁴ S etam, here and below.

⁵ C vajjya.

tāvata nu kho, bhante, sekkho hoti-ti? Idha, bhikkhu, sekkhāya diṭṭhiyā samannāgato hoti . . . pe . . . sekkhena samādhinā samannāgato hoti. Ettāvata kho, bhikkhave, sekkho hoti"-ti.* Api ca, sikkhati-ti sekkho. Vuttampi o'etaṃ —“Sikkhati-ti kho, bhikkhave, tasmā sekkho-ti vuccati. Kiñca sikkhati? Adhisīlam pi sikkhati, adhiccittam pi sikkhati, adhipaññaṃ pi sikkhati. Sikkhati-ti kho, bhikkhave, tasmā sekkho-ti vuccati-ti.”† Yoyam¹ pi kalyāṇaputhujjano anuloma-paṭipadāya paripūrikārī sīlasampanno indriyesu guttadvāro bhojane mattaññū, jāgariyānuyogamanuyutto pubbarattāpararattam, bodhipakkhiyānaṃ dhammānaṃ bhāvanānuyogamanuyutto viharati, ajja vā sve vā aññataram sāmāññaphalam adhigamissāmi-ti, so-pi vuccati sikkhati-ti sekkho-ti. Imasmim atthe na paṭivekkhanto va sekkho adhippeto, atha kho kalyāṇa-puthujjano-pi.

Appattamānaso-ti² appattam mānaṣam etenā-ti appattamānaso.

Mānaṣa-ti—

“Antalikkhacaro pāso yvāyam carati mānaso”-ti‡ ettha rāgo mānaṣa-ti vutto. “Cittam, mano, *mānaṣa*”-ti§ ettha cittam.

“Appattamānaso sekkho kālam kayirā jane sutā”-ti|| ettha arahattam. Idhāpi arahattameva adhippetam. Tena appattārahattassā-ti vuttam hoti.

Anuttara-ti seṭṭham, asadisā-ti attho. Catūhi yogehi khemaṃ anūpaddūta-ti *yogakhema*. Arahattameva adhippetam.

*Patthayamānassa*³-ti dve patthanā: taṇhā-patthanā ca, chanda-patthanā ca—

“Patthayamānassa pajappitāni

Paveditam vā pi pakappitesu”-ti¶

ettha taṇhā-patthanā.

* S. v, 14.

‡ S. i, 111; Vin. i, 21.

|| S. i, 121.

† A. i, 231.

§ Dha. 10.

¶ Sn. 176; 902.

“ Ohinnaṃ pāpīmato sotaṃ viddhastāṃ vinaḥkātāṃ
Pāmujjabahulā hotha, khemaṃ paṭṭhetha bhikkha-
vo ”-ti*

ettha kattukamyatā-kusala-cchanda-patthanā. Ayameva idhādhippetā. Tena *paṭṭhayamānassā*-ti taṃ yogakkhemaṃ kattukāmassa tanninnassa tapponassa tappabbhārassā-ti attho.

Viharato-ti ekaṃ iriyāpathadukkhāṃ aññena iriyāpathena vicchinditvā aparipatantaṃ attabhāvaṃ harato. Athavā, “ Sabbe saṃkhārā aniccā-ti adhimuccanto saddhāya viharati ”-ti† ādinā *Niddesa*-nayaena c’ettha attho daṭṭhabbo.

Ajjhattika-ti niyak’ajjhattasaṃkhāte ajjhatte bhavaṃ ajjhattikaṃ. *Aṅga*-ti kāraṇaṃ. *Iti karitvā*-ti evaṃ karitvā.¹ *Na aññaṃ ekaṅgampi samanupassāmī*-ti ettha ayaṃ saṃkhep’attho,—bhikkhave ajjhattaṃ attano santāne samuṭṭhitaṃ kāraṇaṃ-ti katvā, *aññaṃ* ekakāraṇaṃ pi na samanupassāmī-ti. *Evaṃ bahupakāraṃ yathayidaṃ yonisomanasikāro*-ti upāya-manasikāro, pathamanasikāro, aniccādisu aniccādinayen’eva manasikāro, aniccānulomikena vā cittassa āvajjanā anvāvajjanā ābhogo samannāhāro manasikāro, ayaṃ *yonisomanasikāro*.

Idāni yonisomanasikārassa ānubhāvaṃ dassetum *yoniso bhikkhave bhikkhu manasikaronto akusalaṃ pajahati, kusalaṃ bhāvehi*-ti vuttaṃ.

Tattha *yonisomanasikaronto*-ti: “ Idaṃ dukkhāṃ ariyasaccaṃ, ayaṃ dukkha-samudayo ariyasaccaṃ, ayaṃ dukkha-nirodho ariyasaccaṃ, ayaṃ dukkha-nirodhagāminī paṭipadā ariyasaccaṃ ”-ti‡ catūsu ariyasaccesu *yonisomanasikāraṃ* pavattento.

Tatrāyaṃ attha-vibhāvanā: Yadi pi idaṃ suttaṃ avisesena sekka-puggala-vasena āgataṃ. Catu-magga-phala-vasena, sādharma-vasena, pana saṃkhepen’eva kammaṭṭhānaṃ kathayissāma. Yo § catu-sacca-kammaṭṭhāniko yogāvacaro,

* M. i, 227.

† Nid. i, 235, 323; ii, 141.

‡ Cf. D. iii, 277; ii, 304; A. i, 176; iii, 12; M. i, 64, 184-5; iii, 248; S. v, 414, etc.

§ Vide MA. i, 72-3.

taṇhāvajjā tebhūmikā khandhā dukkhaṃ, taṇhā dukkha-samudayo, ubhinnaṃ appavatti nirodho, nirodhasampāpako maggo-ti, evaṃ pubbe eva ācariyasantike uggahita-catusaccakammaṭṭhāno, so aparena samayena vipassanā-maggaṃ samārūḷho samāno te-bhūmike khandhe idaṃ dukkhaṃ-ti yonisomanasikāro-ti upāyena pathena samannāharati c'eva vipassati ca. Vipassanā hi idha manasikārasīna vuttā. Yā panāyantaṃ dukkhaṃ samuṭṭhāpikā sabhāvatā taṇhā, ayaṃ dukkhasamudayo-ti yonisomanasikāro-ti. Yaṃ pana idaṃ dukkhaṃ, ayaṃ samudayo, idaṃ tṭhānaṃ patvā nirujjhanti, nappavattanti, tasmā yadidaṃ nibbānaṃ nāma ayaṃ dukkhanirodho-ti yonisomanasikāro-ti. Nirodhasampāpakaṃ aṭṭhaṅgikaṃ maggaṃ ayaṃ dukkhanirodhagāmin-paṭipadā-ti yonisomanasikāro-ti upāyena pathena samannāharati c'eva, vipassati ca.

Tatrāyaṃ upāyo abhiniveso nāma khandhe¹ hoti, na vivaṭṭe. Tasmā ayamatto: "Imasmiṃ kāye paṭhavīdhātu āpo-dhātū"-ti* ādinā nayena cattāri mahā-bhūtāni tadanusāreṇa upādā-rūpāni ca pariggahetvā ayaṃ rūpa-kkhandho-ti vavaṭṭhapeti. Taṃ vavaṭṭhāpayato uppanne tadārammaṇe citta-cetasika-dhamme ime cattāro arūpa-kkhandhā-ti vavaṭṭhapeti. Tato ime pañca-kkhandhā dukkhaṃ-ti vavaṭṭhapeti. Te pana saṃkhepato-nāmañca, rūpañcā ti, dve bhāgā honti. Idañca nāmarūpaṃ sahetu-sappaccayaṃ uppajjati, tassa ayaṃ avijjā-bhavataṇhādiko hetu ayaṃ āhārādiko paccayo ti hetu-paccaye vavaṭṭhapeti. So tesaṃ paccayānañca paccay'-uppannānañca yāthāva-sarasa-lakkhaṇaṃ vavaṭṭhapetvā, ime dhammā ahutvā bhavanti hutvā nirujjhanti tasmā aniccā-ti anicca-lakkhaṇaṃ āropeti. Udayabbaya-paṭipattitattā dukkhā-ti dukkhā-lakkhaṇaṃ āropeti. Avasavattanato anattā-ti anatta-lakkhaṇaṃ āropeti. Evaṃ ti-lakkhaṇāni āropetvā vipassanto udayabbaya-ñāṇ'uppattiyaṃ uppanne obhāsādi-ke vipassan'ūpakilese amaggo udayabbaya-ñāṇameva ariya-maggaṃ upāyabhūto pubbabhāga-maggo-ti maggāmaggaṃ

* D. ii, 294; M. i, 57.

¹ MA. vaṭṭe.

vavaṭṭhapetvā puna udayabbaya-ñāṇaṃ paṭipāṭiyā bhaṅga-ñāṇādini ca uppādentō sotāpatti-maggādayo pāpunāti. Tasmim̐ khaṇe cattāri saccāni ekappaṭivedhen'eva paṭivijjhati, ekābhisamayena abhisameti. Tattha dukkhaṃ pariññāpaṭivedhena paṭivijjhati, ekābhisamayena abhisameti. Tattha dukkhaṃ pariññāpaṭivedhena paṭivijjhanto samudayaṃ pahāna-ppaṭivedhena yoniso paṭivijjhanto sabbhaṃ *akusalaṃ* pajahati. Nirodhaṃ sacchikiriyā-paṭivedhena paṭivijjhanto maggaṃ, bhāvanā-paṭivedhena paṭivijjhanto sabbhaṃ *kusalaṃ* bhāveti. Ariyamaggo hi nippariyāyato kucchitasalanādi-atthena kusalo, tasmim̐ ca bhāvite sabbe pī kusalā, anavajja-bodhipakkhiya-dhammā bhāvanāpāripūriṃ gacchanti^{ti}, evaṃ *yoniso-manasikaronto akusalaṃ pajahati, kusalaṃ bhāveti*. Tathā hi vuttaṃ—"Idaṃ dukkhaṇ^{ti} yoniso manasikāro ti, ayaṃ dukkhasamudayo^{ti} yoniso manasikaroti^{ti}"^{* ti} āli. Aparam pi vuttaṃ,—"*Yoniso-manasikārasampanness'etaṃ bhikkhave bhikkhuno paṭikaṅkhaṃ ariyaṃ aṭṭhaṅgikaṃ maggaṃ bhāvessati, ariyaṃ aṭṭhaṅgikaṃ maggaṃ bahulikarissati*"^{ti}.†

Yoniso manasikāro-ti gāthāya ayaṃ saṃkhepattho. Sikkhati sikkhāpadāni, tassa atthi sikkhansilo^{ti} vā *sekkho*. Samsāre bhayaṃ ikkhati^{ti} *bhikkhu*. Tassa *sekkhassa bhikkhuno uttamattassa* arahattassa *paṭṭiyā* adhigamāya yathā yoniso manasikāro *evaṃ* bahukāro *bahūpakāro*¹ *añño* koci *dhammo n'atthi*. Kasmā? Yasmā yoniso upāyena manasikāro purakkhitvā *padahaṃ* catubbidha-sammappadhāna-vasena *padahanto khayim̐ dukkhassa pāpūne* saṃkilesavaṭṭadukkhassa parikkhayaṃ pariyosānaṃ nibbānaṃ *pāpūne* adhigaccheyya, tasmā yoniso manasikāro bahukāro^{ti}.

Chaṭṭhasuttavaṇṇanā.

7. Sattame : *Bāhiraṇ* - ti ajjhattasantānato bahi - bhavaṃ. *Kalyāṇamittatā*-ti† yassa sīlādi-guṇa-sampanno aghassa

* M. i, 9.

† S. v, 31 sqq.

† Vide Ulin'aṭṭhakathā, 221 ff.; Theri-G. v, 213, and notes on p. 193.

ghātā, hitassa vidhātā, sabbākāreṇa upakāraṇo mitto hoti, so puggalo *kalyāṇamitto*. Tassa bhāvo *kalyāṇamittatā*.

Tatrāyaṃ *kalyāṇamitto* pakatiyā saddhā-sampanno hoti sīla-sampanno, suta-sampanno, cāga-sampanno, viriya-sampanno, sati-sampanno, samādhi-sampanno, paññā-sampanno. Tassā¹ saddhā-sampattiyaṃ saddahati Tathāgatassa bodhipi, tena sammā-sambodhi-hetu-bhūtesu sattesu hita-sukhesitaṃ na pariccajati, sīla-sampattiyaṃ sabrahmacārīnaṃ piyo hoti garu ca bhāvanīyo codako pāpa-garahī vattā vacana-kkhamo. Suta-sampattiyaṃ khandhāyatana-sacca-pañicca-samuppāladikānaṃ gambhīraṇaṃ kathānaṃ kattā hoti. Cāga-sampattiyaṃ appiccho² hoti santuṭṭho pavivitto asaṃsaṭṭho. Viriya-sampattiyaṃ attano paresaṇca hita-ppaṭipattiyaṃ āraddhavi-riyo hoti. Sati-sampattiyaṃ upaṭṭhita-satī hoti paramena satinepakkena samannāgato cirakataṃ pi cirabhāsitaṃ pi saritā anussaritā. Samādhi-sampattiyaṃ avikkhito hoti samāhito ekagga-citto. Paññā-sampattiyaṃ aviparītaṇca jānāti. So satiyaṃ kusalākusalānaṃ dhammānaṃ gatiyo samanvesanto³ paññāya sattānaṃ hitasukhaṃ yathābhūtaṃ jānitvā, samādhinā tattha abyatta-citto hutvā, viriyena satte ahitato nisedhetvā, ekantahite niyojati. Ten'evāha—

“Piyo garu bhāvanīyo vattā ca vacanakkhamo

Gambhīraṇca kathānaṃ kattā no c'atṭhāne niyojaye-ti.”*

Kalyāṇamitto bhikkhave bhikkhu akusalaṃ pajahati kusalaṃ bhāveti - ti—*kalyāṇamitto* puggalo *kalyāṇamittaṃ* nissāya kammassakatā-ñānaṃ uppādeti, uppannaṃ saddhaṃ ṭhātiṃ karoti, saddhājāto upasaṅkamati, upasaṅkamitvā dhammaṃ suṇāti, taṃ dhammaṃ sutvā Tathāgate saddhaṃ paṭilabhati, tena saddhā-pañilābhena gharāvāsaṃ pahāya pabbajjaṃ anuṭṭhāti, catu-pārisuddha-sīlaṃ sampādeti, yathābalaṃ dhutadhamme samādāya vattati, dasa-kathāvatthulābhī hoti, āraddha-viriyo viharati, upaṭṭhitassati sampajāno pubbarattāpararattaṃ bodhipakkhiyānaṃ dhammānaṃ bhāvanānuyogamanuyutto na-cirass'eva vipassanaṃ ussukkāpetvā

* A. iv, 32.

¹ C tattha.

² S anabhihālu, *fn.*

³ C samanvesamāno.

ariyamaggādhigamena sabbaṃ akusalaṃ samucchindati, sabbañca kusalaṃ bhāvanāpāripūriṃ gamento vaddheti. Vuttañh'etaṃ—"Kalyāṇamittass'etaṃ Meghiya bhikkhuno paṭi-kaṅkhaṃ kalyāṇa-sahāyakassa kalyāṇa-sampavañkassa, yaṃ sīlavā bhavissati, paṭimokkha-saṃvara-saṃvuto viharissati, ācāra-gocara-sampanno anumattesu vajjesu bhayadassāvī samādāya sikkhissati sikkhāpadesu. Kalyāṇamittass'etaṃ—pe—kalyāṇa-sampavañkassa, yaṃ yāyaṃ kathā abhisallekhikā ceto-vivaraṇa-sappāyā ekanta-nibbidāya — pe — nibbānāya saṃvattissati, seyyathīdaṃ: appiccha-kathā santuṭṭhi-kathā paviveka-kathā asaṃsagga-kathā viriyārambha-kathā sīlakathā samādhikathā¹ paññā-kathā vimutti-kathā,¹ vimutti-ñāpadassana-kathā evarūpiyā² kathāya nikāmalābhī bhavissati akiccha-lābhī akasira-lābhī. Kalyāṇamittass'etaṃ—pe—kalyāṇa-sampavañkassa, yaṃ āradha-viriyo viharissati akusalānaṃ dhammānaṃ pahānāya kusalānaṃ dhammānaṃ upasampadāya thāmaṃva daḥhaparakkamo anikkhittadhuro kusalesu dhammesu. Kalyāṇamittass'etaṃ—pe—kalyāṇa-sampavañkassa, yaṃ paññavā bhavissati uday'atthagāminiyā paññāya samannāgato ariyāya nibbedhikāya sammā-dukkhakkhaya-gāminiyā"—ti,* evaṃ sakala-vaṭṭa-dukkha-parimuccana-nimittaṃ *kalyāṇamittatā*-ti veditabbaṃ. Ten'evāha—"Mamañhi Ānanda kalyāṇamittaṃ āgamma jātiddhammā sattā jātiyā parimuccanti, jarādharmā sattā jarāya parimuccanti"—ti† ādiṃ. Tena vuttaṃ *Kalyāṇamitto bhikkhave bhikkhu akusalaṃ pajahati kusalaṃ bhāveti*-ti.

Gāthāya, *sappatisso*-ti paṭissava-saṃkhātena saha paṭissena-ti *sappatisso*. Kalyāṇamittassa ovādaṃ sirasā sampatīochako subbaco-ti attho. Athavā, hitasukhe patiṭṭhāpanena pati-iseti-ti patisso ovādadāyako. Garu-ādara-yogena tena patissena saha vattati-ti *sappatisso*. Garūsu garucitīkārabahulo. *Sagāra*-ti chabbidhena pi gāravena yutto. *Karam mittāna vacanan*-ti kalyāṇamittānaṃ ovādaṃ karonto yathā-ovādaṃ paṭipajjanto. *Sampajāñño*-ti sattatṭhāniyena sampajāññena samannāgato. *Paṭissato*-ti kammaṭṭhānānaṃ

* Udāna, 36-7.

† S. i, 88.

¹ S samādhikathā—pe—.

² C^opiya.

dhātīm gametum samatthāya satiyā paṭissato satokāri. *Anu-pubbenā*-ti sīlādivisuddhi-paṭipāṭiyā tattha ca vipassanā-paṭipāṭiyā c'eva maggapaṭipāṭiyā ca. *Sabbasaṃyojanakkhayan*-ti kāma-rāga-saṃyojanādīnaṃ sabbesaṃ saṃyojanānaṃ khepanato sabbasaṃyojanakkhaya-saṃkhātassa ariyamaggassa¹ pariyosāna-bhūta-arahattassa ārammaṇa-bhūtaṃ nibbānameva vā *pāpūne* adhigaccheyyā-ti attho.

Iti imesu dvīsu suttesu ariya-maggādhigamassa Satthārā padhān'aṅgaṃ nāma gahitan-ti veditabban-ti.

Sattamasuttavaṇṇanā.

8. Atthame: *Ekadhammo*-ti katamo ayaṃ sutta-nikkhepo ? Atth'uppattiko. Tatrāyaṃ saṃkhepa-kathā:—*

Devadatto hi Ajātasattum duggahaṇaṃ gāhāpetvā, tassa pītaraṃ rājānaṃ Bimbisāraṃ tena mārāpetvā pi, abhimāre payojetvā pi, silāparijjhanena ruhiruppādana-kammaṃ katvā pi, na tāva so pākaṭo jāto, Nālagiriṃ visajjetvā pana pākaṭo jāto. Atha mahājano 'evarūpaṃ pi nāma pāpaṃ gahetvā rājā vicarati'-ti kolāhalamakāsi. Mahāghoso ahosi. Taṃ sutvā rājā attanā diyamānāni pañca thālipākasaṭāni acchin-dāpesi upaṭṭhānaṃplissa nāgamāsi.

Nāgarā pi kulaṃ upagatassa kaṭacchubhattaṃ plissa nā-damsu. So parihīnalābhasakkāro kohaṇṇena jīvitukāmo Satthāraṃ upasaṅkamitvā, pañca vatthūni yācitvā, 'alaṃ Devadatta yo icchatī so āraṇṇiko hotū'-ti ādinā Bhagavatā paṭikkhitto tehi pañcahi vatthūhi bālaṃ lūkhappasaṇ-ṇaṃ jaṇaṃ saṇṇāpento, pañca-sate Vajjiputtake salākaṃ gāhāpetvā, saṃghaṃ bhinditvā va, te ādāya Gayāsīsaṃ agamāsi. Atha dve agga-sāvaka Satthu āpāya tattha gantvā, dhammaṃ desetvā, te ariyaphale patiṭṭhāpetvā ānayaṃsu. Ye paṇ'assa saṃghabhedāya parakkamantassa laddhiṃ roce-tvā tath'eva paggayha ṭhitā saṃghe bhijjante bhedite ca samanūṇā ahesuṃ, tesu taṃ dīgharattaṃ ahitāya dukkhāya

* For the full story see Vin. ii, 180-206, also Dh. A. i, 141.

ahosi. Devadatto pi na-cirass'eva rogābhibhūto bālhagilāno maraṇakāle 'Satthāraṃ vandissāmi'-ti, mañcaka-sivikāya niyyamāno Jetavane pokkharāṇṭīre ṭhapito paṭhaviyā vivare dinne patitvā Avicimhi nibbatti. Yojanasatiko c'assa attabhāvo ahosi, kappatṭhitiyo tālakkhandha-parimāṇehi ayasūlehi vinividdho. Devadatta-pakkhikāni ca pañcamat-tāni kulasaṭāni tassa laddhiyaṃ ṭhitāni saha bandhavehi niraye nibbattāni.

Ekadivasam bhikkhū dhamma-sabhāyaṃ katham samuṭ-ṭhāpesum 'āvuso Devadattena saṃghaṃ bhindantena bhāri-yaṃ kammaṃ katan'-ti. Atha Satthā dhamma-sabhaṃ upagantvā, 'kāya-nu'ttha bhikkhave etarahi kathāya sannisinnā'-ti pucchitvā, 'imāya nāmā'-ti vutte, saṃghabhede ādīnavaṃ dassento imaṃ suttaṃ abhāsi. Keci pana bhaṇanti Devadattassa tappakkhiyānañca tathā niraye nibbatta-bhāvaṃ disvā saṃghabhede ādīnavaṃ dassento Bhagavā attano ajjhāsayaṇ'eva imaṃ suttaṃ desesi-ti.*

Tattha *ekadhammo*-ti eko akusalo mahāsāvajjadhammo. *Loke*-ti sattaloke.

Uppajjamāno uppajjati-ti ettha—"Bhedasaṃvattanikesu bhaṇḍanādisu saṃghe uppannesu pi dhammo adhammo"-ti† ādisu aṭṭhārasa-bhedakara-vatthūsu yassakassaci dīpana-va-sena voharantesu pi, tattha ruci-janan'atthaṃ anussāventesu pi, anussāvetvā salākāya gāhitāya pi, *saṃghabhedo uppajja-māno* nāma hoti. Salākāya pana gahitāya cattāro vā atirekā vā, yadā āveṇikaṃ uddesaṃ vā saṃgha-kammaṃ vā karon-ti, tadā *saṃghabhedo* uppajjati nāma. Kate pana tasmim *saṃghabhedo* uppanno nāma? Kammaṃ uddeso vohāro anussavanā salākaggūho-ti imesu pañcasu saṃghassa bheda-kāraṇesu kammaṃ vā uddeso vā pamāṇaṃ vohārānussavana-salākaggāhā pana pubbabhāgā-ti.

Bahujanāhitāyā-ti ādisu mahājanassa jhānamaggādi sampattinivāraṇena *ahitāya*, saggasampattinivāraṇena *asukhā-ya*, apāy'ūpapatti-hetubhāvena *anattāya*, akusala-dhamma-vasena *ahitāya*, hita-maggassa pi abhāvā sugatiyaṃ pi, nibbattanaka-kāyika-cetasika-*dukkhāya* *uppajjati*-ti samban-

dho. *Devamanussānan*-ti idaṃ bahuno janassā-ti vuttesu ukkaṭṭha-puggala-niddeso. Aparo nayo. *Bahujanāhiyā*-ti bahujanassa mahato sattakāyassa ahit'atthāya. Diṭṭha-dhammika-samparāyika-anatthāyā-ti attho. *Asukhāyā*-ti diṭṭhadhammika-samparāyika-asukh'atthāya. Duvidha-dukkh'atthāyā-ti attho.

Anatthāyā-ti paramattha-paṭikkhepāya. Nibbānaṃ hi paramattho. Tato uttarim attho n'atthi. *Ahiyā*-ti sagga-magga-paṭikkhepāya.¹ Nibbānahita-sampāpaka-maggato hi uttarim hitaṃ nāma n'atthi. *Dukkāyā*-ti ariya-sukha-virāḍhanena² vaṭṭa-dukkhatthāya. Ye hi ariya-sukhato viraddhā taṃ adhigantaṃ abhabbā, te vaṭṭa-dukkhe pari-nāmantī. Ariyasukhato ca uttarim sukhaṃ nāma n'atthi. Vuttañh'etaṃ—"Ayaṃ samādhi paccuppanna-sukho c'eva āyatiṇca sukhavipāko"-ti.*

Idāni *saṃgha-bheda*-ti sarūpato dassetvā, tassa ahitādīnaṃ ekanta-hetu-bhāvaṃ pakāsetuṃ *saṃghe kho pana bhikkhave bhinne*-ti ādimāha.

Tattha *bhinne*-ti nimitt'atthe bhummaṃ yathā adhanānaṃ dhane anuppādiyamāne-ti. Bheda-hetū-ti attho. *Aññamañña-bhaṇḍanānī*-ti catunnaṃ parisānaṃ tappakkhikānaṃ 'eso dhammo n'eso dhammo'-ti *aññamañña-vivadanānī*. *Bhaṇḍanaṃ* hi kalahassa pubba-bhāgo. *Paribhāsā*-ti idaṇṇo'i-daṇṇa 'vo anatthaṃ karissāmā'-ti bhay'uppāda-vasena tajanā. *Parikkhepā*-ti jāti-ādi-vasena parito khepā, dasahi akkosa-vatthūhi khumsana-vambhanā. *Pariccajanā*-ti ukkhepaniya-kammakaraṇādi-vasena nissāraṇā. *Tatthā*-ti tasmim saṃgha-bhede, tannimutte vā, bhaṇḍanālike. *Appasannā*-ti ratanattaya-guṇānabhiññā. *Nappasīdanti*-ti—"Dhamma-cārino samacārino"-ti† ādinā yvāyaṃ bhikkhūsu pasādanā-kāro tathā na pasīdanti, tesam vā sotabbaṃ saddhātappaṃ na maññanti. Tathā ca dhamme satthari ca appasannā va honti. *Ekaccānaṃ aññathattaṃ*-ti puthujjanānaṃ avirūḷha-saddhānaṃ pasād'aññathattaṃ.

* D. ii, 278; A. iii, 24.

† Udāna, 44.

¹ B maggapati².

² B ariyasukhānadhigamena.

Gāthāyaṃ, *Āpāyiko*-ti ādisu apāye nibbattanārahataya *āpāyiko*. Tatha pi Avicisaṃkhāte māha-niraye uppajjati-ti *nerayiko*. Ekam antarakappaṃ paripunnameva katvā tattha tiṭṭhati-ti *kappaṭṭho*. Saṃghassa bheda-saṃkhāte vagge rato-ti *vaggārāmo*.¹ Adhammiyatāya adhammo. Bhedakara-vatthūhi saṃgha-bheda-saṃkhāte eva adhamme ṭhito-ti *adhammaṭṭho*. *Yogakkhemato*-ti² tato dhamseti parihāyati. Catūhi pi vā yogehi anupadduttatā yoga-kkhemam nāma arahattam nibbānaṃ, tato pan'assa dhammane vattabbameva n'atthi. Diṭṭhiṣṭa-sāmaññato saṃghaṭ'aṭṭhena *saṃgham*, tato eva eka-kammādi-vidhāna-yogena *saṃggaṃ* sahitaṃ, *bhivāna*³ pubbe vutta-lakkhaṇena saṃgha-bhedena bhinditvā, *kappaṃ* āyukappaṃ, so pan'ettha antarakappo va. *Nirayamhi*-ti Avici-mahā-nirayamhi.

Atṭhamasuttavaṇṇanā.

9. Navame, *Ekadhammo*-ti eko kusala-dhammo. 'Ayaṃ dhammo, nāyaṃ dhammo'-ti hi ādinā sace saṃghe vivādo uppajjeyya, tattha dhamma-kāmena viññunā iti paṭisañcikkhitabbam, ṭhānam kho pan'etaṃ vijjati yadidaṃ vivādo vaḍḍhamāno saṃgha-rājiyā vā saṃgha-bhedāya vā saṃvatteyyā-ti. Sace taṃ adhikaraṇam attanā paggahe tvā ṭhito aggaṃ akkaṇṭeṇa viya sahasā tato oramitabbam. Atha parehi taṃ paggaḥitaṃ sayam ce taṃ sakkoti rūpa¹ sametum, ussāhajāto hutvā dūram pi gantvā tathā paṭipajjitabbam, yathā taṃ rūpasammati. Sace pana sayam na sakkoti, so ca vivādo uparūpari vaḍḍhateva na sammati. Ye tattha paṭirūpā sikkhākāma sabrahmacārino, te ussāhetvā, yena dhammena yena vinayena yena Satthu sāsanaṇa taṃ adhikaraṇam vūpasammati, tatthā vūpasame-tabbam. Evaṃ vūpasamentassa yo saṃgha-sāmaggi-karo kusalo dhammo, ayamettha ekadhammo-ti adhippeto. So hi ubhatopakkhiyānaṃ dvelhaka-jātānaṃ bhikkhūnaṃ, tesam anuvattana-vasena ṭhitānaṃ bhikkhūnaṃ upāsakānaṃ upā-

¹ S vaggarato, see Text, p. 11, fn. 10.

² C yogakkhema-vidhamseti-ti.

³ S bhivāna, see Text, p. 11, fn. 13.

sikānaṃ, tesāṃ ārakkha-devatānaṃ yāva deva-brahmānaṃ pi uppaṇṇārahamaṃ ahita-dukkhāvahamaṃ saṃkilesa-dhammaṃ apanetvā mahato puññārāsissa kusalābhisandassa hetubhāvato sadevakassa lokassa hita-sukhāvaho hoti. Tena vuttaṃ *ekadhammo bhikkhave loke uppaṇṇamāno uppaṇṇati bahujanahitāyā*-ti ādi.

Tass'attho anantara-sutte vutta-vipariyāyena veditabbo. *Samghassa sāmaggī*-ti samghassa samagga-bhāvo bhedābhāvo ekadhammatā ekuddesatā ca.

Gāthāya, *Sukhā samghassa sāmaggī*-ti sukhassa paccaya-bhāvato *sāmaggī* sukhā-ti vuttā yathā sukho Buddhānaṃ uppādo-ti. *Samaggānañc'anuggaho*-ti samaggānaṃ sāmaggī-anumodanena anuggaḥanaṃ sāmaggī-anurūpaṃ yathā te sāmaggim na vijjahanti, tathā gahaṇaṃ ṭhapanāṃ anubalappadānaṃ-ti attho. *Samaggaṃ katvānā*-ti bhinnaṃ *saṃghaṃ* rāji-ppattaṃ vā *saṃggaṃ* sahitaṃ katvā. *Kappaṇ*-ti āyukappameva. *Saggamhi modatī*-ti kāmāvacara-devaloke aññhe deve dasahi ṭhānehi abhibhavitvā dibba-sukhaṃ anubhavamāno¹ icchita-nipphattiyā pamodati, laleti, kilati.

Navamasuttavaṇṇanā.

10. Dasamassa kā uppatti? Atth'uppattikāy'eva.

Ekadivasam kira bhikkhū dhammasabhāyaṃ sannisināṃ kathaṃ samuṭṭhāpesum, 'āvuso, idh'ekacco bahuṃ puñña-kammaṃ karoti, ekacco bahuṃ pāpakammaṃ, ekacco ubhaya-vomissakaṃ karoti, tattha vomissakārino kidiso abhisam-parāyo '-ti? Atha Satthā dhammasabhaṃ gantvā, paññat-tapavarabuddhāsane nisinno taṃ kathaṃ sutvā, 'bhikkhave maraṇāsannakāle saṃkiliṭṭha-cittassa duggati paṭikañkhā'-ti dassento, imāya atth'uppattiyā imaṃ suttaṃ desesi. Tattha *idhā*-ti desapadese nipāto. Svāyaṃ katthaci padesaṃ upādāya vuccati.

Idh'eva—"Tiṭṭhamānassa devabhūtassa me sato"-ti* ādisu, katthaci sāsaṇaṃ upādāya—"Idh'eva bhikkhave samaṇo,

* D. ii, 285.

¹ C °bhavanto.

Ekaccan-ti ekaṃ aññataran-ti attho. *Puggalan*-ti sattam. So hi yathāpaccayaṃ kusalākusalānaṃ tabbipākānañca pūraṇato, maraṇa-vasena galanato ca, *puggalo*-ti pavuccati. *Paduṭṭhacittan*-ti padosena āghātena *paduṭṭhacittam*. Athavā, *paduṭṭhacittan*-ti dosena rāgādinā padūsita-cittam. Ettha ca *ekaccan*-ti idaṃ paduṭṭha-cittassa puggalassa visesaṇaṃ. Yassa hi paṭisandhidāyaka-kammaṃ okāsamakāsi, so tathā vutto. Yassa ca akusala-ppavattito cittam nivattetvā kusala-vasena otāretuṃ na sakkā, evaṃ āsanna-maraṇo. *Evan*-ti idāni vattabbākāraṃ dasseti. *Cetasā*-ti attano cittaṇa cetopariya-ñāṇena. *Ceto*-ti tassa puggalassa cittaṃ. *Pariccā*-ti paricchinditvā *pajānāmi*. Nanu ca yathā-kamm'ūpaga-ñāṇassāyaṃ visayo-ti. Saccametam tadā pavatta-māna-akusalacitta-vasena paṇ'etaṃ vuttam.

***Apāyan*-ti ādi sabbam niraya-vevacanameva. Nirayo hi āyasaṃkhātā sukhā apeto-ti *apāyo*. Sagga-mokkha-hetubhūtā vā puñña-sammata āyā apeto-ti pi *apāyo*. Dukkhasa gati paṭisaraṇan-ti *duggati*. Dosabahulattā vā duṭṭhena kammunā nibbattā gati-ti pi *duggati*. Vinassāni patanti ettha dukkaṭa-kammakārino, vinassantā vā ettha nipatanti saṃbhijjamān'aṅgapaccaṅgā-ti *vinipāḷo*. Na hi ettha assāda-saññito ayo-ti (nirayo), nirassād'aṭṭhena *nirayo*. Athavā.**

† M. i, 179.

§ Vide Udān'atthakathā, 418; also cf. D. ii, 141; S. i, 94; Udāna, 8/6, etc.

Apāya-ggahaṇena tiracchāna-yoni vuccati. Tiracchāna-yoni hi apāyo sugatito apetattā, na duggati, mahesakkhānaṃ nāga-rājādinaṃ sambhavato. Duggati-ggahaṇena pitti-visayo. So hi apāyo c'eva duggati ca, sugatito apetattā dukkhassa ca gatibhūtattā, na vinipāto asura-sadisam avinipātattā. Vinipātaggahaṇena¹ asurakāyo. So hi yathā-vutten'atthena apāyo c'eva duggati ca samussayehi² vinipatitattā vinipāto-ti ca vuccati. Niraya-ggahaṇena Avīci-ādi aneka-ppakāro nirayo va vuccati. Idha pana sabba-padehi pi nirayo va vutto. Uppajjanti-ti paṭisandhiṃ gaṇhanti.

Gāthāsu, paṭhama-gāthā saṅgītikāle dhamma-saṅgāhaka-ttherehi ṭhapitā. *Ātāvānā*-ti pubbakālakiriya. Nānapubbakaṃ hi byākaraṇaṃ. Hetu-attho vā *Ātāvā*-saddo, yathā sīhaṃ disvā bhayaṃ hoti-ti. Jānana-hetū-ti attho. *Buddho bhikkhūnaṃ santike*-ti Buddho Bāgavā attano santike bhikkhūnaṃ etaṃ purato dvīhi gāthāhi vuccamānaṃ atthaṃ byākāsi. Sesam vutta-nayameva.

Dasamasuttavaṇṇanā.

Dutiavagga-vaṇṇanā-niṭṭhitā.

III, 1. Tatiyavaggassa paṭhame. *Pasannacittan*-ti rattanattaya-saddhāya kamma-phala-saddhāya ca pasanna-mānasam. *Sugatin*-ti* sundaraṃ gatim, ²sukhassa vā gatin-ti *sugatiṃ*.³ *Saggan*-ti rūpādi-sampattihi suṭṭhu aggan-ti *saggam*. *Lokan*-ti (lokiyan-ti) ettha puñña-pāpa-phalāni lujjan'-atṭhen'eva vā *lokaṃ*. Ettha ca sugati-ggahaṇena manussa-gati-pi saṅgayhati. Sagga-ggahaṇena deva-gati eva. Sesam heṭṭhā vuttanayamevā-ti.

Paṭhamasuttavaṇṇanā.

2. Dutiye: *Mā bhikkhave puññāna*-ti ettha mā-ti paṭisedhe nipāto. *Puñña*-saddo—"Kusalānaṃ bhikkhave dhammānaṃ samādāna-hetu evamidam puññaṃ pavaḍḍhati".

* Cf. D. ii, 141; S. i, 94, etc.

¹ C avinipātattā. Vinipātaggahaṇena.

² C sabbasamu°.

³⁻³ C omits.

ti* ādisu puññaphale āgato. “Avijjāgato yaṃ bhikkhave purisa-puggalo puññāñca (katvā) saṃkhāraṃ abhisamkharoti”-ti† ādisu kāmarūpāvacara-sucarito. “Puññūpagama bhavati viññāpan”-ti‡ ādisu sugativisesabbhūte upapattibhave. “Tīṇ’imāni bhikkhave puñña-kiriya-vatthūni: dānamayaṃ puñña-kiriya-vatthum, sīlamayaṃ puñña-kiriya-vatthum, bhāvanā-mayaṃ puñña-kiriya-vatthū”-ti§ ādisu kusala-cetanāyaṃ. Idha pana tebhūmika-kusala-dhammo veditabbo.

Bhāyitthā-ti ettha duvidhaṃ bhayaṃ: āṇabhayaṃ, sārājja-bhayaṃ-ti. Tattha—“Ye pi te bhikkhave devā dīghāyukā vaṇṇavanto sukha-bahulā . . ., te pi Tathāgatassa dhamma-desanaṃ sutvā yebhuyyena bhayaṃ santāsaṃ saṃvegaṃ āpajjanti”-ti|| ādisu āgataṃ āṇa-bhayaṃ. “Ahudeva bhayaṃ ahu chambhitattaṃ ahu lomahaṃso”-ti¶ ādisu āgataṃ sārājja-bhayaṃ. Idhāpi sārājja-bhayameva.

Ayañc’ettha attho:—bhikkhave dīgharattaṃ kāya-vacisaṃyamo vatta-paṭipatti-pūraṇaṃ ekāsaṇaṃ eka-seyyaṃ indriya-damo dhuta-dhammehi cittassa niggaho sati sampajaññaṃ kammaṭṭhānānuyoga-vasena viriyārambho-ti, evamādāni yāni bhikkhunā nirantaraṃ pavattetabbāni puññāni, tehi mā bhāyittha, mā bhayaṃ santāsaṃ āpajjittha, ekaccassa diṭṭhadhamma-sukhassa uparodha-bhayena samparāya-nibbāṇa-sukhadāyakehi puññehi mā bhāyitthā-ti. Nissake hi idaṃ sāmivacanam.

Idāni tato abhāyitabba-bhāve kāraṇaṃ dassento *sukhassetan*-ti ādimāha.

Tattha *sukha*-saddo—“Sukho Buddhānaṃ uppādo”**—pe —“Sukhā virāgatā loke”††-ti ādisu sukhamūle āgato. “Yasmā ca kho Mahāli rūpaṃ sukhaṃ sukhānupatitaṃ sukhāvakantaṃ”‡‡-ti ādisu sukhārammaṇe. “Yāvañc’idaṃ bhikkhave na sukaraṃ akkhānena pāpuṇituṃ yāva sukhā saggā”§§-ti ādisu sukhapaccayaṭṭhāne. “Sukho puññassa uccayo”|||-ti ādisu sukhahetumhi. “Diṭṭhadhammasukhavihārā ete dham-

* D. iii, 58.

† S. ii, 82 (with “hoti” for “bhavati”).

|| A. ii, 33.

†† Vin. i, 3; Udāna, p. 10.

§§ (?)

† S. ii, 82.

§ A. iv, 241.

** Dh., p. 28.

‡‡ S. iii, 69.

||| Dh., p. 17.

mā "ti ādisu abyāpajjhe. "Nibbāṇaṃ paramaṃ sukhaṃ "ti ādisu nibbāṇe. "Sukhassa ca pahāṇā "ti ādisu sukhave-danāyaṃ.

"Adukkhamasukhaṃ santaṃ, sukhamico'eva bhāsitaṃ"-tiṣṭhādisu upekkhā-vedanāyaṃ. "Dve pi mayā, Ānanda, vedanā vuttā pariyāyena sukhā-vedanā, dukkhā-vedanā"-tiṣṭhādisu itthā-sukhe. "Sukho vipāko puññānaṃ"-tiṣṭhādisu itthā-vipāke. Idhāpi itthā-vipāke eva daṭṭhabbo.¹

Itthassā-ti ādisu, esitabbato anitthā-paṭikkhepato ca *itthassa*, kāmaṇiyato manasmiṃ ca kamaṇato pavisaṇato *kantassa*, piyāyitabbato santappanato ca *piyassa*, mānaṇiyato manassa vaḍḍhaṇato ca *maṇāpassā*-ti attho veditabbo. *Yadidaṃ puññāni*-ti *yadidaṃ etaṃ sukhassa itthassa vipākassa adhiva-canaṃ* nāmaṃ. Sukhamev'etaṃ *yadidaṃ puññāni*-ti phaleṇa kāraṇassa abhedopacāraṃ vadati. Tena katūpacitānaṃ puññānaṃ avassambhāvi-phalaṃ sutvā, appamattena sak-kaccaṃ puññāni katabbāni-ti puñña-kiriyāyaṃ niyojeti, ādaraṇīca nesaṃ tattha uppādeti.

Idāni attanā Sunettakāle katena puñña-kammaṇa *āghara-taṃ pacc'anusāhitaṃ* bhavantara-ppaṭicchannaṃ uḷār'uttamaṃ puñña-vipākaṃ udāharitvā, tamatthaṃ pākataṃ karonto *abhi-jānāmi kho paṇḍhaṇ*-ti ādimāha.

Tattha *abhi-jānāmi*-ti abhivisiṭṭhena ñāṇena jānāmi, paccak-khato bujjhāmi. *Digharattaṇ*-ti cirakālaṃ. *Puññānaṇ*-ti dānādi-kusala-dhammānaṃ. *Satta-vassāni*-ti satta samvac-charāni.

Mettacittaṇ-ti mījjatī-ti *mettā*, sinīyhatī-ti attho. Mitte bhavā, mittassa vā esā pavattī-ti pi *mettā*. Lakkhaṇādito pana, hitakāra-ppavatti-lakkhaṇā, hit'ūpasamphāra-rasā āghā-tavinaya-paccupaṭṭhānā, sattānaṃ manāpabhāva-dassana-padaṭṭhānā. Byāpād'ūpasamo etissā sampatti. Sineha-sam-bhavo vipatti. Sā etassa atthī-ti *metta-cittaṃ*.

Bhāvetvā-ti mettāsahagata-citta-sīseṇa² samādhī vutto-ti

* M. i, 40-1.

† Dh., p. 30.

‡ M. i, 182.

§ It., p. 47.

|| M. i, 397-8.

¶ Cf. A. i, 57.

¹ C āgato.

² B "cittaṃ citta-sīseṇa; C "gataṃ cittaṃ vaḍḍhetvā citta".

mettā-samādhim mettā-brahma-vihāraṃ uppādetvā c'eva vadḍhetvā ca. *Satta samvatta-vivatta-kappe-ti satta mahākappe. Samvatta-vivatta-ggahaṇen'eva hi samvatta-tṭhāyi-vivattatṭhāyino pi gahitā. Imam loka-ti kāma-lokaṃ. Samvattamāne sudan-ti samvattamāne. Sudan-ti nipātamattaṃ. Vinassamāne-ti attho. Samvattamāne sudan-ti ca paṭhanti. Kappe-ti loka. Kappa-sisena hi loka vutto, loka pi vā khīyamāne kappo-pi khīyat'eva. Yathāha—*

“Kālo ghasati bhūtāni sabbān'eva sah'attana”-ti.*

Abhassarūpaḥ homi-ti vuttattā tejo-samvatta-vasen'ettha kappe-vuṭṭhānaṃ veditabbaṃ. Abhassarūpaḥ-ti tattha paṭisandhi-ggahaṇa-vasena ābhassara-brahmalokaṃ upagacchāmi-ti ābhassarūpaḥ homi. Vivattamāne-ti saṇṭhahamāne jāyamāne-ti attho. Suññaṃ brahmvimānaṃ upapajjāmi-ti kassaci sattassa tattha nibbattassa abhāvato suññaṃ yaṃ paṭhamajjhānabhūmi-samkhātaṃ brahma-vimānaṃ ādito nibbattaṃ, taṃ paṭisandhi-ggahaṇa-vasena upapajjāmi upemi. Brahmā-ti kāmāvacara-sattehi seṭṭh'aṭṭhena, tathā tathā brūhita-guṇatāya brahma-vihārato nibbattan'aṭṭhena ca brahmā. Brahma-pārisajja-brahmapurohitehi mahanto brahmā-ti mahābrahmā. Tato eva te abhibhavitvā tṭhitattā abhibhū. Tehi kenaci guṇena na abhibhūto-ti anabhibhūto. Aññadatthun-ti ekamsavacane nipāto. Daso-ti dassanasīlo. So atītānāgata-paccuppannānaṃ dassana-samattho. 'Abhiññāṇena passitabbaṃ passāmi'-ti attho. Sesabrahmānaṃ iddhipāda-bhāvanā-balena 'attano cittaṇca mama vasa vatteṃ'-ti vasaṇatī homi-ti yojetabbaṃ.

Tadā kira Bodhisatto aṭṭha-samāpatti-lābhī pi samāno tathā sattahitaṃ attano pārami-paripūraṇaṇca olokento, tāsu eva dvīsu jhānabhūmisu nikantiṃ uppādetvā, mettā-brahma-vihāra-vasena aparāparaṃ saṃsari. Tena vuttaṃ *satta vassāni—pe—vasaṇatī-ti.*

Evam Bhagavā rūpāvacara-puññassa vipāka-mahantataṃ pakāsetvā, idāni kāmāvacara-puññassāpi vipāka-mahantataṃ dassento *chattimsakkhattun-ti* ādimāha.

Tattha *sakko ahoṣin-ti* chattimsavāre aññattha anupapajji-

tvā, nirantaram Sakko devānamindo Tāvatisa-devarājā
 ahosiṃ.¹ *Rājā ahosiṃ cakkavatti*²-ti ādisu catūhi acchariya-
 dhammehi, catūhi ca saṅgha-vatthūhi lokam rañjati-ti *rājā*.
 Cakkaratanam vatteti, catūhi sampatticakkehi vattati, tehi
 ca param vatteti, parahitāya ca iriyāpatha-cakkānam *vallo*
 etasmim atthi-ti *cakkavatti*. *Rājā*-ti o'ettha sāmāññam.
Cakkavatti-ti visesanam. Dhammena carati-ti *dhammiko*.
 Nāyena samena vattati-ti attho. Dhammen'eva rajjanī
 labhitvā rājā jāto-ti *dhammarājā*. Parahita-dhamma-kara-
 ñena vā *dhammiko*. Attahita-dhamma-karaṇena³ vā *dhamma-*
rājā. Caturantāya issaro-ti *cāturanto*. Catusamuddantāya,
 catubbidha-dīpa-vibhūsitāya ca paṭhavīyā issaro-ti attho.
 Ajjhātike pāripaccatthike⁴ bahiddhā ca sabbarājāno adan-
 ñena asatthena vijesi-ti *vijitāvī*. *Janapade thāvare*-bhāvaṃ
 dhuva-bhāvaṃ *patto*, na sakkā kenaci tato cāletum, *janapado*
 vā tamhi *thāvariyaṃ patto* anussukko⁵ sakamma-nirato aśalo
 (asatthena) asampavedhi-ti *janapadatthāvariyaṃ patto*. *Cak-
 ka-ratanam, hatthi-ratanam, assa-ratanam, maṇi-ratanam, it-
 thī-ratanam, gahapati-ratanam, pariṇāyaka-ratanan-ti, imehi
 sattahi ratanehi samupeto-ti *sattaratanasamannāgato*. Tesu
 hi rājā cakkavatti cakkaratanena ajitam jināti, hatthi-assa-
 ratanehi vijite sukken'eva anuvicarati, pariṇāyaka-ratanena
 vijitamanurakkhati, sesehi upabhoga-sukhamanubhavati.
 Paṭhamena c'assa ussāha-satti-yogo. Pacchimena manta-
 satti-yogo. Hatthi-assa-gahapati-ratanehi pabbhū-satti-yogo
 suparipunnō hoti. Itthi-maṇi-ratanehi tividha-satti-yoga-
 phalam. So itthi-maṇi-ratanehi bhoga-sukhamanubhavati.
 Sesehi issariya-sukham.⁶ Visesato c'assa purimāni tīṇi ado-
 sakusala-mūla-janita-kammānubhāvena sampajjanti. Majjhi-
 māni alobhakusala-mūla-janita-kammānubhāvena. Pacchi-
 mamekam amohakusala-mūla-janita-kammānubhāvenā-ti ve-
 ditabbam.

* Cf. D. iii, 145 ff.; A. iv, 89, etc.

¹ C omits.

² S rājā ahosiṃ-ti.

³ B °ma-carapena.

⁴ C paccatthi°; B ajjhattam kopadipaccatthiko.

⁵ S anujutto, fa.

⁶ B upabhoga°.

Padasarajjassū-ti khuddaka-rajjassa. *Etadahosī*-ti attano sampattiyo paccavekkhantassa paccahme cakkavatti-kāle etaṃ *kissa nu kho me idaṃ kammassa phala*-ti ādikaṃ ahosi. Sabb'atthakāma¹eva tasmim tasmim pi¹ bhāve etadahosi yeva. Tatthāyaṃ cakkavatti-kāla-vasena yojanā. *Evamamahiddhiko*-ti maṇiratana-hatthiratanādi-ppamukhāya kosavidhāna-sampattiyā² ca, jana-pada-tthāvariya-ppattiyā ca, evaṃ *mahiddhiko*. *Evamamahānubhāvo*-ti cakkaratanādi-samannāgamaena kassaci pi piḷaṃ akaronto va sabbarājūhi sirasā sampaticchita-sāsana-vehāsaṃgamanādi evaṃ *mahānubhāvo*. *Dānassū*-ti annādi-deyyadhamma-pariccāgassa. *Damassū*-ti cakkhūdi-indriya-damanassa o'eva samādāna-vasena rāgādikilesa-damanassa ca. *Saññamassū*-ti kāya-vaci-saṃyamassa. ³Tatthāpi yaṃ³ samādāna-vasena kilesadamaṇaṃ, taṃ bhāvanā-mayaṃ puññaṃ. Tañca kho mettā-brahma-vihāra-bhūtaṃ idhādhippetam. Tasmim ca upacār'appanā-bhedena duvidhe yaṃ appanāpattam, ten'assa yathāvuttāsu dvīsu jhānabhūmiṃsu upapatti ahosi. Itarena tividhenāpi yathārahaṃ cakkavattiādi-bhāvo-ti veditaḥham.

Iti Bhagavā attānaṃ kāyasakkhiṃ katvā, puññānaṃ vipāka-mahantataṃ pakāsetvā, idāni tamev'attham gāthā-bandhena dassento *puññamevā*-ti ādimāha.

Tattha *puññameva so sikkheyyā*-ti yo atthakāmo kulaputtō, so puññaphalaṃ⁴ nibbattanato attano santānaṃ puṇaṇato ca, *puññan*-ti laddha-nāmaṃ tividhaṃ kusalameva *sikkheyya* niveseyya upaseveyyā-ti attho. *Āyat'aggan*-ti vipula-phala-tāya ulāra-phala-tāya āyat'aggam piyamanāpa-phala-tāya vā *āyatim* uttaman-ti *āyat'aggam*. Āyena vā yonisomanasikārādi-paccayena ulār'uttamena aggan-ti *āyat'aggam*. *Ta-kāro* pada-sandhikaro. Athavā, āyena manuññaphalena aggam padhāna-ti *āyat'aggam*. Tato eva sukh'udrayaṃ sukhavi-pāka-ti attho. Katamaṃ pana taṃ puññaṃ, kathañca naṃ sikkheyyā-ti? Āha 'Dānañca samacariyañca metta-cittañca bhāvaye'-ti.

Tattha *samacariyan*-ti kāyavisamādinī vajjetvā, kāya-

¹ C omits.

²⁻³ C tatthedaṃ.

² B kosavāhanasampattiyā.

⁴ S pūjabbhavapha°.

samādi¹-cariyaṃ suddham² sīlan-ti attho. *Bhāvaye*-ti attano santāne uppādeyya vaddheyya. *Ete dhamme*-ti ete dānādike sucarita-dhamme. **Sukha-samudraye*-ti sukhānisamse. Āni-samsa-phalaṃ pi nesam sukhamevā-ti dasseti. *Abyāpajjhaṃ sukhaṃ lokan*-ti kāma-cchandādi-byāpāda-virahitattā *abyāpaj-jhaṃ niddukkhaṃ*. Parapīlābhāve pana vattabbaṃ n'atthi. Jhāna-samāpatti-vasena sukha-bahulattā *sukhañca ekanta-sukhañca* brahma-lokaṃ jhāna-puññānaṃ. Itara-puññānaṃ pana tadañña-sampatti-bhāva-samkhātaṃ *sukhaṃ lokam paṇḍito sappañño upapajjati* upeti. Iti imasmim sutte gā-thāsu ca vaṭṭasampatti eva kathitā.

Dutiyasuttavaṇṇanā.

3. †Tatiye: *Bhāvito*-ti uppādito ca vaddhito ca. *Bahu-līkato*-ti punappunaṃ kato. *Attho*-ti hitam. Taṃ hi araṇḍi-yato upagantabbato attho-ti vuccati. *Samadhiggayha tiṭṭhañi*-ti sammā pariggahetvā avijahitvā vattati. *Diṭṭhadhammi-kan*-ti diṭṭhadhamme vuccati paccakkhabhūto attabhāvo. Diṭṭhadhamme bhavaṃ *diṭṭhadhammikaṃ*. Idhaloka-pariyā-pannan-ti attho. *Samparāyikan*-ti dhamma-vasena sampa-retabbato *samparāyo*, paraloko. Samparāye bhavaṃ *samparāyikaṃ*. Paraloka-pariyāpannan-ti vuttaṃ hoti.

Ko pan'essa *diṭṭhadhammiko* nāma attho, ko vā *samparā-yiko*-ti? Samkhepena tāva yaṃ idha-loka-sukhaṃ yañc'eta-rahi idhaloka-sukhāvahaṃ, ayaṃ diṭṭhadhammiko attho. Seyyathidaṃ, gahaṭṭhānaṃ tāva idha yaṃkiñci vitt'ūpakara-ṇaṃ anākula-kammantatā ārogya-vidhānaṃ vatthu-visada-kiriyaṃ yogavihitāni sippāyatana-vijjuttānāni saṅghita-parijanatā-ti evamādi. Pabbajitānaṃ pana ye ime jīvita-parikkhārā ovara-piṇḍapāta-senāsana-gilāna-paccaya-bhesa-ja-parikkhārā, tesam akiccha-lābho tattha ca saṅkhāya paṭi-sevanā, saṅkhāya parivajjanā, vatthu-visada-kiriyaṃ, appic-chatā, santuṭṭhitā, pariveko asamsaggo-ti evamādi. Paṭirū-

* See Text, which reads -°samuddaye.

† For this Sutta and Gāthā, vide S. i, 86-7.

padesa-vāsa-sappuris'ūpassaya-saddhamma-ssavana-yonisoma-nasikārādayo pana ubhayesaṃ sād'hāraṇā, ubhayappaṭirūpā cā-ti veditabbam.

Appamādo-ti ettha appamādo pamāda-ppaṭipakkhato veditabbo. *Ko pan'esa pamādo nāma? Pamajjanākāro. Vuttañh'etaṃ:—"Tattha katamo pamādo? Kāya-duccaritena vā, vaci-duccaritena vā, mano-duccaritena vā, pañcasu kāmāgūpesu cittassa vossaggo, vossaggānuppadānaṃ kusalānaṃ vā dhammānaṃ bhāvanāya asakkaccakiriyatā, asāta-cakiriyatā, anaṭṭhitakiriyatā, olīnavuttitā, nikkhittachandatā, nikkhittadhuratā, anāsevanā, abhāvanā, abahulīkammaṃ 'anadiṭṭhānaṃ ananuyogo pamādo': yo evarūpo pamādo pamajjanā pamajjitattaṃ, ayaṃ vuccati *pamādo*"-ti.† Tasmā vuttappaṭipakkhato *appamādo* veditabbo. Atthato hi so satiyā avippavāso. Niccaṃ uppaṭṭhitāya satiyā eva c'etaṃ nāmaṃ. Apare pana satisampajañña-yogena pavattā cattāro arūpino khandhā *appamādo*-ti vadanti.

Bhāvito bahulīkato-ti vuttaṃ, kathaṃ panāyaṃ appamādo bhāvetabbo-ti? Na appamādabhāvanā nāma viṣuṃ ekā bhāvanā atthi. Yā hi kāci puññakiriyā kusalakiriyā, sabbā sā appamādabhāvanā tv'eva veditabbā. Visesato pana vivaṭṭ-ūpanissayaṃ saraṇāgamaṇaṃ kāyikavācasikaṃ samvaraṇica upādāya, sabbā sīlabhāvanā, sabbā samādhibhāvanā, sabbā paññābhāvanā-ti, sabbā kusala-bhāvanā, anavaṃja-bhāvanā, appamāda-bhāvanā-ti veditabbā.

Appamādo-ti hi idaṃ mahantaṃ atthaṃ dīpeti, mahantaṃ atthaṃ pariggahetvā *tiṭṭhati*. Sakalaṃ pi Tepitakaṃ Buddha-vacanaṃ āharitvā, *appamāda*-padassa atthaṃ katvā kathento dhammakathiko atīṭṭhena pakkhanto-ti na vattaṃ. Kasmā? Appamādaṃ mahanta-bhāvato. Tathā hi Sammā-sambuddho Kusinārāyaṃ Yamaka-sālānamantare parinibbāna-samaye nipanno ābhisambodhito paṭṭhāya pañca-cattālī-sāya vassesu attanā bhāsitaṃ dhammaṃ ekena padena saṅgahetvā dassento "*Appamādena sāmpādetā*"-ti‡ bhikkhunaṃ ovādamadāsi. Tathā ca vuttaṃ—"Seyyathāpi

* Cf. A.A. i, 74.

† Vbh. 350.

‡ D. ii, 156.

bhikkhave, yāni kānici jaṅgamānaṃ pāpānaṃ padajātāni sabbāni tāni hatthipade samodhānaṃ gacchanti, hatthipadaṃ tesam aggamakkhāyati, yadidaṃ mahantattena; evameva kho bhikkhave ye keci kusalā dhammā, sabbe te appamāda-mūlakā appamāda-samosaraṇā, appamādo tesam aggamak-khāyati"-ti.*

†Gāthāsu, *Appamādaṃ pasamsanti*-ti dānādi-puñña-kiri-yāsu appamajjanaṃ paṇḍitā sappañña buddhādayo pasam-santi vaṇṇenti thomenti. Kasmā? Yasmā—

Appamatto ubho atthe adhiggaṇhāti paṇḍito.

Ke pana te ubho attā-ti? Āha:—

Diṭṭhe dhamme ca yo attho

Yo c'attho samparāyiko-ti

evamettha padayojanā veditabbā. Idhāpi *diṭṭhe dhamme ca yo attho*-ti gahaṭṭhassa tāva—"Anavajjāni kammāni, anā-kulā ca kammantā"-ti‡ ādinā nayena vutto kasigorakkhādi-vidhāno laddhabbo attho.§ Pabbajitassa ca avippaṭisārādi attho veditabbo. *Yo c'attho samparāyiko*-ti pana ubhayesaṃ pi dhammacariyā vuttā-ti veditabbā. *Attābhīsamayā*-ti du-vidhassa pi atthassa hitassa paṭilābhā. Laddhabbena samiti saṅgati samodhāna-ti *samayo* lābho. *Samayo* eva *abhi-samayo*. Abhimukha-bhāvena vā samayo *abhisamayo*-ti. Evamettha pad'attho veditabbo. Dhisampannattā *dhīro*-ti. Tena c'ettha *attā*-saddena paramatthaṃsa nibbānassāpi saṅgaho veditabbo. Sesam suviññeyyameva.

Iti imasmiṃ pi sutte vaṭṭasampatti eva kathitā. Gāthā-yam pana vivaṭṭassa pi saṅgaho daṭṭhabbo. Tathā hi vuttaṃ—

"Appamādo amataṃ padaṃ, pamādo maccuno padaṃ

Appamattā na mīyanti, ye pamattā yathā matā.

Etaṃ visesato ñatvā appamādamhi paṇḍitā

Appamāde pamodanti ariyānaṃ gocare ratā.

Te jhāyino sātatikā niccaṃ dalhaparakkamā

Phusanti dhīrā nibbānaṃ yogakkhemaṃ anuttaraṃ"-

ti.||

* M. i, 184.

† For the Gāthā, also see A. iii, 48-9.

‡ Kh. 3.

§ Vide Sn. 12, and Pj. i, 141.

|| Dh. 4.

Tasmā *attābhāsamaya*-ti ettha lok'uttar'attha-vasena pi attho veditabbo.

Tatīyasuttavaṇṇanā.

4. Catutthe, **Eka-puggalassa*-ti ettha *puggalo*-ti ayam vohārakathā.

Buddhassa hi Bhagavato duvidhā desanā: sammatidesanā ca, paramatthadesanā cā-ti. Tattha puggalo, satto, itthi, puriso, khattiyo, brāhmaṇo, devo, Māro-ti evarūpā sammatidesanā. Aniccaṃ, dukkhaṃ, anattā, khandhā, dhātu, āyatanā, satipaṭṭhānā-ti evarūpā paramatthadesanā. Tattha Bhagavā, ye sammati-vasena desanaṃ sutvā visesamadhigantun samatthā, nesam sammati-desanaṃ deseti. Ye pana paramattha-vasena desanaṃ sutvā visesamadhigantun samatthā, tesam paramattha-desanaṃ deseti. Tatthāyaṃ upamā:—Yathā hi desa-bhāsā-kusalo tinnam Vedānaṃ attha-samvaṇṇanako ācariyo, ye Damiḷabhāsāya vutte atthaṃ jānanti, tesam Damiḷabhāsāya ācikkhati, ye Andha-bhāsādisu aññatarāya, tesam tāya bhāsāya, evaṃ te mānavā chekaṃ byattaṃ ācariyamāgamaṃ khippameva sippaṃ uggaṇhanti. Tattha ācariyo viya Buddhō Bhagavā, tayo Vedā viya kathe-tabba-bhāve t̥hitāni t̥ipi Pīṭakāni, desa-bhāsā-kosallamiva sammati-paramattha-kosallaṃ, nānādesabhāsā mānavakā viya sammati-paramattha-vasena paṭivijjhana-samatthā veneyyā, ācariyassa Damiḷakābhāsādi-ācikkhanaṃ viya Bhagavato sammati-paramattha-vasena desanā veditabbā. Āha c'ettha—

Duve saccāni akkhāsi	Sambuddho vadataṃ varo
Sammatim paramatthañca	tatīyaṃ n'ūpalabbhati.
Samketam vacanaṃ saccam	lokasammati-kāraṇam
Paramattha-vacanaṃ saccam	dhammānaṃ tatha-lak- khaṇaṃ.

Tasmā vohāra-kusalassa	lokanāthassa Satthuno
Sammatim voharantassa	vohāro ariyo va so-ti.†

Apica, atthahi kāraṇahi Bhagavā puggala-kathaṃ katheti: hir'ottappa-dīpanatthaṃ, kammassakatā-dīpanatthaṃ, paccat-

* For the following, see Manoratha-pūraṇi, pp. 94-6; MA. i, 137-9.

† Cf. A.A. i, p. 95; MA. i, 138; Kvu.A., J.P.T.S. 1889, p. 34.

ta-purisa-kāra-dīpanattham, anantariya-dīpanattham, brahma-vihāra-dīpanattham, pubbenivāsa-dīpanattham, dakkhiṇā-visuddhi-dīpanattham, loka-sammatiyā appahānattham¹-ti. Khandhadhātu-āyatanāni hiriyaṇti ottappanti²-ti hi vutte mahājano na jānāti, sammohaṃ āpajjati, paṭisattu vā hoti. Kimidaṃ khandhadhātu-āyatanāni hiriyaṇti ottappanti nāma-ti? Itthi hiriyaṇti ottappati,¹ puriso, khattiyo, brāhmaṇo-ti pana vutte jānāti, na sammohaṃ āpajjati, na paṭisattu vā hoti. Tasmā Bhagavā hir'ottappa-dīpanattham puggala-katham katheti. Khandhā kammassakā, dhātuyo, āyatanāni-ti vutte pi es'eva nayo. Tasmā kammassakatā-dīpanattham pi puggala-katham katheti. Veḷuvanādayo mahāvihārā khandhehi kārāpitā dhātūhi āyatanehi-ti vutte pi es'eva nayo. Tattha khandhā mātaraṃ jīvitaṃ voropenti, pitaraṃ arahantaṃ ruhiruppāda-kammaṃ saṃghabheda-kammaṃ karonti; dhātuyo āyatanāni-ti vutte pi es'eva nayo. Khandhā mettāyaṇti, dhātuyo, āyatanāni-ti vutte pi es'eva nayo. Khandhā pubbenivāsaṃ anussaranti, dhātuyo, āyatanāni-ti vutte pi es'eva nayo. Tasmā paccatta-purisa-kāra-dīpanattham, anantariya-dīpanattham, brahma-vihāra-dīpanattham, pubbenivāsa-dīpanattham puggalakatham katheti. Khandhā dānaṃ paṭiggaṇhanti, dhātuyo, āyatanāni-ti vutte pi mahājano na jānāti, sammohaṃ āpajjati, paṭisattu vā hoti. Kimidaṃ khandhā dhātuyo āyatanāni paṭiggaṇhanti nāma-ti? Puggalā paṭiggaṇhanti-ti pana vutte jānāti, na sammohaṃ āpajjati, na paṭisattu vā hoti. Tasmā Bhagavā dakkhiṇā-visuddhi-dīpanattham puggala-katham katheti. Lokasammatifāca Buddhā Bhagavanto na pajahanti, lokasamaññāya lokābhilāse ṭhitaṃ yeva dhammaṃ desenti, tasmā Bhagavā loka-sammatiyā appahānattham pi puggala-katham katheti.

So idhāpi lokavohāra-vasena desetabbamattham dassento *ekapuggalasse*-ti ādimāha.

Tattha *ekapuggalasse*-ti ekassa sattassa. *Kappan*-ti mahākappam. Yadi pi accantasamyoge idaṃ upayoga-vacanam, yattha pana sattānaṃ sandhāvanam saṃsāraṇaṃ sambhavati, tassa vasena gaheṭabbam. *Aṭṭhikaṇḍalo*-ti² aṭṭhibhāgo.

¹ ottappiyati in Manoratha-pūraṇi, p. 96.

² S "kakalo, here and below.

Atthikhaloti pi paṭhanti. Atthisañcayo-ti attho. *Atthipuñjo*-ti atthisaṃuho. *Atthirāsī*-ti tass'eva vevacanam. Keci pana kaṭippamānato heṭṭhā samuho *kaṅkalo* nāma, tato upari yāva tāla-ppamānam *puñjo*, tato upari *rāsī*-ti vadanti. Taṃ tesam matimattam. Sabbametam samūhass'eva pariyāya-vacanam. **Vepullassa* vā-ti upamā-bhāvena āha. Tattha *sace saṃhārako assā*-ti avippakīraṇa-vasena saṃharitvā ṭhapetā koci yadi siyā-ti parikappana-vasena vadati. *Sambhatañca na vinasseyyā*-ti tathā kenaci sambhataṃ ca atthikañkalam antaradhānābhāvena pūtibhūtam cuppavicuppañca ahutvā, *sace na vinasseyyā*-ti parikappanavassen'eva vadati.

Ayaṃ h'ettha attho: bhikkhave *ekassa* sattassa kamma-kilesaḥ aparāpar'uppatti-vasena ekaṃ mahākappam *sandhāvantassa saṃsaranatassa* evaṃ *mahā-atthi*-sañcayo bhaveyya ārohaparipāhehi yattako'yaṃ *vepullapabbato* sace pañ'assa koci saṃharitvā ṭhapetā bhaveyya, *sambhatañca* taṃ sace avinassantaṃ tiṭṭheyyā-ti. Ayañca nayo nibbutapadīpo viya bhijjana-sabhāve kalevara-nikkhepa-rahite opapātikattabhāve sabbena sabbaṃ anatthike ca, khuddakattabhāve vajjetvā vutto. Keci pana parikappana-vasena imassa nayassa āhatattā tesam pi yadi *siyā atthikañkalo* tenāpi pabbatasamo va ayaṃ *atthipuñja*-parimāṇo nāvutto-ti¹ vadanti.† Apare *na-yidamevaṃ labbhamānass'eva atthi-puñjassa* vasena sabbaññiṭṭa-ñāṇena paricchinditvā imassa parimāṇassa vuttattā. Tasmā vuttanayen'eva attho gahetabbo-ti.

Gāthāsu, *Mahesinā*-ti mahante sīla-kkhandhādayo esi gavesi-ti *mahesī*, Sammā-sambuddho. *Iti vuttam mahesinā*-ti ca Bhagavā—"Dasabala-samannāgato bhikkhave Tathāgato"-ti‡ ādisu viya attānaṃ aññaṃ viya katvā dassesi.² *Vepullo*-ti Rājagahaṃ parivāretvā ṭhitesu pañcasu pabbatesu vipulabhāvato *Vepullo*-ti laddhanāmo.§ Tato eva mahāpaṭiṭṭhita-disābhāga-vasena³ *uttaro*.⁴ *Gijjhakūṭassa Giribāje*-ti Giribajapura-nāmakassa Rājagahassa samīpe.

* See below.

† Vide Therī-G., v, 497.

‡ S. ii, 27.

§ Cf. Therīgāthā A., p. 289; S. ii, 190 ff.

Ettāvatā Bhagavā ettakena pi kālena anupacchinna-bhavamūlassa अपरिनिष्ठा-वत्थुकassa puthujjanassa ayamīdisi kaṭasivaḍḍhanā-ti* vaṭṭe ādinavaṃ dassetvā, idāni yesaṃ ariyasaccānaṃ ananubodhā appaṭivedhā andhaputhujjanassa evaṃ kaṭasivaḍḍhanā, tāni ariyasaccāni diṭṭhavato ariyapuggalassa ayaṃ n'atthi-ti dassento *yato ca ariya-saccāni-ti ādimāha*.

Tattha *yato-ti yadā. Ariyasaccāni-ti* araṇḍiyato ariyāni avitathabhāvena saccāni cā-ti *ariyasaccāni*. Ariyabhāva-karāni vā saccāni *ariyasaccāni*. Ariyehi vā buddhādīhi paṭi-vijjhitabbāni saccāni *ariyasaccāni*. Athavā, ariyassa saccāni *ariyasaccāni*. Sadevakena hi lokena saraṇan-ti araṇḍiyato *ariyo* Bhagavā, tena sayambhū-ñāṇena diṭṭhattā tassa saccāni-ti *ariyasaccāni*. *Sammappaññāya passaṭi-ti* sammā hetunā ñāyena vipassanāpaññānahitāya maggapaññāya pariññāpahāna-sacchikiriyā-bhāvanābhisamaya-vasena passaṭi.

Dukkhan-ti ādi ariyasaccānaṃ sarūpadassanaṃ. Tattha anek'ūpaddavādhiṭṭhānatāya kucchitabhāvato bāla-jana-parikappita-dhuva-subha-sukhatta-virahena tucchabhāvato ca dukkhaṃ. Dukkhaṃ samuppajjati etenā-ti *dukkhasamuppādo*, dukkhasamudayo. Dukkhaṃ atikkamati etena ārammaṇapaccaya-bhūtena ettha vā-ti *dukkhassa atikkamo* nibbānaṃ. Ārakattā kilesehi araṇḍiyato ca *ariyo*. Sammādiṭṭhi-ādināṃ aṭṭhannaṃ aṅgānaṃ vasena *aṭṭhaṅgiko*. Mārento kilese gacchati, nibbānatthikehi maggiyati, sayam vā nibbānaṃ maggaṭi-ti *maggo*. Tato eva dukkhassa upasamaṃ nirodhaṃ gacchatī-ti *dukkhūpasamagāminam*.¹ Yato *sammappaññāya passaṭi-ti sambandho*.

Sa sattakkhattuṃ paramaṃ sandhāvitvāna puggalo-ti so eva catusaccadassāvī ariyapuggalo sotāpanno sabbamudindriyo samāno sattavāraparamaṃ yeva bhavādisu aparāpar'uppattivāsena *sandhāvitvā* saṃsaritvā. Ekabījī kolaṇīkolo sattakkhattuparamo-ti indriyānaṃ tikkha-majjha-mudu-bhāvena tayo hi sotāpannā, tesu sabbamudindriyassa vassen'idaṃ vuttaṃ, sa sattakkhattuṃ paramaṃ sandhāvitvā-

* Cf. Therī-G., v, 502; UdA. 351.

nā-ti. *Dukkhaṣ' antakaro hoṭi-ti* vaṭṭadukkhassa antakaro pariyosānakaro hoti. Kathaṃ? *Sabbasaṃyojanakkhaya*¹-ti anupubbena aggamaggaṃ adhigantvā niravasesānaṃ saṃyojanānaṃ khepanā-ti.

Arahattaphalen'eva desanāya kūṭaṃ gaṇhi.

Catutthasuttavaṇṇanā.

5. Pañcame, *ekadhammaṃ aṭṭhassā*-ti kā uppatti?

*Bhagavato bhikkhusaṃghassa ca mahālābhasakkāro upapajjati, titthiyānaṃ parihāyi. Te hataḷābhasakkārā nippabhā nittejā issāpakatā Ciñcāmānavikaṃ nāma paribbājikaṃ upayojesum 'ehi tvaṃ bhagini samaṇaṃ Gotamaṃ abhūtena abbhācikkhassū'-ti. Sā Bhagavantam catuparisāmajjhe dhammaṃ desentaṃ upagantvā, abhūtena abbhācikkhitvā, Sakken'assā abhūtabhāve pakāsita mahājanena 'dhikālakappaṃ'-ti viharato nikkaḍḍhāpitā paṭhaviyā vivare dinne Avicijālānaṃ indanaṃ hutvā va Aviciniraye nibbatti. Bhiyyoso mattāya titthiyānaṃ lābhasakkāro parihāyi.

Bhikkhū dhammasabhāyaṃ kathaṃ samuṭṭhāpesum 'āvuso Ciñcamānavikā evaṃ ulāraguṇaṃ aggadakkhiṇeyyaṃ Sammāsambuddhaṃ abhūtena akkositvā mahāvināsaṃ pattā'-ti. Bhagavā taṃ kāraṇaṃ nissāya 'na bhikkhave idān'eva pubbe pi sā maṃ abhūtena akkositvā mahāvināsaṃ pattā yevā'-ti Mahāpadumajātakaṃ[†] kathetvā upari dhammaṃ desento imissā atthupattiyā *ekadhammaṃ aṭṭhassā*-ti imaṃ suttaṃ desesi.

Tattha *ekadhamma*-ti ekaṃ vacīsaccasaṃkhātaṃ dhammaṃ. *Aṭṭhassā*-ti yā sā aṭṭha-anariyavohāre vajjetvā aṭṭha-ariyavohāresu putiṭṭhāpana-vasena² 'saccaṃ bhane, na alikaṃ'-ti ariyehi ṭhapitā mariyādā, taṃ atikkamitvā ṭhitassa puriso eva puggalo-ti *purisapuggalo* tassa. *Akaraṇīya*-ti kātuṃ asakkuṇeyyaṃ. *Sampajānamusāvādi* hi puggalo kiñci pāpakammaṃ katvā 'idaṃ nāma tayā kataṃ' ti vutte, 'na mayā

* For the story and quotations see DhA. iii, 178-82; also J. iv, 187-9, Hardy's Manual, p. 284.

† J. iv, 187.

¹ S °saṇṇoja°.

² S. °panattham, fa.

katan 'ti musāvāden'eva pariharissati. Evañca paṭipajjanto kiñci pāpakammaṃ karoti yeva, na tattha lajjati saccama-riyādāya samatikkantattā. Tena vuttaṃ—*katamaṃ ekadhammaṃ yadidaṃ bhikkhave saṃpajāna-musāvādo*-ti.

*Gāthāyaṃ, *Musāvādissā*-ti musā abhūtaṃ ataccaṃ paresaṃ viññāpanavasena vadanasiḷassa. Yassa dasasu vacanesu ekampi saccam n'atthi, evarūpe vattabbameva n'atthi. *Jantuno*-ti sattassa. Satto hi jāyanaṭṭhena jantū-ti vuccati. *Vitīṇaparalokassā*-ti visatṭhaparalokassa. Īdiso hi manussa-sampatti devaloka-sampatti avasāne nibbānasampatti-ti imā tisso-pi sampattiyo na passati. *N'atthi pāpan*-ti tassa tādissassa idaṃ nāma pāpaṃ na kattabban-ti n'atthi-ti.

Pañcamasuttavaṇṇanā.

6. Chaṭṭhe, *evañce*-ti ettha *evan*-ti upamābhāve. *Ce*-ti parikkappane nipāto. *Sattā*-ti rūpādisu sattā visattā. *Jāneyyun*-ti bujjheyym. *Dānasaṃvibhāgassā*-ti yāya hi ceta-nāya annādi-deyyadhammaṃ saṃharitvā anukampā-pūjāsu aññatara-vasena paresaṃ diyyati, taṃ *dānaṃ*. Yāya pana attanā paribhuñjitabba-bhāvena gahita-vatthussa ekadeso saṃvibhajitvā diyyati, ayaṃ *saṃvibhāgo*. *Vipākan*-ti phalaṃ. *Yathāhaṃ jānāmi*-ti yathā ahaṃ jānāmi. Idaṃ vuttaṃ hoti:—tiracchānagatassa pi dānaṃ datvā attabhāvasate pavatti-sukha-vipaccana-vasena sataguṇā dakkhinā hoti-ti, evamādinā bhikkhave yena pakāreṇa ahaṃ dāni dāna-saṃvibhāgassa paripākaṃ kumma vipāka-ñña-vasena paccakkhato jānāmi, evaṃ ime sattā yadi jāneyyun-ti. *Na adatvā bhuñjeyyun*-ti yaṃ bhuñjitabba-yuttakaṃ attano atthi tato paresaṃ na adatvā bhuñjeyyum, datvā va bhuñjeyyum. *Na cānesaṃ maccheramalaṃ cittaṃ pariyādāya tiṭṭheyya*-ti attano sampattinaṃ parehi sālāhāraṇa-bhāvāsahana-lakkhaṇaṃ cittassa pabhassara-bhāvadūsakānaṃ upakkilesa-bhūtānaṃ kaṇhadhammānaṃ aññataraṃ macchariyamalaṃ. Athavā, yathā-vuttaṃ maccherañc'eva aññaṃ pi dānantarāyakaraṃ issā-lobha-dosādimalaṇca nesam sattānaṃ cittaṃ, yathā

dānacetanā nappavattati, na vā supariśuddhā hoti, evaṃ pari-yādāya parito gahetvā abhibhavitvā na tiṭṭheyya. Ko hi sammadeva dānaphalaṃ jānanto attano cittaṃ maccherama-lassa okāsaṃ dadeyya? *Yo pi nesaṃ assa carimo ālopo*-ti nesaṃ sattānaṃ yo sabbapaccchimako ālopo siyā. *Carimaṃ kabalan*-ti tass'eva vevacanaṃ. Idaṃ vuttaṃ hoti—ime sattā pakatiyā yattakehi ālopehi sayā yāpeyyuṃ tesu ekameva ālopaṃ attano atthāya ṭhapetvā tadanñe sabbe ālope āgatā-gatānaṃ atthikānaṃ datvā yo ṭhapito ālopo assa, so idha *carimo ālopo* nāmā-ti.¹ *Tato pi na asaṃvibhajitvā* bhuñjey-yuṃ, sace nesaṃ paṭiggāhakā *assū*-ti nesaṃ sattānaṃ paṭig-gāhakā yadi siyuṃ, tato pi yathāvuttaparimāṇa-ālopato² pi saṃvibhajitvā va ekadesaṃ datvā va bhuñjeyyuṃ yathāhaṃ dānaśaṃvibhāgassa vipākaṃ paccakkhato jānāmi, evaṃ yadi jāneyyun-ti. *Yasmā ca kko*-ti ādinā kammaphalassa apac-cakkha-bhāvato evamete sattā dānaśaṃvibhāgesu nappavat-tanti-ti yathādhīpetamatthaṃ kāraṇena sampaṭipādeti. Eten'eva nesaṃ tadanñāpuññesu ca appaṭipattiyā apuññesu ca paṭipattiyā kāraṇaṃ dassitan-ti daṭṭhabbam.

Gāthāsu, *Yathāvuttaṃ mahesinā*-ti mahesinā Bhagavatā —“Tiracchānagatānaṃ³ dānaṃ datvā sataguṇā dakkhiṇā pāṭikañkhitabbā”-ti* ādinā, idh'eva vā *evañce sattā jāney-yun*-ti ādinā yathāvuttaṃ nāṇena taṃ yathāvuttaṃ cittaṃ nātan-ti attho. *Vipākaṃ saṃvibhāgassā*-ti saṃvibhāgassa pi vipākaṃ, ko pana vādo dānassa? *Yathā hoti mahapphala*-ti yathā so vipāko mahantaṃ phalaṃ hoti, evaṃ ime sattā yadi jāneyyun-ti sambandho. *Vineyya maccheramalan*-ti macchariyamalaṃ apanetvā kammaphalasaddhāya rata-nattayasaddhāya ca visesato pasannena cittena yesu kile-saḥi ārakattā ariyesu sīlādiguṇasampannesu dinnam appa-kaṃ pi mahapphalaṃ hoti, tesu yuttakālena *dajjuṃ* da-deyyuṃ.⁴ *Mahapphala*-bhāvakaraṇato *dakkhiṇaṃ* arahanti-ti dakkhiṇeyyā sammāpaṭipannā. Tesu *dakkhiṇeyyesu dak-khiṇaṃ*-ti paralokaṃ saddahitvā dātabba-deyyadhammaṃ,

* M. iii, 255.

¹ S nāma.

² B °gate.

³ B °ttacarimālopato.

⁴ Cf. Text, p. 19, fn. 3.

yathā taṃ dānaṃ hoti mahādānaṃ evaṃ datvā. Athavā, *bahuno annaṃ¹ datvā* kathaṃ pana annaṃ¹ dātabban-ti? Aha *dakkhiṇeyyesu dakkhiṇaṃ*-ti. Ito ca *manussatta*-bhāvato cutā paṭisandhivasena *saggaṃ gacchanti dāyaka*. Kāmakāmino-ti kāmatabbānaṃ ulārānaṃ devabhogānaṃ paṭiladdharūpa-vibhavana kammunā upagamanena sādhu-kāritāya *kāmakāmino* sabbakāmasamaṅgino *modanti* yathāruciṃ paricārenti-ti attho.

Chaṭṭhasuttavaṇṇanā.

7. Sattame. *Yāni kānici*-ti anavasesapariyādānaṃ. *Opadhikāni puñṇakiriyāvattūni*-ti tesāṃ niyamaṇaṃ. Tattha *upadhī* vuccanti khandhā. Upadhissa kāraṇaṃ sīlaṃ, etesaṃ upadhī, payojanāni vā *opadhikāni* sampattibhave attabhāva-janakāni paṭisandhippavatti-vipākadāyakaṇi. *Puñṇakiriyāvattūni*-ti puñṇakiriyā ca tā tesāṃ tesāṃ phalānisamsānaṃ vatthūni cā-ti *puñṇakiriyāvattūni*. Tāni pana saṃkhepato dānamayaṃ, sīlamayaṃ, bhāvanāmayan-ti tividhāni honti. Tattha yaṃ vattabbaṃ taṃ parato Tikanipāta-vaṇṇanāyaṃ āvibhavissati.²

Mettāya cetovimuttiyā-ti mettā-bhāvanā-vasena paṭiladdha-tika-catukka jhāna-samāpattiya. *Mettā*-ti hi vutte upacāraṃ pi labbhati appanā pi. *Cetovimutti*-ti pana vutte appanā-jhānameva labbhati. Taṃ hi nīvaraṇādi-paccanīka-dhammato cittassa suṭṭhu vimutta-bhāvena cetovimutti-ti vuccati. *Kaḷaṃ nāgghanti soḷasin*-ti mettābrahmavihārassa soḷasabhāgaṃ opadhikāni puñṇakiriyāvattūni na agghanti. Idaṃ vuttaṃ hoti: mettāya cetovimuttiyā yo vipāko taṃ soḷasiṃ³ soḷasakoṭṭhāse katvā, tato ekaṃ puna soḷasakoṭṭhāse katvā, tattha yo ekakoṭṭhāso, na taṃ aññāni opadhikāni puñṇakiriyāvattūni agghanti-ti.

*Adhiggahe*tva-ti abhibhavitvā. *Bhāsate*-ti upakkilesa-vi-suddhiyā dippati. *Tapate*-ti tato eva anavasese paṭipakkha-dhamme santāpeti. *Virocāsi*-ti ubhayasampattiya virājati. Mettā hi cetovimutti, candāloka-saṃkhātā vigat'upakkilesā juṇhā viya dippati, ātapo viya andhakāraṃ paccanīkadhamme

¹ S dānaṃ.

² Vide 3, II, 1.

³ C omīte.

vidhamanti *tapati*, osadhitārakā viya vijjotamānā virājati virocati.

Seyyathāpi-ti opammadassanatto nipāto. *Tārakarūpānan*-ti jotinaṃ. *Candiyā*¹-ti candassa ayan-ti candi, tassā candiyā, pabbhāya juṇhāyā-ti attho. *Vassānan*-ti vassāni-ti bahuvacanavasena laddhavohārassa utuno. *Pacchime māse*-ti Kattikamāse. *Saradasamaye*-ti saradakāle. Assayujakattikamāsā hi loke sarada-utū-ti vuccanti. *Viddhe*-ti² ubbidhe, meghavigamena dūrībhūte-ti attho. Ten'evāha *vigatavalāhake*-ti.* *Deve*-ti³ ākāse. *Nabhaṃ abbhussakkamāno*-ti udayaṭṭhānato ākāsaṃ ullaṅghento. *Tamagatan*-ti tamaṃ. *Abbhivacca*-ti³ abbihatvā vidhamitvā. *Osadhitārakā*-ti ussannā pabbhā etāya dhiyati, osadhināṃ vā anubalappadāyitattā osadhi-ti laddhanāmā tārakā.

Etthāha: kasmā pana Bhagavatā samāne pi sāsavabhāve mettā itarehi opadhikapuññehi visesetvā vuttā-ti ? Vuccate: seṭṭh'aṭṭhena niddosa-bhāvena ca sattesu supaṭipatti-bhāvato. Seṭṭhā hi ete vihārāsabbasattesu sammāpaṭipatti-bhūtā yadidaṃ mettājhānāni. Yathā ca brahmāno niddosa-cittā viharanti, evaṃ etehi samannāgatā yogino brahmasamā va hutvā viharanti. Tathā hi mettā brahmavihārā-ti vuccanti. Iti seṭṭh'aṭṭhena niddosabhāvena ca sattesu supaṭipattibhāvato mettā va itarehi opadhika-puññehi visesetvā vuttā. Evaṃ pi kasmā mettā va evaṃ visesetvā vuttā ? Itaresaṃ brahmavihārāṇaṃ adhiṭṭhāna-bhāvato dānādīnaṃ sabbesaṃ kalyāṇa-dhammānaṃ pāripūrikattā ca. Ayaṃ hi sattesu hitākārapavattilakkaṇā mettā hit'ūpesaṃpharaṇarasā āghāta-vinayana-paccupaṭṭhānā yadi anodhiso bhāvitā bahullikatā, atha sukheṇ'eva karuṇādibhāvanā sampajjanti-ti mettā itaresaṃ brahma-vihārāṇaṃ adhiṭṭhānaṃ. Tathā hi sattesu hit'ajjhāsayatāya sati nesaṃ dukkhāsahanatā sampatti-visesānaṃ ciraṭṭhiti-kāmatā pakkaṇapātābhāvena sabbattha samappavatta-cittatā ca sukheṇ'eva ijjhanti. Evaṃca sakalalokahita-

* M. II, 34, 42.

¹ For "Candappabbhāya" and "visuddhe" of the Text, vide Text, p. 20, fn.

² Perhaps for "nabhe" of the text.

³ For "abbhivacca" of the Text, vide Text, p. 20, fn. 15.

sukha-vidhānādhimuttā mahābodhisattā 'imassa dātabbam, imassa na dātabban' -ti uttama-viriyavasena vibhāgaṃ akatvā sabbasattānaṃ niravaseṣa-sukha-nidānaṃ dānaṃ denti, hitasukh'atthameva nesaṃ sīlaṃ samādiyanti, sīla-paripūraṇ'atthaṃ nekkhammaṃ bhajanti, tesāṃ hitasukhesu asammoh'atthāya paññaṃ pariyodapenti, hitasukhābhivaḍḍhay'atthameva daḷhaṃ viriyamārabhanti, uttama-viriyavasena vīrabhāva-ppattānaṃ¹ pi sattānaṃ nānappakāra-hit'a-jjhāsayen'eva aparādhaṃ khamanti, 'idaṃ te dassāma karissāma' -ti ādinā kataṃ paṭiññātaṃ na visamvādenti, tesāṃ hitasukhāy'eva saccādhittānā² honti, tesu avicalāya mettāya pubbakārino hit'ajjhāsayen'eva nesaṃ vippakāre udāsino honti, pubbakāritāya pi na paṇḍupakāramāsimṣanti-ti. Evan-te pāramiyo pūretvā yāva dasabala-catuveśārāja-cha-asādhāraṇa-nāṇena aṭṭhārasa-āveṇika-buddhadhamma-ppabhede sabbe pi kalyāṇadhamme paripūrenti. Evaṃ dānādānaṃ sabbesaṃ kalyāṇadhammānaṃ paripūrikā mettā-ti ca imassa visesassa dassan'atthaṃ sā itarehi visesetvā vuttā.

Apica, mettāya itarehi opadhikapuññehi mahānubhāvātā Velāmasuttena dīpetabbā.* Tattha hi: 'Yathā nāma mahato Velāmassa mahādānato ekassa sotāpannassa dānaṃ mahapphalataraṃ vuttaṃ, evaṃ sotāpannupagato³ ekassa sakadāgāmiṣṣa dānaṃ—pe—Pacceka-buddhasatato Bhagavato, tato pi Buddhappamukhassa saṃghassa dānaṃ, tato pi cātuddisassa saṃghassa vihāradānaṃ, tato pi saraṇagamaṇaṃ, tato pi sīlasamādānaṃ, tato pi gaddūhanamattaṃ pi kālaṃ mettā-bhāvanā mahapphalatārā vuttā. Yathāha: yaṃ gaḥapati Velāmo brāhmaṇo dānaṃ adāsi mahādānaṃ, yo c'ekaṃ diṭṭhisampannaṃ bhojeyya, idaṃ tato mahapphalataraṃ, yo ca sataṃ diṭṭhisampannānaṃ bhojeyya—pe—surāmeraya-majja-pamāda-tṭhānā veramaṇi, yo ca antamaso gaddūhanamattaṃ pi mettacittaṃ bhāveyya, idaṃ tato mahapphalataraṇ' -ti. Mahaggata-puñña-bhāvena paṇ'assā

* A. iv, 393-6; also the quotation following.

¹ C 'ppattā.

² C asādhāhi*.

³ S 'pannasatato.

Yaṃ pamānakataṃ kammaṃ	na taṃ tatrāvasissati
.	na taṃ tatrāvatitṭhatī-
	ti.

Gāthāsu, Yo-ti yo koci gahaṭṭho vā pabbajito vā. *Mettan-*ti mett'ajjhānaṃ. *Appamāṇan-*ti bhāvanāvasena ārammaṇa-vasena ca appamāṇaṃ. Asubhabhāvanādayo viya hi ārammaṇe ekadesaggahaṇaṃ akatvā anavaśesa-pharaṇavasena anodhiso pharaṇavasena ca appamāṇārammaṇatāya paḍaṇa-bhāvanā-vasena¹ appamāṇaṃ. *Tanu saṃyojanā honti-*ti mettajjhānaṃ pādakaṃ katvā sammāsītva heṭṭhime ariya-magge adhigacchantaṃ sukhena'eva paṭighasaṃyojanādayo pahiyamānā tanu honti. Tenāha *passato upadhi-kkhaṇ-*ti. *Upadhi-kkhaṇ-*ti hi nibbānaṃ vuccati. Tañc'assa sacchikiriyaḍḍhisamaya-vasena maggañāṇena passati. Athavā, *tanu saṃyojanā honti-*ti mettajjhānapadaṭṭhānāya vipassanāya anukkamena upadhi-kkhaṇasamkhātaṃ arahattaṃ pattattā taṃ passato pāgeva dasa pi saṃyojanā *tanu* honti pahiyanti²ti attho. Athavā, *tanu saṃyojanā honti-*ti paṭigho o'eva paṭighasaṃpayuttasaṃyojanā ca tanukā honti. *Passato upadhi-kkhaṇ-*ti tesam yeva kiles'upadhi-kkhaṇasamkhātaṃ mettaṃ adhigama-vasena passantassā³ti evamettha attho daṭṭhabbo.

¹ B pharapabhi°.

Tattha *aduṭṭhacitto*-ti mettābalena suṭṭhu vikkhambhita-vyāpādatāya vyāpādena adussita-citto. *Mettāyati*-ti hita-pharaṇavasena mettam karoti. *Kusalo*-ti atisayena kusalavā mahāpuñño, paṭighādi-anattha-vigamena vā khemi. *Tenā*-ti tena mettāyitena. *Sabbe ca pāne*-ti *ca*-saddo vyatireke. *Manasānukampī*-ti¹ cittena anukampanto. Idam vuttam hoti: ekasattavisayā pi tāva mettā mahākusalarāsi, sabbe pana pāne attano piyaputtam viya hitapharaṇena manasā anukampanto *bahutaṃ*² bahum anappakam aperiyaṇam catusaṭṭhi-mahākappe pi attano vipākappabandham pavattetum samattham ulāra-*puññaṃ ariyo* parisuddhacitto puggalo *pakaroti* nipphādeti. *Sattasaṇḍan*-ti sattasaṃkhaṭṭena saṇḍena samannāgataṃ bharitaṃ sattehi aviraḷaṃ ākinnamanussanti attho. *Vijītvā*-ti, adaṇḍena asatthena dhammen'eva jinitvā. *Rājīsayo*-ti isi-sadisā dhammikarājāno. *Yajamānā*-ti dānādīni dadamānā. *Anupariyagā*-ti vicariṃsu.

Assamedhaṃ-ti ādisu, porāṇaka-rājakāle kira *sassamedhaṃ*,³ *purisamedhaṃ*, *sammāpāsaṃ vācāpeyyaṃ*⁴-ti* cattāri saṅghavattūni ahesum, yehi rājāno lokam saṅghaṃhiṃsu. Tattha nipphanasassato dasama-bhāgaggahaṇam *sassamedhaṃ* nāma, sassa-sampādana-medhāvitā-ti attho. Mahāyodhānam cham-māsikam bhattavettanānuppādānam *purisamedhaṃ* nāma. Purisasaṅghaṇaṇa medhāvitā-ti attho. Dalidda-manussānam hatthe lekham gahetvā tīṇi vassāni vinā vaḍḍhiyā sahasa-dvīsaḥassa-matta-dhanānuppādānam *sammāpāsaṃ* nāma. Tam hi sammā manusse pāse-ti hadaye bandhitvā viya ṭhape-ti, tasmā sammāpāsaṇ-ti vuccati. 'Tāta mātulā'-ti ādinā pana saṇhāvācāya saṅghaṇaṇam *vācāpeyyaṃ* nāma. Peyya-vajjam piyavācatā-ti attho. Evaṃ catūhi saṅgahehi saṅga-hitam raṭṭham iddhañc'eva hoti phītañca pahuta-annapānam

* S. I, 76.

¹ For "kampam" of the Text, see Text, p. 21, fn. 10.

² For "bahutaṃ" of the Text, see Text, p. 21, fn. 11.

³ For "assam" of the Text, see Text, p. 21, fn. 18.

⁴ For "vājap" of the Text, see Text, p. 21, fn. 21. N.B.—The commentator has here explained the original significance of these terms now used in the senses of assam, vājap, etc.

assamedhādayo yaññā mettacittassa vuttalakḥhaṇena subhāvitassa soḷasim pi kalam nānubhavanti, na pāpūṇanti, nāgghanti¹-ti attho.

Idāni apare pi diṭṭhadhammika-samparāyike mettābhāvanāya anisaṃse dassetum, *yo na hanṭi*-ti ādi vuttam.

Tattha *yo*-ti mettābrahmavihāra-bhāvanānuyutto puggalo. *Na hanṭi*-ti ten'eva mettābhāvanānubhāvena sundara-vikḥambhita-byāpādatāya¹ na kiñci sattam himsati leḍḍu-daṇḍādīhi na vibādhati vā. *Na ghāṭeti*-ti param samādayitvā na satte hanāpeti. *Na jināti*-ti sārambhaviggāhika-kathādivasena na kiñci jināti. Sārambhass'eva abhāvato jānikarāvasena vā aṭṭakaraṇādinā na kinci jināti. *Na jāpaye*-ti pare pi payojetvā paresam dhanajānim na kārāpeyya. *Mettāṃso*-ti mettāmaya-cittakoṭṭhāso. Mettāya vā aṃso yoniso² avijjahanatṭhena avayava-bhūto-ti *mettāṃso*. *Sabbabhūtesū*-ti sabba-sattesu. Tato eva *verantassa na kenaci*-ti akusalaveram tassa *kenaci* pi kārāṇena n'atthi, puggala-vera-samkhāto virodho *kenaci* purisena saddhim tassa mettāvihārassa n'atthi¹-ti.

Evametasmim Ekanipāte paṭipāṭiyā terasasu suttesu Sekkha³-suttadvaye cā-ti paṇṇarasasu suttesu vivaṭṭam kathitam. Nivaraṇa-Suttam,* Saṃyojana-Suttam,† Appamāda-Suttam,‡ Aṭṭhisāṇcaya-Suttan-tiṣ etesu catūsu suttesu vaṭṭa-vivaṭṭam kathitam. Itaresu pana vaṭṭameva kathitan-ti.

Paramatthavibhāvanīyā Khuddakanikāy'aṭṭhakathāya Iti-Vuttakassa

Ekanipāta-vanṇanā-niṭṭhitā.

* Also cf. S. v, 97.

† Also cf. S. ii, 86-7.

‡ Also cf. S. i, 86-7.

§ Also cf. S. ii, 190 (Vepulla-Pabbata-Sutta).

¹ B dūravikkh.^o

² C omīte.

³ S sikkhā. (Vide Suttas 16 and 17.)

DUKA-NIPĀTA-VAṆṆANĀ

2. I, 1. Duka-nipātassa paṭhame.

Dvīhi-ti gaṇana-paricchedo.

Dhammekī-ti paricchinna-nidassanaṃ.¹

Dvīhi dhammekī-ti dvīhi akusala-dhammehi.

Samannāgato-ti yutto.

Diṭṭhe va dhamme-ti imasmiṃ yeva attabhāve.

Dukkhaṃ viharati-ti catusu pi iriyāpathesu kilesadukkhena c'eva kāyika-cetasika-dukkhena ca *dukkhaṃ viharati*.

Saviṅghālan-ti citt'upaghātena c'eva kāy'upaghātena ca *saviṅghātaṃ*.

Sa-upāyāsan-ti kiles'-upāyāsena c'eva sarīra-bhedena ca balava-āyāsa-vasena ca *sa-upāyāsaṃ*.

Sapaṛiḷāhan-ti kilesa-santāpena c'eva kilesa-paṛiḷāhena ca ²kāya-paṛiḷāhena ca ³*sapaṛiḷāhaṃ*.

Kāyassa bheda-ti upādinna-kkhandha-pariccāgā.

Param'-maraṇā-ti tadantaraṃ abhinibbatta-kkhandha-ggaṇaṇe.

Athavā, *Kāyassa bheda*-ti jīvit'indriy'upacchedā. *Param'-maraṇā*-ti cutito uddhaṃ.

Duggati pāṭikaṅkhā-ti duggati-saṅkhātānaṃ catunnaṃ apāyānaṃ aññatarā gati icchitabbā. Avassaṃ bhāginī-ti attho.

Aguttadvāro-ti apihita-dvāro.

Kattha pana *aguttadvāro*-ti āha ? *Indriyesū*-ti. Tena manachatṭhānaṃ indriyānaṃ asaṃvaraṇaṃ-āha.

Paṭiggahaṇa-paribhoga-vasena *bhojane na mattaṃ*⁴ jānāti-ti *bhojane amattaññu*. *Indriyesu aguttadvāratāya bhojane amattaññulāyā*-ti pi paṭhanti.*

* Vide Text, p. 23, fn. 3.

¹ C °na dhammanid°.

²⁻³ C omits.

⁴ C places " na " after this.

Katham *indriyesu aguttadvāratā*, katham vā guttadvāratā-ti? Kiñcāpi hi cakkhu'ndriye saṃvaro vā asaṃvaro vā n'atthi, na hi cakkhuppasādaṃ nissāya sati vā muṭṭhasaccam vā uppajjati. Api ca yadā rūpārammaṇaṃ cakkhussa āpathaṃ āgacchati, tadā bhavañge dvikkhattuṃ uppajjitvā niruddhe kiriya-mano-dhātu¹ āvajjana-kiccaṃ sādhayamānā uppajjitvā nirujjhati, tato cakkhu-viññānaṃ dassana-kiccaṃ, tato vipāka-mano-dhātu sampañcicchanna-kiccaṃ, tato vipākāhetuka-mano-viññāna-dhātu santiraṇa-kiccaṃ, tato kiriyāhetuka-mano-viññāna-dhātu voṭṭhabbana-kiccaṃ² sādhayamānā uppajjitvā nirujjhati, tadanantaraṃ javanaṃ javati. Tatthāpi n'eva bhavañgasamaye na āvajjanādīnaṃ aññatara-samaye saṃvaro vā³ asaṃvaro vā atthi. Javana-kkhaṇe pana sace dussīlyaṃ vā muṭṭhasaccam vā aññānaṃ vā akkhaṇti vā kosajjaṃ vā uppajjati asaṃvaro hoti, evaṃ honto pi so cakkhu-dvāre asaṃvaro-ti vuccati. Kasmā? Yasmā tasmiṃ sati dvāraṃ pi aguttaṃ hoti bhavañgaṃ pi āvajjanādīni⁴ vithicittāni pi. Yathā kiṃ? Yathā nagare catūsu dvāresu asaṃvutesu kiñcāpi anto gharadvāra-koṭṭhaka-gabbhādayo susaṃvutā, tathā pi antonagare sabbaṃ bhaṇḍaṃ arakkhitaṃ agopitameva hoti, nagaradvāreṇa hi pavisitvā corā yadicchanti taṃ hareyyuṃ,⁵ evamevaṃ⁶ javane dussīyādisu uppannesu tasmiṃ asaṃvare sati dvāraṃ pi aguttaṃ hoti bhavañgaṃ pi āvajjanādīni vithi-cittāni pi. Tasmiṃ pana asati javane sllādisu uppannesu dvāraṃ pi guttaṃ hoti bhavañgaṃ pi āvajjanādīni vithi-cittāni pi. Yathā kiṃ? Yathā nagara-dvāresu saṃvutesu kiñcāpi antogharadvārādayo asaṃvutā, tathā pi antonagare sabbaṃ bhaṇḍaṃ su-rakkhitaṃ sugopitameva hoti, nagaradvāresu hi pñhitesu corānaṃ paveso n'atthi, evameva javane sllādisu uppannesu dvāraṃ pi guttaṃ hoti bhavañgaṃ pi āvajjanādīni vithicittāni pi. Tasmā javanakkhaṇe uppajjamāno pi cakkhudvāre saṃvaro-ti vuccati. Sesadvāresu pi es'eva nayo. Evaṃ *indriyesu aguttadvāratā* ca guttadvāratā ca veditabbā.

Katham pana *bhojane amattaññū*, katham vā mattaññū-

¹ C kiriya°.

⁴ C °nādi-.

² C voṭṭhapanaki°.

⁵ S hareyyuṃ.

³ C omits.

⁶ S °meva.

ti? Yo hi puggalo mahiccho hutvā paṭiggahane mattaṃ na jānāti. Mahiccha-puggalo hi yathā-nāma kaccha-puta-vāṇijo pīlandhanabhaṇḍakam hatthena gahetvā ucchaṅge¹ pi pakkhipitabbayuttakam pakkhipitvā mahājanassa passantass'eva asukam gaṇhatha, asukam gaṇhathā-ti mukhena ugghoseti, evaṃ eva appamattakam pi attano sīlam vā gaṇtham vā dhutaṅga-guṇam vā antamaso araṇṇāvāsamattakam pi mahā-janassa jānantass'eva sambhāveti, sambhāvetvā ca pana sakatehi pi upanīte paccaye 'alan'-ti avatvā paṭiggaṇhati.

Tayo hi pūretuṃ na sakkā, aggi upādānena, samuddo udakena, mahiccho paccayehi-ti.²

Aggikkhandho samuddho ca mahiccho cāpi puggalo

³Bahukehi paccayehi tayo p'ete na pūraye-ti.^{3*}

Mahiccha-puggalo hi vijātamātuyā pi manam gaṇhituṃ na sakkoti, evarūpo hi anuppannam lābham na uppādeti, uppanna-lābhato ca parihāyati-ti. Evaṃ tāva paṭiggahane amattaññū hoti. Yo pana dhammena samena laddham pi āhāram gadhito mucchito ajjhāpanno anādīnavadassāvi anisaraṇapañño āhārahatthaka-alaṃsāṭaka-tatthavaṭṭaka-kākamāsaka-bhuttavammika-brāhmaṇānam aññataro viya ayo-niso anupāyena yāvadattham udarāvadehakam paribhuñjitvā seyyasukham passasukham middhasukham anuyutto viharati, ayaṃ paribhoge amattaññū nāma. Yo pana† sace⁴ pi deyyadhammo bahu hoti, dāyako appam dātukāmo, dāyakaṣa vasena appam gaṇhati; deyyadhammo appo, dāyako bahum dātukāmo, deyyadhammassa vasena appam gaṇhati; deyyadhammo bahu, dāyako pi bahum dātukāmo, attano thāmam patvā⁵ fiatvā pamāṇayuttameva gaṇhati-ti, evaṃ vuttassa paṭiggahane pamāṇajānanassa⁶ c'eva—"Paṭisañ-

* Cf. UdA. 228, and references and variations noted thereon. For the second line cf. Sam. Vīno. 472.

† Cf. UdA. 228.

¹ S °ñke.

² S °yehi.

^{3*} S bahuke paccaye dente tayo p'ete na pūriyā-ti, fn. Also vide UdA. 228, fn. 2.

⁴ C yadi.

⁵ S omits.

⁶ C °nantassa.

khā yoniso āhāraṃ āhāreti, n'eva davāya na madāyā"-ti* ādinā, "Laddhā ca piṇḍapātaṃ agadhito amucchito anaj-jhāpanno ādinavadassāvī nissaraṇapañño paribhuñjati"-ti† ca ādinā nayena vuttassa paccavekkhitvā paṭisañkhāna-pañ-ñāya jānitvā āhāraparibhuñjana-sañkhātassa paribhoge pa-māṇajānanassa ca vasena bhojane mattaññū-ti ayam bhojane mattaññū nāma. Evaṃ bhojane amattaññū ca mattaññū ca hoti-ti veditabbaṃ.

Gāthāsu pana,—*cakkhun*-ti ādisu—*cakkhati*-ti *cakkhu*. Rū-paṃ assādeti, samavisamaṃ ācikkhantaṃ viya hoti-ti vā attho.

Supāti-ti *sotaṃ*.

Ghāyati-ti *ghānaṃ*.

Jīvita-nimittaṃ āhāra-raso jīvitaṃ, taṃ avhāyati-ti *jivhā*.

Kucchitānaṃ āyo-ti *kāyo*.

Manate vijānāti-ti *mano*. Porāṇā panāhu-'manati'-ti *mano*. Nāliya minamāno viya mahātulāya dhāramāno viya ca ārammaṇaṃ vijānāti-ti attho. Evaṃ tāv'ettha pad'attho veditabbo.

Bhāv'atthato pana—duvidhaṃ *cakkhu*†: maṃsa-cakkhu ca paññā-cakkhu ca. Tesu Buddha-cakkhu, samanta-cakkhu, ñāṇa-cakkhu, dibba-cakkhu, dhamma-cakkhū-ti pañca-vi-dhaṃ paññā-cakkhu. Tattha—"Addasaṃ kho ahaṃ, bhik-khave, Buddha-cakkhunā lokam volokento"-ti‡ idaṃ Buddha-cakkhu nāma. "Samanta-cakkhu vuccati sabbaññu-ta-ñāṇa"-ti|| idaṃ samanta-cakkhu nāma. "Cakkhum uda-pādi"-ti¶ idaṃ ñāṇa-cakkhu nāma. "Addasaṃ kho ahaṃ, bhikkhave, dibbena cakkhunā visuddhenā"-ti** idaṃ dibba-cakkhu nāma. "Virajaṃ vītamalaṃ dhamma-cakkhum uda-pādi"-ti†† idaṃ hetṭhima-maggattaya-sañkhātaṃ dhamma-cakkhu nāma.

Maṃsa - cakkhu pi duvidhaṃ: sasambhāra - cakkhu, pasāda - cakkhū - ti. Tattha yvāyaṃ akkhi - kupake patiṭṭhito hetṭhā akkhikūp'aṭṭhikena upari bhamuk'aṭṭhi-

* M. i, 355; A. i, 114.

† A. ii, 27-28.

‡ Cf. DA. 183.

§ M. i, 169; cf. Vin. i, 6; Nidd. 359; Vibh. 340; VM. 205.

|| Nidd. ii, 360.

¶ Vin. i, 11; S. v, 422.

** M. i, 170.

†† Vin. i, 12; S. v, 423.

kena ubhato akkhikūpehi anto matthaluṅgena bahiddhā akkhilomehi paricchinno maṃsa-piṇḍo, saṅkhepato catasso dhātuyo vaṇṇo-gandho-raso-ojā-sambhavo saṇṭhānam jvitaṃ, bhāvo, kāyappasādo, cakkhuppasādo-ti cuddasa-sambhāvā.¹ Vitthārato catasso dhātuyo taṃ nissitā vaṇṇa-gandha-rasa-ojā-saṇṭhānam sambhavo iti imāni dasa catusamuṭṭhānikattā cattāḷisaṃ honti, jvitaṃ bhāvo kāyappasādo cakkhuppasādo-ti cattāri ekantaṃ kammāsamūṭṭhānānevā-ti imesaṃ catucattāḷisāya rūpānaṃ vasena catucattāḷisambhāvā.² Yaṃ loko setaṃ vaṭṭaṃ puthulaṃ visadaṃ³ vipulaṃ vitthiṇṇaṃ cakkhū-ti sañjānanto na cakkhū sañjānāti, vatthū cakkhūto sañjānāti, yo maṃsapiṇḍo akkhikūpake patiṭṭhito nahārusuttakena matthaluṅgena ābad-dho, yattha setaṃ p'atthi, kaṇhaṃ pi lohitaṃ pi paṭhaviṃ pi āpo pi tejo pi vāyo pi, yaṃ semh'ussadattā setaṃ, pitt'ussadattā kaṇhaṃ, ruhi'ussadattā lohitaṃ, paṭhavi'ussadattā pathaddhaṃ, āp'ussadattā paggharati, tej'ussadattā pariḍayhati, vāy'ussadattā saṅkamati,⁴ idaṃ sasambhāra-cakkhū-nāma. Yo pana ettha sito ettha paṭibandho catunnaṃ mahā-bhūttānaṃ upādāya pasādo, idaṃ pasāda-cakkhū nāma. Idaṃ hi cakkhū-viññāpādīnaṃ yathārahaṃ vatthudvāra-bhāvena pavattati.

Sotādisu pi sotaṃ dibba-sotaṃ, maṃsa-sotaṃ-ti duvidhaṃ. Ettha—"Dibbāya sotadhātuyā visuddhāya atikkanta-mānusi-kāya ubho sadde suṇāti"-ti* idaṃ dibba-sotaṃ nāma. Maṃsa-sotaṃ pana sasambhāra-sotaṃ pasāda-sotaṃ ca ādi sabbaṃ cakkhūhi vuttanāyena'eva veditabbaṃ. Tathā *ghāna-jivhā*.

Kāyo pana copana-kāyo, karaṇa-kāyo, samūha-kāyo, pasāda-kāyo-ti ādinā bahuvidho. Tattha—"Kāyena saṃvutā dhirā atho vācāya saṃvutā"-ti† ayaṃ copana-kāyo nāma. "Imamhā kāyā sūññaṃ kāyaṃ abhinimmināti"-ti‡ ayaṃ karaṇa-kāyo nāma. Samūha-kāyo pana viññāp'ādi-samūha-vasena aneka-vidho āgato. Tathā hi—"Oha ime āvuso viññāpa-kāyā"-

* M. iii, 12.

† Dh. v, 234.

‡ D. i, 77.

* S bhāro.

* S visataṃ.

* S bhāro.

* S sambhamati.

ti* ādisu viññāpa-samūho vutto. "Cha phassa-kāyā"-ti† ādisu phassādi-samūho. Tathā—"kāya-passaddhi kāyalahutā"-ti‡ ādisu vedanā-khandhādayo. "Idh'ekacco paṭhavīkāyaṃ aniccato anupassati, āpokāyaṃ tejokāyaṃ vāyokāyaṃ kesakāyaṃ lomakāyaṃ"-ti§ ādisu paṭhavādi-samūho. "Kāyena phoṭṭhabbaṃ phusitvā"-ti|| ayaṃ pa-sāda-kāyo. Idhāpi pasāda-kāyo veditabbo. So hi kāya-viññāpādīnaṃ yathārahaṃ vatthu-dvāra-bhāvena pavattati.

Mano-ti pana kiñcāpi sabbāṃ viññāpaṃ vuccati, tathā-pi dvārabhāvassa idhāhippetattā dvārabhūtaṃ sāvajjanaṃ bhavaṅgaṃ veditabbaṃ.

Etāni yassa dvārāni aguttānīca bhikkhuno-ti yassa bhikkhuno etāni manachatṭhāni dvārāni sativossaggena pamādamā-pannattā sati-kavāṭena apihitāni.

Bhojanamhi—pe—adhigacchati-ti so bhikkhu vuttanayena bhojane amattaññū indriyesu ca saṃvara-rahito diṭṭha-dhammikañca rogādivasena samparāyikañca duggati-pari-yāpannatāya¹ dukkhaṃ² ³rāgādi-kilesesu anutāpa-vasena³ iochāvighāta-vasena ca *ceto-dukkha*-ti sabbathā pi dukkha-meva *adhigacchati* pāpuṇāti. Yasmā c'etad-evam tasmā duvidhena pi dukkh'agginā idhaloke ca para-loke ca *ḍayhamā-nena kāyena ḍayhamānena cetasā divā vā yadi vā rattiṃ* nic-cakārameva *tādiso puggalo dukkhaṃ viharati*, na tassa sukha-vihārassa sambhavo. Vaṭṭa-dukkhānatikkame pana vattab-bameva n'atthi-ti.

Paṭhama-suttavaṇṇanā.

2. Dutīye vutta-vipariyāyena attho veditabbo.

3. ¶Tatiye—*Tapanīyā*-ti idha c'eva samparāye ca tapanti vibādhanti viheṭhenti-ti *tapanīyā*. Tapanam vā dukkhaṃ diṭṭhe c'eva dhamme abhisamparāye ca tassa uppādanena c'eva anupalabbhamānena ca hitā-ti *tapanīyā*. Athavā,

* M. i, 53.

† D. iii, 243.

‡ Cf. Dhs. 60.

§ Pts. ii, 232; cf. M. i, 57.

|| Vibh. 300; M. iii, 217; D. iii, 244.

¶ Cf. A. ii, 1, 2.

¹ S 'pannaṃ.

² S kāyadukkhāṃ.

³ S 'kilesa-santāpa'; S 'paṭāpa'.

tappanti tenā-ti tapanam,¹ pacchānutāpo vippatisāro-ti attho. Tassa hetubhāvato hitā-ti *tapanīyā*.

Akatakalyāṇo-ti akataṃ kalyāṇam bhaddakam puññaṃ etenā-ti *akatakalyāṇo*. . Sesapadadvayam tass'eva vevacanam.

Puññaṃ hi pavatti-hitatāya āyatim-sukhatāya ca bhadda-k'aṭṭhena *kalyāṇan*-ti ca, kuochita-salanādi-aṭṭhena² *kusalan*-ti ca, dukkha-bhīrunam saṃsāra-bhīrunam ca rakkhaṇ'aṭṭhena *bhīrutānan*-ti ca vuccati.

Katapāpo-ti kataṃ upacitaṃ pāpaṃ etenā-ti *katapāpo*. Sesa-padadvayam tass'eva vevacanam. Akusala-kammaṃ hi lāmak'aṭṭhena pāpan-ti ca attano pavattikkhaṇe vipākakhaṇe ca ghorasabhāvatāya luddan-ti ca kilesehi dussila-bhāvena³ kibbisan-ti ca vuccati.

Iti Bhagavā *dve dhammā tapanīyā*-ti dhammādhitṭhānena uddisitvā akataṃ kusalam dhammaṃ, katañca akusalam dhammaṃ puggalādhitṭhānena niddisi. Idāni tesam tapanīyābhāvaṃ dassento so *akataṃ me kalyāṇan*-ti *tappati*, *kataṃ me pāpan*-ti *tappati*-ti āha. Citta-santāpena tappati anutappāti anusocati-ti attho.

Gāthāsu—Dutṭham caritaṃ kilesapūtikattā vā dutṭham caritan-ti *duccaritaṃ*. Kāyena duccaritaṃ, kāyato vā pavattaṃ duccaritaṃ *kāyaduccaritaṃ*. Evaṃ *vacī-mano-duc-caritāni* pi daṭṭhabbāni. Imāni ca kāyaduccaritādini kamma-pathappattāni adhiṭṭetāni-ti. Yam pana⁴ kamma-patha-ppattaṃ akusala-jātaṃ taṃ sandhāyāha *yañcaññaṃ dasa-saṅkhānan*-ti. Tass'attho:—yampi ca aññaṃ kamma-patha-bhāvaṃ appattaṃ nippariyāyena kāyakammādi-saṃkhyam na labhati rāgādi-kilesasam-saṭṭhattā dosasahitaṃ akusalam, tampi katvā-ti attho.

Nirayan-ti nirati-aṭṭhena nirassādaṭṭhena vā nirayan-ti laddha-nāmaṃ sabbampi duggati-apāya-saṃkhātaṃ sukha-paṭipakkhena⁵ vā sabbattha sugati-duggatisu niraya-dukkham, so tādiso puggalo upagacchati-ti evamettha attho daṭṭhabbo. Ettha ca kāyaduccaritassa tapanīya-bhāve Nando Yakkho,*

* (1)

¹ O 'pānīyā.

² S dāsitaḥhā.

⁴ S na.

⁵ O 'saṅkhānā.

⁵ S 'paṭikkhepena.

Nando Mānavako,* Nando Goghātako,† dve bhātikāti etesaṃ vatthūni katthetabbāni. Te kira gāvaṃ vadhitvā maṃsaṃ dve koṭṭhāse akāmsu. Tato kaṇiṭṭho yeṭṭhaṃ āha—“Mayhaṃ dārakā bahu imāni me dve¹ antāni dehi”-ti. Atha naṃ yeṭṭho—“Sabbhaṃ maṃsaṃ dvedhā vibhattaṃ puna kiṃ aggaheṣi”-ti paharitvā jīvitaṃkhaṃ paṇesi. Nivattitvā ca naṃ olokento mataṃ disvā—“bhāriyaṃ vata mayā kataṃ, svāhaṃ akāraṇeṇ’eva naṃ māresin”-ti cittaṃ uppādeti. Atha’ssa² balava-vippaṭṭisāro uppajji. So ṭhitaṭṭhāne pi nisinnatṭhāne pi tadeva kammaṃ āvajjeti cittassaḍaṃ³ na labhati. Asita-pīta-khaṇitaṃ pi’ssa³ sarīre ojaṃ na pharati, aṭṭhi-camma-mattameva ahosi. Atha naṃ eko thero pucchi,—“upāsaka tvaṃ ativiya kiso aṭṭhi-camma-matto jāto, kīdiso te rogo, udāhu atthi kiñci tapaniya-kammaṃ katan”-ti? So—“Āma bhante”-ti sabbhaṃ ārocesi. Atha’ssa so “bhāriyante upāsaka kammaṃ kataṃ, anaparādhatṭhāne aparaddhan” ti āha. So ten’eva kammunā kālaṃ katvā niraye nibbatti. Vacī-duccaritassa pana Suppabuddhasakkaṭ-Kokālikaṣ-Ḍiṇḍamānavikāḍḍinaṃ|| vatthūni katthetabbāni. Mano-duccaritassa Ukkala-Jaya-Bhaññāḍḍinaṃ.⁴||

Tatīyasuttavannaṇā.

4. Catutthe tatiye vuttavipariyāyena attho veditabbo.

Catutthasuttavannaṇā.

5. Pañcame—*Pāpakena sīlenā*-ti pāpakaṃ sīlaṃ nāma sīlabhedakaro asaṃvaro-ti vadanti. Tattha yadi asaṃvaro sīlameva, taṃ duṣṣīlya-bhāvato kathaṃ sīlan-ti vuccati? Tatthāyaṃ addhippāyo siyā; yathā nāma loke adiṭṭhaṃ diṭṭhan-ti vuccati, asīlaṃ vā sīlavā-ti, evaṃ idha asīlaṃ pi

* DhA. i, 325; PJ. ii, 5.

† (?)

‡ DhA. iii, 44-47; PJ. ii, 350; cf. JA. iii, 299; UdA. 290.

§ Cf. J. iii, 102; PJ. ii, 473 ff.; DhA. iv, 91, etc.; Mp. ad A. v, 170, Spk. ad S. i, 149.

|| DhA. 178-181; PJ. ii, 518 ff.; JA. iv, 187, etc.

¶ M. iii, 78.

¹ S omīte.

² S °cittappaṣāḍḍaṃ.

³ S asitaṃ pītaṃ khāḍḍitaṃ.

⁴ S pana Ukkapaṇasaggaṭṭhāḍḍinaṃ.

asaṃvaro pi sīlan-ti vohariyati. Athavā, “Katame ca, gahapati, akusalā sīlā? Akusalam kāya-kammam, akusalam vacī-kammam, pāpako ājīvo”¹-ti, vacanato akusaladhammesu pi atth’eva sīla-samaññā, tasmā paricayavasena sabhāva-siddhi viya pakati-bhūto sabbo samācāro sīlan-ti vuocati. Tattha yaṃ akosallasambhūt’atthēna akusalam, lāmakattam sandhāyāha *pāpakena sīlenā*-ti.

Pāpikāya diṭṭhiyā-ti, sabbā micchā-diṭṭhiyo pāpikā ’va. Visesato ca pana ahetuka-diṭṭhi, akiriya-diṭṭhi, natthika-diṭṭhi-ti imā tividhā diṭṭhiyo pāpikatarā. Tattha *pāpakena sīlena samannāgato puggalo* payoga-vipanno hoti. *Pāpikāya diṭṭhiyā samannāgato* āsaya-vipanno hoti, evaṃ payogāsaya-vipanno puggalo niray’ūpago hoti yeva. Tena vuttam—*Imehi kho bhikkhave dūhi dhammehi samannāgato puggalo yathābhataṃ nikkhitto evaṃ niraye-ti*. Ettha ca *dūhi dhammehi samannāgato*-ti idam lakkhaṇa-vacanam daṭṭhabbam, na tanti-niddeso. Yathā taṃ ‘loke yadi me byādhitā visum, imesaṃ idam bhesajjam dātabban’-ti. Aññesu pi Idisesu ṭhānesu es’eva.nayo.

Duppañño-ti¹ nippañño.²

Pañcamasuttavaṇṇanā.

6. Chatṭhe—*Bhaddakena sīlenā*-ti kāyasucaritādi catu-pārisuddhi-sīlena. Taṃ hi akhaṇḍādi-sīlabhāve³ sayasica kaḷyāṇam samatha-vipassanādi kalyāṇa-guṇāvahaṇicā-ti *bhaddakan*-ti vuocati.

Bhaddikāya diṭṭhiyā-ti kammassakata-ñāpēna c’eva kammapatha-sammādiṭṭhiyā ca. Tattha *bhaddakena sīlena* payogasampanno hoti, *bhaddikāya diṭṭhiyā* āsayasampanno hoti. Iti payogāsaya-sampanno puggalo sagg’ūpago hoti. Tena vuttam—*imehi kho bhikkhave dūhi dhammehi samannāgato puggalo yathābhataṃ nikkhitto evaṃ sagge-ti*.

Sappañño-ti paññavā. Sesam suviññeyyameva.

Chatṭhasuttavaṇṇanā.

¹ M. i, 26 (with “thapati” for “gahapati”).

¹ O “paññā”.

² O “paññavā”.

³ S “bhāvana”.

7. Sattame-*Anāpī*-ti kilesānaṃ ātāpan'aṭṭhena ātāpo viri-
yam, so etassa atthi-ti ātāpi, na ātāpi *anāpī*. Sammap-
padhāna-virahito kusito-ti vuttaṃ hoti. Ottāpo¹ vuccati
pāputrāso, so etassa atthi-ti ottāpi,² na ottāpi *anottāpi*,
ottāparahito. Athavā, ātāpapaṭipakkho³ anātāpo kosajjaṃ,
so assa atthi-ti anottāpi.⁴ "Yaṃ na ottappati ottappitab-
bena na⁵ ottappati, pāpakānaṃ akusalānaṃ dhammānaṃ
samāpattiyā"⁶-ti evaṃ vuttaṃ taṃ anottappanaṃ⁷ ano-
ttāpo, so assa atthi-ti anottāpi-ti evamettha attho veditabbo.

Abhabbo-ti anaraho.

Sambodhāyā-ti ariyamagg'atthāya.

Nibbānāyā-ti kilesānaṃ accantavūpasamāya amatamahā-
nibbānāya.

Anuttarassa yogakkhemassā-ti arahattaphalassa, taṃ hi
uttaritarassa abhāvato *anuttaraṃ*, catūhi *yogehi* anuppannattā⁷
khemaṃ nibbhayan-ti⁸ *yogakkhema*-ti ca vuccati.

Adhigamāyā-ti pattiya.

Ātāpi-ti viriyavā. So hi—"Āraddhaviriyo viharati aku-
salānaṃ dhammānaṃ pahāpāya, kusalānaṃ dhammānaṃ
upasampadāya, thāmaṃ dāḥaparakkamo anikkhittadhuro
kusalesu dhammesu"-tiṭ evaṃ vuttena viriyārambhena
samannāgato kilesānaṃ accantameva ātāpana-sīlo-ti *ātāpi*.

*Ottāpi*⁹-ti "Yaṃ ottappati ottappitabbena ottappati pā-
pakānaṃ akusalānaṃ dhammānaṃ samāpattiyā"-tiṭ evaṃ
vuttena ottappena samannāgatattā ottappena-sīlo-ti *ottāpi*.¹⁰
Ayaṃ hi ottāpi-ti vutto tadā-vinābhāvato hiriya ca¹¹ samannā-
gato eva hoti-ti. Hirottappasampanno anumatte pi vajjesu¹²
bhayadassāvi sīlesu paripūrikāri hoti. Icc'assa sīlasampadā
dassitā.

* Vibh. 359; Dhms. 73.

† A. iii, 11.

‡ Vibh. 359 (without the negative particle).

¹ S ottappam.

² S ottāpi, here and below, also see Text, p. 27, fn. 2, 5, 7.

³ S 'ppaṭi'.

⁴ S anāpī.

⁵ C and Dhms. omit.

⁶ S 'ppam.

⁷ S anūpadditattā.

⁸ S nibbānanti.

⁹ S and Text Ottāpi.

¹⁰ S ottāpi, here and below.

¹¹ S has 'ottappena ca' after this.

¹² S vajje.

Ātāpī-ti iminā nāyen'assa kilesa-paritāpitā-dīpanena samathavipassanā-bhāvanānuyuttatā dassitā. Yathā-vuttañca — 'viriya-saddhā¹-sati-samādhi-paññāhi pi² vinā na hoti'—ti vimuttiparipācakāni saddhā-pañcamāni indriyāni atthato vuttān'eva honti. Tesu ca siddhesu anicca-saññā anicce, dukkha-saññā dukkhe, anatta-saññā, pahāṇa-saññā,³ virāga-saññā, nirodha-saññā-ti cha nibbedha-bhāgiyā saññā siddhā evā-ti, evaṃ imhi dvīhi dhammehi samannāgatassa lokiyānaṃ sīla-samādhi-paññānaṃ sijjhanato⁴ maggaphala-nibhānādhiḡumassa bhābbataṃ dassento Satthā⁵ *ātāpī kho bhikkhave—pe—adhigamāyā*-ti āha.

Gāthāsu—Kusūto-ti micchā-vitakka-bahulatāya kāma-vyāpāda-vihimsā-vitakka-sañkhātehi kucchitehi pāpa-dhammehi ⁶*sīto* sambandho yutto-ti⁶ *kusūto*, kucchitaṃ vā sīdati sammāpaṭipattito avasīdati-ti *kusūto*, da-kārassa ta-kāraṃ katvā.

Īṇaviriyo-ti nibbiriyo, catusu pi iriyā-pathesu viriyakaraṇa-rahito. Aṇussāha-saṃhata⁷-sabhāvassa cittālasiyassa thīnassa ca asatti-vighāta-sabhāvassa kāyālasiyassa middhassa ca abhiṇhappavattiyā *thīnamiddha-bahulo*.

Pāpa-jigucchana-lakkhaṇāya hiriyā abhāvena tappaṭipakkhena ahirikena samannāgatattā ca *ahiriko*.

Hirōttappaviriyānaṃ abhāven'eva samāpattiyaṃ n'atthi, etassa ādaro-ti *anādaro*. Ubhayathā pi tathā dhamma-puggalena duvidhakiriyā-karaṇena *anādaro*.

Phuṭṭhun-ti phusituṃ.

Sambodhimuttaman-ti sambodhi-sañkhātaṃ uttamaṃ arāhattaṃ adhigantuṃ abhabbo-ti attho.

Satimā-ti cirakata-cirabhāsītānaṃ anussaraṇe samatthassa satinepakkassa sabbhāvena catu-satipaṭṭhāna-yogena *satimā*.

Nipako-ti sattapaṭṭhāniya-sampajañña-sañkhātena c'eva kammaṭṭhāna-pariharaṇa-paññāsañkhātena ca nepakkena samannāgatattā *nipako*.

Jhūyī-ti ārammaṇ'ūpaniṇṇhānena lakkhaṇ'ūpaniṇṇhānena cā-ti dvīhi pi jhānehi *jhāyī*.

Appamatto-ti "Divasaṃ caṇkamena nisajjāya āvaraṇiyehi

¹ S viriyaṃ saddhā°.

² S omits.

³ S dukkhappahā°.

⁴ S saṃpai°.

⁵ C omits.

⁶⁻⁷ C omits.

⁷ S 'paṭhānana', also °saṃphanana° in fn.

dhammehi cittaṃ parisodhetī^{*}-ti ālinā nayena kammaṭṭhāna-bhāvanāya appamatto.

Samyojanaṃ jātijarāya chetvā-ti jātiyā c'eva jarāya ca satte samyojetī-ti *saṃyojanan*-ti laddhanāmaṃ kāmarāgādikaṃ dasa-vidhampi kilēsajātaṃ anusaya-samugghāta-vasena mūlato chinditvā.

Athavā, *saṃyojanaṃ jātijarāya chetvā*-ti jātijarāya saṃyojanaṃ chinditvā, yassa hi saṃyojanāni acchinnāni tassa jātijarāya acchedo asamugghāto ca. Yassa pana tāni chinnāni tassa ca jātijarā pi chinnā va tesaṃ samugghātītattā. Tasmā saṃyojanaṃ chindanto eva jātijarā pi chindati. Tena vuttaṃ—*Samyojanaṃ jātijarāya chetvā*-ti.

Idh'eva sambodhimanuttaraṃ phuse-ti imasmiṃ yeva attabhāve aggamaggaṃ arahattaṃ vā *phuse* pāpuncyyu.

Sattamasuttavaṇṇanā.

8. Atṭhame—*Nayidun*-ti ettha *na*-iti paṭisedhe nipāto, tassa *vussati*-ti iminā sambandho. Ya-kāro padasandhikaro.

Idaṃ-saddo—"Ekamidāhaṃ bhikkhave samayaṃ Ukaṭṭhāyaṃ viharāmi Subhagavane sālārāja-mūle"-ti[†] ādisu nipātamattaṃ. "Idaṃ kho taṃ bhikkhave appamattakaṃ oramattakaṃ sīlamattakaṃ"-ti[‡] ādisu yathāvutte āsannapaccakkhe āgato.

Idaṃ hi taṃ Jetavanaṃ isi-saṅgha-nisevitaṃ,
Āvutthaṃ Dhammarājena pīti-saṅjananaṃ maman-
ti

ādisuṣ vakkhamāne āsannapaccakkhe. Idhāpi vakkhamāno yeva āsannapaccakkhe daṭṭhabbo.

Brahmacariya-saddo:—

"Kin te vataṃ kiṃ pana brahmacariyaṃ
Kissa suciṇṇassa ayaṃ vipāko:
Iddhi-juti-bala-viriy'ūpapatti
Akkhāhi me, nāga, mahāvīmānaṃ.

* A. i, 114.

† M. i, 323.

‡ Cf. D. i, 3.

§ S. i, 33, 55.

Ahañ ca bhariyā ca manussaloke
Saddhā ubho dānapatī ahumhā,
Opānabhūtaṃ me gharāṃ tadāsi,
Santappitā samaṇabrāhmaṇā ca.

Taṃ me vataṃ taṃ pana brahmacariyaṃ
Tassa suciṇṇassa ayaṃ vipāko:
Iddhi juti bala-viriy'ūpapatti.
Idaṇca me, dhīra, mahāvimānaṃ "-ti

imasmim Puṇṇaka-Jātake* dāne āgato.

Kena pāṇi kāmadaḍḍo kena pāṇi madhussavo,
Kena te brahmacariyena puññaṃ pāṇimhi ijjhati ?

Tena pāṇi kāmadaḍḍo tena pāṇi madhussavo,
Tena me brahmacariyena puññaṃ pāṇimhi ijjhati-ti

imasmim Añkura-Peta-Vatthusmim† veyyāvacco. "Idaṃ kho taṃ bhikkhave Tittiriyaṃ nāma brahmacariyaṃ ahoṣi "-ti imasmim Tittira-Jātake‡ pañca sikkhāpadasīle. "Taṃ kho pana Pañcasikha brahmacariyaṃ n'eva nibbidāya na virāgāya yāvad eva Brahmāloka'ūpapattiyā "-ti imasmim Mahāgovinda-Sutte§ brahma-vihāre. "Pare abrahmacārī bhavissanti, mam'ettha¹ brahmacārino² bhavissāmā "-ti Sallekhasutte|| methunaviratiyaṃ.

"Mayaṇca bhariyā³ nātikkamāma;
Amhe ca bhariyā nātikkamanti;
Aññatva tāhi ca brahmacariyaṃ carāma
Tasmā ti ha amhaṃ daharā na miyyare "-ti.

Mahādhammapāla-Jātake¶ sadārasantose. "Abhijānāmi kho paṇāhaṃ Sariputta caturaṅga-samannāgataṃ brahmacari-

* J. vi, 320 (with "Idaṇca te nāgi" for "Akkhā hi me," and "kho sāmiko cāpi mayhaṃ" for "bhariyā ca manussaloke"). This Jātaka is otherwise known as Vidhuraṇḍita-Jātaka. Also vide Sumg-V. i, 177-8, and cf. Vimānā-vatthu, 60-64. † Pv. 24.

‡ J. i, 219 has "tittiriya brahmacariyaṃ nāma ahoṣi," but the quotation is from Vin. ii, 162.

§ D. ii, 251.

|| M. i, 42.

¶ J. iv, 53.

¹ mayamettha in M and S. ² brahmacārī in M. ³ bhariyaṃ in J.

yam caritvā tapassī¹ sudam homī"-ti Lomahaṃsa-Sutte* viriye.

"Hīnena brahmacariyena khattiye uppajjati
Majjhimena ca devattaṃ uttamena visujjhati"-ti.

Nimi Jātakeṭṭattadamana-vasena kate aṭṭhaṅgika-uposathe.
"Idaṃ kho pana² Pañcasikha brahmacariyaṃ ekanta-nib-
bidāya—pe—ayam eva ariyo aṭṭhaṅgiko maggo"-ti Mahā-
Govinda-Sutteṭṭe yeva ariyamagge. "Tayidaṃ brahmacari-
yaṃ iddhañc'eva phitañca vitthārikaṃ bahujaññaṃ puthu-
bhūtaṃ yāvad eva manussehi suppakāsitaṃ"-ti Pāsādika-
Sutteṭṭe sikkhattaya-saṅgahe sakalasmim sāsane. Idhāpi
ariyamagge sāsane ca vattati.

Vussati-ti vasiyati, cariyati-ti attho.

Janakuhanatthan-ti "Aho ayyo sīlavā vattasampanno
appiccho santuṭṭho mahiddhiko mahānubhāvo"-ti|| ādinā
janassa sattalokassa vimhāpan'atthaṃ.

Janalapanatthan-ti evarūpassa nāma ayyassa dinnam
mahapphalaṃ bhavissati-ti pasanna-citthehi ken'attho kiṃ
āhariyatū-ti manussehi vadāpan'atthaṃ.

Lābha-sakkāra-silokāni-saṃsatthan-ti yāyaṃ "Ākañkhey-
ya ce bhikkhave bhikkhu: lābhi assaṃ cīvara-piṇḍapā-
ta-senāsana-gilāna-paccaya-bhesajjaparikkhārānaṃ-ti, sīles've-
v'assa paripūrīkāri"-ti|| sīlānisamsabhāvena vutto catu-pacca-
ya-lābho, yo catunnaṃ paccayānaṃ sakkacca-dāna-saṃkhāto
ādara-bahumāna-garukaraṇa-saṅkhāto ca sakkāro, yo ca
sīlasampanno bahussuto sutadharo³ āradhaviṛiyo-ti ādinā
nayena uggacchantaka⁴-thutighosa-saṅkhāto siloko brahma-
cariyaṃ carantānaṃ diṭṭhadhammiko ānisaṃso tadatthaṃ
'iti maṃ jano jānātū'-ti** evaṃ brahmacariya-vāse sati
'ayam sīlavā kalyāṇadhammo'-ti†† ādinā *maṃ jano jānātu*

* M. i, 77.

† J. vi, 98.

‡ D. ii, 251.

§ D. iii, 124.

|| Cf. Ud. 2/2; 4/9.

¶ M. i, 33.

** Cf. M. i, 27.

†† S. iv, 303; cf. A. i, 248, 127; Ud. iv, 9.

¹ S tapassī.

² pana me in D.

³ B dhutadharo.

⁴ S uggacchanaka°.

sambhāvetū-ti attano santa-guṇa-vasena sambhāvan'atthaṃ pi *nayidaṃ brahmacariyaṃ vussaṭi*-ti sambandho.

Keci pana *kuhan'atthan*-ti pāpicchassa icchāpakatassa sato mantajappana-iriyāpatthanissita-paccayappaṭisevana-sañkhāte¹ tividhena *kuhana*-vatthunā *kuhana*-bhāvena janassa vimhāpan'atthaṃ.²

Janalapan'atthan-ti³ pāpicchass'eva sato paccay'atthaṃ parikathobhāsādivasena *lapana*-bhāvena ullapana-bhāvena⁴ vā janassa lapan'atthaṃ.

Lābha-sakkārasīlokanisaṃs'atthaṃ-ti pāpicchass'eva sato ⁵lābhādi-vasena garutāya⁶ *lābhasakkārasīloka*-sañkhātassa *ānisaṃsa*-udayassa nipphādan'atthaṃ.

Iti maṃ jano jānātū-ti pāpicchass'eva sato asantagūṇa-sambhāvanādhippāyena *itī* evaṃ *maṃ jano jānātū*-ti na *idaṃ brahmacariyaṃ vussaṭi*-ti evamettha atthaṃ vadanti. Purimo yeva pana attho sārataro.

Atha kho-ti ettha *athā*-ti aññadatthe nipāto, *kho*-ti avadhārane, tena kuhanādito aññadatthā⁶ yeva pana *idaṃ bhikkhave brahmacariyaṃ vussaṭi*-ti dasseti. Taṃ payogaṃ dassento *saṃvar'atthaṃ c'eva*⁷ *pahān'atthañcā*-ti āha.

Tattha pañca-vidho *saṃvaro**:—Pātimokkha-saṃvaro, sātisaṃvaro, ñāṇa-saṃvaro, khanti-saṃvaro, viriya-saṃvaro-ti. “Iminā Pātimokkha-saṃvarena upeto hoti samupeto”-ti† hi ādinā nayena āgato ayaṃ pātimokkha-saṃvaro nāma, yo sīlasaṃvaro-ti vuccati. “Rakkhati cakkhu'ndriyaṃ, cak-khu'ndriye saṃvaraṃ āpajjati”-ti‡ āgato ayaṃ sati-saṃvaro.

“Yāni sotāni lokasmiṃ (Ajitā-ti Bhagavā)

Sati tesam nivāraṇaṃ,

Sotānaṃ saṃvaraṃ brūmi,

Paññāy'ete pithiyyare”-ti.§

* Cf. VM. 7; Ud. iv, 6.

† M. i, 180, 223, etc.

† Vibh. 244.

§ Sn. v, 1035.

¹ S °tena.

² S omīta, but notes in fn.

³ S °ttham.

⁴ S vimhā°.

⁵ S lābhādigarutāya.

⁶ S upalāp°.

⁷ Cf. Text, p. 28, fn. 11.

Agato ayaṃ ñāṇasaṃvaro. “Khamo hoti sītassa uphassā”-ti* ādinā nayena āgato ayaṃ khanti-saṃvaro. “Uppannaṃ kāma-vitakkam nādhivāseti”-ti† ādinā nayena āgato ayaṃ viriyasaṃvaro. Atthato pana pāṇātipātādīnaṃ pajahana-vasena vattapaṭivattādīnaṃ¹ karaṇavasena ca pavattā cetanā c’eva viratiyo ca, saṅkhepato sabbo kāyavaci-samyamo. Vitthārato sattannaṃ āpatikkhandhānaṃ avitikkamo sīla-saṃvaro. Sati yeva sati-saṃvaro, satippadhānā vā kusalā khandhā. Ñāṇameva ñāṇa-saṃvaro. Adhivāsana-vasena² adosappadhānā vā³ pavattā kusalā khandhā khanti-saṃvaro, paññā-ti eke. Kāma-vitakkādīnaṃ adhivāsana-vasena pavat-taviriyameva viriya-saṃvaro. Tesu paṭhamo kāyaducca-ritādi-dussīlyassa saṃvaraṇato saṃvaro, duttiyo muṭṭha-saccassa, tatiyo aññāssa, catuttho akkhantiyā, pañcama kosajjassa saṃvaraṇato pidahanato *saṃvaro*-ti veditabbo. Evametassa saṃvarassa atthāya *saṃvaratthaṃ*, saṃvaranip-phādanatthan-ti attho.

Pahānam pi pañca-vidhaṃ: tadaṅgappahānaṃ, vikkham-bhanappahānaṃ, samucchadappahānaṃ, paṭippasaddhi-ppahānaṃ, nissaraṇappahānaṃ-ti. Tattha yaṃ vattaḃbaṃ taṃ hetthā Ekakanipāte⁴ Paṭhama-suttavaṇṇanāyaṃ vutta-meva.‡ Tassa pana pañca-vidhassa pi tathā tathā rāgādi-kilesānaṃ paṭinissajjan’atthena samatikkaman’atthena vā pahānassa atthāya *pahān’atthaṃ*, pahānasādhana’atthan-ti attho. Tattha saṃvarena kilesānaṃ cittasantāne pavesana-nivāraṇaṃ, pahānena pavesana-nivāraṇaṃ c’eva samugghāto cā-ti vadanti. Ubhayenāpi pana yathārahaṃ ubhayaṃ sam-pajjati-ti daṭṭhabbaṃ. Sīlādidhammā eva hi saṃvaraṇato ca saṃvaro, pajahanato *pahāna*-ti.

Gāthāsu—*Anūtiha*-ti Itiyoṣ vuccanti upaddavā diṭṭha-dhammikā ca samparāyikā ca. Itiyo hanati vināseti pajahati-ti *itīhaṃ*. Anu Itihan-ti *anūtihaṃ*, anātthehi⁴ sāsana-brah-macariyaṃ magga-brahmacariyañca. Athavā, Itihi anat-

* M. iii, 97.

† A. ii, 16.

‡ *Vide* p. 39.§ *Cf. Sn. v, 51, and P.J. thereon.*¹ S vattappaṭivattānaṃ.² S °dhānatthāya ca.³ S ekani°.⁴ S omits.

thehi saddhiṃ hananti gacchanti pavattanti¹-ti *itihā*, taṇhādi-upakkilesā, n'atthi ettha itihā-ti *anūtihaṃ*, Itihā-ti vā yathā vutten'atthena titthiyasamayā. Tappapaṭipakkhato idaṃ *anūtihaṃ*. Anitihaṃ-ti pi pāṭho.¹ Tass'attho: Iti-hāyaṃ-ti² dhammesu anekam sagāha-bhāvato³ ti vicikicchā itiham nāma Sammā-sambuddha-paveditattā yathānusiṭṭhaṃ paṭipajjantānaṃ nikaṅkhabhāva-sādhana⁴to n'atthi ettha itihan-ti *anūtihaṃ*. Aparappaccayaṃ-ti attho. Vuttam h'etaṃ—“Paccattaṃ veditabbo viññūhi”-ti,* atakkāvacaro-ti ca. Gāthāsukh'atthaṃ pana *anūtihaṃ*-ti diḡhaṃ paṭhanti.

Nibbāṇasaṅkhātāṃ ogadhaṃ paṭiṭṭhaṃ pāraṃ gacchatī-ti. *Nibbāṇ'ogadhagāmi*. Vimuttirasattā⁵ ekanten'eva nibbāṇa-sampāpako-ti attho, taṃ *nibbāṇ'ogadhagāmināṃ brahmacariyaṃ*.

So-ti yo so samatimsa-pāramiyo pūretvā, sabbakilese bhinditvā, anuttaraṃ Sammā-sambodhiṃ abhisambuddho, so *Bhagavā*.

Adesayī desesi.

Nibbāṇ'ogadho-ti vā ariya-maggo vuccati, tena vinā nibbāṇ'ogāhanassa asambhavato, tassa ca nibbāṇaṃ anālambitvā appavattanato. Tañca taṃ ekantaṃ pāpaye⁶ gacchatī-ti *nibbāṇ'ogadhagāmi*. Athavā, *nibbāṇ'ogadhagāminan*-ti nibbāṇassa anto gāmināṃ, maggabrahmacariyaṃ nibbāṇaṃ ārammaṇaṃ katvā⁷ tassa anto eva vattati pavattati-ti.

Mahantehi-ti mahā-ātumehi ulār'ajjhāsayehi.

Mahantaṃ nibbāṇaṃ, mahante vā sīlakkhandhādike esanti gavesanti-ti *mahesino* Buddhādayo ariyā. Tehi *anuyāto* paṭipanno.

Yathā Buddhena desita-ti yathā abhiññeyyādi-dhamme abhiññeyyādi-bhāven'eva Sammā-sambuddhena mayā desitaṃ, evaṃ ye etaṃ maggabrahmacariyaṃ tadatthaṃ sāsane brahmacariyañca *paṭipajjanti*, te diṭṭha-dhammika-sam-

* S. iv, 41 ff.

† For mahattehi of the Text; vide Text, p. 28, fn. 14.

¹ Vide Text, p. 28, fn. 12.

² S anekasabbhāvato.

³ S 'rasanti rasattā.

⁴ S pāpayati.

⁵ S itihāya.

⁶ S 'bhāvassa°.

⁷ S karitvā.

rāyik'atthehi yatthārahaṃ anusāsanassa¹ *Satthu* mayhaṃ *sāsanakārino* ovādappatikarā sakalassa vaṭṭa-*dukkhassa antaṃ* pariyaṇtaṃ appavattiṃ *karissanti, dukkhassa vā antaṃ* nibbāṇaṃ sacchikarissanti-ti.

Atthamasuttavaṇṇanā.

9. Navame,—*Abhiññatthan*-ti kusalādibhāvena khandhādivibhāgena ca sabbadhamme abhivisiṭṭhena ñāṇena aviparitatō jānaṇ'atthaṃ.

Pariññatthan-ti tebhūmika-dhamme 'idaṃ dukkhaṇ'-ti ādinā pari jānaṇ'atthaṃ samatikkamaṇ'atthañca. Tattha *abhiññeyya*-abhijānaṇā catu-saccavisayā. *Pariññū* pana pari jānaṇā. Yad'pi dukkha-sacca-visayā, pahāna-sacchikiriya-bhāvanābhisamayehi pana vinā nappavattatī-ti, pahānādayo pi idha gahitā-ti veditabbaṃ. Sesāṃ anantara-sutte vutta-meva.²

Navamasuttavaṇṇanā.

10. Dasame,—*Sukha-somanassabāhulo*-ti ettha *sukhaṇ*-ti kāyikaṃ sukhaṃ, *somanassaṇ*-ti cetasaikaṃ, tasmā yassa kāyikaṃ cetasaikañca sukhaṃ abhiñhaṃ pavattati, so *sukhasomanassa-bāhulo*-ti vutto.

Yonī-ti "Catasso kho imā Sāriputta yoniyo"-ti* ādisu khandhakotṭhāso yonī-ti āgato. "Yoni h'esaṃ bhūmijā,³ phalassa adhigamāyā"-ti† ādisu kāraṇaṃ. "Na cāhaṃ brāhmaṇaṃ brūmi, yonijaṃ mattisambhavaṃ,"‡ "Tameṇaṃ kammajā vātā ubbattetvā⁴ uddhaṃpādaṃ adhosiraṃ samparivattitvā mātu yonimukhe sampatipādentī"-ti§ ādisu passāva-maggo. Idha pana kāraṇaṃ adhippetāṃ. *Assū*-ti anena.||

*Āraddhā*⁵-ti paṭṭhapitā paggaṇhitā paripuṇṇā⁶ sampādītā vā.

* M. i, 73.

† M. iii, 143.

‡ Dh. p. 57.

§ Cf. A. iv, 133; UdA. 123.

|| Cf. Text, p. 30, fn. 2.

¹ S °ntassa.

² S vutt'atthameva.

³ S bhūmi ca.

⁴ S nibbattitvā.

⁵ S prefers in fn. āraddhā for āraddho of the Text.

⁶ S °puṇṇaṃ.

*Āsavānaṃ khayāyā-ti** ettha āsavanti-ti *āsavā*, cakkhuto pi —pe¹—manato pi savanti pavattanti-ti vuttaṃ hoti. Dhammato yāva gotrabhū okāśato yāva bhavaggā savanti-ti vā *āsavā*. Ete dhamme etaṃ ca okāsaṃ anto karitvā pavattanti-ti attho. Antokaraṇ'attho hi ayaṃ ā-kāro. Ciraparivāsiy'atthena madirādayo² *āsavā* viyā-ti pi *āsavā*. Loke hi ciraparivāsikā madirādayo *āsavā*-ti vuccanti, yadi ca ciraparivāsik'atthena³ *āsavā* ete eva bhavitum arahanti. Vuttaṃ h'etaṃ:—"Purimā, bhikkhave, koṭi na paññāyati avijjāya, 'ito pubbe avijjā nāhosī'"-ti⁴ ādi. Āyataṃ vā saṃsāra-dukkhaṃ savanti pasavanti⁴-ti pi *āsavā*, purimāni c'ettha nibbacanāni, yattha kilesā *āsavā*-ti āgatā, tattha yujjanti, pacchimaṃ kamme pi. Na kevalaṅka kammakilesā yeva *āsavā*, apica kho nānappakārā upaddavā pi. Abhi-dhamme hi—"Cattāro āsavā: kāmāsavo, bhavāsavo, diṭṭhāsavo, avijjāsavo"—ti⁵ kāmārāgūdayo kilesā *āsavā*-ti āgatā.

Sutte pi—"Nāhaṃ, Cunda, diṭṭhadhammikānaṃ yeva āsavānaṃ saṃvarāya dhammaṃ desemi"—ti⁶ ettha⁶ vivādamūla-bhūtā kilesā *āsavā*-ti āgatā.

"Yena dev'ūpapatty'assa Gandhabbo vā vihaṅgamo
Yakkhattaṃ yena gaccheyya-manussattaṅ ca abbaje
Te mayhaṃ āsavā khīṇā viddhastā vinaḷikataṃ"—ti||

ettha ⁶tebhūmikaṅka kammaṃ⁶ avasesā ca akusalā dhammā,
"Diṭṭha-dhammikānaṃ āsavānaṃ saṃvarāya, samparāyikānaṃ āsavānaṃ paṭighātāyā"—ti⁷ ettha parūpaghāta-vippaṭisāra-vadha-bandhādayo c'eva apāya-dukkha-bhūtā nānappakārā upaddavā ca. Te pan' ete āsavā Vinaye: "Diṭṭhadhammikānaṃ āsavānaṃ saṃvarāya, samparāyikānaṃ āsavānaṃ paṭighātāyā"—ti dvedhā āgatā. Saḷāyatane⁷—"Tayo 'me, āvuso, āsavā:—Kāmāsavo, bhavāsavo, avijjā-

* Cf. UdA. 176-177.

† A. v, 113.

‡ Dhamma-S., 1086. Also cf. D. i, 84; ii, 216; A. i, 165 ff.; M. i, 7, 23, 279; S. iv, 256, etc.

§ D. iii, 129.

|| A. ii, 29.

¶ Vin. iii, 21.

¹ S omits.

² S madhvā°, here and below.

³ S °vāsiya°.

⁴ S pavattanti.

⁵ S omits this up to the end of the next verse.

⁶⁻⁶ S °kakammaṃ.

⁷ S Sabbāsava-sutte.

savo"-ti* tidhā āgatā. Tathā aññesu suttantesu. Abhi-dhammeṭ ca te yeva diṭṭhāsavena saddhiṃ catudhā āgatā. Nibbedhika-pariyāyena—"Atthi, bhikkhave, āsavā niraya-gāminiyā, atthi āsavā tiracchāna-yoni-gāminiyā, atthi āsavā pettivisaya-gāminiyā, atthi āsavā manussa-loka-gāminiyā, atthi āsavā devaloka-gāminiyā"-tiṭ pañcadhā āgatā. Kamma-meva c'ettha āsavā¹-ti adhippetam. Chakka-Nipāte—"Atthi, bhikkhave, āsavā saṃvarā pahātābhā"-tiṣṭ ādinā nayena chadhā āgatā. Sabbāsava-saṃvara-pariyāye|| te yeva das-sana-pahātābhehi dhammehi saddhiṃ sattadhā āgatā. Idha pana Abhidhamma-pariyāyena cattāro āsavā adhippetā-ti veditābhā.

Khayāyā-ti ettha pana 'yo āsavānaṃ khayō vayo bhedo paribhedo aniccatā antaradhānaṃ'-ti āsavānaṃ sarasabhedo khayā²-ti vutto. "Jānato ahaṃ, bhikkhave, passato āsa-vānaṃ khayāṃ vadāmi"-ti¶ ettha āsavānaṃ khinākāro n'atthibhāvo accanta-asamuppādo āsavakkhayō-ti vutto.

"Sekhassa³ sikkhamānassa uju-maggānusārino
Khayasmīṃ paṭhamāṃ nāṇāṃ tato aññā anantarā"-
ti**

ettha ariya-maggo āsavakkhayō-ti vutto.

"Āsavānaṃ khayā samāṇo hotī"-ti† ettha phalaṃ.

"Paravajjānupassissa niccaṃ ujjhāna-saññino
Āsavā tassa vaḍḍhanti, ārā so āsava-kkhaṃ"-ti‡

ettha nibbāṇaṃ. Idha pana phalaṃ sandhāya āsavānaṃ khayā-ti vuttaṃ. Arahattaphal'atthāyā-ti attho.

Samvejanīyesu *thūnesu*-ti samvega-janakesu jūti-ādisu samvegavatthusu, jāti-jarā-vyādhimaraṇaṃ apāyagamanī-yaṃ atīte vaṭṭamūlakaṃ dukkhaṃ, anāgate vaṭṭamūlakaṃ

* S. iv, 256.

† See above.

‡ A. iii, 414.

§ A. iii, 387.

|| M. i, 6.

¶ M. i, 7.

** It. 53, 104; A. i, 231.

†† M. i, 284.

‡‡ Dh. 253.

dukkhaṃ, paccuppanne āhārapariyettimūlakam¹ dukkhan-ti imāni hi saṃvegavatthūni saṃvejanīyatthānāni nāma. Api ca “ āditto loka-sannivāso, uyyotto, avassuto,² kummagga paṭipanno, upanīyati loko, addhuvo, attāno loko abhinissaro,³ asassato⁴ ayam⁵ loko sabbam pahāya gamanīyam, uppato⁶ loko atitto taṇhādāso ”-ti,* evamādinī c’ettha *saṃvejanīyatthānāni*-ti veditabbāni.

Saṃvejanenā-ti jāti-ādisaṃvega-vatthūni paṭicca uppanna-bhaya-saṅkhātēna saṃvejanena. Atthato pana sah’ottappam nāpaṃ saṃvego nāma.

*Saṃvegassā*⁷-ti gabbhokkantikādi-vasena anekehi⁸ jāti-ādi-dukkhehi saṃvegajātassa. Saṃvejivā-ti ca paṭhanti.⁹

Yoniso padhānenā-ti upāyapadhānenā, sammāvāyāmenā-ti attho. So hi yathā akusalā dhammā pahīyanti, kusalā-dhammā bhāvanā-pāripūriṃ gacchanti, evaṃ padhānato uttamabhāvanā-sādhana to ca *padhānan*-ti vuccati. Tattha saṃvegena bhavādisu kiñci tānaṃ leṇaṃ paṭisaraṇaṃ apasanto tattha anālyanto¹⁰ alaggamānaso tappaṭipakkhena ca vinivattita-visaṇṇito aṇṇadatthum nibbānaniṇṇo hoti nibbānapoṇo nibbānapabbhāro. So kalyāṇamitta-sannissayena yoniso-manasikāra-bahulo visuddhāsaya-ppayogo samatha-vipassanāsu yuttapayutto sabbasmim pi saṅkhāragate nibbindati virajjati vipassanaṃ ussukkāpeti. Tattha yadidaṃ yoniso-manasikāra-bahulo visuddhāsaya-ppayogo samatha-vipassanāsu yuttappayutto, ten’assa *diṭṭh’eva dhamme sukha-somanassa-bahulatā* veditabbā. Yaṃ panāyaṃ samathe paṭiṭṭhito vipassanāya yuttappayutto sabbasmim pi saṅkhāragate nibbindati virajjati vipassanaṃ ussukkāpeti, ten’assa *yonī*¹¹ *āraddhā āsavānaṃ khayāyā*-ti veditabbam.

Gāthāsu.—*Saṃvijjethēvā*-ti saṃvijjeyya eva, saṃvegaṃ kareyya eva. Saṃvejivā-ti ca paṭhanti.¹² Vuttanayena saṃviggo hutvā-ti attho.

* M. ii, 68-9.

¹ C “yesatthi”.

² S anabhissaro.

³ S asako.

⁴ C samviggassā.

⁵ Vide Text, p. 30, fn. 5.

⁶ Text yoniso.

⁷ S payāto.

⁸ S omits.

⁹ S āno.

¹⁰ S anekavidhehi.

¹¹ S anoliya°.

¹² Vide Text, p. 30, fn. 8.

Pañño-ti sappañño, tihetuka-paṭisandhī-ti vuttaṃ hoti.

Paññāya samavekkhiyā-ti saṃvegavattthūni saṃvijjana-vasena paññāya sammā avekkhiya. Athavā, paññāya sammā avekkhitvā-ti. Sesam sabbattha uttānatthameva.

Iti Paramatthadīpaniyā Iti-vuttak'aṭṭha-kathāya Dukanipāte Paṭhamavagga-vaṇṇanā niṭṭhitā.

II, 1. Dutiya-Vaggassa paṭhame.—*Tathāgataṃ bhikkhave*-ti ettha *tathāgata*-saddo tāva: sattavohāra-sammāsambuddhādisu dissati. Tathā h'esa—"Hoti tathāgato parammaraṇā"-ti* ādisu sattavohāre.

Tathāgataṃ devamanussa-pūjitaṃ

Buddhaṃ namassāma, suvatthi hotū-ti† ādisu sammāsambuddhe.

Tathāgataṃ devamanussapūjitaṃ

Dhammaṃ namassāma, suvatthi hotū-ti‡ ādisu dhamme.

Tathāgataṃ devamanussapūjitaṃ

Sammaṃ namassāma, suvatthi hotū-ti§ ādisu samghe.

Idha pana sammā-sambuddhe.

||Tasmā *Tathāgata*-ti ettha aṭṭhahi kārāṇehi Bhagavā Tathāgato-ti vuccati. Katamehi aṭṭhahi? Tathā āgato-ti Tathāgato. Tathā gato-ti Tathāgato. Tatha-lakkhaṇaṃ āgato-ti Tathāgato. Tathā-dhamme yāth'āvato Abhisambuddho-ti Tath'āgato. Tathā-dassitāya Tath'āgato. Tathā-vāditāya Tathāgato. Tathā-kāritāya Tathāgato. Abhibhavan'aṭṭhena Tathāgato-ti.

Kathaṃ Bhagavā tathā āgato-ti Tathāgato? Yathā yena abhinihārena dāna-pāramiṃ pūretvā, sīla-nekkhamma-paññā - viriya-khanti-sacca - adhiṭṭhāna - mettā - upekkhāpāramiṃ pūretvā, imā dasapāramiyo, dasa upapāramiyo, dasaparamattha-pāramiyo-ti samatimsa pāramiyo pūretvā, aṅgapariccāga, attapariccāga, dhanapariccāga, dārapariccāga, rajjapariccāga-ti imāni pañca mahā-pariccāgāni pariccajitvā,

* D. i, 27.

† Sn. v, 237.

‡ Cf. Sumaṅgala-V., pp. 59-68; also MA. 45-52; KhpA. 196; PvA. 64; UdA. 128-155; Manorathapūraṇī, i, 103-112.

† Sn. v, 236.

§ Sn. v, 238.

yathā Vipassī-ādayo sammā-sambuddhā āgatā, tathā amhā-
kaṃ Bhagavā pi āgato-ti Tathāgato. Yathāha:—

Yath'eva lokamhi Vipassī-ādayo
Sabbāññu-bhāvaṃ munayo idh'āgatā
Tathā ayaṃ Sakyamuni pi āgato
Tathāgato vuccati tena cakkhumā-ti.*

Evam tathā āgato-ti Tathāgato.

Kathaṃ tathā gato-ti Tathā-gato? Yathā sampatijātā
Vipassī-ādayo samehi pādehi paṭhaviyaṃ paṭiṭṭhāya uttarā-
bhimukhā sattapadavītiḥārena gatā, tathā amhākaṃ Bha-
gavā pi gato-ti Tathā-gato. Yathāha:—

Muhutta-jāto va gavampati yathā
Samehi pādehi phusi vasundharaṃ
So vakkami sattapadāni Gotamo
Setaṇṇa chattaṃ anudhārayuṃ marū.

Gantvāna so sattapadāni Gotamo
Disā vilokesi samā samantato
Aṭṭhaṅgupetaṃ giramabbhuddrayi
Sīho yathā pabbata-muddhaniṭṭhito-ti.

Evam tathā gato-ti Tathā-gato.

Kathaṃ tathā-lakkhaṇaṃ āgato-ti Tathāgato? Sabbesaṃ
rūpārūpa-dhammānaṃ salakkhaṇaṃ sāmāññalakkhaṇaṃ ta-
thaṃ avitathaṃ ñāṇa-gatiyā āgato avirajjhivā patto anup-
patto-ti Tathāgato. Yathāha:—

Sabbesaṃ pana dhammānaṃ
Saka-sāmāñña-lakkhaṇaṃ,
Tathamevāgato yasmā
Tasmā nāṭho Tathāgato-ti.

Evam tathā-lakkhaṇaṃ āgato-ti Tathāgato.

Kathaṃ tathā-dhamme yathāvato ābhisambuddho-ti Ta-
thāgato? Tatha-dhammā nāma cattāri ariya-saccāni. Ya-
thāha — “Cattār' imāni, bhikkhave, tathāni avitathāni
anaññathāni. Katamāni cattāri? Idaṃ dukkhaṃ ariya-

saccan-ti, bhikkhave, tathametaṃ, avitathametaṃ, anañña-thametaṃ"-ti* vitthāro. Tañhi ca Bhagavā abhisambuddho, tasmāpi tathānaṃ abhisambudhattā Tathāgato. Abhisambodhan'aṭṭho hi ettha gata-saddo. Evaṃ tathā-dhamme yāthāvato abhisambuddho-ti Tathāgato.

Katham tathā-dassitāya Tathāgato? Yaṃ sadevake loke—pe—sadeva-manussāya aparimāṇasu lokadhātusu aparimāṇaṃ sattānaṃ cakkhuvāre āpāthaṃ āgacchantam rūpārammaṇaṃ nāma atthi, taṃ Bhagavā sabbākārato jānāti passati, evaṃ jānatā passatā ca tena taṃ itṭhādivasena vā diṭṭha-suta-muta-viññātesu labbha-mānādi-vasena¹ vā, "Katamaṃ taṃ rūpaṃ rūpāyatanam? Yaṃ catunnaṃ mahābhūtānaṃ upādāya vaṇṇa-nibhāsa-nidassanaṃ sap-paṭighaṃ, nīlaṃ pītakaṃ"-ti† ādinā nayena anekehi nāmehi terasahi vārehi dvepaññāsāya vā nayehi vibhajjamānaṃ tath'eva hoti, vitathaṃ n'atthi. Esa nayo sotadvārādisu pi āpāthamāgacchantesu saddādisu. Vuttañi²etaṃ Bhagavatā:—"Yaṃ, bhikkhave, sadevakassa lokassa—pe—sadeva-manussāya diṭṭhaṃ sutam mutam viññātam pattam pariyesi-taṃ, anuvicaritaṃ manasā, tamahaṃ jānāmi, . . . tamahaṃ abhiññāsim, taṃ Tathāgatassa veditaṃ, taṃ Tathāgātassa³ upaṭṭhāsi"-ti.‡ Evaṃ tathā-dassitāya Tathāgato. Tattha tathā-dassi-atthe *Tathāgato*-ti padassa sambhavo veditabbo.

Katham tatha-vāditāya Tathāgato? Yaṃ rattim Bhagavā anuttaraṃ sammā-sambodhiṃ abhisambuddho, yañ ca rattim anupādisesāya nibbānadhātuyā parinibbāyi, etth'antare pañca-cattālīsa-vassa-parimāṇe kāle yañ ca Bhagavatā bhāsitaṃ sutta-geyyādi, sabbantaṃ parisuddhaṃ paripunnaṃ rāga-mada-nimmadanaṃ ekasadiṣaṃ avitathaṃ. Tenāha:—"Yañ ca, Cunda, rattim Tathāgato anuttaraṃ sammā-sambodhiṃ abhisambujjhati, yañ ca rattim anupādisesāya nibbānadhātuyā parinibbānadhātuyā parinibbāyati, yañ ca etasmiṃ antare bhāsati, lapati, niddisati, sabbam taṃ tathameva hoti, na aññathā. Tasmā *Tathāgato*-ti vuccati"-ti.§ Gada-attho hi

* S. v, 430. † Dhs. 130. ‡ A. ii, 25. § A. ii, 24; D. iii, 135.

¹ S labbhamānapadev°.

² A. ii, 25 reads Tathāgato na up°.

ettha *gata-saddo*. Evaṃ tathā-vāditāya Tathāgato. Āga-danaṃ āgato, vacanan-ti attho. Tatho aviparīto āgato¹ assā-ti *da-kārassa ta-kāraṃ* katvā Tathāgato-ti, evamettha pada-siddhi veditabbā.

Kathaṃ tathā-kāritāya Tathāgato? Bhagavato hi vācāya kāyo anulom'eti, kāyassa pi vācā; tasmā yathā-vādi tathā-kārī, yathā-kārī tathā-vādi ca hoti. Evaṃ-bhūtassa c'assa yathā-vācā, kāyo pi tathā gato pavatto; yathā ca kāyo, vācā pi tathā gato-ti Tathāgato. Ten'evāha:—"Yathā-vādi, bhikkhave, Tathāgato tathā-kārī; yathā-kārī tathā-vādi; iti yathā-vādi tathā-kārī, yathā-kārī tathā-vādi; tasmā Tathāgato-ti vuccati"-ti.* Evaṃ tathā-kāritāya Tathāgato.

Kathaṃ abhībhavan'aṭṭhena Tathāgato? Yasmā Bhagavā upari bhavaggaṃ heṭṭhā avicīpariyantaṃ karitvā, tiriyaṃ aparimāṇasu lokadhātusu sabba-satte abhībhavati, sīlenapi, samādhinā pi, paññāyā pi, vimuttiyā pi, vimutti-nāṇa-dassanena pi, na tassa tulā vā pamāṇaṃ vā, atulo appameyyo anuttaro devānaṃ ati-devo, Sakkānaṃ ati-Sakko, Brahmānaṃ ati-Brahmā, sabbasatt'uttamo, tasmā Tathāgato. Tenāha:—"Sadevake, bhikkhave, loke—pe—sadeva—manussāya Tathāgato abhībhū, anabhībhūto, añña-d-atthu-daso, vasavatti, tasmā Tathāgato-ti vuccati"-ti.* Tatrayaṃ pada-siddhi: Āgato viya āgato, so desanāvilāso c'eva puññ'ussayo ca. Tena h'esa mahānubhāvo bhisakko viya dibbāgadena sappe,² sabbaparappavādino³ sadevakaṇ ca lokaṃ abhībhavati. Iti sabba-lokābhībhavane⁴ atho aviparīto yathā-vutto āgato etassā-ti *da-kārassa ta-kāraṃ* katvā Tathāgato-ti veditabbo. Evaṃ abhībhavan'aṭṭhena Tathāgato.

Api ca tathāya gato avagato-ti Tathāgato. Tattha sakala-lokaṃ tīraṇa-pariññāya tathāya gato avagato-ti Tathāgato. Loka-samudayaṃ pahāṇa-pariññāya tathāya gato atīto-ti Tathāgato. Loka-nirodhaṃ sacchikiriyāya tathāya gato adhi-gato-ti Tathāgato. Loka-nirodha-gāmini-paṭipadaṃ bhā-

* A. ii, 24.

¹ UdA. reads āgato.

² DA., UdA. read viya after this.

³ S sabbe para°.

⁴ UdA. reads °bhavanato.

vanāya tathāya gato paṭipanno-ti Tathāgato. Vuttam h'e-
tam Bhagavatā:—"Loko, bhikkhave, Tathāgatena abhisam-
buddho, lokasmā Tathāgato visamyutto. Lokasamudayo,
bhikkhave, Tathāgatena abhisambuddho, lokasamudayo Ta-
thāgatassa pahīno. Lokanirodho, bhikkhave, Tathāgatena
abhisambuddho, lokanirodho Tathāgatassa sacchikato. Lo-
kanirodha-gāminī-paṭipadā, bhikkhave, Tathāgatena abhi-
sambuddhā, lokanirodha-gāminī-paṭipadā Tathāgatassa bhā-
vitā. Yam, bhikkhave, sadevakassa—pe—sabbam tam Ta-
thāgatena abhisambuddham. Tasmā Tathāgato-ti vuccatī"-
ti.*

†Aparehi pi aṭṭhahi kāraṇehi Bhagavā Tathāgato. Ta-
thāya āgato-ti Tathāgato. Tathāya gato-ti Tathāgato.
Tathāni āgato-ti Tathāgato. Tathā-gato-ti Tathāgato.
Tathā-vidho-ti Tathāgato. Tathā pavattiko¹-ti Tathāgato.
Tathehi āgato-ti Tathāgato. Tathā-gatā-bhāvena Tathā-
gato-ti.

Katham tathāya āgato-ti Tathāgato? Yā sā Bhagavatā
Sumedha-bhūtena Dīpaṅkara-dasabalassa pāda-mūle:—

Manussattam liṅgasampatti-hetu Satthāra-dassanam
Pabbajjā guṇa-sampatti-adhikāro ca chandatā
Aṭṭha-dhamma-samodhānā abhinīhāro samijjhatī-ti.†

Evam vuttam:—aṭṭhaguṇa-samannāgataṃ abhinīhāraṃ
āpādentena² ahaṃ sadevakaṃ lokaṃ tiṇṇo tāressāmi, mutto
moccassāmi, danto damessāmi, assattho assāsessāmi, parinib-
buto parinibbāpessāmi, Suddho sodhessāmi, Buddho bodhes-
sāmi-ti vohāre paṭiññā pavattitā. Vuttam h'etam:—

"Kiṃ me ekena tiṇṇena purisena thāma-dassinā
Sabbāññutaṃ pāpupitvā santāressam sadevakaṃ.

Iminā me adhikārena ³katena purisuttame³
Sabbāññutaṃ pāpupitvā tāremi janataṃ bahum.

* A. ii, 23.

† Here begins Dhammapāla's own explanation.

‡ J. i, 14.

¹ Uda. "vattito.

² S sampāde².

³⁻³ So in O and S MSS., though the Siamese printed text adopts "puri-
sena thāmadassinā" as in Uda., while noting the MSS. version in the fn.

Saṃsārasotaṃ chinditvā viddhamsetvā tayo bhava,
Dhamma-nāvaṃ samāruhya santāressaṃ sadevakaṃ.”*

“ Kim me aññāta-vesena dhammaṃ-sacchikaten’idha,
Sabbaññutaṃ pāpuṇitvā Buddho hessaṃ sadevake-
ti.”†

Taṃ pan’etaṃ mahā-paṭiññaṃ sakalassā pi Buddha-kāraka-
dhamma-samudāyassa pavicaya-paccavekkhaṇa-samādānā-
nāṃ kāraṇa-bhūtaṃ avisaṃvādentō lokanātho yasmā mahā-
kappānaṃ sata-sahassādhikāni, cattāri asaṃkheyyāni sak-
kaccaṃ nirantaraṃ niravasesato dānapārami-ādayo, sama-
timsapāramiyo pūretvā, aṅgapariccāgādayo pañca mahā-
pariccāge pariccajitvā, saccādhīṭṭhānādīni cattāri adhiṭṭhā-
nāni paribrūhetvā, puñña-ñāpa-sambhāre sambharitvā, pub-
bayoga-pubbacariya-dhamm’akkhāna-ñāt’attha-cariyādayo
ukkaṃsāpetvā, buddhi-cariyaṃ parama-koṭiṃ pāpetvā, anut-
taraṃ sammā-sambodhiṃ abhisambujjhi, tasmā sā mahā-
paṭiññā tathā avitathā anaññathā na tassa vālaggamattaṃ pi
vitathaṃ atthi. Tathā hi Dīpaṅkara-Dasabalo Koṇḍañño
Sumaṅgalo—pe—Kassapo Bhagavā-ti ‘ime catuvisati sam-
mā-sambuddhā paṭipāṭiyā uppannā Buddho bhavissatī’-ti naṃ
vyākariṃsu. Evaṃ catuvisatiyā Buddhānaṃ santike laddha-
vyākaraṇo ye te katābhinihārehi Bodhisattehi laddhabbā
ānisamsā vuttā,¹ te labhitvā’va āgato-ti tāya yathā-vuttāya
mahā-paṭiññāya tathāya abhisambuddha-bhāvaṃ āgato adhi-
gato-ti Tathāgato. Evaṃ tathāya āgato-ti Tathāgato.

Kathaṃ tathāya gato-ti Tathāgato? Yāyaṃ mahā-karuṇā
lokanāthassa, yāya mahā-dukkha-sampāta²-paṭipannaṃ sat-
ta-nikāyaṃ disvā ‘tassa n’atth’añño koci paṭisaraṇaṃ,
ahameva ito saṃsāra-dukkhato mutto mocessāmi’-ti samus-
sāhita-mānaso³ mahābhinihāraṃ akāsi. Katvā ca yathā-
pāṇidhānaṃ sakala-lokaḥita-sampādanāya ussukkamāpanno,
attano kāya-jīvita-nirapekkho, paresaṃ sota-gamaṇa⁴-matte-

* J. i, 66-68.

† J. i, 65.

¹ S omīta.

² S hadayo.

³ S sambādha.

⁴ S sotapthagam°.

na pi citt'ūtrāsa-¹samuppādikam atidukkaram dukkha-cariyam¹ samācaranto, yathā mahā-bodhi-sattānam² paṭipatti hānabhāgiyā saṅkilesa-bhāgiyā ṭhiti-bhāgiyā vā na hoti, atha kho uttarim visesa-bhāgiyā 'va hoti, tathā paṭipajjamāno anupubbena niravasese bodhi-sambhāre samānetvā abhisambodhim pāpuṇi. Tato paraṇi ca tāya yeva mahākaruṇāya saṅcodita-mānaso paviveka-ratiṃ paramaṇi ca santam vimutti-sukham³ pahāya, bāla-jana-bahule loka tehi samuppāditam sammānāvamāna-vippakāram agaṇetvā, vineyya-jana-vinayanena niravasesam Buddha-kiccam niṭṭhapesi. Tatra yo Bhagavato sattesu mahākaruṇāya samokkamānākāro so parato āvibhavissati. Yathā Buddha-bhūtassa lokanāthassa sattesu mahākaruṇā, evam Buddha-bhūtassa pi mahābhinhāra-kālādisū ti sabbattha sabbadā ca eka-sadisatāya tathā avitathā anaññathā. Tasmā tisu pi avatṭhāsu sabba-sattesu samānarasāya tathāya mahākaruṇāya sakalaloka-hitāya gato paṭipanno-ti, Tathāgato. Evam tathāya gato-ti Tathāgato.

Katham tathāni āgato-ti Tathāgato? Tathāni nāma cattāri ariya-magga-ñāṇāni. Tāni hi—"Idam dukkham, ayam dukkhasamudayo, ayam dukkha-nirodho, ayam dukkhanirodhagāminī paṭipadā"-ti* evam sabbañeyya-dhamma-saṅgāhakaṇam pavatti-nivatti-tadubhaya-hetu-bhūtānam catunnam ariya-saccānam, "Dukkhasa piḷan'aṭṭho, saṅkhat'aṭṭho, santāp'aṭṭho, vipariṇāmaṭṭho; samudayassa āyūhan'aṭṭho, nidānaṭṭho, saṃyogaṭṭho, paḷibodhaṭṭho; nirodhassa nisaraṇaṭṭho, pavivekaṭṭho, asaṅkhat'aṭṭho, amat'aṭṭho; maggassa nīyyānaṭṭho, hetvaṭṭho, dassanaṭṭho adhipatīyaṭṭho"-ti† ādinaṃ tabbibhāgānaṃca yathā-bhūta-sabhāvāvabodha-vibandhakassa saṃkilesa-pakkhasa samucchindanena paṭiladdhāya, tattha asammohābhisamaya-saṅkhātāya aviparītākāra-ppavattiyā dhammānam sabhāva-sarasa-lakhaṇassa avisamvādanato tathāni avitathāni anaññathāni; tāni Bha-

* D. iii, 273.

† Pts. i, 118; VM. 494.

¹⁻² S °dika °karā dukkha-cariyā.

² B mahābodhiyā, and also in S fn.

³ S vimokkha°.

gavā anaññaneyyo sayameva āgato adhigato. Tasmā tathāni āgato-ti Tathāgato.

Yathā ca magga-ñāṇāni, evaṃ Bhagavato tīsu kālesu appaṭihata-ñāṇāni, catupaṭisambhidā-ñāṇāni, catuvesārajjā-ñāṇāni, pañca-gati-pariccheda-ñāṇāni, cha-asādhāraṇa-ñāṇāni, satta-bojjhaṅga-vibhāvana-ñāṇāni, aṭṭha-magg'aṅga-vibhāvana-ñāṇāni, navānupubba-vihāra-samāpatti-ñāṇāni, dasabala-ñāṇāni ca vibhāvetabbāni. Tatra yaṃ hi kiñci aparimāṇasu loka-dhātusu aparimāṇānaṃ sattānaṃ hīnādiḥheda-bhinnānaṃ hīnādi-bheda-bhinnāsu atītāsu khandhāyatana-dhātusu sabhāva-kiccādi avatthā-visesādi khandha-paṭibaddha-nāmagottādi ca jānitabbam. Anindriya-paṭibaddhesu ca atisukhuma-tirohita-vidūradesesu rūpa-dhammesu yo taṃ taṃ¹ paccay'uppannānaṃ vaṇṇa-saṇṭhāna-gandha-rasa-phasādi-viseso, tattha sabbatth'eva hattha-tale-thapito āmalako viya paccakkhato asaṅgam-appaṭihataṃ Bhagavato ñāṇaṃ pavattati, tathā anāgatāsu paccuppannāsu cā-ti, imāni tīsu kālesu appaṭihata-ñāṇāni nāma. Yathāha:—"Atīt'amse Buddhassa Bhagavato appaṭihata-ñāṇaṃ, anāgat'amse Buddhassa Bhagavato appaṭihata-ñāṇaṃ, paccuppann'amse Buddhassa Bhagavato appaṭihata-ñāṇaṃ"-ti.* Tāni pan'etāni tattha tattha dhammānaṃ sabhāva-sarasa-lakkhaṇassa avisaṃvādanato tathāni avitathāni anaññatthāni. Tāni Bhagavā sayambhū-ñāṇena adhigacchi. Evaṃ tathāni āgato-ti Tathāgato.

Tathā—"Attha-paṭisambhidā, dhamma-paṭisambhidā, nirutti-paṭisambhidā, paṭibhāṇa-paṭisambhidā"-ti[†] catasso paṭisambhidā. Tattha attha-ppabhedassa sallakkhaṇa-vibhāvana-vavatthāna-karaṇa-samatthaṃ attha-ppabhedagataṃ ñāṇaṃ attha-paṭisambhidā. Dhamma-ppabhedassa sallakkhaṇa-vibhāvana-vavatthāna-karaṇa-samatthaṃ dhamme ppabhedagataṃ ñāṇaṃ dhamma-paṭisambhidā. Nirutti-ppabhedassa sallakkhaṇa-vibhāvana-vavatthāna-karaṇa-samatthaṃ nirutt'ābhilāpe ppabhedagataṃ ñāṇaṃ nirutti-paṭisambhidā. Paṭibhāṇa-ppabhedassa sallakkhaṇa-vibhāvana-

* D. iii, 275; Nett. 17-8.

† Vib. 293, 331; cf. VM. 440.

¹ After this S notes in *sa*. paccaya-visesehi saddhim.

vavatthāna-karaṇa-samattham paṭibhāṇe pabheda-gataṃ nā-
 ṇam paṭibhāṇa-paṭisambhidā. Vuttaṃ h'etaṃ*:—"Atthe
 nāṇam atthapaṭisambhidā, Dhamme nāṇam dhamma-paṭi-
 sambhidā, attha¹-dhamma-nirutt'ābhilāpe nāṇam nirutti-pa-
 ṭisambhidā, nāṇesu nāṇam paṭibhāṇa-paṭisambhidā"-ti.†
 Ettha ca hetu-anusārena arañiyato² adhigantabbato ca
 saṃkhepato hetu-phalaṃ attho nāma. Pabhedato pana,
 yaṃ kiñci paccay'uppannam nibbāṇam, bhāsit'attho vipāko,
 kiriyā-ti ime pañca dhammā attho. Taṃ attham³ pacca-
 vekkhantassa tasmim atthe pabhedagataṃ nāṇam atthapaṭi-
 sambhidā. Dhammo-ti saṃkhepato paccayo, so hi yasmā
 taṃ taṃ attham vidahati, pavatteti c'eva pāpeti ca, tasmā
 Dhammo-ti vuccati.‡ Pabhedato pana: yo koci phala-
 nibbattako, hetu, ariya-maggo, bhāsitaṃ kusalaṃ, akusalan-
 ti ime pañca dhammā Dhammo.⁴ Taṃ dhammaṃ pacca-
 vekkhantassa tasmim dhamme pabheda-gataṃ nāṇam dham-
 ma-paṭisambhidā. Vuttampi h'etaṃ:—"Dukkhe nāṇam at-
 tha-paṭisambhidā. Dukkha-samudaye nāṇam dhamma-pa-
 ṭisambhidā, dukkha-nirodhe nāṇam attha-paṭisambhidā,
 dukkhanirodha-gāminiyā-paṭipadāya nāṇam dhamma-paṭi-
 sambhidā. Athavā,⁵ hetumhi nāṇam dhamma-paṭisambhidā,
 hetu-phale nāṇam attha-paṭisambhidā. Ye dhammā jātā
 bhūtā sañjātā nibbattā abhinibbattā pātubhūtā, imesu
 dhammesu nāṇam attha-paṭisambhidā. Yamhā dhammā te
 dhammā jātā bhūtā sañjātā nibbattā abhinibbattā pātu-
 bhūtā, tesu dhammesu nāṇam dhamma-paṭisambhidā. Jarā-
 maraṇe nāṇam attha-paṭisambhidā, jarā-maraṇa-samudaye
 nāṇam dhamma-paṭisambhidā. Jarā-maraṇa-nirodhe nāṇam
 attha-paṭisambhidā, jarā-maraṇa-nirodhagāminiyā-paṭipadāya
 nāṇam dhamma-paṭisambhidā. Jatiyā, bhava, upādāne, taṇ-
 hāya, vedanāya, phasse, saḷāyatane, nāma-rūpe, viññāṇe,
 saṅkhāresu nāṇam attha-paṭisambhidā, saṅkhāra-samudaye
 nāṇam dhamma-paṭisambhidā, saṅkhāra-nirodhe nāṇam at-

* For the following cf. VM. 440-442.

† Vib. 293, 331; cf. VM. 440.

‡ Cf. Sumaṅg.-V. i, 20; Points of Controversy, App. note 4.

¹ Vibh. tatra; VM. tattha.

² UdA. ariyato; VM. ariyati.

³ VM. ettha.

⁴ VM. has ti veditabbo after this.

⁵ MSS. omit.

tha-paṭisambhidā, saṅkhāra-nirodha-gāminiyā-paṭipadāya nānaṃ dhamma-paṭisambhidā. Idha, bhikkhu, dhammaṃ jānāti, suttaṃ geyyaṃ—pe—vedallaṃ: ayaṃ vuccati dhamma-paṭisambhidā. So tassa tass'eva bhāsitassa atthaṃ jānāti; ayaṃ imassa bhāsitassa attho-ti; ayaṃ vuccati attha-paṭisambhidā.

Katame dhammā kusalā? “Yasmiṃ samaye kāmāvacaraṃ kusalaṃ cittaṃ uppannaṃ hoti somanassa-sahagataṃ nāna-sampayuttaṃ rūpārammaṇaṃ vā—pe—dhammārammaṇaṃ vā, yaṃ yaṃ vā paṇārabba, tasmिṃ samaye phasso hoti—pe—avikkhepo hoti, ime dhammā kusalā, imesu dhammesu nānaṃ dhamma-paṭisambhidā, tesaṃ vipāke nānaṃ attha-paṭisambhidā”-ti* ādi vitthāro. Tasmिṃ pana atthe ca dhamme ca sabhāva-nirutti avyabhicāra-vohāro abhilāpo, tasmिṃ sabhāva-niruttābhilāpe Māgadhikāya sabbasattānaṃ mūlabhāsāya ayaṃ sabhāva-nirutti, ayaṃ na sabhāva-nirutti-ti pabheda-gataṃ nānaṃ nirutti-paṭisambhidā. Yatthā vuttesu tesu nānesu gocara-kiccādi-vasena vitthārato pavattaṃ sabbam pi nāna-ārammaṇaṃ katvā paccavekkhantassa tasmिṃ nāne pabheda-gataṃ nānaṃ paṭibhāna-paṭisambhidā. Iti imāni cattāri paṭisambhidā-nāpāni sayameva Bhagavatā adhigatāni attha-dhammādi ke tasmिṃ tasmिṃ attano visaye avisamvādana-vasena aviparītākāra-ppavattiyā tathāni avitathāni ānaññiathāni. Evaṃ pi Bhagavā tathāni āgato-ti Tathāgato.

Tathā yaṃ kiñci ñeyyaṃ nāma, sabbam taṃ Bhagavatā sabbākārena nātaṃ, ditthaṃ, adhigataṃ, abhisambuddhaṃ. Tathā hi'ssa abhiññeyyā dhammā abhiññeyyato buddhā,¹ pariññeyyā dhammā pariññeyyato buddhā, pahātabbā dhammā pahātabbato buddhā, sacchikātabbā dhammā sacchikātabbato buddhā, bhāvetabbā dhammā bhāvetabbato buddhā.† Yato naṃ koci samaṇo vā brāhmaṇo vā devo vā Māro vā Brahmā vā ime nāma te dhammā anabhisambuddhā-ti saha-dhammena anuyujjitum samattho nāma² n'atthi.

* Pp. 293-5; cf. Dhs. § 1.

† VM. 201 (cf. Sn. 558; Thag. 828).

Yam kiñci pahātabbam nāma, sabbam tam Bhagavato¹ anavasesato bodhi-mūle yeva pahīnam anuppatti-dhammam, na tassa pahānāya uttarim karaṇīyam atthi. Tathā hi'ssa lobha-dosa-moha-viparīta-manasikāra - ahirikānottappa-thīna-middha-kodh'ūpanāha-makkha-palāsa-issā-macchāriya - māyā-sātheyya - thambha - sārāmbha mānātimāna-mada - ppamādo; tividhākusala-mūla - duccarita-viparīta² - visama-saññā - mala-vitakka-papañca-esanā-taṇhā; catubbidha-vipariyessa - āsava-gaṇṭha-ogha-yogāgati-taṇh'ūpādāna; pañcābhīnandana-nīvaraṇa-cetokhila - cetaso-vinibandha; cha-vivāda-mūla, sattānusaṃsāra, aṭṭhamicchatta, nava-āghātavattū-taṇhā-mūlaka, dasa-akusala-kammaṃpatha, - ekavīsati - anesana, - dvāsaṭṭhi - diṭṭhi-gata, aṭṭhasata-taṇhā-vicaritādi-ppabhedam, diyaḍḍha-kilesa-sahassaṃ saha vāsanāya pahīnam samucchinnaṃ samūhataṃ. Yato naṃ koci samaṇo vā—pe—Brahmā vā, ime nāma te kilesā appahīnā-ti saha dhammena anuyūñjitum samattho n'atthi. "Ye pi 'me Bhagavatā kamma-vipāka-kiles'ūpavāda-āṇ'āvītikkama-ppabhedā antarāyikā dhammā vuttā, alameva te ekantena antarāyāya. Yato naṃ koci samaṇo vā—pe—Brahmā vā nālam te paṭisevato antarāyāyā"-ti^{*} saha dhammena anuyūñjitum samattho n'atthi. Yo ca Bhagavato niravasesa-vatṭa-dukkha-nissaraṇāya sīla-samādhī-paññā-saṅgaho, sattakoṭṭhāsiko, sattatimśa-ppabhedo ariyamagga-pubbāṅgamo anuttaro niyyāna-dhammo desito, so ekanten'eva niyyāti paṭipannassa vatṭa-dukkhato, yato naṃ koci samaṇo vā—pe—Brahmā vā niyyāna-dhammo-ti tayā desito na niyyāti-ti saha dhammena anuyūñjitum samattho n'atthi. Vuttaṃ h'etaṃ:—"Sammā-sambuddhassa te paṭijānato ime dhāmmā anabhisambuddhā"-ti† vitthāro. Eva-metāni attano ānā-ppahāna-desaṇā-vīsesānaṃ avitathabhāvāva-bodhanato aviparītākāra-ppavattāni Bhagavato catu-vesārajja-ānāni tathāni avitathāni anaññathāni. Evaṃ pi Bhagavā tathāni āgato-ti Tathāgato.

Tathā niraya-gati, tiracchāna-gati, peta-gati, manussa-gati, deva-gati-ti pañca-gatiyo.‡ Tāsu sañjivādayo aṭṭha-mahā-

* Cf. M. i, 72, 130.

† M. i, 71.

‡ Cf. M. i, 73.

nirayā, kukkulādayo soḷasa ussada-nirayā,¹ lokantarika-nirayo² cā-ti. Sabbe pi 'meekanta-dukkhatāya nirassādan'aṭṭhena³ nirayā ca sakakammunā gantabbato gati cā-ti nirayagati. *Tibbandhakāra-sītanarakā pi etesv'ev'antogadhā. Kimi-kīṭa-paṭaṅga-sirīṃsapa⁴-pakkihi-soṇa-sigālādayo tiriyaṃ añchita-bhāvena tiracchānā nāma; te ye va-gatī-ti tiracchāna-gati. Khuppiṇāsita-paradatt'upajīvi-nijjhāma-taṇhikādayo dukkha-bahulatāya pakatṭha-sukhato itā vigatā-ti petā: te ye va-gatī-ti petagati. Kālakañjikādiṭ asurā pi etesv'eva antogadhā. Paritta-dīpa-vāsīhi saddhiṃ Jambu-dīpādi catu-mahā-dīpa-vāsino manaso-ussannatāya manussā: te eva-gatī-ti manus-sa-gati. Catummahārājikato paṭṭhāya yāva n'eva-saññā-n'āsaññācāyatan'upagā-ti ime chabbāsati deva nikāyā dibbanti attano iddhānubhāvena kiṇanti jotanti cā-ti devā, te eva-gatī-ti deva-gati. Tā pan'etā gatiyo yasmā yasmā taṃ taṃ kamma-vaṭṭa-nibbatto uppatti-bhava-viseso, tasmā atthato vipaka-kkhandhā kaṭattā ca rūpaṃ. Tattha ayaṃ nāma gati iminā nāma kammunā jāyati, tassa kammassa paccaya-visesehi evaṃ vibhāga-bhinnattā viṣuṃ ete satta-nikāyā evaṃ vibhāga-bhinnā-ti yathā-sakaṃ hetuphala-vibhāga-paricchindana-vasena ṭhānaso hetuso Bhagavato ñāṇaṃ pavattati. Tenāha Bhagavā:—"Pañca kho imā, Sāriputta, gatiyo. Katamā pañca? Nirayo, tiracchānayo, petti-visayo, manussā, devā. Nirayañcāhaṃ, Sāriputta, pajānāmi nirayagāmiñca maggaṃ, niraya-gāminiñca paṭipadaṃ, yathā-paṭipanno kāyassa bheda parammaraṇā apāyaṃ duggatiṃ vinipātaṃ nirayaṃ upagato hoti, tañ ca pajānāmi"-ti ādiṃ. Tāni pan'etāni Bhagavato ñāṇāni tasmīṃ tasmīṃ visaye aviparītākāra-ppavattiyā avisaṃvadanato tathāni avitathāni anaññathāni. Evaṃ pi Bhagavā tathāni āgato-ti Tathāgato.

Tathā yaṃ sattānaṃ saddhādi-yoga-vikala-bhāva-bodhena⁵ appa-rajakkhatādi⁶-visesa-vibhāvanam paññāsāya ākārehi pavattaṃ Bhagavato indriya-paro-pariyatta-ñāṇaṃ. Vuttaṃ

* P. J. ii, 476.

† Cf. P. vA. 272.

‡ M. i, 73.

¹ S ussuddan° in fn.² S lokantan°.³ S nirassādaṭṭhena.⁴ S °sirīsaṃsapa°.⁵ S °bhāva-bodhanena.⁶ S appa-rajakkha-mahārajakkhat°.

h'etaṃ:—"Saddho puggalo apparajakkho, assaddho puggalo mahā-rajakkho"-ti* vitthāro: tyañca ayaṃ puggalo apparajakkho sassata-ditṭhiko, ayaṃ ucheda-ditṭhiko, ayaṃ anulomikāya khantiyā tṭhito, ayaṃ yathābhūtañāṇe tṭhito, ayaṃ kāmāsayo na nekkhammādi-āsayo, ayaṃ nekkhammāsayo na kāmādi-āsayo-ti ādinā; imassa kāmarāgo ativiya thāma-gato na paṭighādiko, imassa paṭigho ativiya thāma-gato na kāmarāgādiko-ti ādinā; imassa puññābhisaṃkhāro adhiko, na apuññābhisaṃkhāro, na āneñjābhisaṃkhāro; imassa apuññābhisaṃkhāro adhiko, na puññābhisaṃkhāro, na āneñjābhisaṃkhāro; imassa āneñjābhisaṃkhāro adhiko, na puññābhisaṃkhāro, na apuññābhisaṃkhāro, imassa kāya-sucaritaṃ adhikaṃ; imassa vaci-sucaritaṃ; imassa mano-sucaritaṃ; ayaṃ hinādhimuttiko, ayaṃ pañitādhimuttiko, ayaṃ kammāvaraṇena samannāgato,† na kilesāvaraṇena, na vipākāvaraṇena samannāgato-ti ādinā ca sattānaṃ āsayā-dīnaṃ¹ yathā-bhūta-vibhāvanākāra-ppavattaṃ Bhagavato āsayānusaya-ñānaṃ. Yaṃ sandhāya vuttaṃ:—"Idha Tathāgato sattānaṃ āsayāṃ jānāti, anusayaṃ jānāti, caritaṃ jānāti, adhimuttaṃ jānāti—pe—bhabbābhabbe satte jānāti"-ti‡ ādi.

Yañ ca uparima-heṭṭhima-majjhima²-kāyehi dakkhiṇa-vāma-akkhi-kappaṇasota-nāsikāsota-aṃsakūṭa-hatthapādehi³-aṅgula-aṅgul'antarehi-lom'ūpakūpehi⁴ ca, aggikkhandh'udakadhārā-pavattitaṃ, anañña-sādhāraṇaṃ, vividha-vikubban'iddhi-nimmāpaṇikaṃ⁵ Bhagavato yamaka-pāṭihāriya-ñānaṃ. Yaṃ sandhāya vuttaṃ—"Idha Tathāgato yamaka-pāṭihāriyaṃ karoti asādhāraṇaṃ sāvahehi. Uparima-kāyato aggi-kkhandho pavattati, heṭṭhima-kāyato udaka-dhārā-pavattati; heṭṭhima-kāyato aggi-kkhandho pavattati, uparima-kāyato udaka-dhārā pavattati"-ti|| ādi.

Yañ ca rāgādīhi jāti-jarā-ādīhi ca anekehi dukkha-dhamme-

* Pts. 121. † Cf. Vibh. 341.

‡ Cf. Vibh. 342; Pts. i, 134.

§ Vibh. 340; Pts. i, 134.

|| Pts. i, 125.

¹ S āsayādi taṃ.

² S puratthima-pacchima.

³ S "passahatthapā".

⁴ S lomakū.

⁵ S "paṇādikap.

hi upaddutaṃ sattakāyaṃ¹ tato nīharitu-kāmatā-vasena nānāyehi pavattassa Bhagavato mahā-karuṇ'okkamanassa paccaya-bhūtaṃ mahā-karuṇā-samāpatti-ñāṇaṃ; yathāha:—
 “Katamaṃ Tathāgatassa mahā-karuṇā-samāpatti-ñāṇaṃ? Bahukehi ākārehi passantānaṃ Buddhānaṃ Bhagavantānaṃ sattesu mahā-karuṇā okkamati”-ti* ādinā, “Āditto loka-sannivāso-ti passantānaṃ Buddhānaṃ Bhagavantānaṃ sattesu mahā-karuṇā okkamati”-ti† ādinā ca ekūna-navutiyā† ākārehi vibhajanam katam.

Yaṃ pana yāvatā dhamma-dhātu yattakaṃ nātabbhaṃ saṅkhatāsaṅkhatādi, tassa sabbassa paropadesena vinā sabbā-kārato paṭivijjānana-samatthaṃ ākaṅkhā-matta-paṭi-baddha-vutti anaṅña-sādhāraṇaṃ Bhagavato ñāṇaṃ, sabbathā anava-sesa-saṅkhatāsaṅkhata-sammuti-saccāvabodhato sabbaññūta-ñāṇaṃ, tatthāvaraṇābhāvato ca nissaṅga-ppavattiṃ upādāya anāvaraṇa-ñāṇa-ti pi vuccati. Ayamettha saṅkhepo. Vitthāro pana parato avibhavissati.‡ Evametāni Bhagavato cha-asādhāraṇa-ñāṇāni aviparītākāra-ppavattiyā yathāsa-kam visayassa avisamvādanato tathāni avitathāni anaṅña-thāni. Evaṃ pi Bhagavā tathāni āgato-ti Tathāgato.

Tathā—“Satt’ime, bhikkhave, bojjhaṅgā:—sati-sambojjhaṅgo, dhamma-vicaya-sambojjhaṅgo, viriya-sambojjhaṅgo, pīti-sambojjhaṅgo, passaddhi-sambojjhaṅgo, samādhi-sambojjhaṅgo, upekkhā-sambojjhaṅgo”-ti|| evaṃ sarūpato. “Yāyaṃ lok’uttara-maggakkhane uppaṇṇamānā lin’uddhacca-paṭiṭṭhānāyūhana-kāma-sukhatta-kilamathānuyoga-uccheda-sasatābhinivesādinam anekesaṃ upaddavānaṃ paṭipakkhabhūtā sati-ādi bheda-dhamma-sāmaggi, yāya ariya-sāvako bujjhati, kilesa-niddāya utthahati, cattāri vā saccāni paṭi-vijjhati, nibbānameva vā sacchikaroti”-ti¶ sā dhamma-sāmaggi-bodhi-ti vuccati. Tassā bodhiyā aṅgā-ti bojjhaṅgā. Ariyasāvako vā yathā-vuttāya dhamma-sāmaggiyā bujjhati-ti katvā, bodhi-ti vuccati, tassa bodhiṃ aṅgā-ti bojjhaṅgā-ti,

* Pts. i, 126; M. ii, 68.

† Pts. i, 127; M. ii, 69.

‡ For full enumerations vide UdA. 142-144.

§ Vide UdA. 144-5.

|| D. iii, 106; Pts. iii, 115; Vibh. 227.

¶ MA. 83 ff.

evam sāmāñña-lakkhaṇato upatṭhāna-lakkhaṇo, sati-sambojjhaṇgo; pavicaya-lakkhaṇo dhamma-vicaya-sambojjhaṇgo; paggaha-lakkhaṇo viriya-sambojjhaṇgo; pharaṇa-lakkhaṇo pīti-sambojjhaṇgo; upasama-lakkhaṇo passaddhi-sambojjhaṇgo; avikkhepa-lakkhaṇo samādhi-sambojjhaṇgo; paṭisaññhāna-lakkhaṇo upekkhā-sambojjhaṇgo-ti evam visesa-lakkhaṇato.—“Tattha katamo sati-sambojjhaṇgo? Idha bhikkhu satimā hoti paramena sati-nepakkena samannāgato cira-katam pi cirabhāsitaṃ saritā hoti anussaritā”-ti* ādinā sattanaṃ bojjhaṇḍānaṃ aññamaññī’ūpakāra-vasena ekakkhaṇe pavatti-dassanato. “Tattha katamo sati-sambojjhaṇgo? Atthi ajjhattaṃ dhammesu sati, atthi bahiddhā dhammesu sati”-ti† ādinā tesam visaya-vibhāvanā-pavatti-dassanato. “Tattha katamo sati-sambojjhaṇgo? Idha bhikkhu sati-sambojjhaṇḍaṃ bhāveti viveka-nissitaṃ virāga-nissitaṃ nirodha-nissitaṃ vossagga-pariṇāmin”-ti,‡ ādinā bhāvanā-vidhi-dassanto. “Tattha katamo satta-bojjhaṇḍā? Idha bhikkhu yasmiṃ samaye lok’uttaraṃ jhānaṃ bhāveti—pe—tasmiṃ samaye satta-bojjhaṇḍā honti: sati-sambojjhaṇḍo—pe—upekkhā-sambojjhaṇḍo. Tattha katamo sati-sambojjhaṇḍo? Yā sati anusati”-ti§ ādinā channavutiyā-naya-sahassa-vibhāgehi, evaṃ nānākārato pavattāni Bhagavato bojjhaṇḍa-vibhāvana-ñānāni, tassa tassa atthassa avisaṃvādanato tathāni avitathāni anaññathāni. Evam pi Bhagavā tathāni āgato-ti Tathāgato.

||Tathā “Tattha katamaṃ dukkha-nirodhagāminiṃ paṭipadā-ariyasaccam? Ayameva ariyo aṭṭhaṇḍiko maggo, seyyathidaṃ: Sammādiṭṭhi—pe—sammā-samādhi”-ti.¶ Evam sarūpato sabbakilesehi ārakattā ariya-bhāva-karattā ariya-phala-paṭilābha-karattā ca ariyo; ariyānaṃ aṭṭhavidhattā nibbānādhigamāya ekanta-kāraṇattā ca aṭṭhaṇḍiko; kilese mārento gacchati, atthikehi maggiyati, sayam vā nibbānaṃ maggayati-ti maggo-ti. Evam sāmāñña-lakkhaṇato, sammā-dassana-lakkhaṇā, sammā-diṭṭhi, sammā-abhiniropana-lakkhaṇo sammā-sañjappo; sammā-pariggahana-lakkhaṇā sam-

* DA. 197; Vibh. 227.

† DA. 110; Vibh. 228.

‡ S. iv, 367; Vibh. 229.

§ Vibh. 229.

¶ For the following vide DA. 214 ff. and MA. 105 ff.

¶ A. i, 117; Vibh. 104.

mā-vācā; sammā-samutṭhāṇa-lakkhaṇo sammā-kammanto; sammā-vodāna-lakkhaṇo sammā-ājivo; sammā-paggaha-lakkhaṇo sammā-vāyāmo; sammā-upatṭhāṇa-lakkhaṇā sammā-sati; sammā-avikkhepa-lakkhaṇo sammā-samādhī-ti; evaṃ visesa-lakkhaṇato sammā-ditṭhi tāva aññehi pi attano paccaññika-kilesehi saddhiṃ micchā-ditṭhiṃ pajahati, nibbāṇaṃ ārammaṇaṃ karoti, tappaṭicchāḍaka-moha-vidhamanena asammohato sampayutta-dhamme ca passati.

Tathā sammā-saṅkappādayo pi micchā-saṅkappādinī pajahanti, nirodhaṃ ca ārammaṇaṃ karonti, saha-jāta-dhammānaṃ sammā-abhiniropaṇa-pariggahaṇa-samutṭhāṇa-vodāna-paggaha-upatṭhāṇa-samādahanāni ca karonti-ti, evaṃ kicca-vibhāgato sammāditṭhi pubba-bhāge nānā-khaṇā visum dukkhādi-ārammaṇā hutvā, maggakāle ekakkhaṇā nibbāṇameva ārammaṇaṃ katvā, kiccato dukkhe ñāṇa-ti ādini cattāri nāmāni labhati. Sammā-saṅkappādayo pi pubba-bhāge nānā-khaṇa-nānārammaṇā, maggakāle ekakkhaṇā ekārammaṇā. Tesu sammā-saṅkappo kiccato nekkhamma-saṅkappo-ti ādini tīṇi nāmāni labhati. Sammā-vācādayo tayo pubbabhāge musāvādā veramaṇī-ti ādi vibhāgā viratiyo pi oetanāyo pi hutvā, maggakkhaṇe pana viratiyo 'va. Sammā-vāyāma-satiyo kiccato sammappadhāna-satipaṭṭhānavasena cattāri nāmāni labhanti. Sammā-samādhī pana maggakkhaṇe pi paṭhamajjhānādi-vasena nānā evā-ti evaṃ pubbabhāga-parabhāgesu pavatti-vibhāgato, "Idha, bhikkhave, bhikkhu sammāditṭhiṃ bhāveti viveka-nissitaṇ" -ti,* ādinā bhāvanā-visesato yathā-vuttānaṃ† satipaṭṭhāna-sammappadhāna - vibhāvana-ñānādi-anantāparimeyya-bhedānaṃ anañña-sādhāraṇānaṃ paññā-visesānaṃ-vasena Bhagavā tathāni ñāṇāni āgato adhigato-ti Tathāgato. Evaṃ tathāni āgato-ti Tathāgato.

Kathaṃ tathā gato-ti Tathāgato? Yā tā Bhagavato abhi-jāti abhisambodhi dhamma-vinaya-paññāpanā anupādisesa-nibbāṇa-dhātuyo, tā tathā. Kiṃ vuttaṃ hoti? Yadatthaṃ tā lokanāthena abhipatthitā pavattitā ca, tadatthassa ekanta-siddhiyā avisarvādanato aviparītatta-vuttiyā tathā

avitathā anaññathā. Tathā hi, ayaṃ Bhagavā Bodhisatta-
bhūto sātthimāsa-pārami-paripūraṇādikaṃ vuttappakāraṃ
sabba-Buddhatta-hetum sampādetvā, Tusitapure t̥hito Bud-
dha-kolāhalaṃ sutvā, dasa-sahassa-cakkavāla-devatāhi ekato
sannipatitāhi upasaṅkamtivā,—

“ Kālo’yaṃ te, mahā-vīra, uppajja mātu-kucchiyaṃ,
Sadevakaṃ tārayanto, bujjhassu amataṃ padaṇ ”-ti.*

Āyācito uppanna-pubba-nimitto pañca-mahā-vilokanāni vi-
loketvā, ‘idāni ahaṃ manussa-yoniyaṃ uppajjitvā, abhisam-
bujjhissāmi’-ti Āsāha-puṇṇamāyaṃ Sakyarāja-kule Mahā-
māyāya deviyā kucchiyaṃ paṭisandhiṃ gahetvā, dasamāse
devamanussehi mahatā-parihārena parihariyamāno, Visā-
kha-puṇṇamāyaṃ paccūsa-samaye abhijātiṃ pāpuṇi. Abhi-
jāti-kkhaṇe pan’assa paṭisandhi-kkhaṇe¹ viya dvattimāsa
pubba-nimittāni pāturaheṣuṃ, ayaṃ dasasahassa loka-dhātu
saṅkampi sampakampi sampavedhi. Dasasu cakkavāla-sa-
hassesu aparimāṇo² obhāso phari. Aparimāṇaṃ sirim daṭṭhu-
kāma viya andhā cakkhūni paṭilabhiṃsu, badhirā saddaṃ
suṇiṃsu, mūgā samālapiṃsu, khujjā ujugattā aheṣuṃ, paṇ-
gulā padasā gamanaṃ paṭilabhiṃsu, bandhana-gatā sabba-
sattā andu-bandhanādīhi muccīṃsu, sabba-narakesu aggi-
nibbāyi, pettivisaye khuppipāsā vūpasami, sabbasattā pi-
yaṃvadā³ aheṣuṃ. Madhurenākārena assā hasiṃsu, vāraṇā
gajjiṃsu, sabbaturiyāni sakasaka-ninnādaṃ muccīṃsu agatṭhi-
tāni eva, manussānaṃ hatth’ūpagādīni ābharaṇāni madhure-
nākārena saddaṃ muccīṃsu. Sabbadisā vippasannā aheṣuṃ,
sattānaṃ sukhaṃ uppādayamāno mudu sītalo vāto vāyi,
akāla-megho vassi, paṭhavito udakaṃ ubbhijjitvā vissandi,
pakkhino ākāśagamaṇaṃ vijahiṃsu, nadiyo assandamānā
atṭhaṃsu, mahāsamudde madhuraṃ udakaṃ ahosi, upakki-
lessa-vinimmutte suriye dippamāne eva ākāśagatā sabbā
jotiyo jotiṃsu, t̥hapetvā arūpāvacara-deve avasesā sabbe
devā sabbe ca nārayikā⁴ dissamāna-rupā aheṣuṃ, taru-kudda-

* DhA. i, 84 (with kālo kho te, etc., at the beginning in S).

¹ S °dhi-ggahapa-k°.

² S piya-vīra.

³ S appamāṇo, also below.

⁴ S nara°.

kavāṭa¹-selādayo anāvaraṇabhūtā ahesuṃ, sattānaṃ cutūpapātā nāhesuṃ, sabbāṃ anittthagandhaṃ abhibhāvitvā dibbagandho pavāyi. Sabbe phal'ūpagā rukkhā phaladharā sampajjimsu, mahāsamuddo sabbatthakameva paṇica-vaṇṇehi padumehi sañchannatalo ahosi, thalaja-jalajādim sabba-pupphāni pupphimsu, rukkhānaṃ khandhesu khandha-padumāni, sākhāsu sākhā-padumāni, latāsu latā-padumāni pupphimsu, mahi-tale silā-talāni bhinditvā upar'ūpari satta satta hutvā daṇḍa-padumāni nāma nikkhamimsu, ākāse olambaka-padumāni nāma nibbattimsu, samantato pupphavassaṃ vassi, ākāse dībba-turiyāni vajjimsu, sakala-dasasahasaloka-dhātu vaṭṭetvā vissatṭha-mālā-guḷaṃ viya uppiḷetvā pavatta-mālā-kalāpo viya alaṅkata-paṭiyatta-mālāsaṇaṃ viya ca ekamālā-māliniṃ vipphuranta-vāḷa-vījaṇiṃ puppha-dhūpa-gandha-parivāsitaṃ parama-bhagga-ppattā ahosi. Tāni ca pubba-nimittāni upari adhigatānaṃ anekesaṃ viśesādhigamānaṃ nimitta-bhūtāni eva ahesuṃ. Evaṃ anekacchariyapātubhāvā ayaṃ abhijāti, yadatthaṃ tena abhipaṭṭhitā, tassā abhisambodhiyā ekantasiddhiyā tathā'va ahosi avitathā anaññathā.

Tathā ye Buddha-veneyyā bodhaneyya-bandhavā te sabbe pi anavasesato sayameva Bhagavatā vinitā yeva, na sāvakehi. Sāvaka-veneyyā dhammaveneyyā ca te hi sāvakādīhi vinitā vinayaṃ gacchanti gāmissanti cā-ti yadatthaṃ Bhagavatā abhisambodhi abhipaṭṭhitā, tadatthassa ekanta-siddhiyā abhisambodhi tathā avitathā anaññathā. Api ca yassa yassa neyya-dhammassa yo yo sabhāvo bujhitabbo, so so hattha-tale ṭhapita-āmalakaṃ viya āvajjana-mattapaṭibandhena attano ñāṇena aviparitaṃ anavasesato Bhagavatā abhisambuddho-ti, evampi abhisambodhi tathā avitathā anaññathā.*

Tathā tesāṃ tesāṃ dhammānaṃ tathā tathā desetabba-ppakāraṃ tesāṃ tesāṃ ca sattānaṃ āsayāsaya²-cariyādhi-muttiṃ samma-d-eva oloketvā, dhammataṃ avijahanten'eva paññatti-mayaṃ vohāra-mattaṃ anātindhāventen'eva ca dhammataṃ vibhāventena yathāparādhaṃ yathājñāsayam

* Cf. DA. 43-4.

¹ S °vātādis°.

² S āsayāsaya.

yathā-dhammañca anusāsanena Bhagavatā veneyyā vinitā, ariya-bhūmim sampāpitā-ti dhamma-vinaya-paññāpanā pi'ssa tadattha-siddhiyā yathā-bhūta-vuttiyā ca tathā avitathā anaññathā. Tathā yā sā Bhagavatā anuppattā sopādi¹-ādikā-paṭhavi¹ phassa-vedanādi rūpārūpa-sabhāva-vinimuttā lujjana-palujjana-bhāvābhāvato loka-sabhāvātittā tamasāvisamsatṭhattā kenaci anobhāsaniyā obhāsābhāvato² eva gati-ādi-bhāvarahitā appatiṭṭhā anārammaṇā amata-mahā-nibbāna-dhātu khandha-saṅkhātānaṃ upādādināṃ kilesa-mattassā pi abhāvato anupādisesā-ti pi vuccati. Yaṃ sandhāya vuttaṃ:—"Atthi, bhikkhave, tadāyatanaṃ, yattha n'eva paṭhavi na āpo na tejo na vāyo na ākāsānañcāyatanaṃ, na viññāṇaṃ cāyatanaṃ, na ākiñcaññāyatanaṃ, na n'eva-saññā-nāsaññāyatanaṃ, nāyaṃ loko, na paraloko, na ca ubho candima-suriyā. Tamahaṃ, bhikkhave, n'eva āgatiṃ vadāmi, na gatiṃ na ṭhitiṃ na cutiṃ na uppattiṃ. Appatiṭṭhaṃ, appavattaṃ, anārammaṇamev'etaṃ. Es'ev'anto dukkhassā"-ti.* So sabbesam pi upādāna-kkhandhānaṃ atthaṅgamo, sabbesam saṅkhārānaṃ samatho, sabbūpadhīnaṃ paṇinissaggo, sabba-dukkhānaṃ vūpasamo, sabbālayānaṃ samugghāto, sabba-vaṭṭānaṃ upacchedo, accanta-santi-lakhaṇā-ti yathā-vutta-sabhāvassa kadāci pi avisamvādanato tathā avitathā anaññathā. Evametā abhijāti-ādikā tathā gato upagato adhigato paṭipanno patto-ti Tathā-gato. Evaṃ Bhagavā tathā gato-ti Tathā-gato.

Kathaṃ tathā-vidho-ti Tathāgato? Yathā-vidhā purimakā sammāsambuddhā te ayam pi Bhagavā tathā-vidho. Kiṃ vuttaṃ hoti? Yathā-vidhā te Bhagavanto magga-sīlena, phala-sīlena, sabbena pi lokiya-lok'uttara-sīlena, magga-samādhinā, phala-samādhinā, sabbena pi lokiya-lok'uttara-samādhinā, magga-paññāya, phala-paññāya, sabbāya pi lokiya-lok'uttara-paññāya, devasikaṃ valaṅgītabbhehi, catu-vīsatikoṭi-sata-sahasā-samāpatti-vihārehi, tadaṅga-vimuttiyā, vikkhambhana-vimuttiyā, samuccheda-vimuttiyā, paṭippas-

* Ud. 80.

¹⁻¹ S sauppādi-ādikā; UdA. paṭhaviyādi.

² UdA. loka-sabhāvābhāvato.

saddhi-vimuttiyā, nissaraṇa-vimuttiyā-ti saṅkhepato. Vitthārato pana anantāparimāṇa-bhedehi, aointeyyānubhāvehi, sakala-sabbasāṃsū-guṇehi ayam pi amhākaṃ Bhagavā tathāvidho. Sabbesaṃ hi sammā-sambuddhānaṃ āyuvemattaṃ, sarīra-ppamāṇa-vemattaṃ, kula-vemattaṃ, dukkara-cariyā-vemattaṃ, rasmi-vemattan-ti, imehi pañcahi vemattehi siyā vemattaṃ, na pana sīla-visuddhiyādisu visuddhisu.¹ Samatha-vipassanā-paṭipattiyaṃ attano paṭibaddha-guṇesu ca kiñci nānā-karaṇaṃ atthi. Atha kho majjhe bhinna-suvapaṇaṃ viya aññamaññaṃ nibbisesā te Buddhā Bhagavanto. Taṃ yathā-vidhā purimakā sammā-sambuddhā ayam-pi Bhagavā tathā-vidho. Evaṃ tathā-vidho-ti Tathāgato. Vidhattho c'ettha gata-saddo. Tathā hi lokiyā vidha-yutta-gata-sadde pakāratthae vadanti.

Kathaṃ tathā pavattiko-ti Tathāgato? Anañña-sādhāraṇena idhānubhāvena samannāgatattā attha-paṭisambhidā-dīnaṃ ukkaṃsa-pāraṃi-ppattiyaṃ anāvaraṇa-ñāṇa-patilābhena ca Bhagavato kāya-ppavattiyādīnaṃ katthaci paṭighātābhāvato yathā-ruci tathā gataṃ gati²-gamaṇaṃ kāya-vaci-citta-ppavatti-etassā-ti Tathāgato. Evaṃ tathā pavattiko³-ti Tathāgato.

Kathaṃ tatthehi agato⁴-ti Tathāgato? Bodhisambhāra-sādhane tappaṭipakkha-ppavatti-saṅkhātāṃ n'atthi etassa gatan-ti agato. So pan'assa agata-bhāvo macchera-dāṇa-pāraṃi-ādisu aviparītaṃ ādīnavānisaṃsa-paccavekkhanādinaya-ppavattehi ñāṇehi-ti, tatthehi ñāṇehi agato-ti Tathāgato. Athavā, kilesābhisaṅkhāra-ppavatti-saṅkhātāṃ khandha-ppavatti-saṅkhātameva vā pañcasu pi gatisu gataṃ gamaṇaṃ etassa n'atthi-ti agato. Sa-upādisesa-anupādisesa-nibbāṇa-ppavattiyā svāyam assa agata-bhāvo tatthehi ariya-magga-ñāṇehi-ti; evampi Bhagavā tatthehi agato-ti Tathāgato.

Kathaṃ tathā gata-bhāvena Tathāgato? Tathā gata-bhāvenā-ti ca Tathāgatassa sabbhāvena atthitāyā-ti attho. Ko pan'esa Tathāgata, yassa atthitāyā Bhagavā Tathāgato-ti vacati-ti? Saddhammo. Saddhammo hi ariya-maggo tāva

¹ UdA. has vemattaṃ after this.

² UdA. āgati°.

³ UdA. °tito here and above.

⁴ UdA. āgato here and below.

yathā yuganaddha - samatha - vipassanā-balena anavasasa-kilesa-pakkhaṃ samūhaṃ'antena samuccheda-ppahāṇa-vasena gantabbaṃ tathā-gato; phala-dhammo, yathā attano maggānurūpaṃ paṭippassaddhi-ppahāṇa-vasena gantabbaṃ, tathā gato pavatto. Nibbāṇa-dhammo pana, yathā gato paññāya paṭividdho sakala-vaṭṭa-dukkha-vūpasamāya sampajjati, Buddhādīhi tathā gato sacchikato-ti Tathāgato. Pariyatti-dhammo pi, yathā purima-Buddhehi sutta-geyyādivasena pavatti-ādi-ppakāsana-vasena ca veneyyānaṃ āsāyādi-anurūpaṃ pavattito, tathā amhākaṃ pi Bhagavatā tathā gato gadito pavattito-ti Tathāgato. Yathā Bhagavato desito tathā Bhagavato sāvakehi gato avagato-ti Tathāgato. Evaṃ sabbo pi saddhammo tathāgato. Tenāha Sakko devānamindo:—

Tathāgataṃ deva-manussa-pūjitaṃ
Dhammaṃ namassāma, suvatthi hotū-ti.*

Svāssa atthi-ti Bhagavā Tathāgato. Yathā ca Dhammo evaṃ ariya-saṅgho pi, yathā atta-hitāya para-hitāya ca paṭipannehi suvisuddhaṃ pubba-bhāga-samatha-vipassanā paṭipadaṃ purakkhatvā tena tena maggena gantabbaṃ, taṃ taṃ tathāgato-ti Tathāgato.

Yathā vā Bhagavatā sacca-paṭicca-samuppādādi-nayo desito, tathā ca Buddhattā tathā gadanato ca Tathāgato. Tenāha Sakko devarājā:—

Tathāgataṃ deva-manussa-pūjitaṃ
Saṃghaṃ namassāma, suvatthi hotū-ti.†

Svāssa sāvaka-bhūto atthi-ti Bhagavā Tathāgato. Evaṃ tathāgata-bhāvena Tathāgato.

Idaṃ pi Tathāgatassa tathāgata-bhāva-dīpane mukhamat-takameva. Sabbākāreṇa pana Tathāgato 'va Tathāgatassa Tathāgata-bhāvaṃ vaṇṇeyya. Idaṃ hi tathāgata-padaṃ mahatthaṃ¹ mahā-gatikaṃ mahā-visayaṃ, tassa appamāda-padassa tepitakampi Buddhavacanāṃ yuttito attha-bhāvena

* Sn. v, 237.

† Sn. v, 238.

āharanto atitthena dhamma-kathiko pakkhanto¹-ti na vattab-
bo-ti. Tath'etaṃ vuccati:—

Yath'eva loke purimā mahesino
Sabbaññu-bhāvaṃ munayo idh'āgatā,
Tathā ayaṃ Sakyamuni pi āgato
Tathāgato vuccati tena cakkhumā.*

Pahāya kāmādi-male asesato
Samādhi-ñāṇehi yathāgatā Jinā,
Purātanā Sakyamuni jutindharo²
Tathāgato tana Tathāgato mato.

Tathañ ca dhātvāyatanādi lakkhaṇaṃ
Sabhāva-sāmañña-vibhāgabhedato,³
Sayambhu-ñāṇena jino samāgato,⁴
Tathāgato vuccati Sakya-puṇḍavo.

Tathāni saccāni samanta-cakkhunā
Tathā idappaccayatā ca sabbaso,
Anañña-neyya-nayato vibhāvitā
Tathā gato tena jino Tathāgato.

Aneka-bhedāsu pi loka-dhātūsu
Jinassa rūpāyatanādi-gocare
Vioitta-bhede tathameva dassanaṃ,
Tathāgato tena samanta-locano.

Yato ca dhammaṃ tathameva bhāsati
Karoti 'vācāya 'nuloma-mattano⁵
Guṇehi lokaṃ abhibhūyy'iriyati
Tathāgato tena pi loka-nāyako.

Tathā pariññāya tathāya sabbaso
Avedi⁶ lokaṃ pabhavaṃ atikkami,
Gato ca paccakkha-kriyāya nibbutiṃ
Yad⁷ ariya-maggañ ca gato Tathā-gato.

* Quoted in DA. 60; MA. 46.

¹ S pakkhanno; vide UdA. p. 154, fn. 3.

² UdA. °vibhāgato ayaṃ.

³⁻⁵ UdA. vā tassāurūpam attano.

⁶ UdA. pavēdi.

² UdA. °dharā.

⁴ S tathā gato.

⁷ S omits.

Tathā paṭiññāya tathāya sabbaso
Hitāya lokassa yato yamāgato,¹
Tathāya nātho karunāya sabbadā
Gato ca tena pi jino Tathā-gato.

Tathāni ñāṇāni yato samāgato
Yathā sabhāvaṃ visayāva bodhato,
Tathābhijāti-ppabhuti² Tathāgato
Tadattha³-sampādanato Tathāgato.

Yathā-vidhā te⁴ purimā⁵ mahesino,
Tathā vidho 'yam pi tathā-yathā-ruci,
Pavattavācā-tanu⁶-citta-bhāvato
Tathāgato vuccati aggapuggalo.

Sambodhi⁷-sambhāra-vipakkhato pure
Gataṃ, na saṃsāra-gataṃ pi tassa,⁸
Na c'atthi nāthassa bhavanta dassino:
Tathehi tasmā agato⁹ Tathāgato.

Tathāgato Dhammavaro¹⁰ mahesinā¹¹
Yathā pahātabba-malaṃ pahiyati,
¹²Tathā gato ariya-gaṇo vināyako¹²
Tathāgato tena samañgi-bhāvato-ti.*

*Arahantaṃ sammā-sambuddhaṃ-ti ettha grahā-ti padassa
attho heṭṭhā vutto yeva.† Sammā sāmañ ca sabba-dhammā-
naṃ buddhattā sammā-sambuddho.¹³ Yaṃ kiñci ñeyyaṃ
nāma, tassa sabbassa pi sabbākārato aviparītato sayameva
abhisambuddhattā-ti vuttaṃ hoti. Iminassa paropadesa-
rahitassa sabbākāreṇa sabba-dhammāvabodhana-samatthassa*

* For these verses vide UdA. 154-5.

† Cf. VinA. 112-5; VM. 198; DA. 146; PJ. ii, 441; UdA. 84; MA. 52.

¹ UdA. samā°.

² S yathābhi°.

³ UdA. tathāttha.

⁴ S omīte; C su.

⁵ S °makā.

⁶ UdA. dana.

⁷ S na bodhi°.

⁸ S tathāya; UdA. c'āyaṃ.

⁹ UdA. āgato.

¹⁰ S °dharo.

¹¹ UdA. °sino.

¹²⁻¹³ UdA. °gate ariya-gate pi Satthuno.

¹³ S °dham.

ākañkhā-paṭibandha - vuttino anāvaraṇa - ñāṇa - sañkhātassa sabbaññuta-ñāṇassa adhigamo dassito. Nanu ca sabbaññuta-ñāṇato aññam anāvaraṇam, aññathā cha asādhāraṇa-ñāṇāni Buddha-ñāṇāni-ti vacanam virujjheyā-ti? Na virujjhati visayappavatti-bheda-vasena aññehi asādhāraṇa-bhāvadassan'attham ekass'eva ñāṇassa dvidhā vuttattā. Ekameva hi tam ñāṇam anavasesa-sañkhatāsañkhata-sammatti¹-dhamma-visayatāya sabbaññuta-ñāṇam tattha ca āvaraṇābhāvato nissaṅgacāramupādāya anāvaraṇa-ñāṇan-ti vuttam. Yathāha Paṭisambhidāyam:—"Sabbam sañkhatāsañkhataṁ anavasesam jānāti-ti sabbaññuta-ñāṇam, tatthāvaraṇam n'atthi-ti anāvaraṇa-ñāṇan"-ti ādi.* Tasmiṁ n'atthi tesam atthato bhedo, ekanten'ev'etaṁ evamicchitabbam. Aññathā sabbaññutānāvaraṇa-ñāṇānam sādharmaṇato asabba-dhammārammaṇatā āpajjeyya. Na hi Bhagavato ñāṇassa anumattampi āvaraṇam atthi, anāvaraṇa-ñāṇassa ca asabba-dhammārammaṇa²-bhāve yattha tam² nappavatti, tatthāvaraṇa-sabbhāvato anāvaraṇa-bhāvo yeva na siyā. Athavā pana, hotuāññameva anāvaraṇam sabbaññuta-ñāṇato. Idha pana sabbattha appaṭihata-vuttitāya anāvaraṇa-ñāṇan-ti Sabbaññuta-ñāṇameva adhippetam. Tass'evādhigamena Bhagavā sabbaññū, sabbavidū, Sammā-sambuddho-ti vuccati. Na sakim yeva sabba-dhammāvabodhato. Tathā ca vuttam Paṭisambhidāyam:—"Vimokkhantikametaṁ Buddhānam Bodhiyāmūle saha sabbaññuta-ñāṇassa paṭilābhā sacchikā paññatti, yadidaṁ Buddho"-ti.† Sabba-dhammāvabodhana-samattha-ñāpādhigamena³ hi Bhagavato santāneva anavasesa-dhamme paṭivijjhitum samatthatā ahośi⁴-ti. Etthāha,—'Kiṁ pan'idam ñāṇam pavattamāṇam sakim yeva sabbasmim visaye pavattati udāhu kamenā'-ti? Kiṁ c'ettha, yadi tāva sakim yeva sabbasmim visaye pavattati, atītānāgata-paccuppanna-ajjhattabāhiddhādi-bheda-bhinnānam sañkhata-dhammānam asañkhata-sammati-dhammānañ c'eva ekajjham upaṭṭhāne dūrato citta-paṭi-

* Pts. i, 131.

† Pts. i, 174; Nid. 143, 453.

¹ S °matī.² S °bhāvaññathattap.³ S °ñāṇa-samedhigamena.⁴ S hoti-ti.

pekkhantassa viya ¹visaya-vibhāgenāvabodho¹ na siyā. Tathā ca sati sabbe dhammā anattā-ti vipassantānaṃ anat-tākāreṇa viya sabba-dhammā anirūpita-rūpeṇa Bhagavato ñāṇassa visayā honti-ti āpajjati yeva. Ye pi sabba-ñeyya-dhammānaṃ t̥hita-lakkhaṇa-visayaṃ vikappa-rahitaṃ sabba-kālaṃ Buddhānaṃ ñāṇaṃ pavattati, tena te sabba-vidūti vuccanti. Evañ ca katvā,—

Paraṃ samāhito nāgo tiṭṭhanto pi samāhito-ti*

idaṃ pi vacanaṃ suvuttaṃ hoti-ti vadanti. Tesam pi vuttadosā-nātivattati.² T̥hita-lakkhaṇārammaṇatāya ca atitānā-gata-sammatti-dhammānaṃ tad-abhāvato ekadesa-visaya-meva Bhagavato ñāṇaṃ siyā, tasmā sakiṃ yeva ñāṇaṃ pavattati-ti na yujjati. Atha kamena sabbasmiṃ visaye ñāṇaṃ pavattati-ti evaṃ pi na yujjati, na hi jāti-bhūmi-sabhāvādi-vasena disā-deśa-kālādi-vasena ca aneka-bheda-bhinne ñeyye kamena gayhamāne tassa anavasesa-paṭivedho sambhavati apariyanta-bhāvato ñeyyassa. Ye pana atthassa avisaṃvādanato ñeyyassa ekadesaṃ paccakkhaṃ katvā sese pi evaṃ-ti adhimuccitvā vavaṭṭhāpanena sabbaññu Bhagavā, tañ ca ñāṇaṃ na anumānikaṃ saṃsa-yābhāvato, saṃsayānubaddhaṃ³ hi loke. anumāna-ñāṇaṃ-ti vadanti. Tesam pi na yuttaṃ, sabbassa hi apaccakkha-bhāve atthassa avisaṃvādanena ñeyyassa ekadesaṃ paccakkhaṃ katvā sese pi evaṃ-ti adhimuccitvā vavaṭṭhāpanas-sa asambhavato. Yaṃ hi taṃ sesaṃ taṃ apaccakkhaṇ-ti. Atha taṃ pi paccakkhaṃ tassa sesa-bhāvo pana na siyā-ti sabbametaṃ akāraṇaṃ. Kasmā? Avisaya-vicāra-bhāvato. Vuttaṃ h'etaṃ Bhagavatā:—"Buddhavisayo, bhikkhave, acinteyyo, na cintetabbo, yo cinteyya ummādaṃ vighā-tassa bhāgi assā"-ti.† Idaṃ paṇ'ettha sanniṭṭhānaṃ. Yaṃ kiñci Bhagavatā ñātum icchitaṃ sakalamekadeso vā, tattha appaṭihata-vuttiyā⁴ paccakkhato ñāṇaṃ pavattati.

* (?)

† A ii, 80.

¹⁻² S paṭibhāgenā; B vibhāgenā°.

² S vuttadosā na honti-ti vuttanti pi, in fn.

³ S °bandhaṃ.

⁴ S °vuttitāya.

Niccasaṃādhānaṃ ca vikkhepābhāvato ñātum icchitassa sakalassa avisaya-bhāve tassa ākaṅkhā-paṭibaddha-vuttitā na siyā, ekanten'eva sā icchitabbā. "Sabbe dhammā Budhassa Bhagavato āvajjana-paṭibaddhā, ākaṅkhā-paṭibaddhā, manasikāra-paṭibaddhā, citt'uppāda-paṭibaddhā"-ti* vacanato atitānāgata-visayam pi Bhagavato ñāṇaṃ anumānāgamana-takkaggahana-virahitattā paccakkhameva. Nanu ca etasmim pi pakkhe yadā sakalaṃ ñātum icchitaṃ, tadā sakim yeva sakala-visayatāya¹ anirūpita-rūpena Bhagavato ñāṇaṃ pavatteyyā-ti vuttadosānātivutti-yevā-ti? Na tassa visodhitattā. Visodhito hi so Buddhavisayo acinteyyo-ti. Aññathā vā pacūra-jana-ñāṇa-samavuttiya² Buddhānaṃ Bhagavantānaṃ ñāṇassa acinteyyatā na siyā. Tasmā sakala-dhammārammaṇaṃ pi taṃ eka-dhammārammaṇaṃ viya suvavaṭṭhāpīte yeva te dhamme katvā pavattati-ti, idamettha acinteyyaṃ. Yāvatakaṃ ñeyyaṃ tāvatakaṃ ñāṇaṃ, yāvatakaṃ ñāṇaṃ tāvatakaṃ ñeyyaṃ, ñeyya-pariyantaṃ³ ñāṇaṃ ñāṇapariyantaṃ ñeyya-ti, evam ekajjhaṃ visum visum sakim kamena vā icchānurūpaṃ sammā sāmaṃ ca sabba-dhammānaṃ buddhattā sammā-sambuddho Bhagavā, taṃ sammā-sambuddhaṃ.

Dve vitakkā-ti dve sammā-vitakkā. Tattha vitakkenti etena sayam vā vitakketi, vitakkanamattameva vā ti *vitakko*. Svāyam ārammaṇābhiniropapa-lakkhaṇo, āhanana-pariyāhananaraso, ārammaṇe cittassa ānayana-paccupaṭṭhāno. Visaya-bhedena pana taṃ dvidhā katvā vuttaṃ *dve vitakkā*-ti.

Samudācarantī-ti samaṃ sammā ca uddhamuddhaṃ mariyādāya caranti. Mariyād'attho hi ayamākāro. Tena payogena—"Tathāgataṃ arahantaṃ sammā-sambuddhaṃ"-ti idaṃ sami-atthe⁴ upayoga-vacanaṃ. Idaṃ vuttaṃ hoti—Tathāgatassa arahato sammā-sambuddhassa attano attano visaye samaṃ⁵ sāmaṃ ca⁶ aññamaññaṃ mariyādaṃ anatikkamantā uddhamuddhaṃ bahulaṃ abhinhaṃ caranti pavatanti-ti.

* (?)

¹ S °visayaṃ.

² S sāmi-atthe.

³ S °vuttitāya.

⁴ S sāmaṃ.

⁵ S °yantikaṃ, end below.

⁶ S sammā ca.

Ko pana nesam visayo, kā vā mariyādā, kathañ ca tam anatikkamitvā te uddhamuddham bahulam abhinham niccam pavattanti-ti? Vuccate: *Khema-vitakko*, *paviveka-vitakko*-ti ime dve vitakkā yeva. Tesu *khema-vitakko* tāva Bhagavato visesena karuṇā-sampayutto, mettā-muditā-sampayutto pi labbhat'eva. Tasmā so mahā-karuṇā-samāpattiyā mettādi-samāpattiyā ca pubbaṅgamo sampayutto ca veditabbo. *Paviveka-vitakko* pana phala-samāpattiyā pubbaṅgamo sampayutto ca, dibba-vihārādi-vasenā pi labbhate 'va. Iti nesam pi *vitakko* visayo, tasmā ekasmiṃ santāne bahulam pavattamānānam pi kālena kalamam¹ savisayasmiṃ caranto n'atthi mariyādā na sañkarena vutti. Tattha *khema-vitakko* Bhagavato karuṇokkamanādinā vibhāvetabbo. *Paviveka-vitakko* samāpattihi.² Tatthāyaṃ vibhāvanā:—Ayaṃ loko santāpajāto dukkhapareto-ti ādinā rāgaggi-ādihi lokasannivāsassa ādittādi-ākārālassanchi mahākaruṇā-samāpattiyā pubba-bhāge samāpattiyam pi paṭṭhamajjhānavasena vattabbo. Vuttaṃ h'etaṃ:—*“Bahulehi³ ākārehi passantānaṃ Buddhānaṃ Bhagavantānaṃ sattesu mahākaruṇā okkamati, 'āditto loka-sannivāso'-ti passantānaṃ Buddhānaṃ Bhagavantānaṃ sattesu mahākaruṇā okkamati, 'uyyotto . . . payāto . . . kumagga-paṭipanno,' . . . 'upanīyati loko, addhuvo,' . . . 'attaṇo loko anissaro,'⁴ . . . 'assako loko sabbam pahāya gamanīyaṃ.' . . . 'Ūno loko atitto taṇhādāso,'† 'lokasannivāso . . . aleṇo . . . asaraṇo . . . asaraṇi-bhūto . . . udhaṇo loko avūpasanto . . . sasallo loka-sannivāso viddho puthu-sallehi . . . avijj'andhakārāvaraṇo kilesa-pañjara-parikkhitto, . . . avijj'āgato loka-sannivāso andha-bhūto pariyaṇaddho tant'ākulaka-jāto, gulāguṇṭhika-jāto, muñja-pabbaja-bhūto apāyaṃ duggatiṃ vinipātaṃ saṃsāraṃ nātivattati'-ti passantānaṃ, 'avijjā-visādosasalilato,'⁵ kilesa-kalali-bhūto rāga-dosa-moha-jatā-jatito . . . taṇhā-saṅghāṭa-paṭimukko . . . taṇhā-jālena otthaṇo . . . taṇhā-sotena vuyhati, . . . taṇhā-samyojanena samyutto . . . taṇhānusayena anusaṇo

* Vide UdA. 142 ff.

† Cf. M. ii, 68-9.

¹ S kalam.² B dibbavihārādīnā.³ Pts. and M. "kehi.⁴ S anabbhis.⁵ S "dosasalilato.

. . . taṇhā-santāpena santappati . . . taṇhā-parilāhena paridayhati . . . diṭṭhi-saṅghāta-paṭimukko . . . diṭṭhi-jālena otthato . . . diṭṭhi-sotena vuyhati . . . diṭṭhi-samyojanena samyutto . . . diṭṭhānusayena anusato . . . diṭṭhi-santāpena santappati . . . diṭṭhi-parilāhena paridayhati, . . . jātiyā anugato . . . jarāya anusato . . . vyādhinā abhibhūto . . . maraṇena abbhāhaṭo . . . dukkha-patito . . . taṇhāya oḍḍito¹ . . . jarāpākāra-parikkhitto . . . maccupāsena parikkhitto . . . ²mahā-bandhanena baddho³ . . . rāgabandhanena dosa-moha-bandhanena māna-diṭṭhi-kilesa-duccarita-bandhanena baddho, . . . mahā-sambādha-paṭipanno . . . mahā-palibodhena palibuddho . . . mahāpapāte patito, . . . mahākantāra-paṭipanno . . . mahā-samsāra-paṭipanno . . . mahā-vidugga-samparivattati . . . mahā-palipepalipanno . . . abbhāhaṭo . . . loka-sannivāso, āditto loka-sannivāso rāg'agginā dos'agginā moh'agginā jātiyā—pe—upāyāsehi . . . unnatiko⁴ lokasannivāso, haññati nīccamattāṇo patta-daṇḍo takkaro . . . vattabandhana-baddho⁵ āghātana paccupaṭṭhito . . . anātho loka-sannivāso parama-karuṇātaṃ patto . . . dukkhābhittuṇṇo cira-ratta-pīlito . . . nīcagathito⁶ nīcca-pipāsito . . . andho acakkhuko . . . hatanetto aparipāyako . . . vipatha-pakkanto⁷ añjas-āparaddho . . . mahogha-pakkanto . . . dvīhi diṭṭhi-gatehi pariyuṭṭhito . . . tīhi duccaritehi vipaṭipanno . . . catūhi yogehi yojito . . . catūhi ganthehi ganthito,⁸ . . . catūhi upādānehi upādiyati . . . pañca-gati-samārūlho . . . pañcahi kāma-guṇehi rajjati . . . pañcahi nīvaraṇehi otthaṭo . . . chahi vivāda-mūlehi vivadati . . . chahi taṇhā-kāyehi rajjati . . . chahi diṭṭhigatehi pariyuṭṭhito . . . sattahi anusayehi anusato, . . . sattahi samyojanehi samyutto . . . sattahi mānehi uppato . . . aṭṭhahi lokadhammehi samparivattati . . . aṭṭhahi micchattehi niyyāto⁹ . . . aṭṭhahi purisadosahehi dussati, . . . navahi āghāta-vatthūhi āghātito . . . navahi mānehi uppato . . . navahi taṇhā-mūlakehi dhammehi rajjati . . . dasahi

¹ S oḍḍito.² S unnatiko.³ S °gadhito.⁴ S gaṇthito.⁵ S °dhana-ba°; Pts. Māra-ba°.⁶ S °bhandho.⁷ S °pakkhanno, *and below*.⁸ Pts. niyato.

kilesavatthūhi kilissati, . . . dasahi āghāta-vatthūhi āghātito . . . dasahi akusala-kamma-pathehi samannāgato . . . dasahi saṃyojanehi saṃyutto . . . dasahi micchattehi niyyāto . . . dasa-vatthu-kāya-ant'aggāhikāya-ditthiyā¹ samannāgato . . . aṭṭhasata-taṇhā-papañcehi papañcito . . . dvā-satthiyā ditthi-gatehi pariyutṭhito lokasannivāso'-ti passantānaṃ Buddhānaṃ Bhagavantānaṃ sattesu mahākaruṇā okkamati:—

Ahañ c'amhi tinno loko ca atinno; ahañ c'amhi mutto loko ca amutto; ahañ c'amhi danto loko ca adanto; ahañ c'amhi santo loko ca asanto; ahañ c'amhi assattho loko ca anassattho; ahañ-c'amhi parinibbuto loko ca aparinibbuto; pahomi khvāham² tinno tāretum, mutto mocetum, danto dametum, santo sametum, assattho assāsetum, parinibbuto pare ca parinibbāpetun-ti passantānaṃ Buddhānaṃ Bhagavantānaṃ sattesu mahākaruṇā okkamati"-ti* iminā ca³ nayena Bhagavato sattesu mettā-okkamaṇaṃ vibhāvetabbam.

Karuṇā-visayassa hi dukkhassa paṭipakkhabhūtaṃ sukhaṃ sattesu upasaṃharanti mettā pi pavattati-ti idha abyāpāda-avihiṃsā-vitakko *khema-vitakko*. *Paviveka-vitakko* pana nekkhamma-vitakko yeva. Tassa dibba-vihāra-ariyavihāresu pubbabhāgassa paṭhamajjhānassa paccavekkhaṇāya ca vasena pavatti veditabbā. Tathā ye Bhagavato devasikaṃ valañjanakavasena catuvisatikoti-satasahassa-saṅkhā samāpatti-vihārā, yesaṃ pure caraṇābhāvena pavattaṃ samādhicariya-ñāpacariyānugataṃ ñāpaṃ catu⁴-koṭisatasahassa-samāpatti - sañcārī⁵-mahāvajira - ñāpaṇ - ti vuccati. Tesam vasena Bhagavato *paviveka-vitakkassa bahulaṃ* pavatti veditabbā. Ayañ ca attho Mahā-saccaka-suttena pi veditabbo.† Vuttaṃ hi tattha Bhagavatā:—"So kho ahaṃ Aggivessa . . . tasmim yeva purimasim samādhi-nimitte ajjhataṃeva cittaṃ . . . sannidemi, . . . yena sukhaṃ nicca-kappaṃ viharāmi"-ti.‡ Idaṃ hi Bhagavā Samaṇo

* Pts. i, 126-31.

† M. i, 237-51.

‡ M. i, 249; Pj. ii, 163.

¹ S, Pts., UdA. read 'dasa-vatthu-kaya micchā-ditthiyā samannāgato' before this.² Pts. kvāham.³ S va.⁴ S 'taviṇṇi-ko'.⁵ S 'tti-paṇṇā ca.

Gotamo abhirūpo pāsādiko supphussitam¹ dantāvaranāṃ jivhā tanukā* madhurāṃ vacanāṃ,² tena parisāṃ rañjento maññe vicarati, citte pana'ssa ekaggatā n'atthi, yo evaṃ saññatti-bahulo vadati-ti, Saccakena Niggaṇṭha-puttena kathite³ avassāṃ sabhaṇḍaṃ⁴ coraṃ gaṇhanto viya, na Aggivessana Tathāgato parisāṃ rañjento saññatti-bahulo vicarati, Cakkavāḷa-pariyantāya pi parisāya dhammaṃ desento anubalaṃ dento asallīno anūpalitto ekattaṃ⁵ ekavīhāri-suññatā phalasamāpatti-phalaṃ anuyutto-ti dassetuṃ āhari. Bhagavā hi yasmiṃ khaṇe parisā sādhu-kāraṃ deti, dhammaṃ vā paccavekkhati, tasmīṃ khaṇe pubbabhāgena kālaṃ paricchinditvā phala-samāpattiṃ⁶ samāpajjati, sādhu-kāra-sadda-nigghose aparicchinne yeva dhamma-paccavekkhaṇāya ca pariyosāne samāpattito vuṭṭhāya tthitattānato paṭṭhāya dhammaṃ deseti. Buddhānaṃ hi bhavaṅga-parivāso lahuko, assāsavāre passāsavāre samāpattiyo samāpajjanti. Evaṃ yathā-vutta-samāpattīnaṃ sapubba-bhāgānaṃ vasena Bhagavato *khemā-vitakkassa paviveka-vitakkassa* ca *bahula*-ppavatti veditabbā.⁷

Tattha yassa vyāpāda-vihimsā-vitakkādi-saṃkilesa-ppahāṇassa*† avyāpāda-vitakkassa avihimsā-vitakkassa ca ānubhāvena kutoci pi bhayābhāvato, taṃsamaṅgi khemappatto ca viharati, tato ca sabbassa pi sabbadā pi *khemameva* hoti abhayameva. Tasmā duvidho pi ubhayesaṃ *khemāṃ* karoti *khemavitakko*. Yassa pana kāma-vitakkādi-saṃkilesa-ppahāṇassa nekkhamma-vitakkassa ānubhāvena kāya-viveko vacī-viveko upadhi-viveko-ti tividho,‡ tadaṅga-viveko vikkhambhana-viveko samuccheda-viveko paṭipassaddhi-viveko nisaraṇa-viveko-ti pañca-vidho ca viveko pāripūriṃ gacchati. So yathārahaṃ ārammaṇato sampayogato ca paviveka-sahagato vitakko-ti paviveka-vitakko. Ete ca *dve vitakkā* evaṃ vibhatta-visayā pi samānā ādikammikānaṃ aññamaññūpa-

* Cf. M. i, 242.

† Cf. UdA. 219-20; AsJ. 114; VM. 142.

‡ Vide UdA. 231; DA. 169; DhA. ii, 103.

¹ S suphussitam.

² B vitakkate.

³ S etameva.

⁴ O *tabbo.

⁵ S giram.

⁶ S sahodham.

⁷ S reads 'assāsavāre passāsavāre' after this.

⁸ S *hāṇāya, end below.

kārāya samvattanti. Yathā hi *khema-vitakkassa paviveka-vitakko* anuppannassa uppādāya uppamassa bhiyyo-bhāvāya vepullāya hoti, evaṃ *paviveka-vitakkassa* pi *khema-vitakko*. Na hi vūpakatṭhakāya-cittānamantarena mettā-vihārādayo sambhavanti. Vyāpādādi-ppahāpene ca vinā cittavivekā-dīnaṃ asambhavato yevā-ti aññamaññassa bahūpakārā ete dhammā datṭhabbā. Bhagavato pana sabbaso pahīnasamki-lesassa lokahit'atṭhāya evaṃ *khema-vitakko* ca *paviveka-vitakko* ca assāsavāramatte pi hitasukhāvahanti yevā-ti. *Khemo ca vitakko paviveko ca vitakko*-ti sambandhitabbaṃ. Evaṃ uddiṭṭhe dve vitakke niddisitum *avyāpajjhārāmo*-ti¹ ādimāha.

Tattha *avyāpajjhanaṃ* kassaci adukkhaṇaṃ *avyāpajjho*. So āramitabbato *ārāmo* etassā-ti *avyāpajjhārāmo*. Abyā-pajjhe rato sevana-vasena nirato-ti *avyāpajjharato*.

Es'evā-ti eso eva.

Iriyāyā-ti kiriyāya, kāya-vacī-payogenā-ti attho.

Na kiñci *vyābādhemi*-ti hinādisu kiñci pi sattaṃ taṇhātasādi-yogato tasmaṃ vā tadabhāvato pahīna-sabba-kilesa-vipphandi-tattā thāvaraṃ vā na *bādhemi* na dukkhāpemi. Karuṇā-jjhāsayo Bhagavā mahākaruṇā-samāpatti-bahulo attano paramarucita-karuṇājjhāsayānurūpamevamāha. Tena avi-himsā-vitakkaṃ avyāpāda-vitakkañ ca dasseti. Idaṃ vuttaṃ hoti,—Ahaṃ imāya iriyāya imāya paṭipattiyā evaṃ paṭi-pajjanto evaṃ samāpatti-vihārehi viharanto² evaṃ puññat-thikehi katāni sakkāra-garukāra-mānana-vandana-pūjanāni adhivāsento sattesu na kiñci *vyābādhemi*, api ca kho diṭṭha-dhammika-samparāyika-paramattha-ppabhedam³ hita-sukha-meva nesam paribrūhemī-ti.

Yaṃ *akusalaṃ taṃ pahīna*-ti yaṃ diyaḍḍha-kilesa-sahassa-bhedam aññañca taṃ sampayuttaṃ ananta-ppabhedam *akusalaṃ*, taṃ sabbaṃ Bodhimūle yeva mayhaṃ pahīnaṃ samūhatan-ti, iminā paviveke samiddha-bhūtena⁴ saddhiṃ nissaraṇa-vivekena samuceheda⁴-paṭipassaddhi-viveke das-seti. Keci pan'ettha tadañga-vikkhambhana-viveke pi uddha-

¹ Vide Text, p. 31, fn. 10.

² S samuddhabhūte.

³ S 'bhedam.

⁴ S has 'pahāna' after this.

ranti. Āgamanīya-paṭipadāya hi saddhiṃ Bhagavatā attano kilesa-kkhaṃ idha vutto-ti.

Iti Bhagavā aparimita-kappa-paricitam attano pavivek'-ajjhāsayam saddhiṃ nissaraṇ'ajjhāsayena idāni matthakam pāpetvā t̥hito tam ajjhāsayam phala-samāpattim samāpaj-jitvā attano kilesappahāna-paccavekkhaṇa-mukhena vibhā-veti. Yadattham paṇ'ettha Satthā ime *dve vitakke* uddhari. Idāni tamattham dassento *tasmā ti ha bhikkhave*-ti ādimāha. Bhagavā hi imassa vitakka-dvayassa attano bahula-samudācā-ra-dassana-mukhena tattha bhikkhū nivesetum imam desa-nam¹ ārabhi-ti.

Tattha *tasmā ti hā*-ti yasmā avyāpajjha-pavivekābhīratassa me khema-paviveka-vitakkā yeva bahulam pavattanti *tasmā*.

Ti hā-ti nipātamattam.

Avyāpajjhārāmā viharathā-ti sabba-sattesu mettā-vihārena karuṇā-vihārena ca abhīramamānā viharatha, tena vyāpā-dassa tadekaṭṭha-kilesānaṃ ca dūrikaraṇamāha.

Tesaṃ vo-ti ettha *vo*-ti nipātamattam.

Pavivekārāmā viharathā-ti kāyādi-vivekaṃ c'eva tadanāgādi-vivekaṃ cā-ti sabba-viveke āramitabbatṭhānaṃ katvā viha-ratha.

Imāya mayan-ti ādi yathā nesaṃ khema-vitakkassa pavat-tanākāra-dassanaṃ,² 'evaṃ kiṃ kusalan'-ti ādi paviveka-vitakkassa pavattanākāra-dassanaṃ. Tattha yathā anavajja-dhamme paripūretu-kāmena kiṃkusala-gavesinā hutvā kusala-dhamma-pariyesanā kātabbā'va, sāvajja-dhamme pajahitu-kāmenā pi akusala-pariyesanā na kātabbā-ti āha *Kiṃ akusalan*-ti ādiṃ. Abhiññāpubbikā hi pariññā-pahāna-sacchikiriyā-bhāvanā.

Tattha *kiṃ akusalan*-ti *akusalaṃ* nāma *kiṃ* sabhāvato, kimassa lakkaṇaṃ kāni vā rasa-paccupaṭṭhāna-padaṭṭhānā-ni-ti akusalassa sabhāva-kiccādito paccavekkhaṇa-vidhiṃ dasseti. Ādi kammika-vasena c'esa vitakko āgato. *Kiṃ appahīnaṃ kiṃ pajahāmā*-ti idaṃ padaadvayaṃ Sekkhavasena.

Tasmā kiṃ appahīnan-ti kāma-rāga-samyojanādisu akusa-lesu kiṃ akusalaṃ ambhakaṃ maggena asamuccinnaṃ.

¹ S dhammade°.

² S °nīdas°, and below.

Kim pajahāmā-ti, kim akusalam samugghātema. Athavā, *kim pjahāmā*-ti vitakka-pariyuṭṭhānānusayesu kim vibhāgam, akusalam idāni mayam pajahāmā-ti attho. Keci pana *kimappahīnan*-ti paṭhanti. Tesam diṭṭhisamyojanādi-vasena aneka-bhodesu akusalesu kim katamam akusalam, kena katamena pakārena, katamena vā maggena amhākam *appahīnan*-ti vuttam hoti. Sesam vuttanayameva.

Gāthāsu:—*Buddhan*-ti catunnam ariyasaccānam aviparītam sayambhū-ñāpena buddhattā paṭividdhattā *Buddham*, sacca-vinimuttassa ñeyyassa abhāvato. Tathā hi vuttam:—

“Abhiññeyyam abhiññātam, bhāvetabbañ ca bhāvitam,
Pahātabbam pahīnam me: tasmā Buddho'smi brāhmaṇā”-ti.*

Thapetvā mahā-bodhisattam aññehi sahitum vahitum asakkuṇeyyattā asayhassa sakalassa bodhisambhārassa mahā-karuṇā-vidhānassa¹ ca sahanato vahanato, tathā aññehi sahitum abhibhavitum dukkarattā asayhānam pañcannam mārānam sahanato abhibhavanato. Āsayānusayacariyādhimutti-ādi-vibhāgāvabodhena² yathāraham veneyyānam diṭṭhadhammika-samparāyika-paramatthehi anusāsana-samkhātassa aññehi asayhassa Buddhakiccassa sahanato vahanato, tattha vā sādhu-kāri-bhāvato³ asayhavahinam⁴ asayhasāhinam.

Samudācāran-ti nan-ti ettha nan-ti nipāta-mattam, nam Tathāgatan-ti vā attho.

Sakaparasantānesu tamasañkhātam moh'andhakāram mudi khipi-ti *Tamo-nudo*.†

Pāram nibbānam gato-ti *pāragato*. Athavā, ‘mutto mocessāmi’-ti ādinā nayena pavattitassa mahābhinihārassa sakalassa vā saṃsāra-dukkhassa sabbaññu-guṇānam pāram pariyantam gato-ti *pāragato*, tam *tamo-nudam pāragatam*. Tato eva *pattipattam* Buddham, sīlādiṃ dassabala-ñāpādiñ ca Sammāsambuddhehi pattabbam sabbam pattan-ti attho.

* Sn. 558; Thag. 828.

† Cf. Sn. 1133.

¹ S “nāṭhikārassa.

² S “bhāvāvabo”.

³ S “kāravibhā”.

⁴ S “vahitam in fn.

Vasiman-ti jhānādisu ākaṅkhā-paṭibaddho paramo āvaj-
janādi-vasibhāvo ariy'iddhi-saṅkhāto anañña-sādhāraṇo citta-
vasibhāvo ca assa atthi-ti *vasimā*. Tam vasiṇaṃ, *vasina*-ti
attho.

Yathā¹ sabbesaṃ kāmāsavādīnaṃ abhāvena *anāsavaṃ*.
Kāyavisamādikassa visamassa¹ vantattā vā visa-saṃkhātāṃ
sabbaṃ kilesa-malaṃ taritvā vā viṣaṃ sakala-vaṭṭa-dukkhaṃ
sayāṃ taritvā tāraṇato *vissantaro*,² taṃ *vissantaraṃ*.

Taṇhakkhaye arahattaphale nibbāne ca *vimuttaṃ*.

Ubhayamhi gamanato monasaṃkhātena ñāpena kāya-
moneyyādhi vā sātisaya-samannāgatattā *munin*.^{*} *Muni*-ti
hi āgāriya-muni, anāgāriya-muni, sekhamuni, asekha-muni,
pacceka-muni, munimuni-ti aneka-vidhā munayo. Tattha
gihī āgata-phalo viññāta-sāsano āgāriya-muni. Tathārūpo
pabbajito anāgāriya-muni. Satta sekha sekhamuni. Khī-
ṇāsavo asekhamuni. Pacceka-buddho pacceka-muni. Sam-
mā-sambuddho muni-muni-ti, ayameva idhādhippeto.

Āyatim punabbhavābhāvato *antimaṃ* pacchimaṃ *dehaṃ*
kāyaṃ *dhāretī*-ti *antimadehadhārī*-ti, taṃ *antimadehadhāriṃ*.

Kilesamārādīnaṃ samma-deva pariccattattā ³*māraṃ jaham*.³

Tato eva jarā-hetuka-samucchedato anupādisesa-nibbāna-
ppatti-vasena pākāṭa-jarādi-sabba-jarāya *pāraguṃ*. Jarā-
sisena o'ettha jātimaraṇa-sokādīnaṃ pāra-gamaṇaṃ vuttanti
daṭṭhabbaṃ. Tam evaṃ-bhūtaṃ⁴ Tathāgataṃ *duve vitakkā*
samudācaranti-ti *brūmī*-ti sambandho.

Iti Bhagavā paṭhama-gāthāya vitakkadvayaṃ uddisitvā,
tato dutiya-gāthāya paviveka-vitakkaṃ dassetvā, idāni khe-
ma-vitakkaṃ dassetuṃ *Sele yathā*-ti tatiya-gāthamāha.†

Tattha *sele yathā pabbata-muddhani*†[†]*hito*-ti *sele* silāmaye
ekaghanapabbata-muddhani yathā †hito 'va. Na hi tattha
†hitassa uddhaṃ gīvukkipana-pasāraṇādi-kiccaṃ atthi.

Tathūpama-ti tappatibhāgaṃ selapabbatūpamaṃ. Ayaṃ
pan'ettha saṃkhep'attho:—Yathā—*Sele pabbata-muddhani*-

* Cf. UdA. 98; Nidd. i, 57-8.

† For this Gāthā vide S. i, 137; M. i, 168.

¹ Omitte.

² O vessa°, and below.

³⁻³ S mārajaham, but the Text reads mānaṃjaham while noting in
fn. 1, māra°.

⁴ C evaṃ.

ñhito va cakkhumā puriso *samantato janataṃ passeyya*, evameva *sumedho* sundarapañño sabbaññuta-ñāpena *samanta-cakkhu* Bhagavā *dhammamayaṃ paññāmayam pāsādamārūyha sayam apeta-soko sokāvatippanaṃ jāti-jarābhikkhūtaṃ ca janataṃ sattanikāyaṃ avekkhati* upadhārayati upaparikkhati.* Ayam pan'-ettha adhippāyo:—Yathā hi pabbata-pāde samantā mahan-taṃ khettaṃ katvā tattha kedārapālīsu kuṭīyo katvā rat-tiṃ aggiṃ-jāleyya, caturaṅga-samannāgataṃ ca andhakāraṃ bhaveyya, ath'assa pabbatassa matthake t̥hatvā cakkhumato purisassa bhūmippadesaṃ olokayato n'eva khettaṃ na kedāra-pālīyo na kuṭīyo na tattha sayita-manussā paññāpeyyuṃ kuṭīsu pana aggi-jāla-mattameva paññāpeyya,¹ evaṃ dham-ma-mayaṃ pāsādamārūyha sattakāyaṃ² olokayato Tathāga-tassa ye te akata-kalyāṇā sattā te eka-vihāre dakkhiṇapasse nisinnā pi Buddha-ñāpassa āpāthaṃ nāgacchanti, rattiṃ khittasarā viya honti. Ye pana kata-kalyāṇā veneyya-pug-galā, te ev'assa dūre pi t̥hitā āpāthaṃ āgacchanti, so aggi viya Himavanta-pabbato viya. Vuttampi c'etaṃ†:—

“Dūre santo pakāsentī Himavant'va pabbato,
Āsannettha³ na dissanti ratti-khitto⁴ yathā saro⁵”-ti.

Evametasmīṃ sutte gāthāsu ca Bhagavā attānaṃ paraṃ viya katvā dassesi.⁶

Paṭhamasuttavaṇṇanā.

2. Dutīye—†*Pariyāyenā*-ti ettha *pariyāya*-saddo;—“Ma-dhupiṇḍika-pariyāyo tv'eva⁷ naṃ dhārehi”-ti‡ ādisu desanāyaṃ āgato. “Atthi khv'esa, brāhmaṇa, pariyāyo, yena maṃ pariyāyena sammā vadamāno vadeyya: akiriya-vādo samaṇo Gotamo”-ti|| ādisu kāraṇe. “Kassa nu kho, Ānanda, ajja pariyāyo bhikkhuṇiyo ovaditun”-ti¶ ādisu vāre. Idha pana vāre pi kāraṇe pi vaṭṭati. Tasmā *bhikkhave Tathā-*

* Vin. i, 5 f.; D. ii, 39, etc.

† Dh. ver. 304.

‡ MA. 18; DA. 36.

§ M. i, 114.

|| A. iv, 174.

¶ M. iii, 270.

¹ S °yeyya.

² S °nikāyaṃ.

³ S asantettha.

⁴ S rattiṃ khittā.

⁵ S sarā.

⁶ S °eti.

⁷ M. Text, °t'eva; MA. and DA. °yo ti.

galassa dve dhamma-desanā yathārahaṃ kāraṇena bhavanti vāreṇa vā-ti ayamettha attho.

Bhagavā hi veneyy'ajjhāsayanurūpaṃ kadāci—"Ime dhammā kusalā, ime dhammā¹ akusalā, ime dhammā sāvajjā, ime dhammā anavajjā, ime sevittabbā, ime na sevittabbā"-ti* ādinā kusalākusala-dhamme vibhajanto kusala-dhammehi akusala-dhamme asaṃkarato² paññāpento *pāpaṃ pāpakato passathā*-ti dhammaṃ deseti. Kadāci—"Pāpātīpāto, bhikkhave, āsevito bhāvito bahulikato niraya-saṃvattaniko, tiracchānayani-saṃvattaniko, pettivisaya saṃvattaniko. Yo sabba-lahuko³ pāpātīpāto so appāyuka-saṃvattaniko"-ti† ādinā ādinave pakāsentō pāpato nibbidādīhi niyojento *nibbindatha virajjathā*-ti dhammaṃ deseti.

Bhavantī-ti honti, pavattanti.

Pāpaṃ pāpakato passathā-ti sabbaṃ pāpa-dhammaṃ diṭṭh'eva dhamme āyatiṃ ca ahita-dukkhāvahato lāmakato *passatha*.

Tattha *nibbinduthā*-ti tasmīṃ pāpadhamme accanta-hīna-bhāvato lāmakatṭhena *pāpaṃ*, akosulla-sambhūt'aṭṭhena akusalaṃ, pakati-pabhassarassa pasannassa pi⁴ cittassa pabhassarādi-bhāva-vināsanato saṃkilesikaṃ, punappunaṃ bhava-dukkha-nibbattanato ponobhavikaṃ, sah'eva daratthehi pariḷāhehi vattanato⁵ sadarathaṃ dukkhass'eva vipaccanato dukkha vipākaṃ, aparimāṇaṃ pi kālaṃ anāgate jāti-jarā-maraṇa-nibbattanato āyatiṃ jāti-jarā-maraṇīyaṃ, sabba-hita-sukhaviddhamasana-samatthan-ti ādinā nayena nānāvidhe ādinave tassa ca pahāne ānisaṃse sammappaññāya passantam⁶ *nibbindatha nibbedhaṃ āpajjatha*, *nibbindantā* ca vipassanaṃ vadḍhetvā ariyamaggādhigamena *pāpato virajjatha* c'eva *vimuccatha*, maggena vā samuccheda-virāga-vasena *virajjatha*, tato phalena paṭipassaddhi-vimutti-vasena *vimuccatha*.

Athavā, *pāpaṃ*-ti lāmakato pāpaṃ. Kiṃ vuttaṃ hoti? Yaṃ anicca-dukkhādi-bhāvena kucchitaṃ ariyehi jigucchaniyaṃ vaṭṭadukkaṃ pāpeti-ti *pāpaṃ*. Kiṃ pana taṃ?

* Cf. M. iii, 45-61; S. v, 106; A. i, 194 ff.

† A. iv, 247.

¹ S omits, and below.

² Cf. P.T.S. Dict. sankara¹.

³ S °huso.

⁴ S ca.

⁵ S saṃva°.

⁶ S °ntā.

Tebhūmika-dhamma-jātaṃ. Yathā-vuttena atthena *pāpa-kato disvā tattha*—“Aniccato dukkhato rogato gaṇdato sallato aghato ābādhato”-ti* ādinā vipassanaṃ vaḍḍhentā *nibbindatha*.

Ayaṃ dutiyā-ti yāthāvato ahitānatha-vibhāvanaṃ paṭhamam upādāya tato vivecanaṃ *ayaṃ dutiyā dhammadesanā*.

Gāthāsu:—*Buddhassā*-ti† sabbaññū-Buddhassa.

Sabbabhūṭānukampino-ti sabbe pi satte mahākaruṇāya anukampana-sabhāvassa.

Pariyāya-vacanan-ti pariyāyena kathanam desanam.

Passā-ti parisam ālapati. Parijeṭṭhakam¹ vā² sandhāya vuttam. Keci panāhu attānameva sandhāya Bhagavā *passā*-ti avocā-ti.

Tatthā-ti tasmim pāpake.

Virajjathā-ti rāgaṃ pajahathā-ti attho. Sesam vuttana-yameva.

Dutiyasuttavaṇṇanā.

3. Tatiye—*Pubbaṅgamā*-ti sahaajāta-vasena upanissaya-vasena cā-ti dvīhi ākārehi *pubbaṅgamā*, purassa vā padhānakāraṇam. Na hi avijjāya vinā akusal'uppatti atthi.

Samāpattiyā-ti samāpajjanāya sabhāva-paṭilābhāya pavattiyā-ti attho. Tattha akusala-ppavattiyā ādinava-paṭicchādanena ayoniso manasikārassa paccayabhāvena appahīnabhāvena ca akusala-dhammānaṃ upanissaya-bhāvo dissati.‡

[Gāthāsu:—] Evaṃ vyādhi-maraṇādi-dukkhassa adhiṭṭhānabhāvato sabbā pi gatiyo idha *duggatiyo*. Athavā, rāgādikilesehi dūssitā³ gatiyo kāya-vacī-cittānaṃ pavattiyo-ti *duggatiyo*, kāya-vacī-duccaritāni.

⁴*Asmim loke*-ti idha loke manussa-gatiyaṃ vā.

Paramhi cā-ti tato aññāsu gatiṃ.⁴

*Avijjāmūlikā*⁵ sabbā-ti tā sabbā pi duccaritassa vipattiyo vuttanayena avijjā-pubbaṅgamattā avijjāmūlikā eva.

* M. i, 500; A. ii, 128.

† For the first two lines of this Gāthā, vide S. i, 25.

‡ The explanation of the Sutta ends here.

¹ S parisam je°.

² S katam.

³ S dūsitā.

⁴ C reads 'Asmim loke paramhi vā-ti idha loke-ti vā manussa-gatiyaṃ, paramhi-ti tato°.'

⁵ Text reads 'lakā.

Ichhā-lobha-samussayā-ti asampattavisaya-pariyesana-lakkhaṇāya icchāya, sampattavisaya-lubbhana-lakkhaṇena lobhena ca, samussitā upacitā-ti *icchā-lobha-samussayā*.

Yato-ti yasmā avijjāhetu avijjāya nivuto hutvā.

Pāpiccho-ti avijjāya paṭicchāditattā pāpicchatāya ādīnave apassanto asantaguna-sambhāvana-vasena kohaṇṇādīni karonto *pāpiccho*. Lobhen'eva atricchatā pigahitā-ti daṭṭhabbā.

Anādaro-ti lokādhipatino ottappassa abhāvena sabrahmacārīsu ādara-rahito.

Tato-ti tasmā *avijjā-pāpicchatā*hirikānottappa-hetu.

Pasavaṭi-ti kāya-duccaritādi-bhedam pāpam upacinati.

Apāyaṃ tena gacchaṭi-ti tena tathā-pasutena pāpena nirayādi-bhedam *apāyaṃ gacchati* uppajjati.

Tasmā-ti yasmā ete evaṃ sabba-duccarita-mūla-bhūtā sabba-duggati-parikkilesa-hetubhūtā¹ ca avijjādayo, tasmā *icchaṇ ca² lobhaṇ ca avijjaṇ ca* (ca-saddena) ahirikānottappaṇ ca virājayam samuccheda-vasena pajaham.

Katham *virājeti*-ti āha,—*Vijjam uppādayan*-ti? Vipassanā-paṭipāṭiyā magga-paṭipāṭiyā ca ussakkivā arahattamagga-vijjam attano santāne uppādentō.

Sabbā duggatiyo-ti sabbā pi duccarita-saṅkhātā duggatiyo, vaṭṭa-dukkhassa vā adhiṭṭhāna-bhāvato dukkhā sabbā pañca pi gatiyo.

Jahe pajaheyya samatikkameyya. Kilesa-vaṭṭappahānen'eva hi kamma-vaṭṭam vipākavaṭṭaṇ ca pahīnam hotī-ti.

Tatīyasuttavaṇṇanā.

4. Catutthe—*Suparihinā*-ti suṭṭhu parihinā.

Ye ariyāya paññāya parihinā-ti ye *satta*-pañcannaṃ khandhānaṃ uday'abhaya³-paṭivijjhanena catupaccaya⁴-paṭivijjhanena ca kileschi ārakā t̥hitattā *ariyāya* parisuddhāya vipassanā-paññāya ca magga-paññāya ca *parihinā*, te lokiya-lok'uttarāhi sampattthi ativiya *parihinā* mahājānikā. Ke pana *te*-ti? Ye kammāvaraṇena⁵ vā samannāgatā, te

¹ S °ti-pabhava-saṃkilesa-he°.

² For chandaṇa of the Text, vide Text, p. 34, fn. 9.

³ S °ya-vaya.

⁴ S °sacca.

⁵ S notes in fn. 'kilesāvaraṇena' after this, in justification of vā following.

hi micchattaniyata-bhāvato ekantena *parihīnā* aparipunnā mahājānikā. Tenāha, *duggati pātikañkhā*-ti. Vipākāvaraṇa-saṅgino pi *parihīnā*. Athavā, sukka-pakkhe, *aparihīnā* nāma tividhāvaraṇa-virahitā sammā-diṭṭhikā kammassakata-ñāṇena ca samannāgatā. Tesam vuttanayānusārena veditabbam.

Gāthāsu—*Paññāyā*-ti nissakavacanam. Vipassanā-ñāṇato ca¹ magga-ñāṇato ca.

Parihānenā-ti. Sāmi-vacanam vā etam. Yathāvutta-ñāṇassa parihaṇenā-ti, uppādetabbassa anuppādanameva c'ettha *parihāṇam*.

Nivīṭham nāmarūpasmin-ti nāmarūpe upādāna-kkhandha-paṇcake 'etam mamā'-ti ādinā taṇhā-diṭṭhivasena abhini-viṭṭham ajjhositam, tato eva.

Idam saccan-ti maññati-ti idameva saccam moghamaññanti maññati.

Sadevake loka-ti vibhatti pariṇāmetabbā.

Evam paṭhamagāthāya saṃkilesa-pakkham dassetvā, idāni yassā anuppattiyā nāmarūpasmiṃ maññanābhiniveschi kilesa-vaṭṭam vattati, tassā uppattiyā vaṭṭassa upacchedo-ti paññāya ānubhāvaṃ pakāsentō *Paññā hi seṭṭhā lokasmiṃ*-ti gāthamāha.

Tattha *lokasmiṃ*-ti saṅkhāra-lokasmiṃ. Sammā-sambudho viya sattesu saṅkhāresu paññā-sadiso dhammo n'atthi. Paññ'uttarāhi kusalā dhammā, paññāya ca siddhāya sabbe anavajja-dhammā siddhā eva honti. Tathā hi vuttam:—“Sammā-diṭṭhi'ssa sammā-saṅkappo hoti²”-ti* ādi.

Yā pan'etha paññā adhippetā, sā seṭṭhā-ti thomitā. Yathā ca sā pavattati³ tam dassetum *yā'yaṃ nibbedhagāminī*-ti ādi vuttam. Tass'attho:—Yā ayaṃ paññā anibbiddhapubbaṃ apadālitapubbaṃ lobhakkhandhādiṃ nibbijjhanti padālenti gacchatī-ti *nibbedhagāminī*. Yāya ca tasmim tasmim⁴ bhava-yoni-gati-viññāṇaṭṭhiti-sattāvāsesu satta-nikāyesu khandhānaṃ paṭhamābhiniḃbatti-saṅkhātāya jātiyā tam nimit-tassa ca kamma-bhavassa parikkhayaṃ pariyoṣānaṃ nibbā-

* M. iii, 76; and cf A. i, 177; Vibh. 109; DA. 314.

¹ C omits.

² M. pabhoti.

³ C °vatti.

⁴ S notes tesu tesu as alternative readings in fn.

ṇaṃ arahattañ ca sammā aviparītaṃ jānāti sacchikaroti, ayaṃ saha-vipassanā magga-paññā seṭṭhā lokasmin-ti.

Idāni yathāvutta-paññānubhāva-sampanne khīṇāsava abhithhavanto *tesaṃ devā manussā cā*-ti osānagāthamāha.

Tass'attho:—Tesaṃ catūsu ariya-saccesu pariññādīnaṃ soḷasannaṃ kiccānaṃ niṭṭhitattā catusacca-sambodhena sambuddhānaṃ, sati-vepullappattiyā satimataṃ, vuttana-yena samugghātita-sammohattā paññāvepullappattiyā hāsa-paññānaṃ, pubbabhāge vā sīlādi-pāripūrito¹ paṭṭhāya yāva nibbāna-sacchikiriyāya hāsa-veda-tuṭṭhi-pāmuja-bahulatāya hāsa-paññānaṃ, sabbaso parikkhīṇa - bhava - saṃyojanattā antima-sarīra-dhāriṇaṃ khīṇāsavānaṃ *devā manussā ca pīhanti* piyā honti,² tabbhāvaṃ adhigantaṃ icchanti, aho paññānubhāvo aho vata mayampi edisā evaṃ³ nittiṇṇa-sabbadukkhā bhavyeyyāma-ti.

Catutthasuttavaṇṇanā.

5. Pañcama—*Sukkā*-ti na⁴ vaṇṇa-sukkatāya sukkā, sukka-bhāvāya pana parama-vodhāya samvattanti-ti nibbatti-sukkatāya⁵ *sukkā*. Sarasenāpi sabbe kusalā dhammā *sukkā* yeva kaṇhabhāva-paṭipakkhato, tesaṃ hi uppattiyā cittaṃ pabhassaraṃ hoti parisuddhaṃ.

Dhammā-ti kusalā dhammā.

Loka-ti satta-lokaṃ.

Pāḷenti-ti ādhāra-sandhāraṇena mariyādaṃ ṭhapentā rakkhanti.

Hiri ca *ottappa*ñ cā-ti ettha hiriyatī-ti *hiri*, hiriyanti⁶ etenā-ti vā *hiri*.⁷ Vuttampi c'etaṃ:—"Yaṃ hiriyati hiriyitabbena hiriyati pāpakānaṃ akusalānaṃ dhammānaṃ samāpattiyā ayaṃ vuccati *hiri*"-ti.* Ottappanti,⁸ ottappitabbena⁴ ottappanti etenā-ti vā *ottappa*ṃ. Vuttampi c'etaṃ:—"Yaṃ ottappati ottappitabbena ottappati pāpakānaṃ aku-

* Dhs. § 30; Pug. 24.

¹ S °paripuṇṇato.

² S pīyāyanti.

³ S eva.

⁴ S omīta.

⁵ S nipphatti°.

⁶ C hiri°.

⁷ C has "hiriyati, hiriyitabbena hiriyanti°" for this sentence.

⁸ S °ntī-ti ottappaṃ.

salānaṃ dhammānaṃ samāpattiyā, idaṃ vuccati *ottappan*”-
ti.*

Tattha ajjhatta-samuṭṭhānā *hiri*, bahiddhā samuṭṭhānaṃ *ottappam*. Attādhipateyyā *hiri*, lokādhipateyyaṃ *ottappam*. Lajjā-sabhāva-saṅghitā *hiri*, bhaya-sabhāva-saṅghitaṃ *ottappam*. Sappatissava-lakkhaṇā *hiri*, vajja-bhīruka-bhayadas-sāvi-lakkhaṇaṃ *ottappam*.

Tattha ajjhatta-samuṭṭhānā *hiri* catūhi kāraṇehi samuṭṭhāti:—jātiṃ paccavekkhitvā, vayaṃ paccavekkhitvā, sūrabhāvaṃ paccavekkhitvā, bāhusaccaṃ paccavekkhitvā. Kathaṃ? Pāpakaraṇaṃ nām’etaṃ na jāti-sampannānaṃ kammaṃ, hīnajaccānaṃ kevaṭṭādīnaṃ kammaṃ, tādīsassa jāti-sampannassa idaṃ kammaṃ kātuṃ na yuttan-ti, evaṃ tāva jātiṃ paccavekkhitvā pānātipātādi-pāpakammaṃ akaronto hirim samuṭṭhāpeti. Tathā pāpa-karaṇaṃ nām’etaṃ daharehi kattabba-kammaṃ, tādīsassa vaye ṭhitassa idaṃ kammaṃ kātuṃ na yuttan-ti, evaṃ vayaṃ paccavekkhitvā pānātipātādi-pāpakammaṃ akaronto hirim samuṭṭhāpeti. Tathā pāpakaraṇaṃ nām’etaṃ dubbalajātikānaṃ kammaṃ, tādīsassa surabhāva-sampannassa idaṃ kammaṃ kātuṃ na yuttan-ti, evaṃ surabhāvaṃ paccavekkhitvā pānātipātādi-pāpa-kammaṃ akaronto hirim samuṭṭhāpeti. Tathā pāpakaraṇaṃ nām’etaṃ andhabālānaṃ kammaṃ, na paṇḍitānaṃ, tādīsassa paṇḍitassa bahussutassa idaṃ kammaṃ kātuṃ na yuttan-ti, evaṃ bāhusaccaṃ paccavekkhitvā pānātipātādi-pāpakammaṃ akaronto hirim samuṭṭhāpeti. Evaṃ ajjhatta-samuṭṭhānaṃ hirim catūhi kāraṇehi samuṭṭhāpeti, samuṭṭhāpetvā ca pana attano citte hirim paccavekkhitvā pāpakammaṃ na karoti. Evaṃ *hiri* ajjhatta-samuṭṭhānā nāma hoti.

Kathaṃ *ottappam* bahiddhā samuṭṭhānaṃ nāma? Sace taṃ pāpa-kammaṃ karissasi, catūsu parisāsu garahappatto bhavissasi—

Garahissanti taṃ viññū asuciṃ nāgariko yathā,
Vajjito¹ silavantehi kathaṃ bhikkhu karissasi-ti

* *Ibid.*, § 31; *ibid.*

paccavekkhanto hi bahiddhā samuṭṭhitena ottappena pāpa-kammaṃ na karoti. Evaṃ *ottappaṃ* bahiddhā-samuṭṭhānaṃ nāma hoti.

Kathaṃ *hiri* attādhipateyyā nāma*? Idh'ekacco kulaputto attānaṃ adhipatiṃ jeṭṭhakaṃ katvā, tādissassa saddhā-pabbajitassa bahussutassa dhutavādassa na yuttaṃ pāpa-kammaṃ kātun-ti pāpa-kammaṃ na karoti. Evaṃ *hiri* attādhipateyyā nāma hoti. Tenāha Bhagavā:—"So attānaṃ yeva adhipatiṃ katvā akusalaṃ pajahati, kusalaṃ bhāveti, sāvajjaṃ pajahati, anavajjaṃ bhāveti, suddhamat-tānaṃ pariharati"-ti.†

Kathaṃ *ottappaṃ* lokādhipateyyaṃ nāma? Idh'ekacco kulaputto lokaṃ adhipatiṃ jeṭṭhakaṃ katvā, pāpakammaṃ na karoti. Yathāha:—"Mahā kho paṇāyaṃ lokasannivāso. Mahantasmim kho pana lokasannivāse santi samaṇa-brāhmaṇā iddhimanto dibbacakkhukā paracittaviduno. Te dūrato pi passanti, āsanne pi na dissanti, cetasā pi cittaṃ pajānanti: te pi maṃ evaṃ jānissanti,—‘passatha bho imaṃ kulaputtaṃ saddho agārasmā anagāriyaṃ pabbajito samāno vokiṇṇo viharati pāpakehi akusalehi dhammehi’-ti. ¹Santi devatā iddhimanto dibba-cakkhukā para-citta-viduniyo, tā dūrato pi passanti, āsanne pi na dissanti, cetasā pi cittaṃ pajānanti. Tā pi maṃ evaṃ jānissanti,—‘passatha bho imaṃ kulaputtaṃ saddho agārasmā anagāriyaṃ pabbajito samāno vokiṇṇo viharati pāpakehi akusalehi dhammehi’-ti.¹ So lokaṃ yeva adhipatiṃ karitvā akusalaṃ pajahati"-ti.† Evaṃ lokādhipateyyaṃ *ottappaṃ*.

Lajjā - sabhāva - saṇṭhitā²-ti ettha lajjā - ti lajjanākāro. Tena sabhāvena saṇṭhitā *hiri*. Bhayan-ti apāya-bhayaṃ, tena sabhāvena saṇṭhitaṃ *ottappaṃ*. Tad-ubhayaṃ pāpa-parivajjane pākaṭaṃ hoti. Tattha, yathā dvīsu ayoguleṣu eko sītalo pi bhavyeṃ gūḍhamakkhito, eko uṇho āditto, tesu yathā sītalaṃ gūḍhamakkhitattā jigucchanto viññūjā-

* Cf. D. iii, 284; S. ii, 206; VM. 464; Netti, 39.

† A. i, 149.

† A. i, 148-9.

tiko na gaṇhāti itaraṃ dāhabhayena, evaṃ paṇḍito lajjāya jigucchanto pāpaṃ na karoti, ottappena apāya-bhūto pāpaṃ na karoti. Evaṃ lajjā-sabhāva-saṇṭhitā *hiri*, bhaya-sabhāva-saṇṭhitam *ottappam*.

Kathaṃ sappatissava¹-lakkhaṇā *hiri*, vajjabhīruka-bhaya-dassāvi-lakkhaṇam *ottappam*? Ekacco hi jātimahatta-paccavekkhaṇā, satthu-mahatta-paccavekkhaṇā, dāyajja-mahatta-paccavekkhaṇā, sabrahmacāri-mahatta-paccavekkhaṇā-ti catūhi kāraṇehi tattha gāravena sappatissava-lakkhaṇam *hirim* samuṭṭhāpetvā pāpaṃ na karoti. Ekacco attānuvāda-bhayam, parānuvāda-bhayam, daṇḍa-bhayam, duggati-bhayam-ti catūhi kāraṇehi vajjato bhāyanto vajja-bhīruka-bhaya-dassāvi-lakkhaṇam *ottappam* samuṭṭhāpetvā pāpa-kammaṃ na karoti. Ettha ca ajjhatta-samuṭṭhānādi-hirottappānaṃ tattha tattha hi pākāṭa-bhāvena vuttānaṃ na nesam kadāci aññamaññaṃ vippayogo, ²na hi lajjā na bhayaṃ nibbhayaṃ vā alajjīnaṃ atthī-ti.³

Ime ce, bhikkhave, dve sukkā dhammā lokam na pāleyyun-ti bhikkhave ime dve anavajjā dhammā yadi lokam na rakkhey-yuṃ, lokapālakā yadi na bhaveyyuṃ.

Nayidha paññāyetha mātā-ti idha imasmiṃ loke janikā mātā ayaṃ me mātā-ti garu-cittikāra-vasena na paññāyetha ayaṃ mātā-ti na labbheyya. Sesa-padesu pi es'eva nayo.

Mātuucchā-ti mātu-bhaginī.

Mātulānī-ti mātula-bhāriyā.

Garūṇaṇ-ti mahā-pitu-cūlapitu-jeṭṭhabhātu-ādinam garu-ṭṭhānīyānaṃ.

Sambhedan-ti saṅkaram, mariyāda-bhedam vā.

Yathā ajelakā-ti ādīhi opammam³ dasseti. Ete hi sattā 'ayaṃ me mātā-ti vā mātuucchā-ti vā' garu-cittikāra-vasena na jānanti. Yaṃ vatthum nissāya uppannā tattha pi tattha-pi⁴ vippaṭipajjanti. Tasmā upamaṃ āharanto ajelakādayo āhari. Ayaṃ h'ettha saṃkhep'attho: Yathā ajelakādayo tiracchānā hirottappa-rahitā mātādisaññaṃ akatvā bhinna-mariyādā sabbattha sabbattha⁴ sambhedena vattanti, evam

¹ C *atissa*, and below.

² S na hi lajjanaṃ nibbhayaṃ pāpabhayaṃ vā alajjanaṃ atthī-ti.

³ C upamaṃ.

⁴ S *omits*.

ayaṃ paraloko,¹ yadi lokapālakadhammā na bhaveyyuṃ sabbattha sambhedena vatteyya.

Yasmā paṇ'ime lokapālaka-dhammā lokam pārenti, tasmā n'atthi sambhedo-ti.

Gāthāsu—Yesañ ce² hiriottappan-ti, ce-ti nipātamattam, yesaṃ sattānaṃ hiri ca ottappañ ca, sabbadā ce³ sabbakāla-meva na vijjati na upalabbhati.

Vokkantā sukka-mūlā te-ti, te sattā kusala-mūla-paricchedā-vahaṣṣā⁴ pi kammassa karaṇato kusala-kamma-patiṭṭhāna-bhūtānaṃ hir'ottappānameva vā abhāvato kusalo vokka-mitvā apasakkitvā vigatā⁵ vokkantā sukkamūlā punappunaṃ jāyana-mīyana-sabhāvattā jāti-maraṇa-gāmino saṃsāraṃ⁶ nātivattanti-ti attho.

Yesañ ca hiri ottappan-ti, yesaṃ pana parisuddhamatīnaṃ sattānaṃ hiriñ ca ottappañ cā-ti ime dhammā, sadā sabbakālaṃ rattindivaṃ nava-majjhima-thera-kālesu.

⁷Dhammā upaṭṭhiṭā⁷-ti sammā upagamma ṭhitā, pāpājiguchantā bhāyantā tadañgādi-vasena pāpaṃ pajahantā.

Virūḷhabrahmacariyā-ti sāsana-brahma-cariyena magga-brahmacariyena ca virūḷhaṃ āpannā.

Agga-maggādhigamena sabbaso santa-kilesatāya santa-guṇatāya vā santo.

Puṇabbhavassa khepitattā khīṇapunabbhavā honti-ti.

Pañcamasuttavaṇṇanā.

6. Chaṭṭhe—*Atthi bhikkhave-ti kā uppatti?* *Eka-divasaṃ kira Bhagavatā aneka-pariyāyena saṃsāre ādīnaṃ pakāsetvā, sandassanādivasena⁸ nibbāṇa-paṭisaṃyuttāya dhamma-⁹desanāya katāya⁹ bhikkhūnaṃ etad ahoṣi: 'Ayaṃ saṃsāro Bhagavatā avijjādīhi kāraṇehi sahetuko vutto¹⁰: nibbāpassa pana tadupasaṃsaṃsaṃ na kiñci kāraṇaṃ vuttaṃ, tayidaṃ ahetukaṃ kathaṃ sacchikaṭṭha-paramatṭhena upalabbhati'-ti?

* Vide UdA. 394-97.

¹ S manusaloko.

² S ve, and below.

³ S va.

⁴ S 'pacchedā'.

⁵ C ṭhitattā.

⁶ C saṃsaṃsā'.

⁷⁻⁷ S omits. See also Text, p. 36, fn. 17.

⁸ S tadūpasamaṇādivasena te sa.

⁹⁻⁹ C 'desanā kathāya.

¹⁰ UdA. pakāsetto.

Atha Bhagavā tesaṃ bhikkhūnaṃ vimati-vidhaman'atthañi c'eva, idha samaṇa-brāhmaṇānaṃ 'nibbānaṃ nibbāna'-ti tathā vuttamattameva, 'n'atthi' hi paramatthato nibbānaṃ nāma anupalabbhamāna-sabhāvattā-ti lokāyatikādayo viya vippatipannānaṃ bahiddhā va puthu-diṭṭhi-gatikānaṃ micchā-vāda-bhīdan'atthañi¹ ca imaṃ amata-mahā-nibbānassa paramatthato atthi-bhāva-dīpan'atthaṃ, tassa ca nissaraṇa-bhāvādi-ānubhāva-vantataṃ² pīṭivegena udānavasena imaṃ suttaṃ abhāsi. Tathāhi idaṃ suttaṃ Udāne pi saṅgi-
tam.*

Tattha—*Atthi*-ti vijjati, paramatthato upalabbhati.

Ajātaṃ abhūtaṃ akataṃ asaṅkhatan-ti, sabbāni pi padāni aññamañña-vevacanāni. Athavā, vedanādayo viya hetu-paccaya-samavāya-saṅkhātāya kāraṇa-sāmaggiyā na jātaṃ na nibbattan-ti *ajātaṃ*. Kāraṇena vinā sayameva na bhūtaṃ na pātubhūtaṃ na uppannan-ti *abhūtaṃ*. Evaṃ ajātattā abhūtattā ca yena kenaci kāraṇena na katan-ti *akataṃ*. Jāta-bhūta-sabhāvo ca nāma-rūpādīnaṃ saṅkhata-dhammānaṃ hoti na asaṅkhata-sabhāvassa nibbānassā-ti dassa-
n'atthaṃ *asaṅkhatan*-ti vuttaṃ.

Paṭilomato vā samecca sambhūyya paccayehi katan-ti *saṅkhatam*, tathā na saṅkhatam saṅkhata-lakkhaṇa-rahitan-ti ca *asaṅkhatan*-ti. Evaṃ anekehi kāraṇehi nibbatti-sabhāve paṭisiddhe 'siyā nu kho eke-n'eva kāraṇena katan'-ti? āsaṅkāya na kenaci katan-ti dassan'atthaṃ *akatan*-ti vuttaṃ. Evaṃ appaccayampi samānaṃ 'sayameva nu kho idaṃ bhūtaṃ pātubhūtaṃ?' ti saṃsayass'eva³ nivattan'atthaṃ⁴ *abhūtan*-ti vuttaṃ. Ayaṃ etassa asaṅkhatākatābhūta-bhāvo sabbena sabbaṃ ajāti-dhammattā-ti dassetum *ajātan*-ti vuttan-ti. Evametesaṃ oṭunnam pi padānaṃ sātthaka-bhāvo veditabbo.

Iti Bhagavā—*Atthi, bhikkhave, ajātaṃ abhūtaṃ akataṃ asaṅkhatan*-ti param'atthato nibbānassa atthi-bhāvaṃ vatvā, tattha hetum dassento no c'etaṃ bhikkhave-ti ādimāha. Tas-

* Ud. viii, 3.

¹ S 'bhañjana'.

² UdA. āsaṅkāya.

³ S 'vantatā-dīpan'atthaṃ.

⁴ UdA. tannivat'.

sāyaṃ saṃkhepo:—Bhikkhave, yadi ajātādi-sabhāvā asaṅkhatā-dhātu na abhaviṣṣa, na siyā idha-loke jātādi-sabhāvassa rūpādi-khandha-pañcaka-saṅkhātassa saṅkhāragatassa nissaraṇaṃ anavasesa-vaṭṭ'ūpasamo na paññāyeyya, na upalabbheyya, na sambhaveyya. Nibbānaṃ hi ārammaṇaṃ kaṭvā pavattamānā sammā-diṭṭhi-ādayo ariya-magga-dhammā anavasesato kilese samucchindanti. Ten'ettha sabbassa pi vaṭṭa-dukkhassa appavatti apagamo nissaraṇaṃ paññāyati. Evaṃ vyatirekena nibbānassa atthi-bhāvaṃ dassetvā idāni anvaya-vasena pi dassetuṃ *yasmā ca kho* ādi vuttaṃ. Taṃ vutt'atthameva.

Ettha ca yasmā,—“ Appaccayā dhammā asaṅkhatā dhammā,”* “ Atthi, bhikkhave, tadāyatanam yatthā n'eva paṭhavī,”† “ Idampi kho ṭhānaṃ duddasaṃ yadidaṃ sabba-saṅkhāra-samatho sabb'ūpadhi-paṇinissaggo,”‡ “ Asaṅkhatañ ca vo, bhikkhave, dhammaṃ desissāmi asaṅkhata-gāmīnañ ca paṭipadan”-ti§ ādīhi anekehi suttapadehi, *atthi, bhikkhave, ajātan*-ti iminā pi suttena nibbāna-dhātuyā paramatthato sambhavo sabba-lokaṃ anukampamānena Sammā-sambuddhena desito, tasmā na paṭikkhipitabbaṃ. Tattha apaccakka-kārinam pi viññūnaṃ kaṅkhā vā vimati vā n'atthi eva. Ye pana abuddhi-puggalā, tesam vimati-vinodan'atthaṃ ayamettha adhippāy'uddhāraṇa-mukhena yutti-vivaraṇā. Yathā pariññeyyutāya ca uttarānaṃ kāmānaṃ rūpānañ ca paṭipakkha-bhūtaṃ tabbidhura¹-sabhāvaṃ nissaraṇaṃ *paññāyati*, evaṃ taṃ sabhāvānaṃ sabbesaṃ saṅkhata-dhammānaṃ paṭipakkha-bhūtena tabbidhura-sabhāvena nissaraṇena bhavitabbaṃ. Yañ ca taṃ nissaraṇaṃ, sā asaṅkhatā-dhātu. Kiñci bhiyyo² saṅkhata-dhammārammaṇaṃ vipassanā-ñāṇaṃ. Api anuloma-ñāṇaṃ kilese samuccheda-vasena pajahituṃ na sakkati. Tathā sammuti-saccārammaṇaṃ paṭhamajjhānādisu ñāṇaṃ vikkhambhaṇa-vasen'eva kilese pajahati, na samuccheda-vasena. Iti saṅkhata-dhammāram-

* Dhs. p. 2.

† Vin. i, 4 f.; S. i, 135.

‡ Cf. A. v, 355; Ud. 80.

§ S. iv, 359.

¹ S tabbidūraṇa° and below.² O bhiyyo.

maṇassa sammuti¹-saccārammaṇassa ca ñāpaṇassa kilesānaṃ samuccheda-ppahāṇe asamaṭṭha-bhāvato tesam samuccheda-ppahāṇa-karassa ariya-magga-ñāpaṇassa tadubhaya-viparīta-sabhāvena ārammaṇena bhavitabbaṃ sā asaṅkhatā dhātu.

Tathā *Atthi, bhikkhave, ajūtaṃ abhūtaṃ akataṃ asaṅkhatan-ti* idaṃ nibbānaṃ paramatthato atthibhāva-jotaka-vacanāṃ aviparīt'atthaṃ Bhagavatā bhāsittā. Yaṃ hi Bhagavatā bhāsitaṃ, taṃ aviparīt'atthaṃ paramatthan-ti, yathā taṃ—"Sabbe saṅkhārā aniccā, sabbe saṅkhārā dukkhā, sabbe dhammā anattā"-ti.* Tathā *nibbāna-saddo* kattha-ci visaye yathābhūta-paramattha-visaye upacāravutti-sambhāvato.² Seyyathā pi sīha-saddo.³ Atth'eva paramatthato asaṅkhatā dhātu: itara-tabbiparīta-vinimmutta-sabhāvattā, seyyathā pi paṭhavīdhātu vedanā-ti. Evamā-dīhi nayehi yuttito pi asaṅkhatāya dhātuyā paramatthato atthi-bhāvo veditabbo.

Gāthāsu—*Jūtan-ti* jāyan'aṭṭhena jātaṃ, jāti-lakkhaṇa-ppattan-ti attho.

Bhūtan-ti bhavan'aṭṭhena bhūtaṃ, ahutvū sambhūtan-ti attho.

Samuppannan-ti sahita-bhāvena uppannaṃ, sahitehi dhammehi ca uppannan-ti attho.

Katan-ti kāraṇa-bhūtehi paccayehi nibbattitaṃ.

Saṅkhatan-ti tehi yeva samecca sambhūyya katan-ti *saṅkhatam*, sabbam etaṃ paccaya-nibbattassa adhivacanaṃ. Niccasārādi-virahitato addhavaṃ.

Jarāya maraṇena ca ekanten'eva saṅghaṭitaṃ saṃsaṭṭhan-ti *jarāmarāṇa-saṅghātaṃ*.⁴ *Jarāmarāṇa-saṅghatan-ti* pi paṭhan-ti. Jarāya maraṇena ca upaddūtaṃ plītan-ti attho.

Akkhīrogādīnaṃ anekesaṃ rogānaṃ kiḍḍaṃ⁵ kulāvakan-ti *rogakiddam*.⁶

* Cf. Vin. i, 13; M. i, 286; A. i, 286; Nid. ii, 259.

¹ S sammati.

² S sabbhāvato.

³ UdA. samaya-sa°.

⁴ S notes °saṅkhatam in fn. as the word found in Pali-Text, while remarking that it is not in keeping with the sense of the sentence.

⁵ S niddham, also see Text, p. 37, fn. 6.

⁶ S °niddham, for °ñīlam of the Text. See Dh. v, 148.

Sarasato upakkamato ca pabhaṅgūpagamana¹-sīlatāya *pabhaṅgunam*.²

Catubbidho āhāro ca taṇhā-saṅkhātā netti ca pabhavo samutṭhānaṃ etassā-ti, *āhāranettippabhavam*. Sabbo pi vā paccayo āhāro. Idha pāna taṇhāya netti-ggahaṇena gahitattā taṇhā-vajjā veditabbā. Tasmā āhāro ca netti ca pabhavo etassā-ti, *āhāranettippabhavam*. Āhāro eva vā nayan'aṭṭhena pavattan'aṭṭhena netti-ti evam pi *āhāranettippabhavam*.

Nālaṃ tadabhinanditum-ti taṃ³ upādāna-kkhandha-paṇca-kam evaṃ paccayādhinavuttikaṃ tato yeva aniccaṃ dukkhaṃ ca taṇhā-diṭṭhiṃ *abhinanditum* assādetum na yuttam.

Tassa nissaraṇan-ti *jātaṃ bhūtan*-ti ādinā vuttassa *tassa sakkāyassa nissaraṇam* niggamo.

Anūpasanta-sabhāvassa rāgādi-kilesassa sabbasaṅkhārasa ca abhāvena tadūpasama-bhāvena ca pasattha-bhāvena ca *santaṃ*.

Takka-ñāṇassa agocara-bhāvato *atakkāvacaram*.

Nicc'aṭṭhena *dhuvaṃ*, tato eva *ajālaṃ asamuppannam*.

Soka-hetūnaṃ abhāvato *asokaṃ*.

Vigata-rāgādi-rajattā *virajaṃ*.

Samsāra-dukkhātītehi paṭipajjitabbattā *padam*.

Jāti-ādi dukkha-dhammānaṃ nirodha-hetutāya *nirodho*.

Dukkha-dhammānaṃ sabbasaṅkhārānaṃ upasama-hetutāya, *saṅkhārūpasamo*.

Tato eva accanta-sukhatāya *sukho*-ti. Sabbapadehi amata-mahā-nibbānameva thometi. Evaṃ Bhagavā paṭhama gāthāya vyatirekavasena, dutiya-gāthāya anvaya-vasena ca nibbānaṃ vibhāvesi.

Chaṭṭha⁴suttavaṇṇanā.

7. Sattame—*Dve'mā*-ti dve imā.

*Vāṇam*⁵ vuccati taṇhā, nikkhantaṃ vāṇato, n'atthi vā ettha vāṇam, imasmiṃ vā adhigate vāṇassa abhāvo-ti *nibbānam*. Tadeva nissatta-nijjiv'aṭṭhena sabbhāva-dhāraṇ'aṭṭhena ca dhātū-ti, *nibbāna-dhātu*. Yadi pi tassā paramatthato bhedo

¹ S "paramas".

⁴ C Chaṭṭhama.

² C "guraṃ.

⁵ S vāna- always.

³ S nam.

n'atthi, pariyāyena pana paññāyatī-ti taṃ pariyāyabhedam sandhāya *dvē'mā bhikkhave nibbānadhātuyo*-ti vatvā yathā-dhippetam pabhedam dassetum *sa-upādisesā*-ti vuttam.

Tatha taṇhādhi phalabhāvena upādiyatī-ti *upādi* khandha-paṇcakaṃ. *Upādi* yeva *seso*, *upādiseso*, saha upādisesenā-ti *saupādisesā*, tadabhāvato *anupādisesā*.

**Arahan*-ti† āraha-kilesa dūra-kilesa-ti attho. Vuttam h'etaṃ Bhagavatā:—"Kathaṇ ca, bhikkhave, bhikkhu araham hoti? Ārakā'ssa honti pāpakā akusalā dhammā, saṅkilesikā ponobhavikā, sadarā dukkhavipākā, āyatim jātijarāmarañiyā. Evaṃ kho, bhikkhave, bhikkhu araham hoti"-ti.‡

Khīṇāsavo-ti kāmāsavādayo cattāro pi āsavā arahato khīṇā, samucchinnā, pahīnā, paṭippasaddhā, abhabbupattikā, ñāṇ'-agginā daḍḍhā-ti, *khīṇāsavo*.§

Vusitavā-ti garu-saṃvāse pi ariyamagge pi dasasu ariyavāsesu pi vasi, parivasi, parivuttho; vutthavāso cintacaraṇo-ti¹ *vusitavā*.

Kata-karaṇīyo-ti puthujjana-kalyāṇakaṃ upādāya satta sekha² catūhi maggehi karaṇīyaṃ karonti nāma. Khīṇāsa-vassa sabbakaraṇīyāni katāni pariyositāni, n'atthi uttarim karaṇīyaṃ dukkhakkhayādhigamāyā-ti *kata-karaṇīyo*. Vuttampi c'etaṃ:—

"Tassa samma-vimuttassa santa-cittassa bhikkhuno
Katassa paṭicayo n'atthi karaṇīyaṃ na vijjatī-ti."||

Ohitabhāro-ti tayo bhārā: Khandha-bhāro, kilesa-bhāro abhisañkhāra-bhāro-ti; tass'ime tayo pi bhārā ohitā, oropitā, nikkhittā, putitā cū-ti *ohitabhāro*.

Anuppalla-sadattho-ti anuppatto sadattham, sakatthan-ti vuttam hoti. Kakārassāyaṃ da-kāro kato. Anuppatto sadattho etenā-ti, *anuppalla-sadattho*. *Sadattho*-ti ca arahattam vedittabham. Taṃ hi attūpanibandhanena,³ attano avijja-

* For this part of the Sutta vide M. i, 235.

† Cf. VinA. 112-5; VM. 198; DA. 146; PJ. ii, 441; UdA. 84; MA. 42.

‡ M. i, 280.

§ Cf. UdA. 268; DA. 224; MA. 42.

|| A. iii, 378.

hanaṭṭhena, attano paramatthena ca attano atthattā sakattho hoti.

Parikkhīṇa-bhava-saṃyojano-ti, kāmarāga-saṃyojanam, paṭigha-saṃyojanam, māna-ditṭhi-vicikicchā-sīlabbataparamāsa-bhavarāga-issā-macchariya-avijjā-saṃyojanan-ti imāni satte bhavesu bhavam vā bhavena saṃyojenti, upanibandhanti-ti, *bhavasamyojanāni* nāma. Tāni arahato *parikkhīṇāni*, pahīṇāni, ñāṇ'agginā daḍḍhāni-ti *parikkhīṇa-bhava-saṃyojano*.

Sammadaññāvimutto-ti ettha *sammadaññā*-ti sammā aññāya. Idam vuttaṃ hoti;—khandhānam khandh'aṭṭham, āyatanānam āyatan'aṭṭham, dhātūnam suññ'aṭṭham, dukkhassa pīḷan'aṭṭham, samudayassa pabhav'aṭṭham, nirodhassa sant'aṭṭham, maggassa dassan'aṭṭham, 'sabbe saṅkhārāniccā'-ti evamādi-bhedam¹ vāsammā yathā-bhūtaṃ aññāya jānitvā, tirayitvā, tulayitvā, vibhāvetvā vibhūtaṃ katvā.

Vimutto-ti dve vimuttiyo:—cittassa ca vimutti, nibbāṇaṇca. Arahā hi sabba-kilesehi vimuttattā cittavimuttiyā pi *vimutto*, nibbāṇe pi *vimutto*. Tena vuttaṃ *sammadaññā vimutto*-ti.*

Tassa tiṭṭhant'eva pañc'indriyāni-ti tassa arahato carimabhava-hetu-bhūtaṃ kammaṃ yāva na khīyati, tāva tiṭṭhanti yeva cakkhādīni² *pañc'indriyāni*.

*Avigatattā*³-ti anuppāda-nirodha-vasena aniruddhattā.

Manāpāmanāpan-ti itṭhāniṭṭha-rūpādi-gocaram.

Paccanubhoṭi-ti vindati paṭilabhati.

Sukha-dukkhaṃ paṭisaṃvedetī-ti⁴ vipāka-bhūtaṃ sukhaṇ ca dukkhaṇ ca *paṭisaṃvedetī*, tehi dvārehi paṭilabhati.

Ettāvatā upādisesaṃ dassetvā, idāni anupādisesaṃ nibbāṇa-dhātum dassetum, *tassa yo*-ti ādi vuttaṃ.

Tattha *tassā*-ti tassa saupādisesassa sato arahato.

Yo rāgakkhayo-ti rāgassa khayō khīṇākāro abhāvo accanta-manuppādo. Eṣa nayo scesu pi. Ettāvā⁵ rāgādi-kkhaṃ *anupādisesā*⁶ *nibbāna-dhātū*-ti dassitaṃ hoti.

* For the above see MA. 42-43.

¹ S °ppabhe°.

² S avighāta° in fn.; also see Text, p. 38, fn. 6.

³ Vide Text, p. 38, fn. 7.

⁴ S °vatā.

⁵ S cakkhvā°

⁶ C savupā°.

Idh'evā-ti imasmim yeva attabhāve.

Sabbavedayitāni-ti sukhādayo sabbā avyākata-vedanā, kusalākusala-vedanā pana pubbe yeva pahīnā-ti.

Anabhinanditāni-ti taṇhādīhi na abhinanditāni.

Sitibhavissanti-ti accantavūpasamena saṅkhāradarathapaṭipassaddhiyā sītali-bhavissanti, appaṭisandhika-nirodhena nirujjhissanti-ti attho. Na kevalaṃ vedayitāni yeva, sabbe pi pana khīṇāsava-santāne pañca-kkhandhā nirujjhissanti. Vedayita-sīsena desanā katā.

Gāthāsu—*Cakkhumatā*-ti Buddha-cakkhu, dhamma-cakkhu, dibba-cakkhu, paññā-cakkhu, samanta-cakkhu-ti pañcahi cakkhūhi *cakkhumatā*.

Anissitenā-ti taṇhā-diṭṭhi-nissaya-vasena kiñci dhammaṃ anissitena, rāga-bandhanādīhi vā abandhena.¹

Tāḍinā-ti chaḷaṅgupekkhā-vasena sabbattha-itṭhāniṭṭhādisu eka-sabhāvatā-saṅkhātena tādi-lakkhaṇena *tāḍinā*.

Diṭṭhadhammikā-ti imasmim attabhāve bhavā vattamānā.

Bhavanettisaṅkhayā-ti bhavanettiyā taṇhāya parikkhayā.

Samparāyikā-ti samparāye khandha-bhedato parabhāge vā bhavā.

Yamhī-ti yasmiṃ anupādisesa-nibbāne.

Bhavānī-ti liṅgavipallāsavasena² vuttaṃ. Uppattibhavā sabbaso anavasesā *nirujjhanti* nappavattanti.

Te-ti *te* evaṃ vimutta-cittā.

Dhamma-sārādhigamā-ti vimutti-sārattā imassa dhamma-vinayassa dhammesu sārabhūtaṃ aruhatassa adhigamato.

Khaya-ti rāgāli-khaya-bhūte nibbāṇe *ratā* abhiratā. Athavā, niccabhāvato seṭṭha-bhāvato ca dhammesu sāraṇ-ti, *dhammasāraṃ* nibbānaṃ. Vuttaṃ h'etaṃ:—"Virāgo seṭṭho dhammānaṃ, virāgo tesāṃ aggamaṃkkhāyati"*-ti ca. Tassa *dhammasāra*ssa *adhigama*-hetu *khaye* sabba-saṅkhāra-parikkhaye anupādisesa-nibbāṇe *ratā*.

Pahamsū-ti pajahimsu.

Te-hi nipātamattaṃ. Sesāṃ vuttanayameva.

Sattamasuttavaṇṇanā.

* Cf. A. iii, 35.

¹ S na ban°.

² S °vipallāsaṇa.

8. Atthame. *Paṭisallānarāmā*-ti tehi tehi satta-saṅkhā-rehi *paṭi*-nivattitvā *sallānaṃ*, *Paṭisallānaṃ*, ekavihāro ekamanta¹-sevitā kāyavivekā-ti² attho. Taṃ *paṭisallaṃ*³ ramanti rocanti-ti *paṭisallānarāmā*. *Paṭisallānarāmā*-ti pi pāṭho.⁴ Yathā-vuttaṃ *paṭisallānaṃ* āramitabbato āramo etesan-ti *Paṭisallānārāmo*.

Viharathā-ti evaṃ-bhūtā hutvā viharathā-ti attho. *Paṭisallāne* ratā niratā sammuditā-ti *paṭisallānaratā*. Ettāvata jāgariyānuyogo tassa nimitta-bhūtā vūpakatṭhakāyatā ca dassitā. Jāgariyānuyogo sīla-saṃvaro indriyesu guttadvāratā bhojane mattaññutā satisampajaññan-ti imehi dhammehi vinā na vattati-ti tepi idha atthato vuttā evā-ti veditabbā.

Ajjhattaṃ celosamathaṃ-anuyuttā-ti attano citta-samathe anuyuttā. *Ajjhattaṃ* attano-ti ca etaṃ ekatthaṃ, vyañ-janameva nānaṃ. Bhummatthe *celam*.

Samathan-ti *anu*-sadda-yogena upayoga-vacanaṃ.

Anirākatajjhānā-ti bahi anīhatajjhānā, avināsitajjhānā vā. Nīharaṇaṃ vināsā vā-ti idaṃ *nirākataṃ* nāma. “Thambhaṃ niraṃ katvā nivātavutti”-ti* ādisu viya.

Vipassanāya samannāgatā-ti satta-vidhāya anupassanāya yuttā. Sattavidhā anupassanā nāma:—Aniccānupassanā, dukkhānupassanā, anattānupassanā, nibbidānupassanā, virāgānupassanā, nirodhānupassanā, paṇinissaggānupassanā ca. Tā Visuddhimaggeṭ vitthāritā 'va.

*Brūhetāro*⁵ *suññāgārānaṃ*-ti vaḍḍhetāro suññāgārānaṃ. Ettha ca *suññāgārānaṃ*-ti yaṃ kiñci vivittaṃ bhāvanānuyogassa anucchavikaṃ ṭhānaṃ. Samatha-vipassanāvasena kammaṭṭhānaṃ gahetvā rattindivaṃ suññāgāraṃ pavisitvā bhāvanānuyoga-vasena nisīdamānā bhikkhū *brūhetāro suññāgārānaṃ*-ti veditabbā.

Ettha ca yā *Paṭisallānarāmā* bhikkhave viharatha *paṭisallānaratā*-ti vūpakatṭha-kāyatā vihitā, sā parisuddha-sīlassa, na aślassa avisuddha-sīlassa vā. Tassa rūpārammaṇādito

* Sn. 326.

† VM. 289.

¹ S ekamagga.

² S °veko-ti.

³ S *paṭisallānaṃ*.

⁴ See Text.

⁵ For *brūhetā* of the Text, p. 39, fn. 10.

cittavinivattanass'eva abhāvato-ti atthato sīla-visuddhi dassitā-ti vutto vāyamattho.

Ajjhattaṃ cetosamatthamanuyuttā anirākatajjhānā-ti padadvayena samādhī-bhāvanā.

Vipassanāya samannāgatā-ti iminā paññā-bhāvanā vihitā-ti lokiya tisso sikkhā dassitā. Idāni tāsū patitṭhitassa avasambhāvī-phalaṃ dassetuṃ *Paṭisallānarāmāna-ti* ādi vuttaṃ.

Tattha *Brūhetāna-ti* vadḍhetānaṃ.

Dvinnāṃ phalāna-ti tatiya catuttha-phalānaṃ.

Pāṭikañkha-ti, icchitabbaṃ avassambhāvī.

Aññā-ti arahattaṃ. Taṃ hi hotṭhima-magga-ñāṇehi nāta-mariyādaṃ anatikkamitvā jānato paripuṇṇa-jānaṇattā uparijānana-kiccābhāvato ca *aññā-ti* vuccati.

Sati vā upādisese-ti sati vā kilesūpādisese pahātuṃ asakkuṇeyya sati ñāṇe hi aparipakke ye tena paripakkena pahātabba-kilesā te nappahiyanti. Taṃ sandhāyāha *sati vā upādisese-ti*. Sati ca kilese khandhābhisañkhārā tiṭṭhanti yeva.

Iti imasmim sutte anāgāmi-phalaṃ arahattaṇ-ti dve dhammā dassitā, yathā c'ettha evaṃ ito paresu dvīsu suttasu.

Gāthāsu—*Ye santa-cittā-ti* ye yogāvacarā tadañga-vasena-vikkhaṃbhaṇavasena¹ ca samita-kilesatāya *santacittā*.

Nepakkaṃ vuccati paññā, tāya samannāgatattā *nipakā*.

Iminā tesāṃ kammaṭṭhāna-pariharaṇa-ñāṇaṃ dasseti.

Satimanto ca jhāyino-ti ṭhānanisajjādīsu kammaṭṭhānā-vijjahana-hetu-bhūtāya satiyā *satimanto*.

Ārammaṇ'ūpanijjhānalakkhaṇ'ūpanijjhānehi² *jhāyino*.

Sammā dhammaṃ vipassanti kāmesu anapekkhino-ti pubbe yeva* "Atṭhi-kañkhalūpamā kāmā"-ti[†] ādinā vatthu-kāmesu kilesa-kāmesu ca ādinava-paccavekkhaṇena *anapekkhino* anattikā. Te pahāya adhigataṃ upacāra-samādhim appaṇā-samādhim vā pādaṃ katvā nāma-rūpaṃ tassa paccaye ca pariggahetvā kalāpa-sammasanādi-kkameṇa³ *sammā* avi-paritāṃ pañcakkhandha-dhammaṃ aniccādito *vipassanti*.

* See ante, Sutta 1, iii, 4, and the gloss thereon.

† M. i, 130, 364.

¹ S omits.

² S °lakkhaṇena āṭṭhena.

³ S °kamena.

Appamādaratā-ti* vuttappakārāya samatha-vipassanā-bhāvanāya appamajjena *ratā* abhiratā. Tattha *appamāden*'eva rattindivam vītināmentā.

Santā-ti samānā. Sattā-ti pi pāṭho. Puggalā-ti attho.

Pamāde bhaya-dassino-ti, niray'ūpapatti—ādikam *pamāde bhaya*ṃ passantā.

Abhabbā parihāṇāyā-ti ti evarūpā samatha-vipassanā-dhammeḥ maggaphaleḥi vā *parihāṇāyā abhabbā*. Samatha-vipassanāto hi sampattato na parihāyanti, itarāni ca appat-tāni pāpuṇanti.

Nibbāṇass'eva *santike*-ti nibbāṇassa ca anupādā-parinib-bāṇass'eva¹ *santike* eva. Na cirass'eva naṃ adhigamissantī-ti.

Atthamasuttavaṇṇanā.

9. Navame—*Sikkhānisamsā*-ti, ettha sikkhitabbā-ti *sikkhā*. Sā tividhā:—adhisīla-sikkhā, adhicitta-sikkhā, adhipaññā-sikkhā-ti. Tividhā pi o'esā sikkhā ānisamsā etesaṃ na lābha-sakkhāra-silokā-ti, *sikkhānisamsā*.

Vihārathā-ti sikkhānisamsā hutvā *viharatha*; tīsu sikkhāsu ānisamsa-dassāvino hutvā tāhi sikkhāhi laddhabbam-ānisam-sameva sampassantā *viharathā*-ti attho.

Paññā'uttarā-ti tāsū sikkhāsu yā adhipaññā-sikkhā-saṃ-khātā *paññā*, sā *uttarā* padhānā viṣiṭṭhā etesan-ti, *paññā*'ut-tarā. Ye hi sikkhānisamsā viharanti, te *paññā*'uttarā bha-vantī-ti.

Vimuttisārā-ti arahatta-phala-saṃkhātā² vimutti sārāṃ etesan-ti, *vimuttisārā*, yatha-vutta-*vimutti* yeva sārato gahetvā ṭhitā-ti attho. Ye hi *sikkhānisamsā paññā*'uttarā ca, na te bhava-visesaṃ paṭṭhenti, api ca kho vibhavaṃ ākaṇkhantā *vimutti*ṃ yeva sārato paṭṭhenti.

Satādhipateyyā-ti jettā-karaṇ'atthēna *sati adhipateyya*ṃ etesan-ti *satādhipateyyā*, adhipati eva adhipateyyan-ti katvā. Catūsu satipaṭṭhānesu patitṭhita-cittā kāyānupassanādi-mu-khena samatha-vipassanā-bhāvanānuyuttā³-ti attho.

Athavā, *sikkhānisamsā bhikkhave* evarūpe dullabha-khaṇa-

* For this Gāthā vide Dh. 32.

¹ S °nassa ca.

² S °khātā.

³ S °bhāvanamanu°.

paṭilābhe tividha-sikkhā-sikkhanamevānisaṃsaṃ katvā viharatha, evaṃ viharantā ca paññ'uttarā paññāya uttarā lok'uttara-paññāya samannāgatā hutvā viharatha, evaṃ-bhūtā ca vimutti-sārā nibbānasārā anaññasārā viharatha, tathā-bhāvassa cāyaṃ upāyo yaṃ satādhīpateyyā viharatha, satipaṭṭhāna-bhāvanāya yuttappayuttā hotha, sabbattha vā satārakkhena cetasā viharathā¹-ti evamettha attho veditabbo.

Iti Bhagavā tīsu sikkhāsu bhikkhū nīyojento, yathā tā sikkhitabbā yena ca pāripūriṃ gacchanti, taṃ saṃkhepeṇ'eva dassetvā idāni yathānusiṭṭhaṃ paṭipajjamānānaṃ phala-visesa-dassanena tassā paṭipattiyā amogha-bhāvaṃ dassento sikkhānisaṃsāna²-ti ādimāha. Taṃ vuttameva.

Gāthāsu—*Paripunṇa-sikkhan*¹-ti agga-phala-ppattiyā parisuddha-sikkhaṃ asekkhan²-ti attho.

Apahāṇa-dhamman-ti ettha pahāṇa-dhammā vuccanti kuppā vimuttiyo.

Pahāṇa-dhammo-ti hāṇa-dhammo, kuppa-dhammo.

Na pahāṇadhammo³-ti *apahāṇa-dhammo*. Akuppa-dhammo *Appahāṇa-dhammo*-ti pi Pāḷi.² So eva attho.

Khayo eva anto³-ti *khayanto*; jātiyā khayanto *jātikhayanto*,³ nibbānaṃ khayō vā maraṇaṃ jātikhayanto³ nibbānaṃ eva. Tassa diṭṭhattā *jātikhayantadassī*.

Tasmā-ti yasmā sikkhā pāripūriyā ayaṃ jarā-pāraṇigamana-pariyosāno ānisaṃso, tasmā.

Sadā-ti sabba-kālaṃ.

Jhānaratā-ti lakkhaṇ'ūpaniṭṭhāne ārammaṇ'ūpaniṭṭhāne³-ti duvidhe pi *jhāne ratā*, tato eva *samāhitā*.

Māraṃ saseṇaṃ abhibhuyyā-ti kilesa-senāya ananta-senāya ca saseṇaṃ anavasesaṃ⁴ catubbidhampi Māraṃ abhibhavitvā. Devaputta-Mārassā pi hi guṇamāraṇe sahāya-bhāv'ūpaga-manato kilesā senā⁵-ti vuccanti, tathā rāgādayo⁵ anantā⁶ maccumārassa. Yathāha:—

“ Kāmā te paṭhamā senā	dutiya arati vuccati,
Tatiyā khuppiṇā te	catutthā taṇhā pavuccati.

¹ S and Text °sekhaṃ.

²⁻³ S omits.

⁴ S rogā°.

² See Text, p. 40, fn. 6.

⁴ S anavasiṭṭhaṃ.

⁶ S anattā.

Pañcamī thīnamiddham te chaṭṭhā bhīrū pavuccati,
Sattamī vicikicchā te makkho thambho ca aṭṭhamo.

Lābho siloko sakkāro micchāladdho ca yo yaso,
Yo o'attānaṃ samukkaṃso pare ca avajānati.

Esā Namuci te senā kaṇhassābhīppahārini,
Na naṃ asuro jināti jetvā ca labhate sukhaṃ-ti."*

Yathā cāha:—

"Ajj'eva kiccamātappaṃ: ko jaññā maraṇaṃ suve?
Na hi no saṅgarantena mahā-senena maccunā-ti."†

*Bhavatha jāti-maraṇassa pāragā-tiḥ jatiyā maraṇassa ca
pāragāmino nibbāna-gāmino bhavathā-ti.* •

Navamasuttavaṇṇanā.

10. Dasame—*Jāgaro-tiḥ jāgarako vigataniddo jāgariyaṃ
anuyutto rattindivaṃ kammaṭṭhāna-manasikāre yuttappa-
yutto-ti attho. Vuttaṃ h'etaṃ:—*"Kathaṃ ca, bhikkhave,
bhikkhu pubbarattāpararattaṃ jāgariyānuyogamanuyutto
hoti? Idha¹ bhikkhu divasaṃ caṇkamena nisajjāya āvara-
ṇīyehi dhammehi cittaṃ parisodheti, rattiyā paṭhamam
yāmaṃ caṇkamena nisajjāya āvaraṇīyehi dhammehi cittaṃ
parisodheti, rattiyā majjhimam yāmaṃ dakkhiṇena passena
²sato sampajāno² sīhaseyyaṃ kappeti pāde³ pādam accā-
dhāya sato sampajāno uṭṭhāna-saññaṃ manasikaritvā, rattiyā
pacchimaṃ yāmaṃ paccuṭṭhāya caṇkamena nisajjāya āvara-
ṇīyehi dhammehi cittaṃ parisodheti; evaṃ⁴ bhikkhu pubba-
rattāpararattaṃ jāgariyānuyogamanuyutto hoti"-ti.||

*Ca-saddo sampiṇḍan'attho, tena vakkhamāne satti-bhāve
sampiṇḍeti.*

Assā-ti siyā bhaveyyā-ti attho.

*Jāgaro ca bhikkhu vihareyyā-ti ca paṭhanti.*⁵

* Sn. 436-439.

† M. iii, Dhpa. 430; UdA. 89.

‡ Cf. Sn. v, 32.

§ Cf. M. iii, 135.

|| A. i, 114; also cf. M. i, 248-9; Vin. i, 1-2.

¹ A reads bhikkhave after this.

²⁻³ S omits.

³ S pādena.

⁴ A has bhikkhave after this.

⁵ See Text, p. 41, fn. 4.

Sabbattha sabbadā ca kammaṭṭhānāvijjahanavasena sati-avippavāseṇa *sato*.

Sampajāno-ti sattatṭhāniyassa catubbidhassa pi sampajāññassavasena *sampajāno*.

Samāhito-ti upacāra-samādhinā appanā-samādhinā ca *samāhito* ekagga-citto.

Mudito-ti paṭipattiyā ānisaṃsa-dassena¹ uttar'uttari-vise-sādhigamena viriyārambhassa ca amogha-bhāva-dassanena pamudito pāmuḍjabahulo.

Vippasanno-ti tato eva paṭipatti-bhūtāsu sikkhāsu paṭipatti-desake ca Satthari saddhā-bahulatāya suṭṭhupasanno. Sabbattha-*assā*-ti sambandho, *vihareyyā*-ti vā.

Tattha kālavipassī ca *kusalesu dhammesū*-ti tasmim kāle vipassako. Tatthā vā kammaṭṭhānānuyoge *kāla-vipassī* kālānurūpaṃ vipassako. Kim vuttaṃ hoti? Vipassanaṃ paṭṭhapetvā kalāpasammasanādivasena sammasanto āvā-sādiḷe satta asappāye vajjetvā sappāye sevanto antarā vosānaṃ anāpajjitvā pahitatto cittassa samāhitakāraṃ sallakkhento sakkaccaṃ nirantaraṃ aniccānupassanādiṃ pavattento, yasmim kāle vipassanā-cittaṃ līnaṃ hoti, tasmim dhamma-vicaya-viriya-pīti-sāṅkhātesu,* yasmim pana kāle cittaṃ uddhataṃ hoti,† tasmim passaddhi-samā-dhi-upekkhā-sāṅkhātesu kusalesu anavajjesu bojjañ-ḡa-dhammesū ti, evaṃ tatthu² tasmim kāle tasmim vā kammaṭṭhānānuyoge kālānurūpaṃ *vipassī* vipassako assā-ti. Satisambojjañḡo pana sabbattha icchitabbo. Vuttaṃ h'etaṃ:—"Satiñ ca khvāhaṃ, bhikkhave, sabbatthikaṃ vadāmi" ti.‡ Ettāvatā puggalādhittṭhānāya desanāya jāgariyaṃ dassetvā, yehi dhammehi jāgariyānuyogo sampaj-jati te pakāsesi. Evaṃ Bhagavā āradḡha-vipassakassa bhikkhuno saṃkhepen'eva saddhiṃ upakāraka-dhammehi sammasanajjhānaṃ³ dassetvā, idāni tathā paṭipajjantassa paṭipattiyā avaññhabhāvaṃ⁴ dassento *jāgarassa bhikkhave bhikkhuno*-ti ādimāha.

* Cf. S. v, 113.

† Cf. S. v, 114.

‡ S. v, 115.

¹ S °dassanena.

² S sammasanavāraṃ.

³ S tasmim.

⁴ S avaññābh°.

Tattha jāgariyānuyoge satisampajañña-samādānāni sabbatthakāni sammodapasādāvahāni. Tattha *kālavipassanā* nāma vipassanāya gabbhagahaṇaṃ paripākagataṃ, upakkilesa vimutte hi vithi-paṭipanne vipassanā-ñāṇe tikkhe sūre vahanti yogino ulāraṃ pāmojjaṃ pasādo ca hoti. Tehi ca visesā-dhigamassa santike yeva. Vuttaṃ h'etaṃ:—

Yato yato sammasati
Labhati pīti-pāmojjaṃ

khandhānaṃ uday'abbayaṃ,
amataṃ taṃ vijānataṃ.*

Pāmujjabahulo¹ bhikkhu
Adhigacche padaṃ saṇṭaṃ

pasanno Buddha-sāsane
saṅkhār'ūpasamaṃ sukhanti.†

Gāthāsu—*Jāgarantū suṇāh'etan-ti*, etaṃ mama vacanaṃ ekanten'eva pamāda-niddāya avijjā-niddāya² pabodhan'atthaṃ *jāgarantū* sati³ sati-sampajaññādi-dhamma-samāyogena jāgariyaṃ anuyuttā *suṇūha*.

Ye suttā te pabujjhathā-ti, ye yathāvutta-niddāya suttā supinaṃ upagatā, te tumhe jāgariyānuyoga-vasena indriya-bala-bojjhaṇṇe saṅkaḍḍhitvā vipassanaṃ ussukkāpentā apamāda-paṭipattiyā, tato *pabujjhatha*. Athavā, *jāgarantū-ti* jāgara-nimittaṃ. *Suṇāh'etan-ti* ettha *etan-ti* vuttaṃ, kiṃ taṃ vacanaṃ-ti āha *ye suttā te pabujjhathā-ti* ādiṃ. Tattha *ye suttā-ti* ye kilesa-niddāya suttā, te tumhe ariyamagga-paṭibodhena *pabujjhatha*.

Suttā jāgaritaṃ⁴ seyyo-ti idaṃ pabodhassa kāraṇa-vacanaṃ. Yasmā yathā-vutta-supato vuttappakāraṃ *jāgaritaṃ* jāgaraṇaṃ attha-kāmasa kulaputtassa *seyyo* pāsaṃsataro hita-sukhāvaho, tasmā *pabujjhatha*.

N'atthi jāgarato bhayaṃ-ti idaṃ tattha ānisaṃsa-dassanaṃ. Yo hi saddhādīhi jāgaraṇa-dhammehi samannāgamena *jāgaro* jaggati, pamādaniddaṃ na upagacchati, tassa attānuvāda-bhayaṃ, parānuvāda-bhayaṃ, daṇḍa-bhayaṃ, duggati-bhayaṃ jāti-ādi-nimittaṃ sabbampi vaṭṭa-bhayaṃ n'atthi.

Kālenā-ti āvāsa-sappāyādīnaṃ laddha-kālena.

So-ti nipātamattaṃ.

* Dh. v, 374.

† Dh. 381.

¹ C and Dh. pāmojja°.

² S omits.

³ C omits.

⁴ S °riyaṃ, and below.

Sammā dhammaṃ parivīmaṃsamāno-ti vipassanāya ārammaṇa-bhūtaṃ tebhūmika-dhammaṃ sammā ñāpena yathā nibbindana-virajjanādayo sambhavanti, evaṃ parito vīmaṃsanto sabbākārena vipassanto-ti attho.

Ekodibhūto-ti eko setṭho hutvā udetī-ti *ekodi*, samādhī. So *ekodibhūto* jāto uppanno etassā-ti, *ekodibhūto*. Aggi-ahitādi-saddānaṃ viya ettha *bhūta*-saddassa paḍavacanam datṭhabbaṃ. *Ekodiṃ* vā *bhūto* patto-ti, *ekodibhūto*. Ettha ca *ekodi*-ti magga-samādhī¹ adhippeto.

Samāhito-ti ettha pana pādaka-jjhāna-samādhinā saddhiṃ vipassanā-samādhī. Athavā, *kālenā*-ti magga-pañvedha-kālena.

Sammā dhammaṃ parivīmaṃsamāno-ti samma-d-eva catu-sacca-dhammaṃ pariññābhisaṃmayādivasena vīmaṃsanto, ekābhisaṃmayena abhisamento.

Ekodibhūto-ti ekos ettho asahāyo vā hutvā udetī-ti *ekodi*. Catu-kicca-sādhako sammappadhāno. So *ekodibhūto* jāto-ti. Sabbaṃ purima-sadisameva.

Vihane tamam so-ti evaṃ bhūto ariya-sāvako arahattamaggena avijjā-tamaṃ anavasesato vihaneyya samucchindeyya.

Iti Bhagavā paṭipattiyā amoghabhāvaṃ dassetvā, idāni tattha daḷhaṃ niyojento *tasmā bhavē*-ti osāna-gāthamāha.

Tattha,—*Tasmā*-ti yasmā jāgarato sati-avippavāsādinā sumathavipassanā-bhāvanā pāripūriṃ gacchati, anukkamena ariyamaggo pātubhavati, tato c'assa sabbaṃ vaṭṭa-bhayaṃ n'atthi, tasmā.

Have-ti ekaṃsena daḷhaṃ vā.

Bhajethā-ti bhajeyya; evaṃ jāgariyaṃ bhajanto ca ātāpī-bhāvādi-guṇa-yutto bhikkhu saṃyojanāni bhinditvā agga-phalañāpa-saṅkhātaṃ anuttaraṃ uttara-rahitaṃ sambodhiṃ phuse pāpuṇeyya. Sesam vuttanayameva.

Dasamasuttavanna.

11. Ekādasame—*Āpāyikā*-ti apāyenibbattissanti-ti āpāyikā.*
Tatthā pi—niraye nibbattissanti-ti, *nerayikā*.

* Cf. A. i, 111 ff.

¹ S agga°.

*Idaṃ-appahāyā*¹-ti idaṃ idāni vakkhamānaṃ duvidhaṃ pāpa-samācāraṃ appajahitvā; tathā-paṭipatti tathā-pagga-haṇa-vasena pavattaṃ vācaṃ cittaṃ diṭṭhiṃ ca appatinissaj-jitvā-ti attho.

Abrahmacārī-ti brahmaṃ seṭṭhaṃ carati-ti *brahmacārī*. Brahmā vā seṭṭho ācāro etassa atthī-ti *brahmacārī*; na brahmacārī-ti *abrahmacārī*, brahmacārī-paṭirūpako dussīlo-ti attho.

*Brahmacārīpaṭiñño*²-ti 'brahmacārī ahan'-ti evaṃ paṭiñño.

Paripunṇan-ti akhaṇḍādi-bhāvena avikalaṃ.

Parisuddhan-ti upakkilesābhāvena parisuddhaṃ.

Amūlakenā-ti diṭṭhādi-mūla-virahitena, 'diṭṭhaṃ suttaṃ parisāṅkitaṃ'-ti imehi codanā-mūlehi³ vajjitena *abrahmacariyena* aseṭṭha-cariyena.

Anuddhamseti-ti 'parisuddho ayan'-ti jānanto 'va pārājika-vatthunā *dhamseti padhamseti* codeti akkoseti⁴ vā.

*Gāthāsu⁵—*Abhūtavādī*-ti parassa dosaṃ adisvā ca⁶ abhūtena tucchena musāvādaṃ katvā paraṃ abbhācikkhanto.

Katvā-ti yo vā pana pāpa-kammaṃ katvā nāhaṃ etaṃ karomī-ti āha.

Ubho pi te pecca samā bhavanti-ti, te ubho pi janā ito paralokaṃ gantvā nirayaṃ upagamanato gatiyā samānā bhavanti-ti. Tattha gati yeva nesam paricchinā, 'na pañāyu.' Bahuṃ hi pāpaṃ katvā ciraṃ niraye pacati, parittaṃ katvā appamattakameva kālaṃ; yasmā pana tesam ubhinnaṃ kammaṃ lāmakameva. Tena vuttaṃ *nihīna-kammā manujā paratthā-ti.*

Paratthā-ti pana pudassa parato *peccā-ti* padena sambandho. Parassa⁸ abbhūt'abbhakkhānavasena bhūta-dosa-paṭicchādanavasena ca pavattassa musā-vādassa vipākaṃ dassetvā, idāni tasmiṃ thāne nisinnānaṃ bahunnaṃ pāpa-bhikkhūnaṃ

* Cf. Dh. 306-8.

¹ C idaṃ pahāyā.

² C °paṭisañño.

³ S °mūlakehi.

⁴ S °sati.

⁵ S omits.

⁶ S va.

⁷⁻⁷ S āyu pana nesam na paricchinnaṃ.

⁸ Against this word S reads: 'parattha pecca ito gantvā te nihīna-kammā paraloke samā bhavanti-ti. Evaṃ Bhagavā abbhū°.'

duccarita-kammassa vipākadassanena samvejan'attham dve gāthā abhāsi.

Tattha *kāsāva-kaṇṭhā*-ti kasāvarasapītattā kāsāvena vatthena paliveṭṭhita-kaṇṭhā.

Pāpadhammā-ti lāmakadhammā.

Asaññatā-ti kayādīhi saññamarahitā.

Pāpā-ti tathārūpā pāpapuggalā.

Pāpehi kammehi upapajjitvā "Tassa kāyo pi āditto sampajjalito sañjoti-bhūto sañghāti pi ādittā"-ti*-ādinā Lakkhaṇa-samyutte vuttanayena mahā-dukkham anubhavanti yeva.

Tatiyagāthāya ayaṃ¹ saṅkhep'attho:—*Yañce bhuñjeyya dussilo* nissila-puggalo kāyādīhi *asaññato raṭṭhavāsīhi* saddhāya dinnam yaṃ *raṭṭhapinḍam*† samaṇomhī-ti paṭijānanto gahetvā *bhuñjeyya*, tato āditto *aggivaṇṇo ayogulo*'va *bhutto seyyo* sundarataro. Kiṃ kāraṇā? Tappaccayā hi'ssa eko'va attabhāvo jhāyeyya. *Dussilo* pana hutvā saddhā-deyyam *bhuñjiti*vā anekāni pi jāti satāni *niraye upapajjeyyā*-ti.

Ekādasamusuttavaṇṇanā.

12. Dvādasame—*Dvīhi diṭṭhigatehī*-ti ettha diṭṭhiyo 'va diṭṭhigatāni, "Gūthagataṃ" muttagatan"‡-ti-ādīsu viya. Gahitākāra-suññatāya³ diṭṭhinaṃ gatamattāni-ti diṭṭhiṭṭhānāni diṭṭhigatāni; tehi *diṭṭhigatehī*.

Pariyutṭhītā-ti abhibhūtā palibuddhā vā. Palibodh'attho vā pi hi pariyutṭhāna-saddo, "Corā magge pariyutṭhiṃsū"§-ti-ādīsu viya.

Devā-ti uppatti-*devā*, te hi dibbanti ulār'uttamehi⁴ kāmāguṇehi jhānādīhi ca kilānti iddhānubhāvena vā yath'icchita-mattam⁵ gacchanti adhigacchanti-ti ca *devā*-ti vuccanti.

Manassa ussannattā *manussā*, ukkaṭṭhaniddesa-vasena c'etaṃ vuttam, yathā Satthā *devamanussāna*-ti.

Oliyan‡⁶ eke-ti "Sassato attā ca loko cā"-ti|| bhavesu oliyanābhinivesa-bhūtena sassata-bhāvena *ekacce devā ma-*

* Cf. S. ii, 260-61.

‡ (?)

§ (?)

† Cf. Dh. 308.

|| M. ii, 233.

¹ S omīḥ.

⁴ C ulārata°.

³ S gūdhag°.

⁵ S °mattham.

³ S °suññatā yath. .

⁶ C olly°.

nussū ca avaliyanti, alliyanti, saṃkocaṃ āpajjanti, na tato nissaranti.

Atidhāvanti-ti paramatthato bhinnasabhāvānaṃ pi sabhāva-dhammānaṃ yvā'yaṃ hetu-phala-bhāvena sambandho, taṃ aggahetvā nānatta-nayassa pi gahaṇena tattha tatth'eva *dhāvanti*.

Tasmā *ucchiḥḥati* attā ca loko ca *na hoti parammaraṇā*-ti ucchede vā bhava-nirodha-paṭipattiyā paṭikkhepa-dhamma-taṃ *atidhāvanti*¹ atikkamanti.

Cakkhumanto ca *passanti*-ti ca-saddo vyatireke, pubbayoga-sampattiyā ñāṇa-paripākena paññāya cakkhumanto pana devamanussā, ten'eva paññā-cakkhunā sassataṃ ucchedaṇ ca antadvayaṃ anūpagamma majjhima-paṭipatti-dassanena paccakkaṃ karonti. Te hi nāmarūpa-mattam idaṃ paṭicca-samuppannaṃ tasmā na sassataṃ nāpi ucchiḥḥati-ti aviparī-tato *passanti*. Evaṃ *oliyaṇḍike* puggalādhiṭṭhānena uddi-situṃ *kathaṇ ca bhikkhave*-ti ādi vuttaṃ.

Tattha *bhavā*-ti kāma-bhavo, rūpa-bhavo, arūpa-bhavo. Apare pi tayo *bhavā*²: saññī-bhavo, asaññī-bhavo, neva-saññīnāsaññī-bhavo. Aparepi tayo *bhavā*: ekavokāra-bhavo, catu-vokāra-bhavo, pañca-vokāra-bhavo-ti. Ete hi bhavehi āramanti abhimandanti-ti, *bhavārāmā*.

Bhavesu ratā abhiratā-ti *bhavaratā*.

Bhavesu suṭṭhu muditā-ti *bhavasammuditā*.

Bhava-nirodhāyā-ti tesam bhavānaṃ accanta-nirodhāya anuppādan'atthāya.

Dhamme desiyamāne-ti Tāthāgatappavedite niyyānike dhamme vuccamāne.

Na pakkhandati-ti sassatābhiniṇiṭṭhattā saṃkhitta-dham-mattā na pavisati na ogāhati.

Na pasīdati-ti pasādaṃ nāpajjati, na taṃ saddahati.

Na santiṭṭhati-ti tassaṃ desanāyaṃ na tiṭṭhati, na patiṭṭha-ti, *nddhimuccati*. Evaṃ sassatābhinivesanena bhavesu *oliyanti*.

Aṭṭiyamānā-ti bhavē³ jarā-roga-maraṇādini vadha-bandha-

¹ S abhidh°.

² C bhayo.

³ S bhagavatā, with a note in fn. that the word is an addition.

na-cchedanâdîni ca disvâ samvijjanena tehi samañgi-bhâvena bhavena pīliyamānā dukkhāpiyamānā.

Harāyamānā-ti lajjamānā.

Jigucchamānā-ti paṭikkūlato harantā.

Vibhavan-ti ucchedaṃ.

Abhinandanī-ti taṇhā-diṭṭhi-nandanāhi¹ ajjhosāya nandanti.

*Yato kho*² *kira bho*-ti ādi tesam abhinandanākāradassanaṃ. Tattha *yato*-ti yadā. *Bho*-ti ālapanaṃ.

*Ayaṃ attā*³-ti kārakādi-bhâvena attanā parikappitaṃ sandhāya vadati.

Ucchiṇṇatī-ti upacchiṇṇatī.

Vinassatī-ti na dissati, vināsaṃ abhāvaṃ gacchati.

Na hoti parammarapaṇā-ti maraṇena uddhaṃ na bhavati.

Etan santan-ti yad etaṃ attano ucchedādi, etaṃ sabba-bhavavupasaṃmato⁴ sabba-santāpavupasaṃmato ca *santaṃ*. Santattā yeva *paṇītaṃ*.

Tacchā-viparīta-bhāvato *yūthāvvaṃ*. Tattha *santaṃ paṇītan*-ti idaṃ dvayaṃ taṇhābhinandanāya vadanti. *Yūthāvvaṃ*⁵-ti diṭṭhābhinandanāya.

Evaṃ-ti evaṃ yathāvutta-ucchedābhinivesanena. *Bhūtan*-ti khandhapañcakam, taṃ hi paccaya-sambhūtattā parammatthato vijjamānattā ca *bhūtan*-ti vuccati. Tenāha:—“ Bhūtamidaṃ,⁶ bhikkhave, samanupassathā ”*-ti.

*Bhūta*to aviparīta-sabhāvato salakkhaṇato sāmāññalakkhaṇato ca *passati*. Idaṃ hi khandhapañcakam nāma-rūpamattam, tattha ‘ime paṭhavī’ ādayo dhammā rūpaṃ, ‘ime phassa’ ādayo dhammā nāmaṃ, ‘imāni tesam lakkhaṇādīni,’ ‘ime nesaṃ avijjādayo paccayā’-ti evaṃ sapaccaya-nāma-rūpa-dassanavasena c’eva, sabbe p’ime dhammā ahutvā sambhonti hutvā paṭiventi, tasmā ‘aniccā, aniccattā dukkhā, dukkhattā anattā’-ti evaṃ aniccānupassanādivasena ca *passati*-ti attho. Ettāvatā taruṇa-vipassanā-pariyosānā vipassanābhūmi dassitā.

* M. i, 200.

¹ S °diṭṭhābhinand°.

² For attho of the Text, vide Text, p. 44, fn. 1.

³ Cf. Text, p. 44, fn. 3.

⁴ Not in the Text.

⁵ S sabbārammaṇavū°.

⁶ M. Text, °idan-ti.

*Nibbidāyā**-ti bhūta-saṃkhātassa te-bhūmika-dhamma-jātassa nibbindan'atthāya; etena balava-vipassanaṃ dasseti.

Virāgayā-ti virāg'atthaṃ virajjan'atthaṃ; iminā maggaṃ dasseti.

Nirodhāyā-ti nirujjhan'atthaṃ; iminā pi maggameva dasseti.

Nirodhāyā-ti vā paṭippassaddhi-nirodhena saddhiṃ anupādisesa-nibbānaṃ dasseti.

Evaṃ cakkhumanto passantī-ti evaṃ paññā-cakkhumanto sapubbabhāgena maggapaññā-cakkhunā catu-sacca-dhammaṃ passanti.

Gāthāsu—*Ye*¹ *bhūtaṃ bhūtato disvā*-ti, *ye* ariya-sāvaka² *bhūtaṃ* khandha-pañcakaṃ *bhūtato* aviparīta-sabhāvato vipassanā-paññā-sahitāya magga-paññāya *disvā*; etena pariññā-bhisamayaṃ dasseti.

Bhūtassa ca atikkaman-ti bhāvanābhisamayaṃ. Ariya-maggo hi *bhūtaṃ atikkamati*, tena³ *bhūtassa atikkamo*-ti vutto.

Yathā-bhūte-ti aviparīta-sacca-sabhāve nibbāṇe *vimuccanti*⁴ *adhimuccanti*⁴. Etena sacchi-kiriya-bhisamayaṃ dasseti.

Bhava-taṇhā-parikkhayā-ti bhava-taṇhāya sabbaso khepanā samucchindanato; etena samudaya-pahānaṃ dasseti.

*Sa ce*⁵ *bhūtapariñño so*-ti ettha pana⁶ *sace*-ti nipātamattaṃ, *so bhūtapariñño* bhūtassa atikkamanūpāyena maggena bhava-taṇhā-parikkhayā pariññātakhandho tato eva *yathā-bhūte* nibbāṇe adhimutto. *Bhavābhav*-ti khuddake c'eva mahante ca ucchedādi-dassane vā vīta-taṇho bhinna-kilesa bhikkhū-bhūtassa upādāna-kkhandha-saṃkhātassa atta-bhāvassa vibhavā āyatim anuppādā punabbhavaṃ nāgacchati apaññattika-bhāvameva gacchatī-ti. Anupādisesāya nibbāna-dhātuyā desanaṃ niṭṭhāpesi.

Iti imasmim vagge ekādasame vaṭṭaṃ kathitaṃ. Tatiya-catuttha-pañcamesu pariyosāna-sutte ca vaṭṭavivaṭṭaṃ kathitaṃ. Sesesu pi vivaṭṭamevā-ti veditabbaṃ.

Paramattha-vibhāvinīyā Khuddaka-Nikāy'aṭṭha-kathāya Iti-vuttakassa Duka-Nipāta-Vaṇṇanā niṭṭhitā.

* Cf. S. ii, 48.

¹ S yo (see Text, p. 44, fn. 6), also below. ² S °vako. ³ S etenāti.

⁴ S °muccati, and below.

⁵ C save, and below.

⁶ C omits.

Paramattha-Dīpanī
Iti-Vuttakatṭhakathā
(ITI-VUTTAKA COMMENTARY)
of
Dhammapālâcariya

VOL. II

NOTE

IN renewing, on behalf of this Society and myself, our sincere thanks to the editor, Mr. M. M. Bose, for the completion of his gift to the list of our first editions, I owe it to him to make the two following notes.

1. He sent me, too late for insertion in the first volume, this comment on what I there said in my editorial note: "You have noted the word Paramattha-bhāvanī. At the end of the first Nipāta it occurs as follows: 'Paramattha-vibhāvanīyā-Khuddaka-Nikāyaṭṭhakathāya,' etc., meaning that, in the Commentary of the Khuddaka-Nikāya, in the bringing out of the highest meaning, the first section of the Itivuttaka was ended. Here Paramatthavibhāvanī is just a synonym of Paramatthadīpanī, and hence no comment was made. The phrase occurs also at the end of the Duka-Nipāta (p. 180). I think this may be pointed out in your note with any explanation you deem necessary."

2. In the present volume the reader will notice that here and there compound terms are left disunited—e.g., *gaṇana paricchedo*, the long compound on line 6 (both on page 1), *catu vokāra bhāvo* a little later, etc., etc. I hasten to take on myself responsibility for this departure. Following the taste of the Founder, who, as I know, regretted the adhesion to the hyphen of his collaborator, J. Estlin Carpenter, in the Dīgha-Nikāya, I instructed the printer, when I sent Mr. Bose's MS. to press, to eliminate all hyphens save in a few specified contexts. I failed to add that the compounds were to be closed up. The editor cheerfully and uncomplainingly put all hyphens back in proof, whereat our considerate printers commented on the heavy cost this would entail. I gratefully compromised, consulting line and space, with the mixed result shown in these pages. I imagine it makes little, if any,

difference to the practised reader of Pali whether a compound be printed in one, or with hyphens, or in detachments, and few save such will be likely to consult the Commentaries.

I may add that the likely ones have before them that desideratum in Pali research: a critical history of the contents and methods of these Commentaries. Of Dhammapāla's yet unedited works we have the *Cariyāpiṭaka* Commentary waiting to go to press, and that on the *Theragāthā* in hand. With these editions added to those we have published, it will be possible to compare the outlook and tendencies, both within a somewhat narrow orthodoxy, of the two more famous exegetists of Pali Buddhism in Tamil and Ceylon centres. But perhaps a yet more interesting study would be a similar comparison of the emphases dominant for the author of the *Visuddhimagga* and for its Commentator, whether the latter was indeed (as the *Gandhavaṃsa* has it) our Dhammapāla, or another man of the same name (as the schoolboy put it). I have myself learnt something of our Commentator's outlook in compiling the Index to the present work, a task which had no appeal for the much tried patience of our kind friend the editor. My sincere goodwill goes with his present and future undertakings.

C. A. F. RHYS DAVIDS,
General Editor.

CONTENTS

	PAGE
TIKA-NIPĀTA-VAṆṆANĀ - - - -	1
CATUKKA-NIPĀTA-VAṆṆANĀ - - - -	141
INDEX OF WORDS - - - -	195
INDEX OF PROPER NAMES - - - -	202

Iti-Vuttaka-Vaṇṇanā Tika-Nipāta-Vaṇṇanā

TIKA-NIPĀTA-VANṆANĀ

3. I, 1. Tika-nipātassa paṭhame.*

Tiṇi-ti gaṇana-paricchedo.

Imāni-ti abhimukhi-kāraṇaṃ.

Akusalamūlāni-ti paricchinna-dhammanidassanaṃ. Tattha akusalāni ca tāni mūlāni cā-ti akusalamūlāni. Athavā, akusalānaṃ hetupaccaya—pabhava—janaka—samuṭṭhāpaka—nibbattak’atthena mūlāni cā-ti akusalamūlāni. Akusala-dhammānaṃ kāraṇāni-ti attho.

Kāraṇaṃ hi yathā hīno-ti, etasmā phalaṃ pavattati-ti hetu, paṭicca etasmā eti-ti paccayo, pabhavati etasmā-ti pabhavo, attano phalaṃ janeti-ti janakaṃ, samuṭṭhāpeti-ti samuṭṭhāpakaṃ, nibbattetī-ti nibbattakaṃ-ti ca vuccati. Evaṃ paṭiṭṭhatthena mūla-ti, tasmā akusalamūlāni-ti akusalānaṃ suppaṭiṭṭhitabhāva-sādhanaṃ kāraṇāni-ti vuttaṃ hoti. Keci pana sāliādīnaṃ sālibijādīnaṃ viya maṇippa-bhādīnaṃ maṇi—vaṇṇādayo viya ca akusalānaṃ akusala-bhāva—sādhako lobho lobhādīnaṃ mūlattho-ti vadanti. Evaṃ sante akusala-citta-samuṭṭhāna-rūpesu tesam¹ hetu-paccaya bhāvo na siyā. Na hi tāni tesam akusala-bhāvaṃ sādhenti, na ca paccayā na honti. Vuttaṃ h’etaṃ—“Hetu hetusampayuttakānaṃ dhammānaṃ taṃ samuṭṭhānānaṃ rūpānaṃ hetu-paccayena paccayo”—ti.† Ahetukassa ca mohassa akusala—bhāvo na siyā akusala—bhāva—sādhakassa mūlantarassa abhāvato. Tathā pi siyā lobhādīnaṃ sabhāva-

* Cf. A. i, 201; D. iii, 214.

† Tikapaṭṭhāna, i, 1.

siddho akusalādi-bhāvo, taṃ-sampayuttānaṃ pana lobhādi-paṭibaddho-ti. Evam pi yathā lobhādīnaṃ, evaṃ alobhādīnaṃ pi sabhāvasiddho kusalabhāvo-ti alobhādayo kusalā yeva siyup, na ca avyākatā honti. Tasmā yathā sampayuttesu evaṃ mūlesu kusalādi-bhāvo pariyesitabbo. Yoniso-manasikārādiko viya hi kusala-bhāvassa ayoniso-manasikārādiko akusala-bhāvassa kāraṇaṃ-ti gahetabbaṃ. Evam akusala-bhāva-sādhana-vasena lobhādīnaṃ mūlaṭṭhaṃ agga-hetvā supatitṭhita-bhāva-sādhana-vasena gayhamāne na koci doso. Laddha-hetupaccayā hi dhammā virūḷhamulā viya pādapā thirakā honti supatitṭhitā hetu-rahitā pana tila-bījakādi-sevālā viya na suppatitṭhitā-ti. Hetu-ādi-atthena akusalānaṃ upakārakattā mūlāni-ti *akusalamūlāni*.

Yasmā pana mūlena mutto akusala-cittup্পādo n'atthi, tasmā tihi mūlehi sabbo akusalarāsi pariyādiyitvā dassito-ti daṭṭhabbaṃ. Tāni akusala-mūlāni sarūpato dassetuṃ *lobho akusalamūlaṃ*-ti ādi vuttaṃ.

Tattha lobhādīsu yaṃ vattabbaṃ, taṃ heṭṭhā vuttam eva.* Tattha pana tatiya-magga-vajjā lobhādayo āgatā, idha pana anavasesā-ti ayam eva viseso.

Gāthāyaṃ†—*Pāpacetasan*-ti akusala-dhamma-samāyogato lāma-ka-cittaṃ.

Himsanti-ti attano pavattikkhaṇe āyatim vipākakkhaṇe ca vibādhenti.

Attasambhūtā-ti attani jātā.

Tacasāraṇ-ti gaṇṭhitam,¹ veluṇ-ti attho.

Samphalan-ti² attano phalaṃ. Idam vuttaṃ hoti—*Khadi-rasapādayo*³ viya antosāraṃ⁴ ahutvā bahisāratāya *tacasāraṇ*-ti laddhanāmaṃ veluādiṃ, yathā attasambhūtaṃ eva phalaṃ himsati vināseti, evam eva anto sīlādi-sārarahitaṃ⁵ lāma-ka-cittaṃ puggalaṃ attasambhūtā yeva lobhādayo vināsentī-ti.

Paṭhamasuttavaṇṇanā.

* *Vide ante Suttas 1. I, 1; 1. I, 9.*

† *For this Gāthā see S. i, 70, 98.*

¹ S kaṇṭakam.

² B Khadiraśālādayo.

³ S saṃphalan-ti; *vide Text, p. 45, fn. 9.*

⁴ S °sāro.

⁵ S sīlasāraṇ°.

2. Dutīye*—*Dhātuyo*-ti attano phalassa sabhāvassa ca dhāraṇ'aṭṭhena dhātuyo, yaṇi c'ettha phalanibbattakaṃ, taṃ attano phalassa sabhāvena¹ ca itaraṃ sabhāvass'eva dhāraṇ'aṭṭhena *dhātu*.

Rūpadhātū-ti rūpasabhāvo, dhātuyā āgataṭṭhānaṃ bhavena paricchinditabbaṃ, bhavassa āgataṭṭhānaṃ dhātuyā paricchinditabban-ti. Idha bhavena paricchedo kathito. Tasmā—"Katame dhammā rūpāvacarā? Heṭṭhato brahmalokaṃ pariyantaṃ karitvā uparito akanitṭhe deve anto karitvā . . . etthāvacarā ettha pariyāpannā khandha-dhātu-āyatanā, ime dhammā rūpāvacarā"-ti,† evaṃ vuttā rūpāvacara-dhammā *rūpadhātu*.

Arūpadhātū-ti arūpabhavo. Idhā pi bhavena paricchedo kathito-ti. "Katame dhammā arūpāvacarā? Heṭṭhato ākāśānañcāyatan'upage deve anto karitvā uparito n'evasaññānāsaññāyatan'upage deve anto karitvā . . . etthāvacarā ettha pariyāpannā khandha-dhātu-āyatanā, ime dhammā arūpāvacarā"-ti‡ evaṃ vuttā arupāvacara-dhammā *arūpadhātu*.

Nirodhadhātu nibbānaṃ veditabbaṃ.

Aparo nayo. Rūpa-sahitā rūpa-paṭibandhā dhammappavatti *rūpadhātu* pañca-vokāra-bhavo eka-vokāra-bhavo ca. Tena sakalo kāma-bhavo, rūpa-bhavo ca saṅgahito.‡ Rūpa-rahitā dhammappavatti *arūpadhātu* catu-vokāra-bhavo. Tena arūpa-bhavo saṅgahito. Iti dvīhi padehi tayo bhavā sabbā saṃsārappavatti dassitā. Tatiyapadena pana asaṅkhatadhātu yeva saṅgahitā-ti. Maggaphalaṃ idha tika-vinimuttadhammā nāma jātā. Keci pana *rūpadhātū*-ti rūpasabhāvā dhammā, *arūpadhātū*-ti arūpasabhāvā dhammā-ti, padadvayena anavasesato pañcakkhandhā dassitā-ti, rūpatanbhāya visayabhūtā dhammā *rūpadhātu*, arūpatanbhāya visayabhūtā *arūpadhātū*-ti ca vadanti. Taṃ sabbaṃ idhānadhīpetam (*sic. Ed.*). Tasmā vuttanayen'eva attho veditabbo.

* Cf. D. iii, 215.

† Cf. D. iii, 216; A. i, 223, etc.

‡ Cf. Vibh. 421.

Gāthāsu: * *Rūpadhātun* pariññāyā-ti rūpapaṭivaddha-dhammappavattim ñātapariññādīhi tīhi pariññāhi parijānitvā.

Arūpesu asaṇḍhitā-ti arūpāvacaradhammesu bhavarāgava-sena bhavaditṭhivasena ca nappatitṭhitā anallinā. Arūpesu asaṇḍitā-ti ca paṭhanti. So ev'attho. Ettāvatā tebhūmi-kadhammānaṃ pariññā vuttā.

Nirodhe ye vimuccantī-ti ye nibbāne ārammaṇabhūte agga-maggaphalavasena samuccheda-paṭipassaddhīhi anavasesato vimuccanti.

Te janā maccuhāyino-ti te khīṇāsavajanā maraṇaṃ samatitā.

Evaṃ dhātuttayasamatikkamena amatādhigamaṃ das-setvā ayaṇca paṭipadā mayā gatamaggo ca tumhākaṃ desito-ti tattha nesaṃ ussāhaṃ janento dutiyaṃ gātham āha.

Tattha *kāyena*-ti nāmakāyena maggaphalehi vā.

Phusayitvā-ti patvā.

Nirūpadhin-ti khandhādi sabbūpadhirahitaṃ.

Upadhipaṭinissagga-ti tesāṃ yeva upadhiṇaṃ paṭinissaj-janakāraṇaṃ. Nibbānassa hi maggañāṇena sacchikiriyāya sabbe upadhiyo paṭinissaṭṭhā hontī-ti taṃ tesāṃ paṭinissaj-janakāraṇaṃ.

Sacchikatvā-ti kālena kālaṃ phalasamāpattisamāpajjanena attapaccakkhaṃ katvā.

Anāsavo Sammāsambuddho tameva *asokaṃ virajaṃ* nibbāna-padaṃ deseti. Tasmā tadadhigamāya ussukkaṃ katab-ban-ti.

Dutiyasuttavaṇṇanā.

3. Tatiye†:—*Vedanā*-ti ārammaṇarasaṃ vedayanti anu-bhavanti-ti vedanā.‡ Tā vibhāgato dassetun *sukhā vedanā*-ti ādi vuttaṃ.

Tattha *sukha*-saddo atth'uddhāravasena¹ heṭṭhā vutto yeva.§

* These Gāthās occur again in 3. 3, 4.

† Cf. D. iii, 216; S. ii, 53; iii, 86, etc.; A. iii, 400.

‡ Vide ante Sutta 1. III, 2.

§ Cf. M. i, 293.

Dukkha-saddo pana “jāti pi dukkhā”-ti*-ādisu dukkha-vatthusmiṃ āgato. “Yasmā ca kho Mahāli rūpaṃ dukkhaṃ dukkhānupatitaṃ dukkhāvakkaṇṭaṃ”-ti†-ādisu dukkhārammaṇe. “Dukkho pāpassa uccayo”-ti‡-ādisu dukkhapaccaye. “Yāvañc’idaṃ bhikkhave na sukaraṃ akkhānena pāpūṇitum, yāva dukkhā nirayā”-ti§-ādisu dukkhapaccayaṭṭhāne. “Sukhassa ca pahānā dukkassa ca pahānā”-ti||-ādisu dukkhavedanāyaṃ. Idhāpi dukkhavedanāyameva.

Vacaṇ’atthato pana sukhayati-ti *sukhā*, dukkhayati-ti *dukkhā*. Na dukkhā na sukhā-ti *adukkhamasukhā*. Ma-kāro padasandhivasena vutto.

Tāsu itṭhānubhavalakkhaṇā¹ *sukhā*. Anitṭhānubhavalakkhaṇā *dukkhā*. Ubhayaviparītānubhavalakkhaṇā *adukkhamasukhā*. Tasmā sukhadukkhavedanānaṃ uppatti pākaṭā, na adukkhamasukhāya. ¶Yadā hi sukhaṃ uppajjati, sakalasārīraṃ khobhentaṃ maddantaṃ pharamānaṃ satadhota-sappiṃ khādāpentaṃ viya, sātapaṭatelaṃ makkhentaṃ viya, ghaṭasahassena pariḷāhaṃ nibbāpayamānaṃ viya ca, ‘aho sukhaṃ aho sukhaṇ’-ti vācaṃ niccharayamānameva uppajjati. Yadā dukkhaṃ uppajjati, sakalasārīraṃ khobhentaṃ maddantaṃ² tattakapālaṃ pavesentaṃ viya, villīnatambaloṃ āsiṇṇantaṃ viya ca, ‘aho dukkhaṃ aho dukkhaṇ’-ti vipalāpentaṃ eva uppajjati. Iti sukhadukkhavedanānaṃ uppatti pākaṭā.

Adukkhamasukhā pana dubbhijānā duddīpanā andhakārā avibhūtā. Sā sukhadukkhānaṃ apagame sātāsātapaṭikkhepavasena majjhataṭṭakārabhūtā nayato gaṇhantass’eva pākaṭā hoti. Yathā kiṃ? Yathā pubbāparaṃ sapamsuke padese³ upari haritamaggavasena³ piṭṭhipāsāṇe migena gatamaggo. Evaṃ itṭhānitṭhārammaṇesu sukhadukkhānubhavanehi⁴ majjhataṭṭakārammaṇānubhavanabhāvena viññāyati. Majjhataṭṭakārammaṇaggaṇaṃ piṭṭhipāsāṇagamaṇaṃ viya itṭhānitṭhā-

* A. i, 176; M. i, 185; D. ii, 305.

† Dhp. 17.

|| D. iii, 270.

† S. iii, 70.

§ M. iii, 167.

¶ Cf. MA. 277 ff.

¹ C °bhavanala°, and below.

²⁻³ C upacariṭamaggav°. °

² C has pharamānaṃ after this.

⁴ C °vanenapi.

rammaṇaggahaṇābhāvato. Yañca tatrānubhavanam sā *aduk-khamasukhā*-ti evamettha sukhadukkhāduk-khamasukhabhā-vena tidhā vuttā pi katthaci sukhadukkhābhāvena dvidhā vuttā.* Yathāha--“Dve pi mayā Ānanda vedanā vuttā pariyāyena sukhāvedanā dukkhāvedanā”-ti.† Katthaci tis-so’pi visum visum sukha-dukkha-aduk-khamasukhabhāvena, ‘*sukhāvedanā* t̥hitisukhā vipariṇāmadukkhā, *dukkhāvedanā* t̥hitidukkhā vipariṇāmasukhā, *aduk-khamasukhāvedanā* nāṇa-sukhā aññadukkhā’-ti.‡ Katthaci sabbāpi dukkhābhā-vena. Vuttañ h’etaṃ—“yaṃ kiñci vedayitaṃ, sabbaṃ taṃ dukkhasmin-ti vadāmi”-ti.§ Tattha siyā yadi tisso vedanā yathā idha vuttā aññesu ca idisesu¹ suttesu Abhidhamme ca evam avatvā atha kasmā evaṃ vuttaṃ ‘yaṃ kiñci vedayitaṃ sabban taṃ dukkhasmin-ti vadāmi’-ti? ‘Dve pi mayā Ānanda vedanā vuttā’-ti sandhāya bhāsitaṃ tasmā sā pariyāyadesanā. Vuttañ h’etaṃ Bhagavatā—“Saṅkhārānic-cataṃ Ānanda mayā sandhāya bhāsitaṃ saṅkhāravipariṇā-mataṃ yaṃ kiñci vedayitaṃ sabban taṃ dukkhasmin”-ti, “dve pi mayā Ānanda vedanā vuttā pariyāyena”-ti|| ca. Kttha *sukhā aduk-khamasukhā*-ti imāsaṃ dvinnam vedanānaṃ nipariyāyena dukkhābhāvo n’atthi veney’ajjhāsayena pana tattha nicchandadassan’atthaṃ pariyāyena dukkhābhāvo vutto-ti. Sā tādisi pariyāyadesanā. Ayaṃ pana vedayatta-yadesanā sabhāvakathā-ti katvā nipariyāyadesanā-ti ayaṃ ettha ācuriyānaṃ samān’atthakathā.

Vitaṇḍavādī panāha:—dukkhatādvayavacanato pariyāya-desanā va vedanattayadesanā-ti. So mā hevanti’ssa vaca-nīyo, yasmā Bhagavatā sabhāsaṃ vedanānaṃ dukkhābhāvo adhippāyavasena vutto,—“Saṅkhārāniccataṃ Ānanda mayā sandhāya bhāsitaṃ saṅkhāravipariṇāmataṃ yaṃ kiñci veda-yitaṃ sabban taṃ dukkhasmin”-ti.¶ Yadi pan’ettha veda-nattayadesanā pariyāyadesanā, siyā idaṃ mayā sandhāya

* Cf. M. i, 396-7.

† Cf. M. i, 397 (without *pariyāyena*).

‡ M. i, 303; also cf. S. iv, 204.

§ S. iv, 216 (with *fn. 7*); ii, 53 (without *vadāmi-ti*).

|| Cf. S. iv, 216; and see above.

¶ See above.

bhāsitam, "tisso vedanā"-ti* vuttabbam siyā, na pan'etaṃ vuttam. Api ca ayameva vattabbo—'ko panāvuso vedanat-tayadesanāya adhippāyo '-ti ? Sace vadeyya—mudukā dukkhā vedanā, sukhā adhimattā dukkhā, majjhimā adukkhamasukhā-ti veneyyajjhāsayena vuttā, tāsu hi na sattānaṃ sukhādi-vaḍḍhi-ti. So vattabbo—ko panāvuso dukkhavedanāya sabhāvo yena sabbā vedanā dukkhā-ti vucceyyum, yadi yāya uppannāya sattā viyogameva icchanti, so dukkhavedanāya sabhāvo, yāya ca pana uppannāya sattā aviyogam eva icchanti, yāya na ubhayam icchanti, sā katham dukkhavedanā siyā ? Atha yā attano nissayasukhūpaghātakārī¹ sā dukkhā, yā anuggahakārī sā katham dukkhā siyā ? Atha pana yadariyā dukkhato passanti, so dukkhavedanāya sabhāvo, sañkhāradukkhātāya vedanam ariyā dukkhato passanti sā ca abhiñhasabhāvā-ti. Katham tāsam vedanānam mudumajjhimādhimattadukkhabhāvo siyā ? Yadi ca sañkhāradukkhātāya eva vedanānam dukkhabhāvo siyā—"Tisso imā bhikkhave dukkhatāyo²: dukkhadukkhātā, vipariṇāmadukkhātā, sañkhāradukkhātā"-ti† ayam dukkhatānam vibhāgedesanā nippayojanā siyā. Tathā ca sati suttameva paṭibāhitam siyā. Purimesu ca tīsu rūpāvaccarajjhānesu mudukā dukkhāvedanā-ti āpajjati sukhavedanāvacanato, catutthajjhāne arūpajjhānesu ca majjhimā adukkhamasukhavedanāvacanato, evaṃ³ sante purimā tisso rūpāvaccarasamāpattiyo catutthajjhānasamāpattiya arūpasamāpattihi ca santatarā-ti āpajjati. Katham vā santatarapañītatarāsu samāpattīsu dukkhavedanāya adhibhāvo yujjati, tasmā vedanattayadesanāya pariyāyadesanābhāvo na yutto-ti, purimesu ca⁴ tīsu yaṃ pana vuttam dukkhe sukhan-ti saññāvipallāso-ti, taṃ kathan-ti ? Vipariṇāmadukkhātāya sañkhāra-dukkhatāya ca yathābhūtanāvabodhena yā ekantasukhasaññā⁵ yā ca dukkhanimutte sukhanimittasaññā, taṃ sandhāya vuttam evampi—"Sukhā bhikkhave vedanā dukkhato daṭṭhabbā"-ti.‡ Idaṃ pana kathan-ti ?

* S. iv, 204.

† Cf. Nett. 12.

‡ It. 47.

¹ C nissayassa upaghāt°.² C °tā.³ S yevam.⁴ S omīte.⁵ C ekantato sukha°.

Idaṃ pana vipariṇāmadassane¹ sanniyojanattamaṃ vuttaṃ tassa tattha virāg'uppattiyā upāyabhāvato sukhavedanāya bahudukkhānugatabhāvato ca. Tathā hi dukkhassa hetubhāvato anekehi dukkhadhammehi anubandhattā² ca paṇḍitā sukhama pi dukkhamicce'eva paṭipannā. Evama pi n'atth'eva sukhavedanā sukhahetūnaṃ niyamābhāvato. Ye hi sukhavedanāya hetu-sammata ghāsacchādanādayo, te eva adhimattaṃ akāle ca paṭisevīyamānā dukkhavedanāya hetubhāvaṃ āpajjanti. Na ca yen'eva hetunā sukhaṃ ten'eva dukkhaṃti yuttaṃ vuttaṃ.³ Tasmā na te sukhahetu, dukkhaṃtarāpagame pana aviññānaṃ sukhasaññā, yathā cira-taraṃ tñānādi-iriyāpathasamaṅgī hutvā tadanñā-iriyāpathasamāyoge mahantañca bhāraṃ vahato bhāranikkhepe c'eva vūpasame ca, tasmā n'atth'eva sukhaṃti. Tayidaṃ sammadeva sukhahetuma aparivāṇāya tassa niyamābhāvaparikkapaṇaṃ. Ārammaṇamattameva hi kevalaṃ sukhahetuma manasikavā evaṃ vuttaṃ, ajjhātikasārīrasa avatṭhānavisesaṃ⁴ samuditaṃ pana ekajjhaṃ tadubhayaṃ sukhādihetūti veditabbaṃ. Yādisaṃca tadubhayaṃ sukhavedanāya hetu tādisaṃ na kadāci pi dukkhavedanāya hetu hoti-ti vavatṭhita eva sukhādihetu. Yathā nāma tejodhātu sāliyavaḍākasassādinaṃ yādisamavatṭhantaṃ patvā sāta-madhura bhāva-hetu hoti, na tādisameva patvā kadāci pi asāta-amadhu-rabhāvahetu hoti, evaṃ sampadamidaṃ datṭhabbaṃ. Dukkhaṃpagameva kadāci pi sukhavedanantaṃ upalabbhati. Tattha sukhe yeva sukhasaññā na dukkhaṃpagamatte, yathā addhānagama⁵-parissama-kilantassa sambāhane iriyāpathaparivattane ca. Aññathā kālantare pi parissamaṃpagame tādisaṃ sukhasaññā siyā. Dukkhaṃpagamatte⁶ pana sukhaṃti parikkappaṇā vedanāvīsesassa anupalabbhamānattā, ekante'eva o'etaṃ evaṃ sampajjitabbaṃ. Yato paṇḍitappaṇṭitāni eva⁷ ārammaṇāni mahatā āyāsena sattā abhipaṭṭhayanti. Na ca nesaṃ yenakenaci yathā laddhamattena paccayena paṭikāraṃ kātuma na⁸ sakkā taṇh'uppādenā-ti ce.⁸ Vedanāpaccayā

¹ C °dassanena.² C vattuma.³ C °gamaṇapa°.⁴ C yeva.⁵ C °beddha°.⁶ C avatṭhāvis°.⁷ C °gamaṇamatte; also above.⁸ C omits.

hi taṇhā-upādi, tathābhāvena ca sugandhamadhurasukha-samphassādi-vatthūnaṃ itarītarabhāvena sukhavisesasaññā jāyamānā katamassa dukkhavisesassa apagamena ghāna-jivhākāyadvāre¹ ca dibbasaṅgītasadisa — pañcaṅgikaturiya-saddāvadhāraṇe. Tasmā na dukkhavedanāyameva dukkhantarāpagame sukhasaññā, sukhasaññā pi kevale dukkhāpagamamatte-ti. Āgamato yuttito pi vavaṭṭhitā tisso vedanā-ti. Bhagavato vedanattayadesanā nītatthā yeva, na neyyatthā-ti saññāpetabbaṃ. Evaṃ ce taṃ upeti, iccetaṃ kusalaṃ. No ce kammaṃ katvā uyyojetabbo gaccha yathā-sukhaṃ-ti.

Evametā aññamaññāpaṭipakkhabhāva² — vavaṭṭhita — lakṣaṇā eva tisso vedanā Bhagavatā desitā. Tañca kho vipassanākammikānaṃ yogāvacarānaṃ vedanā-mukhena arūpakammaṭṭhāna-dassan'atthaṃ.

*Duviddhaṃ hi kammaṭṭhānaṃ, — rūpakammaṭṭhānaṃ, arūpakammaṭṭhānaṃ-ti. Tattha Bhagavā rūpakammaṭṭhānaṃ kathento saṃkhepamanasikāravasena vā vitthāramanasikāravasena vā tathā dhātuvavaṭṭhānādivasena vā kathesi. Arūpakammaṭṭhānaṃ pana kathento phassavasena vā vedanāvasena vā cittavasena vā kathesi. Ekaccassa hi āpāthagate ārammaṇe āvajjato tattha cittacetāsikānaṃ paṭhamābhiniṇipāto phasso taṃ ārammaṇaṃ phusanto uppajjamāno pākaṭo hoti. Ekaccassa taṃ ārammaṇaṃ anubhavanti uppajjamānā vedanā pākaṭā hoti. Ekaccassa taṃ ārammaṇaṃ vijānantaṃ uppajjamānaṃ viññānaṃ pākaṭaṃ hoti. Iti tesāṃ tesāṃ puggalānaṃ ajjhāsayena yathāpākaṭaṃ phassādimukhena tidhā arūpakammaṭṭhānaṃ katheti-ti. Tattha yassa phasso pākaṭo hoti, so pi, na kevalaṃ phasso va uppajjati, tena saddhiṃ tadeva ārammaṇaṃ anubhavamānā vedanā pi uppajjati, sañjānamānā saññā pi cetayamānā cetanā pi, vijānamānaṃ viññānaṃ pi uppajjati-ti phassa paṭiccamake yeva parigaṇhāti. Yassa vedanā pākaṭā hoti, so pi na kevalaṃ vedanā va uppajjati, tāya saddhiṃ phusamāno phasso pi uppajjati, sañjānamānā saññā pi, cetayamānā

¹ C °dvāresu sotadvāre.² C °khasabhā°.

cetanā pi, vijānamānaṃ viññānaṃ pi uppajjati-ti phassa-paṇcamake yeva parigaṇhāti. Yassa viññānaṃ pākaṭaṃ hoti, so pi na kevalaṃ viññānameva uppajjati, tena saddhim tadevārammaṇaṃ phusamāno phasso pi uppajjati, anubhava-mānā vedanā pi, sañjānamānā saññā pi, cetayamānā cetanā pi uppajjati-ti phassapaṇcamake eva parigaṇhāti.

So ime phassapaṇcamakā dhammā kiṃ-nissitā-ti upadhārento vatthuniissitā-ti pajānāti. Vatthu nāma karajakāyo, yaṃ sandhāya vuttaṃ:—"Idaṃ ca pana me viññānaṃ ettha sitaṃ, ettha paṭibaddhaṃ"-ti.* So atthato bhūtā c'eva upādārūpāni ca; evamettha vatthu rūpaṃ phassa-paṇcamakā nāma-ti nāmarūpamattameva passati. Rūpaṇo'ettha rūpakkhandho, nāmaṃ cattāro arūpino khandhā-ti paṇcakkhandhamattaṃ hoti. Nāmarūpavinimuttā hi paṇcakkhandhā, paṇcakkhandhavinimuttaṃ vā nāmarūpaṃ n'atthi. So ime paṇcakkhandhā kiṃ-hetukā-ti upaparikhanto avijjādihetukā-ti tato paccayo c'eva paccay'uppannaṇca idaṃ, añño satto vā puggalo vā n'atthi, suddhasañkhārapuñjamattamevā-ti sappaccayanāmarūpavasena tilakkhaṇaṃ āropetvā vipassanāpaṭipāṭiyā 'aniccaṃ dukkhaṃ anattā'-ti sammāsanto vicarati.

So ajja ajjā-ti paṭivedhaṃ ākaṅkhamāno tathārūpe samaye utusappāyaṃ, puggalasappāyaṃ, bhojanasappāyaṃ, dhammasavanasappāyaṃ vā labhitvā ekapallaṅkena nisinno vā vipassanaṃ matthakaṃ pāpetvā arahatte paṭiṭṭhāti. Evaṃ imesaṃ tinnāṃ janānaṃ yāva arahattā kammaṭṭhānaṃ veditabbaṃ. Idha pana Bhagavā vedanāvasena bujjhaṇānaṃ ajjhāsayena arūpakammaṭṭhānaṃ kathento vedanāvasena kathesi. Tathā—

Lakkhaṇaṇca adhiṭṭhānaṃ uppatti anusayo tathā
ṭhānaṃ pavattikālo ca indriyaṇca duvidhādītā-ti†

idaṃ pakiṇṇakaṃ veditabbaṃ. .

Tattha *lakkhaṇaṃ* heṭṭhā vuttameva. *Adhiṭṭhāna*-ti—"Phasso, phassa-paccayā vedanā"-ti‡ hi vacanato vedanāya adhiṭṭhānaṃ. Tathā hi so vedanādhīṭṭhānabhāvato niccam-

magāviṇṇapamāya upamito. Tattha sukhavedanīyo phasso sukhāya vedanāya adhiṭṭhānaṃ, dukkhavedanīyo phasso dukkhāya vedanāya adukkhamasukhavedanīyo phasso adukkhamasukhāya vedanāyo adhiṭṭhānaṃ. Āsannakāraṇaṇ-ti attho. Vedanā kassu padaṭṭhānaṃ? “Vedanā—paccayā taṇhā”-ti* vacanato taṇhāya padaṭṭhānaṃ. Abhipaṭṭhāniyabhāvato sukhavedanā tāva taṇhāya padaṭṭhānaṃ hotu, itarā pana kathan-ti. Vuccati: sukhasamaṅgī pi tāva taṃ sadisaṃ tato vā uttaritaraṃ sukhaṃ abhipaṭṭheti, kimaṅgaṃ pana dukkhābhībhūto? Adukkhamasukhā ca santabhāvena sukhamicc’eva vuccati-ti. Tisso pi vedanā taṇhāya padaṭṭhānaṃ.

Uppatti-ti uppattikāraṇaṃ. Itṭhārammaṇabhūtā hi satta-saṅkhārā sukhavedanāya uppattikāraṇaṃ. Te eva anitṭhārammaṇabhūtā dukkhavedanāya majjhataṭṭhārammaṇabhūtā adukkhamasukhāya, vipākato tadākāraggahanaṇato c’ettha itṭhānitṭhatā veditabbā.

Anusayo-ti imāsu tīsu vedanāsu sukhāya vedanāya rāgānusayo anuseti, dukkhāya vedanāya paṭighānusayo, adukkhamasukhāya vedanāya avijjānusayo anuseti.† Vuttañh’etaṃ—“Sukhāya kho āvuso Visākha vedanāya rāgānusayo anuseti”-ti‡ ādi. Diṭṭhimānānusayā c’ettha rāgapakkhiyā kātabbā. Sukhābhinandanena hi diṭṭhigatikā sassatan-ti ādinā sakkāye abhinivisaṇ-ti. Mānajātikā ca “Mānaṃ jappenti, seyyo’hamasmi”-ti§ ādinā. Vicikicchānusayo pana avijjāpakkhiko kātabbo. Tathā hi vuttaṃ Paṭiccasamuppāda-Vibhaṅge “Vedanāpaccayā vicikicchā”-ti.|| Anusayānaṃca tattha tattha santāne appahīna-bhāvena thāmagamanāṃ. Tasmā “Sukhāya vedanāya rāgānusayo anuseti”-ti.† Maggena appahīnattā anurūpa-kāraṇa-lābhe uppajjanāraho rāgo tattha sayito viya hoti-ti attho. Esa nayo sesesu pi.

Thāna-ti kāyo cittaṅga vedanāya ṭhānaṃ. Vuttaṅga h’etaṃ—“yaṃ tasmīṃ samaye kāyikaṃ sukhaṃ kāya-samphassaṃ sātāṃ sukhavedayitaṃ, yaṃ tasmīṃ samaye

* Vibh. 135.

‡ Cf. Vibh. 354.

† Cf. M. i, 303.

|| Vibh. 168.

‡ M. i, 303.

cetasikaṃ sukhaṃ cetosamphassaṃ sātāṃ sukhavedayitāṃ"-ti* ca.

Pavattikkālo-ti pavattikkhaṇo pavattanākalanāṇca. Pavattikkhaṇena hi sukhadukkha-vedanānaṃ sukhadukkhabhāvo vavaṭṭhito. Yathāha—"Sukhā kho āvuso Visākha vedanā ṭhitisukhā vipariṇāmadukkhā, dukkhā kho āvuso Visākha vedanā ṭhitudukkhā vipariṇāmasukhā"-ti.† Sukhāya vedanāya atthibhāvo sukhaṃ, n'atthibhāvo dukkhaṃ, dukkhāya vedanāya atthibhāvo dukkhaṃ, anatthibhāvo sukhaṃ-ti attho. Adukkhamasukhāya vedanāya pavattanākalanāṃ pavattiyā akalanaṃ anākalanāṃ jānaṃ ajānaṇaṇca sukhadukkha-bhāva-vavaṭṭhānaṃ. Vuttampi c'etaṃ—"Adukkhamasukhā kho āvuso Visākha vedanā ñāpasukhā aññānadukkhā"-ti.‡

Indriya-ti etā hi sukhādayo tisso vedanā "Sukhindriyaṃ, dukkhindriyaṃ, somanassindriyaṃ, domanassindriyaṃ, upekkhindriyaṃ"-ti§ adhipateyyaṭṭhena indriyato pañcadhā vibhāṭṭā. Kāyikaṃ hi sātāṃ sukhindriyaṃ-ti vuttaṃ. Asātāṃ dukkhindriyaṃ-ti. Mānaṃ pana sātāṃ somanassindriyaṃ-ti vuttaṃ. Asātāṃ domanassindriyaṃ-ti. Duvidhaṃ pi n'eva sātāṃ nāsātāṃ upekkhindriyaṃ-ti.§ Kiṃ pan'ettha kāraṇaṃ? Yathā kāyikacetasikā sukha-dukka-vedanā sukhindriyaṃ, somanassindriyaṃ, dukkhindriyaṃ, domanassindriyaṃ-ti vibhajitvā vuttā, na evaṃ adukkhamasukhā-ti bhedābhāvato. Yath'eva hi anuggahāsabhāvā pākasabhāvā ca sukhadukkhaveḍanā aññathā kāyassa anuggahaṃ pākaṇca karonti cittassa ca aññathā, na evamadukkhamasukhā, tasmā bhedābhāvato vibhajitvā na vuttā.

Duvidhādī-ti sabbā pi hi vedanā vedayit'atṭhena ekavidhā pi nissaya-vedanā, duvidhā kāyikā cetasikā-ti, sukha dukkhā adukkhamasukhā-ti tividhā, catuyonivasena catubhidhā, indriyavasena gativasena ca pañcavidhā, dvāra-vasena ārammaṇavasena ca chabbidhā, sattaviññānadhātuyogena sattavidhā, atṭhalokadhammapaccayatāya atṭhavidhā, sukhādīnaṃ paccekaṃ atītādi-vibhāgena nava-vidhā. Tā eva ajjhattabāhiddhā-vedanā atṭhārasavidhā, tathā

* Cf. Vibh. 123.

† M. i, 303.

‡ Cf. Vibh. 15.

§ Cf. Vibh. 123.

rūpādisu chasu ārammaṇesu ekekasmim sukhādivasena tisso tisso katvā. Rūpārammaṇasmim hi sukhā pi uppajjati dukkhā pi adukkhamasukhā pi. Evamitaesu pi. Athavā, aṭṭhārasamanopavicāra—vasena aṭṭhārasa. Vuttaṃ hi—“Cakkhunā rūpaṃ disvā somanassaṭṭhāniyaṃ rūpaṃ upavicarati, . . . domanassaṭṭhāniyaṃ, . . . upekkhaṭṭhāniyaṃ rūpaṃ upavicarati, sotena saddaṃ sutvā—pe—manasā dhammaṃ viññāya somanassaṭṭhāniyaṃ dhammaṃ upavicarati, . . . domanassaṭṭhāniyaṃ, . . . upekkhaṭṭhāniyaṃ dhammaṃ upavicarati”—ti* evamaṭṭhārasavidhā bhavanti. Tathā—“cha gehasitāni somanassāni, . . . cha gehasitāni domanassāni, . . . cha gehasitā upekkhā tathā nekkhammasitā somanassādayo”—ti† evaṃ chattimsavidhā. Atte chattimsa, anāgate chattimsa, paccuppanne chattimsā—ti aṭṭhuttarasataṃ pi bhavanti. Evamettha *duvidhādītā* veditabbā—ti.

Pakiṇṇakakathā niṭṭhitā.

Gāthāsu:‡

Samāhito—ti upacārappanā—bhedenā samādhinā samāhito. Tena samatha—bhāvanānuyogaṃ dasseti.

Sampajāno—ti sātthakasampajaññādinaṃ catubbidhena sampajaññena sammā pajānanto. Tena vipassanānuyogaṃ dasseti. *Sato*—ti Sato kāri. Tena samathavipassanānayaena dhammā bhāvanāpāripūriṃ gacchanti. Tena samannāgatataṃ dasseti.

Vedanā ca pajānāti—ti ‘imā vedanā etthakā vedanā’—ti sabhāvato vibhāvato, “Aniccā dukkhā vipariṇāmadhammā”—ti§ aniccādilakkhaṇato ca pubbabhāge tīhi pariññāhi pajānanto vipassanaṃ vaḍḍhetvā ariyamaggena pariññāpaṭi—vedhena pajānāti.

Vedanānañca sambhavan—ti samudayasaccaṃ.

Yattha cetā nirujjhanā—ti ettāvatā vedanā yattha nirujjhanti taṃ nirodhasaccaṃ.

Khayaḡāminan—ti vedanānaṃ khayaḡāmināṃ ariyamaggañca pajānāti—ti sambandho.

* Vibh. 381.

† Vibh. 381-2.

‡ These Gāthās occur in Suttas 3. I, 3; 3. I, 7 (or §§ 52, 56).

§ Vibh. 379.

Vedanānaṃ khayā-ti evaṃ cattāri saccāni paṭivijjhantena ariyamaggena vedanānaṃ anuppādanirodhā.

Niccāto parinibbuto-ti nittanho pahīnatanho kilesaparinibbānena ca khandhaparinibbānena ca parinibbuto hoti.

Tatīyasuttavaṇṇanā.

4. Catutthe.* *Dukkhato daṭṭhabbā-ti* sukhavedanā vipariṇāmadukkhavasena dukkhā-ti nāpacakkhunā passitabbā.

Sallato daṭṭhabbā-ti dunniharaṇaṭṭhena anto-tudanaṭṭhena piḷanaṭṭhena dukkhadukkhata-bhāvena¹ dukkhavedanā salanti passitabbā.

Aniccato-ti hutvā abhāvato udayabbayavantato tāvakālikato niccapaṭipakkhato ca² adukkhamasukhā vedanā aniccā-ti passitabbā.

Kāmaṇ'o'ettha sabbāpi vedanā aniccato passitabbā. Aniccadassanato pana sātisayamaniccena virāganimittadukkhadassanan-ti imamatthaṃ dassento Satthā—*sukhā bhikkhave vedanā dukkhato daṭṭhabbā, dukkhā vedanā sallato daṭṭhabbā-ti āha*. Athavā, yattha puthujjanā sukhābhinivesino tattha nibbedha-jananatthaṃ tathā vuttaṃ. Ten'assā saṅkhāradukkhatāya dukkhabhāvo dassito. "Yad aniccaṃ taṃ dukkhan"-ti[†] vipariṇāmadukkhataṃ *sukhā bhikkhave vedanā dukkhato daṭṭhabbā-ti* vatvā 'sukhā pi tāva edisi, dukkhā nu kho kīdisi-ti cintentānaṃ dukkhadukkhataṃ *dukkhā vedanā, sallato daṭṭhabbā-ti āha*. Itarā pana saṅkhāradukkhataṃ eva dukkhā-ti dassento *adukkhamasukhā vedanā aniccato daṭṭhabbā-ti* avoca.

Tattha ca *sukhā vedanā dukkhato daṭṭhabbā-ti* etena rāgassa samugghātanūpāyo dassito. Sukhavedanāya hi rāgānusayo anuseti. *Dukkhā vedanā sallato daṭṭhabbā-ti* etena dosassa samugghātanūpāyo dassito. Dukkha vedanāya hi paṭighānusayo anuseti. *Adukkhamasukhā vedanā aniccato daṭṭhabbā-ti* etena mohassa samugghātanūpāyo dassito. Adukkhamasukhavedanāya hi avijjānusayo anuseti. Tathā paṭhamena

* Cf. D. iii, 216, etc.

† S. ii, 53, etc.

¹ C °dukkhabhāvena.

² C °paṭikkhepato ca.

taṇhāsaṃkilesassa pahānaṃ dassitaṃ tassa sukhassāda¹hetu-
kattā.¹ Dutiyena duccaritasamkilesassa pahānaṃ. Yathā-
bhūtaṃ hi dukkhaṃ aparijānantaṃ tassa parihaṇattham
duccaritaṃ caranti. Tatiyena diṭṭhisamkilesassa pahānaṃ
aniccato passantassa diṭṭhisamkilesābhāvato. Avijjānimit-
tattā diṭṭhisamkilesassa avijjānimittañca adukkhamasukhā
vedanā. Paṭhamena vā viparīṇāma-dukkhapariññā. Duti-
yena dukkhadukkhapariññā. Tatiyena saṅkhāradukkha-
pariññā. Paṭhamena vā itṭhārammaṇapariññā. Dutiyena
anittṭhārammaṇapariññā. Tatiyena majjhattārammaṇa-
pariññā. Virattesu hi tadārammaṇadhammesu ārammaṇāni
pi virattān'eva honti-ti. Paṭhamena vā rāgappahānapari-
kittanena dukkhānupassanāya appaṇihitavimokkho dīpito
hoti. Dutiyena dosappahānaparikhittanena aniccānupassa-
nāya animittavimokkho. Tatiyena mohappahānaparikhitta-
nena anattānupassanāya suññatavimokkho dīpito hoti-ti
veditabbaṃ.

Yato-ti yadā, yasmā vā.

Ariyo-ti kilesehi ārakā ṭhito parisuddho.

Sammaddaso-ti sabbāsaṃ vedanānaṃ catunnam pi vā
saccānaṃ aviparīta-dassāvi.

Acchechi taṇha-ti vedanāmūlakam taṇhaṃ aggamaggena
chindi anavasesato samucchindi. Vivattayi saṃyojananti
dasavidhaṃ saṃyojanaṃ parivattayi nimmūlamakāsi.

Sammā-ti hetunā kāraṇena.

Mānābhisamayā-ti mānassa dassanābhisamayā, pahānā-
bhisamayā vā. Arahattamaggo hi kiaccavasena mānaṃ pas-
sati, ayamassa dassanābhisamayo. Tena diṭṭho pana so
tāvadeva pahiyati diṭṭhavisena diṭṭhasattānaṃ jīvitaṃ viya,
ayamassa pahānābhisamayo.

Antamakāsi dukkhassā-ti evaṃ arahattamaggena mānassa
diṭṭhattā pahinattā ca sabbass'eva vaṭṭadukkhassa koṭi-
saṅkhātānaṃ antaṃ paricchedaṃ parivaṭṭumaṃ akāsi. Anti-
masamussayamattavasesaṃ dukkhamakāsi-ti vuttaṃ hoti.

Gāthāsu:—*Yo*-ti yo ariyasāvako.

*Addā*²-ti addassa. Sukhavedanaṃ dukkhato passī-ti attho.

¹ C tathāsubha°.

² S addakkhi-ti, ja.

Sukhavedanā hi visamissam viya bhojanam paribhogakāle assēdam dadamānā vipariṇāmakāle dukkhā yevā-ti.

Dukkhamaddakkhi sallato-ti yathā sallam sarīram anupavisaṇam pi ṭhitam pi¹ uddhāriyamānam pi piḷameva janeti, evam dukkhavedanā uppajjamānā pi ṭhitippattā pi bhijjamānā pi vibādhayati² yevā-ti tam sallato vipassī-ti vuttam.

Addakkhi nam aniccato-ti sukhadukkhato santabhāvatāya³ santatarajātikaṃ pi nam adukkhamasukham aniccantikātāya aniccato passi.

Sa ve sammaddaso-ti so evam tissannam vedanānam sammadeva dukkhādito dassāvī.

Yato-ti yasmā.

Tatthā-ti vedanāyam.

Vimuccatī-ti samuccheda-vimuttivasena vimuccati. Idam vuttam hoti—yasmā sukhādini dukkhādito addasa, tasmā tattha vedanāya tappaṭibandhacchandarāgappahānena⁴ samucchedavasena vimuccatī-ti. *Yam* sadde hi vutte tam saddo āharitvā vattabbo. Athavā, *yato*-ti kāya-vācā-cittehi samyato yatatto. Yatati padahatī-ti vā *yato*. Āyatatī-ti⁵ attho.

Abhiññāvosito-ti vedanāmukhena catusaccakammaṭṭhānam bhāvetvā chaḷābhiññāya⁶ pariyosito katakicco.

Santo-ti rāgādikilesavūpasamena santo.

Yogātīto-ti⁷ kāmayogādīm catubbidham pi yogam atikkanto ubhayahita-munanato munī-ti.*

Catutthasuttavaṇṇanā.

5. Pañcame.† *Esanā*-ti gavesanā pariyesanā magganā. Tā vibhāgato dassetum *kāmesanā*-ti ādi vuttam.

Tattha *kāmesanā*-ti kāmānam esanā, kāmasañkhātā vā esanā *kāmesāna*. Vuttañh'etaṃ—"Tattha katamā kamesanā? Yo kāmesu kāmaccchando kāmārāgo kāmanandī

* This Gāthā occurs in Suttas 3. III, 3; IV, 6.

† Cf. D. iii, 216; A.V. 31; S.v, 54; 136, 246.

¹ C paviddhampi.

² C vibādhati.

³ C santasabhāvanāya.

⁴ C °baddhach°.

⁵ C āyati-ti.

⁶ C chaṭṭhābh°.

⁷ C Yogātīho-ti.

kāmasneho kāmapipāsā kāmamucchā kāmajjhosānaṃ, ayaṃ vuccati *kāmesanā*”-ti.* Tasmā kāmarāgo kāmesanā-ti veditabbo.

Bhavesanāya-pi es’eva nayo. Vuttam pi c’etaṃ—“Tattha katamā bhavesanā? Yo bhavesu bhavacchando—pe—bhavajjhosānaṃ, ayaṃ vuccati bhavesanā”-ti.* Tasmā bhavesanarāgo¹ rūpārūpabhavapaṭṭhānā *bhavesanā*-ti veditabbā.

Brahmacariyassa esanā=*brahmacariyesanā*. Yathāha—“Tattha katamā brahmacariy’esanā? Sassato loko-ti vā asassato loko-ti sā antavā loko-ti vā anantavā loko-ti vā, taṃ jīvaṃ sarīraṇ-ti vā, aññaṃ jīvaṃ aññaṃ sarīraṇ-ti vā, hoti Tathāgato parammaraṇā-ti vā, na hoti Tathāgato parammaraṇā-ti vā, hoti ca na ca hoti Tathāgato parammaraṇā-ti vā, n’eva hoti na na hoti Tathāgato parammaraṇā-ti vā, yā evarūpā diṭṭhi diṭṭhigataṃ² diṭṭhiggahaṇaṃ diṭṭhikantāraṃ² diṭṭhivisukāyikaṃ diṭṭhivipphanditaṃ diṭṭhisamyojanaṃ, gāho paṭiggāho abhiniveso. parāmāso kummaggo micchāpatho micchattaṃ tiṭṭhāyatanaṃ vipariyesaggāho, ayaṃ vuccati brahmacariyesanā”-ti.† Tasmā diṭṭhigatasammatassa brahmacariyassa gavesanā diṭṭhi-brahmacariyesanā-ti veditabbā. Ettāvata rāgadiṭṭhiyo esanā dassitā honti.

Na kevalaṇca rāga-diṭṭhiyo va esanā, tadekaṭṭhaṃ kamam pi. Vuttam pi c’etaṃ—“Tattha katamā kāmesanā? Kāmarāgo tadekaṭṭhaṃ akusalaṃ kāyakammaṃ vacīkammaṃ manokammaṃ; ayaṃ vuccati *kāmesanā*. Tattha katamā bhavesanā? Bhavarāgo tadekaṭṭhaṃ akusalaṃ kāyakammaṃ vacīkammaṃ manokammaṃ, ayaṃ vuccati *bhavesanā*. Tattha katamā brahmacariyesanā? Antaggāhikā diṭṭhi tadekaṭṭhaṃ akusalaṃ kāyakammaṃ vacīkammaṃ manokammaṃ, ayaṃ vuccati *brahmacariyesanā*”-ti.‡ Evam etā tisso esanā veditabbā.

Gāthāsu: *Sambhavanā*ti ettha esanāya³ uppattihetubhūtā avijjādayo taṇhā cā-ti⁴ sambhavo samudayo-ti attho.

* Vibh. 366.

† Dh. S. 1099; Vibh. 366; also cf. A. ii, 41; v, 31; M. i, 485-6, etc.

‡ Vibh. 366-7.

¹ S bhavarāgo.

²⁻² C diṭṭhigahaṇaṃ diṭṭhikantāro.

³ C esanānaṃ.

⁴ C vāhi.

Yattha cetā nirujjhanti-ti brahmacariyesanā paṭhamamaggena nirujjhanti, kāmesanā anāgāmimaggena, bhavesanā arahattamaggena nirujjhanti-ti veditabbam. Sesam vuttanayam eva.*

Pañcimasuttavaṇṇanā.

6. Chatṭhe. [Gāthasu†—] *Brahmacariyesanā sahā*-ti brahmacariyesanāya saddhiṃ. Vibhattilopena hi ayaṃ niddeso. Karaṇatthe vā etaṃ paccattavacanam. Idam vuttaṃ hoti brahmacariyesanāya saddhiṃ kāmesanā bhavesanā¹ tiisso esanā-ti.‡ Tāsu brahmacariyesanam sarūpato dassetum *itisaccaparāmāso diṭṭhiṭṭhānā samussayā*-ti vuttaṃ. Tass'attho: *iti* evaṃ *saccan*-ti parāmāso, *itisaccaparāmāso*. Idam eva saccam moghamaññan-ti diṭṭhiyā pavattiākāram dasseti. Diṭṭhiyo eva sabbānatthahetubhāvato diṭṭhiṭṭhānā. Vuttanti² etaṃ—"Micchādiṭṭhiparamāham bhikkhave vajjam vaddāmi"-ti.§ Tā eva ca uparūpari vaddhayamānā² lobhādikilesasamussayena³ ca *samussayā*. Idam eva saccam moghamaññan-ti micchā abhinivisamānā sabbānattha-hetubhūtā kilesadukkhūpacaya-hetubhūtā ca diṭṭhiyo *brahmacariyesanā*ti vuttaṃ hoti. Etena pavatti-ākārato niphattito ca *brahmacariyesanā* dassitā-ti veditabbā.

Sabbarāgavirattassā-ti sabbehi kāmarāga-bhavarāgehi virattassa tato eva taṇhakkhayasamphāte nibbāne vimuttattā taṇhakkhayavimuttino arahato.

Esanā paṭinissatṭhā-ti kāmesanā bhavesanā ca sabbaso nissatṭhā pahinā.

Diṭṭhiṭṭhānā samūhatā-ti brahmacariyesanā samphātā diṭṭhiṭṭhānā ca paṭhamamaggeneva samugghātītā.

Esanānam khayā-ti etāsam tissannam esanānam khayā anuppādanirodhā. Bhinnakilesattā *bhikkhū*-ti ca sabbaso āsābhāvā *nirāso*-ti ca ⁴diṭṭhigatassa vicikicchākathamkathāsallāpassa⁴ pahinattā *akathamkathā*-ti ca vuccati-ti.

Chatṭhasuttavaṇṇanā.

* Vide Sutta 3, I, 3.

† Cf. A. ii, 43.

‡ Cf. D. iii, 216; A. v, 31; S. v, 54, 136.

§ (?)

¹ O has ca after *itis*.

² O vaddhayamānā.

³ O samudayena.

⁴⁻⁴ S diṭṭhekatṭhassa vicikicchākathamkathā sallassa, *sa*.

7. Sattame.* *Kāmdāso*-ti kāmesu āsavo kāmasaṃkhāto vā āsavo *kāmdāso*. Atthato pana kāmarāgo rūpādi-abhirati ca *kāmdāso*.

Rūpārūpabhavesu chandarāgo jhānanikkanti sassataditṭhisahagato rāgo bhavapaṭṭhanā *bhavadāso*.

Avijjā va *avijjāso*.

[Gāthāsu:—] *Āsavānañca sambhavan*-ti ettha ayoṇiso-man-sikāro avijjādayo ca kilesā āsavānaṃ sambhavo. Vuttañ-h'etaṃ—"Ayoṇiso bhikkhave manasikaroto anuppannā c'eva āsavā uppajjanti uppannā ca āsavā pavaḍḍhanti"-ti,† "Avijjā bhikkhave pubbaṅgamā akusalānaṃ dhammānaṃ samāpattiyaṃ anvadeva ahirikaṃ anottappan"-ti.‡

Maggañca khayagāminan-ti āsavānaṃ khayagāmināṃ ariyamaggañca. Tattha kāmāso anāgāmimaggena pahāyati, bhavāso avijjāso ca arahattamaggena.§ Kāmūpādānaṃ viya kāmāso pi aggamaggavajjho-ti ca vadanti. Sesam vuttanayam eva.||

Sattamasuttavaṇṇanā.

8. Atthame apubbaṃ n'atthi.

9. Navame.¶ Tanhāyanatṭhena *tanhā*. Rūpādivisayaṃ ta-sati-ti vā *tanhā*. Idāni taṃ vibhajitvā dassetuṃ *kāmatanhā*-ti ādi vuttaṃ.

Tattha pañcakāmaguṇiko rāgo *kāmatanhā*.

Rūpārūpabhavesu chandarāgo jhānanikkanti sassataditṭhisahagato rāgo bhavarāgavasena paṭṭhanā ca *bhavatanhā*.

Ucchedaditṭhisahagato rāgo *vibhavatanhā*. Api ca pacchi-ma-tanhādvayaṃ tṭhapetvā sesā sabbā pi tanhā kāmatañhā eva. Yathāha—"Tattha katamā bhavatanhā? Sassata¹ ditṭhisahagato rāgo sārāgo . . . cittassa sārāgo, ayaṃ vuccati *bhavatanhā*. Tattha katamā vibhavatanhā? Ucchedaditṭhisahagato rāgo sārāgo . . . cittassa sārāgo, ayaṃ vuccati

* Cf. M. i, 7, 23, etc.; D. i, 84; iii, 216; A. i, 165; S. iv, 256; v, 56, 189.

† M. i, 7.

‡ A. v, 214.

§ Cf. Pts. i, 96.

|| See ante Sutta 3, I, 3, 5.

¶ Cf. D. iii, 216, 275.

vibhavataṇhā. Avasesā taṇhā *kāmataṇhā*”-ti.* Imā ca tisso taṇhā rūpataṇhā—pe—dhammataṇhā-ti visayabhedato paccekam chabbidhā-ti katvā aṭṭhārasa honti. Tā ajjhata-rūpādisu aṭṭhārasa, bahiddhārūpādisu aṭṭhārasā-ti chattimsa. Iti atitā chattimsa, anāgatā chattimsa, paccuppannā chattimsā-ti vibhāgato aṭṭhasataṃ honti. Puna saṃgahe kariyamāne kālabhedam anāmasitvā gayhamānā chattimseva honti. Rūpādīnam ajjhattika-bāhira-vibhāge akariyamāne aṭṭhāras’eva. Rūpādi-ārammaṇa-vibhāgamatte kariyamāne chaḷ’eva. Ārammaṇa-vibhāgam pi akatvā gayhamānā tisso yeva hontī-ti.

Gāthāsu:—*Taṇhāyogenā*-ti taṇhāsaṃkhātena yogena. Kāmayogena ca bhavayogena ca *saṃyuttā*-ti sambandho. Bhavādisu *saṃyojitā* vā. Ten’evāha *rattacittā bhavābhavē*-ti. Khuddake c’eva mahante ca bhāve laggacittā-ti attho. Athavā, bhāvo-ti sassatadiṭṭhi. Abhāvo-ti ucchedadiṭṭhi. Tasmā *bhavābhavē* sassatucchedadiṭṭhisu sattavisattacittā-ti. Etena bhavataṇhā vibhavataṇhā ca dassitā. Imasmiṃ pakkhe *taṇhāyogenā*-ti iminā kāmataṇhā va dassitā-ti vedittabbā.

Te yogayuttā mārassā-ti te evaṃbhūtā puggalā *Mārassa* pāsasaṃkhātena¹ yogena yuttā bandhā.² Rāgo hi Mārayogo Mārāpāso-ti vuccati. Yathāha—

Antalikkhacaro pāso yvāyaṃ carati mānaso:

Tena taṃ bādhayissāmi: na me, samaṇa, makkhasī-ti.†

Catuhi yogehi anupaddutattā yogakkhemam nibbānam arahattañca tassa anadhigamena *ayogakkhemino* uparūpari kilēsābhisaṃkhārānam janānato, janā paṇino rūpādisu *sattā* visattā-ti *sattā*—

Khandhānañca paṭipāṭi dhātu-āyatanāna ca

Abbochinnam vattamānā saṃsāro-ti pavuccatī-ti‡

evam vuttam khandhādīnam aparāparuppatti saṃkhātam *saṃsāram gacchanti* tato na muccanti. Kasmā taṇhāyoga-

* Vibh. 365.

† Vin. i, 21; S. i, 111.

‡ Pj. ii, 426.

¹ O pāpas°.

² O baddhā.

yuttattā? *Jāti Maraṇagāmīno* punappunam janana-maraṇas's'eva upagamanasilā-ti.

Ettāvatā vaṭṭam dassetvā idāni vivaṭṭam dassetuṃ *ye ca taṇham pahantvānā*-ti gāthamāha. Sā heṭṭhā vuttanayattā suviññeyyā va.

Navamasuttavaṇṇanā.

10. Dasamassa* kā uppatti? Ekadivasam kira Satthā sekkha-bahulāya parisāya parivutto nisinno tesam ajjhāsayaṃ oloketvā upari visesādhigamāya ussāham janetuṃ asekkha-bhūmiṃ thomento imam suttaṃ abhāsi.†

Tattha *atikkammā*-ti ādisu ayaṃ saṃkhep'attho. *Atikkamma* atikkamitvā abhibhavitvā *Māradheyyaṃ* Mārassa visayaṃ issariyaṭṭhānaṃ *ādicco* va. Yathā *ādicco* abbhādi-upakkilesa-vimutto attano iddhiyā ānubhāvena tejasā-ti *tīhi* guṇehi *saṃannāgato* nabham abbhussakkamāno, sabbam ākāśagataṃ tamaṃ *atikkamma* atikkamitvā abhibhavitvā vidhametvā *virocāti* okāsehi tapati, evameva khīṇāsavo *bhikkhu* *tīhi dhammehi saṃannāgato* sabbupakkilesa-vimutto *Māradheyya* saṃkhātāṃ tebhūmika-dhammappavattim¹ abhibhavitvā *virocāti*-ti.

Asekkhenā-ti ettha sikkhāsu jātā-ti sekkhā. Sattannaṃ sekkhānaṃ ete-ti vā sekkhā. Apariyosita-sikkhā² sayameva sikkhantī-ti vā sekkhā. Magga-dhammā heṭṭhimaphalattaya-dhammā ca. Aggaphala dhammā ca pana upari sikkhitab-bābhāvena na sekkhā-ti asekkhā. Yattha hi sekkhabhāvā-saṅkā atthi, tatthāyaṃ paṭisedho-ti. Lōkiya-dhammesu nibbāne ca asekkha-bhāvānāpatti daṭṭhabbā. *Sīla-samādhi-paññā*-saṃkhātā hi sikkhā, attano paṭipakkha-kilesehi vimuttā,³ parisuddhā, upakkilesānaṃ ārammaṇabhāvaṃ pi anūpagamanato sātisaṃ sikkhā-ti vattuṃ yuttā aṭṭhasu pi maggaphalesu vijjanti. Tasmā catumagga-heṭṭhimaphalattaya-dhammā viya arahattaphala-dhammā pi tāsu sikkhāsu jānāti ca taṃ-sikkhā-samaṅgino arahato itaresaṃ viya sek-

* Cf. A. i, 162; iii, 271; v, 16, etc.

† Cf. A. v, 326.

¹ O hetumakadh° vattam.

² C °sikkhattā.

³ O vippeyuttā.

khatte sati sekkhassa ete-ti ca sikkhā sīlaṃ etesaṃ-ti ca sekkhā-ti āsaṅkā siyunt-ti tadāsaṅkā nivattanattham asekkhā-ti yathāvuttam sekkhabhāva-pañisedham katvā vuttam. Arahatta-phalehi pavattamānā sikkhā pariniṭṭhita-sikkhā-kiccattā na sikkhā-kiccaṃ karonti kevalam sikkhā-phalabhāvena pavattanti. Tasmā tā na sikkhā-vacanaṃ arahanti nāpi taṃ samaṅgino sekkha-vacanaṃ. Na ca taṃ-sampayuttā dhammā sikkhanasīlā-ti. Sikkhāsu jātā-ti evamādi-aṭṭhehi agga-phala-dhammā sekkhā na honti. Heṭṭhima-phalesu pana sekkhā sakudāgāmi-magge vipassanādīnaṃ upanissaya-bhāvato sikkhā-kiccaṃ karonti-ti, sikkhā-vacanaṃ arahanti, taṃ-samaṅgino ca sekkha-vacanaṃ, taṃ-sampayuttā dhammā ca sikkhana-sīlā. Sekkha-dhammā yathāvuttehi aṭṭhehi sekkhā honti yeva. Athavā, sekkhā-ti apariyosita-sikkhānaṃ vacanaṃ-ti.

Asekkhā-ti padam pariyoṣita-sikkhānaṃ dassanaṃ-ti. Na lokiya-dhamma-nibbānaṃ asekkhabhāvāpatti. Vuḍḍhippattānaṃ asekkhatā āpajjati-ti arahatta-magga-dhammā vuḍḍhippattā yathāvuttehi ca aṭṭhehi sekkhā-ti katvā asekkhā āpannā-ti ce. Taṃ na, sudisesu tabbohārato. Arahatta-maggato hi ninnānākaraṇaṃ arahatta-phalaṃ ṭhapetvā pariññādi-kicca-karaṇaṃ vipākabhāvañca. Tasmā te eva sekkhā dhammā arahatta-phala-bhavaṃ āpannā-ti sekkhā vuttam kusala-sukhato ca vipāka-sukhaṃ santataratāya panitataran-ti vuḍḍhippattā ca te dhammā honti-ti *asekkhā*-ti vuccanti.

Te pana asekkha-dhamme khandhavasena idha tidhā vibhajivā tehi samannāgamaṇa khīṇāsavassa ānubhāvaṃ vibhāvento Bhagavā asekkhena *sīlakkhandhenā*-ti ādimāha. Tattha *sīla*-saddassa attho heṭṭhā vutto.

Khandhu-saddo rāsimhi paññattiyam rūlhiyam guṇe-ti bahusu atthesu diṭṭhappayogo. Tathāha,—“Asaṃkheyyo appameyyo mahā-udakakkhandhotveva saṃkhyam gacchati”-ti* ādisu rāsimhi āgato. “Addasā kho Bhagavā mahaṇṭam dārukkhandham Gaṅgāya nadiyā sotena vuyhamānaṃ”-ti† ādisu paññattiyam. “Cittam mano mānaṣam hadayaṃ

paṇḍaram mano manāyatanaṃ . . . viññāṇaṃ viññāṇa-kkhandho"-ti* ādisu rūlhiyaṃ. "Na kho āvuso Visākha ariyena aṭṭhaṅgikena maggena tayo khandhā saṅgahitā, tīhi ca kho āvuso Visākha khandhehi ariyo aṭṭhaṅgiko maggo saṅgahito"-ti† ādisu guṇe. Idhāpi guṇe yeva datṭhabbo Tasmā *asekkhena* silasaṃkhātena guṇenā-ti attho.

Samannūgato-ti samāyutto samaṅgībhūto.

Samādahati etena, sayam vā samādahati, samādhānameva vā-ti *samādhi*.

Pakārehi jānāti, yathā-sabhāvaṃ paṭivijjhatī-ti *paññā*.

Silameva khandho *silakkhandho*. Seseu pi es'eva nayo.

Tattha aggaphalabhūtā sammāvācā sammākammanto sammā-ājīvo ca sabhāven'eva *asekkho silakkhandho* nāma.

Tathā sammā-samādhi *asekkho samādhikkhandho*. Tadupakārakato pana sammāvāyāma sammāsaṭṭhiyo *samādhikkhandhe* saṅgahaṃ gacchanti.

Tathā sammādiṭṭhi *asekkho paññākkhandho*. Tadupakārakato sammāsaṅkappo paññākkhandhe saṅgahaṃ gacchantī-ti. Evam ettha aṭṭha pi arahatta-phalaḍḍhamā tīhi khandhehi saṅgahetvā dassitā-ti veditabbam.¹

[Gāthāsu:—] *Yassa ete subhāvitā*-ti, yena arahatā ete silādayo asekkha-dhammakkhandhā subhāvitā, suṭṭhu vaddhitā, so ādicco viya² *virocātī*-ti sambandho. Yassa c'ete-ti pi paṭhanti. Tesam ca-suddo nipātamattaṃ.

Evam etasmim vagge paṭhamasutte vaṭṭam, pariyosānasutte vivaṭṭam, itaresu vaṭṭavivaṭṭam kathitaṃ.

Dasamasuttavaṇṇanā.

Paṭhamavaggavaṇṇanā niṭṭhitā.

II, 1. Dutiyassa paṭhame.‡

Puññakiriyāvatthūnī-ti pūjabbhava-phalaṃ³ nibbattenti attano santānaṃ punantī-ti vā puññānī⁴ ca tāni hetupaccayehi kattabbato kiriyā cā-ti puñña-kiriyā, tā eva ca tesam tesam ānisaṃsānaṃ vatthu-bhāvato *puñña-kiriyāvatthūnī*.

* Vibh. 144; Dhs. 10. † M. i, 301. ‡ Cf. A. iv, 241; D. iii, 218, etc.

¹ C °bbā.

² C va.

³ C pūjabbhāvaph°.

⁴ C repeats this word after a comma.

Dānamayan-ti anupacchinnabhavamūlassa anuggahava-sena pūjāvasena vā attano deyyadhammassa paresaṃ pariccāga-cetanā niyyati¹ etāyā-ti *dānaṃ*. Dānameva dānamayaṃ. Cīvarādisu hi catusu paccayesu annādisu vā dasasu dāna-vatthusu rūpādisu vā chasu ārammaṇesu taṃ taṃ dentassa tesam uppādanato paṭṭhāya pubba-bhāge pariccāga-kāle pacchā somanassa-cittena anussaraṇe cā-ti tisu kālesu vutta-nayen'eva pavatta-cetanā *dānamayaṃ puññakiriyā-vatthu* nāma.

Sīlamayan-ti nicca-sīla-uposatha-niyamādivasena pañca aṭṭha dasa vā sīlāni samādiyantassa sīla-pūraṇ'atthaṃ pabbajissāmi-ti vihāraṃ gacchantassa pabbajantassa manorathaṃ matthakaṃ pāpetvā pabbajito vata'mhi sādhu suṭṭhū-ti āvajjantassa sandhāya² pātimokkhaṃ paripūrentassa paññāya cīvarālike paccavekkhantassa satiyā āpathagatesu rūpādisu cakkhu-dvārādiṇi saṃvarantassa vā viriyena ājīvaṃ soḍhantassa ca pavattā cetanā sīlati-ti *sīlamayaṃ puññakiriyāvatthu* nāma. Tathā Paṭisambhidāyaṃ vuttena vipassanā-maggena—"Cakkhuṃ aniccato . . . dukkhato . . . anattato vipassantassa; sotam . . . ghānaṃ . . . kāyaṃ . . . jivhaṃ . . . manaṃ; rūpe . . . pe . . . dhamme, cakkhu-viññānaṃ . . . mano-viññānaṃ, cakkhu-samphassaṃ . . . mano-samphassaṃ, cakkhu-samphassajaṃ vedanaṃ . . . mano-samphassaṃ vedanaṃ, rūpa-saññaṃ . . . dhamma-saññaṃ, jarāmarapaṃ aniccato . . . dukkhato . . . anattato vipassantassa yā cetanā, yā ca paṭhavīkasinādisu aṭṭhatimsāya ārammaṇesu pavattā ñāṇa-cetanā, yā ca anavajjesu kammāyatana-sippāyatana-vijjuttāhānesu pariccaya-manasikārādivasena pavattā cetanā, sabbā bhāveti etāyā"-ti* *bhāvanā mayaṃ vuttanayena puñña-kiriyā-vatthu*³ cā-ti.

Ekamekañc'ettha yathārahaṃ pubbabhāgato paṭṭhāya kāyena karontassa kāya-kammaṃ hoti. Tadatthaṃ vācaṃ nicchārentassa vaci-kammaṃ. Kāyaṅgaṃ vācaṅgañca acopetvā manasā cintentassa manokammaṃ. Annādiṇi

* Pts. i, 76-7, 135 ff., etc.

¹ C diyyati.

² C saddhāya.

³ C "kiriya", also before and after.

dentassa vā¹ pi annadānādīni demī-ti vā dāna—pāramiṃ āvajjetvā vā dānakāle dānamayaṃ puññakiriya-vatthu hoti. Vattasīse tthatvā dadato sīlamayaṃ. Khayato vayato kammato sammasanam paṭṭhapetvā dadato bhāvanāmayam puññakiriya-vatthu hoti. Aparāni pi satta² puññakiriya-vatthūni apaciti-sahagataṃ puññakiriya-vatthu, veyyāvaccasahagataṃ,³ patti-anuppadānam, abbhanumodanam, desanāmayam, savanamayaṃ, diṭṭhujugataṃ puññakiriya-vatthun-ti. Saraṇa-gamanam pi hi diṭṭhujugaten'eva saṅgayhati. Yam pan'ettha vattabbam taṃ parato āvībhavissati.

Tattha vuḍḍhataram disvā paccuggamana—pattacīvara-paṭiggaḥaṇa—abhivādana—maggasampadānādivasena apacāyana-sahagataṃ veditabbam. Vuḍḍhatarānam vatta-paṭipatti-karaṇavasena yāmaṃ piṇḍāya pavitṭham bhikkhum disvā pattam gahetvā gāme pi bhikkhum sampādetvā⁴ upasamharaṇavasena, gacchaṃ⁵ bhikkhūnam pattam āharā-ti sutvā vegena gantvā pattāharanādivasena ca veyyāvaccasahagataṃ veditabbam. Cattāro paccaye datvā puppha-gandhādīhi Ratanattayassa pūjam katvā aññaṃ vā tādīsam puññaṃ katvā sabba-sattānam patti hotū-ti pariṇāmasena patti-anuppadānam veditabbam. Tathā parehi dinnāya pattiya kevalam vā parehi kataṃ puññaṃ sālhu sutṭhū-ti anumodanavasena abbhanumodanam veditabbam. Attano paṇa-dhammaṃ apaccāsimsanto hit'ajjhāsayena paresam deseti-ti idaṃ desanāmayam puññakiriya-vatthu nāma. 'Yam pana eko evaṃ maṃ dhamma-kathiko-ti jānissanti'-ti icchāya tthatvā lābha-sakkāra-siloka-sannissito dhammaṃ deseti, taṃ na mahapphalaṃ hoti. Andhā⁶ ayaṃ attahita-parahitānam paṭipajjan'upāye-ti⁷ yonisomanasikāra-purecārika-hitapharaṇena muducittena dhammaṃ suṇāti, idaṃ savanamayaṃ puññakiriya-vatthu hoti. 'Yam pan'eko iti maṃ saddho-ti jānissanti'-ti suṇāti, taṃ na mahapphalaṃ hoti. Diṭṭhiya ujugamanam diṭṭhujugataṃ. Atthi dinnan-ti ādinayappavattassa sammāḍassanassa etaṃ adhivacanam. Idaṃ hi

¹ C cā.

² C has puññakiriya^o after this.

³ C samādapetvā.

⁴ C addhā.

⁵ C sattam.

⁶ C gaccha.

⁷ C 'upāyo-ti.

Apare panāhu vijānana-pajānanānaṃ vasena dassanaṃ diṭṭhi kusalañca viññānaṃ kammassa-kata-ñāpādi ca sammā-dassanaṃ. Tattha kusalena viññānena ñāpassa anuppāde pi attanā kata-puññānussaraṇa-vaṇṇāraha-vaṇṇādināṃ saṅgaho. Kammassa-kata-ñāpena kammapatha-sammā-diṭṭhiyā. Itaraṃ pana diṭṭhujugataṃ sabbesaṃ niyama-lakkhaṇaṃ. Yaṃ hi kiñci puññaṃ karontassa diṭṭhiyā uju-bhāven'eva taṃ mahapphalaṃ hoti. Imesaṃ pana sattanaṃ puññakiriyāvattthūnaṃ purimehi tīhi dānamayādīhi puññakiriyāvattthūhi saṅgaho. Tattha hi apacāyana-veyyāvaccāni sīlamaye. Patti-anuppadāna-abbhanumodanāni dānamaye. Dhamma-desanā-savanāni bhāvanāmaye. Diṭṭhujugataṃ tīsu pi. Tenāha Bhagavā—*Tiṇīmāni bhikkhave puññakiriyāvattthūni. Katamāni tīni? Dānamayaṃ po-bhāvanāmayaṃ puññakiriyāvattthun-ti.*

**Ettha ca at̐ṭhannaṃ kāmāvacara-kusala-cetanānaṃ vasena
tippaṃ pi puññakiriya-vatthūnaṃ pavatti pi hoti. Yathā hi
paṇaṇaṃ dhammaṃ parivajjenta^{sā} ekacce anusandhiṃ
asallakkhaṇta^{sā} eva^{sā} gacchanti, evaṃ paṇaṇaṃ samatha-
vipassanābhāvaṇaṃ anuyujjanta^{sā} antarantārā ñāṇavip-
pyutta-oittenāpi manasikāro pavattati. Sabbaṃ taṃ pana
mahaggata-kusala-cetanānaṃ vasena bhāvaṇāmayam eva,
puññakiriya-vatthu hoti, na itarāni.**

Gāthāya attho heṭṭhā vutto yeva.*

Paṭhamasuttavaggaṇā.

2. Dutiyet:—

**Cakkhūni-ti cakkhanti-ti cakkhūni. Samam visamam
ācikkhantāni viya pavattanti-ti attho. Athavā, cakkh'aṭṭhena³ cakkhūni. Kimidaṃ cakkhanam nāma? Assāda-
nam. Tathā hi vadanti—'madhuram cakkhati byañjanam
cakkhati'-ti. Imāni ca ārammaṇa-rāsaṃ anubhavantāni**

* *Vide notes on the same Gāthās occurring in Sūtras 1, 3, 2.*

† Cf. D. iii, 219.

1 C parivattentassa.

* C "lakkhent".

*** Cakkhanatth°.**

assādentāni viya honti-ti cakkhan'aṭṭhena cakkhūni. Tāni pana saṅkhepato dve cakkhūni:—ñāṇa-cakkhu, maṃsa-cakkhu vā-ti. Tāsu *maṃsa-cakkhu* heṭṭhā vuttameva. Ñāṇa-cakkhu, *dibba-cakkhu paññā-cakkhū*-ti idha dvidhā katvā vuttaṃ.

Tattha *dibba-cakkhū*-ti dibba-sadisattā dibbaṃ. Devatānaṃ hi sucarita-kamma-nibbattaṃ pitta-semha-ruhirādīhi apalibuddhaṃ upakkilesa-vimuttatāya dūrepi ārammaṇa-ggahana-samatthaṃ *dibba-pasāda-cakkhu* hoti. Idaṃ cāpi viriyabhāvanābala-nibbattaṃ ñāṇa-cakkhu tādīsam evā-ti dibba-sadisattā *dibbaṃ*. Dibbavihāravasena paṭiladdhattā attano ca dibbavihāra-sannissitattā, āloka-pariggahena mahājutikattā, tirokuḍḍādi-gatarūpa-dassanena mahā-gatikattā pi *dibbaṃ*. Taṃ sabbam sadisatānusārena¹ vedita-bbaṃ. Dassan'aṭṭhena cakkhu-kicca-karaṇena cakkhumivā-ti pi *cakkhu*. Dibbañca taṃ cakkhu cā-ti *dibba-cakkhu*.

Pajānāti-ti *paññā* kiṃ pajānāti? 'Cattāri arīyasaccāni idaṃ dukkhan'-ti ādinā. Vuttañh'etaṃ—"Pajānāti kho āvuso tasmā *paññā* "-ti* vuccati. Kiñca pajānāti? 'Idaṃ dukkhan'-ti ādi. Aṭṭhakathāyaṃ pana *paññāpanavasena paññā*, kin ti *paññāpeti*? Aniccan-ti *paññāpeti*, dukkhan-ti *paññāpeti*, anattā-ti *paññāpeti*-ti vuttaṃ. Sā pañāyaṃ lakkhanādito yathāsabhāva-paṭivedha-lakkhanā, akkhalita-paṭivedha-lakkhanā vā, kusaliśāsakhitta-usu-paṭivedho viya, visayabhāsanarasā² padīpo viya, asammoha-paccupaṭṭhānā araññagatasudesiko³ viya. Visesato pan'ettha āsavakkhaya-ñāpasamkhātā *paññā*, catu-sacca-dassan'aṭṭhena *paññā-cakkhū*-ti adhippetā. Yaṃ sandhāya vuttaṃ—"cakkhum upapādi, ñāṇaṃ upapādi, *paññā* upapādi, vijjā upapādi, āloko upapādi"-ti.†

Ētesu ca maṃsa-cakkhu parittaṃ, dibba-cakkhu mahagataṃ, itaraṃ appamāṇaṃ. Maṃsa-cakkhu rūpaṃ, itarāni arūpāni. Maṃsa-cakkhu dibba-cakkhu ca lokiyāni sāsavāni rūpa-visayāni. Itaraṃ lokuttaraṃ anāsavaṃ catu-sacca-visayaṃ. Maṃsa-cakkhu abyākataṃ, dibba-cakkhu siyā

* Cf. Visu. 436.

† Vin. i, 11; Pṭa. ii, 148.

¹ U saddasatthānusāḥ°.² U visayobhā°.³ U °sako.

kusalam, siyā abyākatam. Tathā paññā-cakkhu. Maṃsa-cakkhu kāmāvacaram, dibba-cakkhu rūpāvacaram, itaram lokuttaran-ti evamūli¹ vibhāgā veditabbā.

Gāthāsu:—

Anuttaran-ti paññā-cakkhum sandhāya vuttam. Tam hi āsavakkhaya-ñāṇabhāvato *anuttaram*.

Akkhāsi purisuttamo-ti purisānam uttamo aggo sammā-sambuddho desesi.

Uppādo-ti maṃsa-cakkhussa pavatti.

Maggo-ti upāyo dibba-cakkhussa kāraṇam.

Pakati-cakkhumato eva hi dibba-cakkhu uppajjati, yasmā kasiṇālokaṃ vadḍhetvā dibba-cakkhu-ñāṇassa uppādanam. So ca kasiṇa-maṇḍale uggaha-nimittena viṇā n'atthi-ti.

Yato-ti yadā.

Ñāṇan-ti āsavakkhaya-ñāṇam. Ten'evāha *paññā-cakkhu anuttaram*.

*Tassa*² *cakkhussa paṭilābhū*-ti tassa ariyassa paññā-cakkhussa uppattiyā bhāvanāya sabbasmā vaṭṭadukkhato *pa-muccati* parimuccati-ti.

Dutiyaṣuttavaṇṇanā.

3. Tatiye*:—

Indriyāni-ti adhipateyy'aṭṭhena *indriyāni*. Yāni hi saha-jāta-dhammesu issarā viya katvā tehi anuvattitabbāni, tāni *indriyāni* nāma. Apica indo Bhagavā dhamm'issaro paramena ca cittissariyena samannāgato, tena indena sabba-paṭhamam diṭṭhattā adhigatattā, paresam ca diṭṭhattā desitattā gocara-bhāvanā-sevanāhi diṭṭhattā ca *indriyāni*. Indam vā maggādhi-gamanassa upanissaya-bhūtam puñña-kammaṃ, tassa liṅgāni-ti pi *indriyāni*.

*Anaññātāññassāmūlindriya*³-ti anamatagge saṃsāre anaññātaṃ anadhigataṃ amatapadaṃ catu-sacca-dhammameva

* Cf. D. iii, 219; S. v, 204.

¹ C °ādina°.

² For yassa of the Text, both here and below, which has been noted as an alternative reading in S and C.

³ S anaññat°. Cf. Vibh. 124.

vā jānissāmi¹-ti paṭipannassa iminā pubba-bhāgena uppannaṃ indriyaṃ. Sotāpattimagga paññāy'etaṃ adbhivacanāṃ.

Aññindriyan-ti¹ ājānana-indriyaṃ. Tatrāyaṃ vacan'attho: Ājānā-ti paṭhama-magga-ñāṇena diṭṭhamariyādaṃ anatikkamitvā va jānāti-ti *aññā*. Yath'eva hi paṭhama-magga-paññā dukkhādisu pariññābhisaṃmayādivasena pavattati, tath'eva ayaṃ pi pavattati-ti. Aññā ca sā yathāvutten'atṭhena indriyaṃ cā-ti *aññindriyaṃ*. Ājānana'atṭhen'eva aññassa vā ariya-puggalassa indriyan-ti *aññindriyaṃ*. Sotāpatti-phalato paṭṭhāya chasu ṭhānesu ñāṇass'etaṃ adbhivacanāṃ.

Aññālāvindriyan-ti¹ aññātāvino catusu saccesu niṭṭhita-ñāṇa-kiccassa khīṇāsavassa uppajjanto indriyaṭṭha-sambhāvato ca *aññālāvindriyaṃ*. Ettha ca paṭhama-pacchimāni paṭhama-magga-catuttha-phalavasena ekaṭṭhānikāni, itaraṃ itara-magga-phalavasena chaṭṭhānikan-ti veditaḥḥaṃ.

Gāthāsu:—

Sikkhamānassa-ti adhisīla-sikkhādayo sikkhamānassa bhāventassa.

Ujummaggānusārino-ti uju-maggo vuccati ariya-maggo, antadvaya—vajjitattā tassa anussaraṇato *uju-maggānusārino*. Paṭipāṭiyā magge uppālentassā-ti attho.

Khayasmin-ti anavaśesaṇaṃ kilesānaṃ khepanato khaya-saṃkhāte aggamaṃ *ñāṇaṃ paṭhamam* pure yeva uppajjati.

Tato aññā anantarā-ti tato magga-ñāṇato anantarā arahattaṃ uppajjati.

Athavā,

Ujummaggānusārino-ti līnuddhacca-paṭiṭṭhānā-yuhanādike vajjetvā samatha-vipassanaṃ yuganaddham katvā bhāvanāvasena pavattaṃ pubba-bhāga-maggaṃ anussarantassa anugacchantassa paṭipajjantassa gotrabhūñāṇanantaraṃ diṭṭhekaṭṭhānaṃ kilesānaṃ khepanato *khayasmin* sotāpattimagge *paṭhama-ñāṇam* *anaññālāññassāmīlindriyaṃ*² uppajjati.

Tato aññā anantarā-ti tato paṭhama-ñāṇato anantarā anantarato paṭṭhāya yāva aggamaṃ *aññā aññindriyaṃ* uppajjati.

¹ Cf. Vibh. 124.

² S *annaññat*°.

Tato aññā vimuttassā-ti tato aññā aññindriyato pacchā arahatta-magga-ñāpānantarā arahattaphalena paññā-vimuttiyā aññātāvindriyena vimuttassa.

Ñāṇaṃ ve hoti tādino-ti arahatta-phalappattito uttarim¹ kāle iṭṭhāniṭṭhādisu tādi-lakkhaṇappattassa khināsavassa paccavekkhaṇa - ñāṇaṃ uppajjati. Kathaṃ uppajjati-ti? *Āha akuppā me vimutti*-ti. Tassa akuppabhāvassa kāraṇaṃ dasseti *bhavaśaṃyojanakkhayā*-ti.

Idāni tādisaṃ khināsavaṃ thomento *sa ve indriya sampanno*-ti tatiyaṃ gāthamāha. Tattha *indriya-sampanno*-ti yathā vuttehi tīhi lokuttar'indriyehi samannāgato.² Suddhehi pi vā paṭipassaddhi saddhehi pi vā saddhādīhi indriyehi samannāgato paripuppho, tato eva cakkhavadīhi suṭṭhu rūpasantehi³ nibbisevanehi indriyehi samannāgato. Tenāha *santo*-ti. Sabba-kilesa-parilāha-vūpasamena upasanto-ti attho.

Santipade rato-ti nibbāne abhirato adhimutto.

Ettha ca *indriya sampanno*-ti etena bhāvita-maggatā pariññātakkhandaṭṭā c'assa dassitā.

Santo-ti etena pahīna-kilesatā.

Santipade rato-ti etena pana sacchikata-nirodhatā. Sesam vuttanayameva.

Tatīyasuttavaṇṇanā.

4. Catutthe*—

Addhā-ti kālā.

Aṭito addhā-ti ādisu dve pariyāyā: suttanta-pariyāyo abhidhamma-pariyāyo ca.

Tattha suttanta-pariyāyena paṭisandhito pubbe *aṭito addhā* nāma.

Cutito pacchā *anāgato addhā* nāma.

Saha cuti-paṭisandhīhi tadantaraṃ⁴ *paccuppanno addhā* nāma.

Abhidhamma-pariyāyena uppādo'thiti bhaṅgo-ti ime tayo khaṇe patvā niruddha-dhammā *aṭito addhā* nāma. Tayo pi

* Cf. D. iii, 216.

¹ C uttara.

² C vupa°.

³ C sampanno.

⁴ C tadanant°.

khane asampattā *anāgato addhā* nāma. Khaṇattaya-samañ-
gino *paccuppanno addhā* nāma.

Aparo nayo. Ayaṃ hi atitādi-vibhāgo *addhā*¹-santati-
samaya—khaṇavasena catudhā veditabbo. Tesu *addhā*-
vibhāgo vutto. Santativasena sabhāga²-eka-utu-samuṭ-
ṭhānā ekāhāra-samuṭṭhānā ca pubbāpariyavasena vatta-
mānā pi paccuppannā, tato pubbe visabhāga-utu-āhāra-
samuṭṭhānā atitā, pacchā anāgatā. Cittajā ekavīthi-ekaja-
vana-ekasamāpatti-samuṭṭhānā paccuppannā, tato pubbe
atitā, pacchā anāgatā. Kamma-samuṭṭhānānaṃ pāṭiyekkaṃ
santati-vasena atitādi-bhedo n'atthi. Tesam yeva pana utu-
āhāra—citta—samuṭṭhānānaṃ upatthambhakavasena³ tassa
atitādi—bhāvo veditabbo. Samayavasena eka—muhutta-
pubbaṇṇa-sāyaṇṇa-rattindivādisu samayesu santānavasena
vattamānā⁴ taṃ taṃ samaye paccuppannā nāma. Tato
pubbe atitā, pacchā anāgatā. Ayaṃ tāva rūpa-dhammesu
nayo. Rūpa⁵—dhammesu pana khaṇavasena uppādādi
khaṇattaya—pariyāpannā paccuppannā. Tato pubbe anā-
gatā,⁶ pacchā atitā.⁷ Api ca atikkanta-hetupaccaya-kiccā
atitā. Niṭṭhita-hetukiccā anīṭṭhita-paccaya-kiccā paccup-
pannā. Ubhaya—kiccamasampattā anāgatā. Attano vā
kicca-khane paccuppannā, tato pubbe anāgatā, pacchā atitā.
Ettha ca khaṇādi-kathā va nippariyāyā, sesā pariyāyā.
Ayaṃ hi atitādi-bhedo nāma dhammānaṃ hoti, na kālassa.
Atitādi-bhede pana dhamme upādāya paramatthato avijja-
māno pi kālo idha ten'eva vohāreṇa *atito*-ti ādinā vutto-ti
veditabbo.*

[Gāthāsu:—] *Akkheyyasaññino*-ti ettha akkhāyati kathiyati
paññāpiyati-ti *akkheyyaṃ*, kathāvatthu. Atthato rūpādayo
pañcakkhandhā. Vuttaññ'etaṃ—“Atitaṃ vā addhānaṃ
ārabbha kathaṃ katheyya anāgataṃ vā paccuppannaṃ vā
addhānaṃ ārabba katheyyā”-ti † Tathā—“Yaṃ, bhik-

* Cf. UdA. 362.

† Cf. A. i, 264 ff.; M. i, 8, etc.

¹ C *addha*, also below.

² B *uppattiva*°.

³ C *arūpa*.

⁷ C *anāgatā*, also below.

² C *sabhāgā*.

⁴ C *pavatta*°.

⁶ C *atitā*, also below.

khavē, rūpaṃ atītaṃ niruddhaṃ viparipataṃ ahoṣī-ti, tassa saṃkhā ahoṣī-ti, tassa samaññā ahoṣī-ti, tassa paññatti. Na tassa saṃkhā bhavissatī-ti, na tassa saṃkhā atthī"-ti* evaṃ vuttēna Niruttipatha-suttēna pi ettha attho dīpetabbo.† Evaṃ kathāvatthubhāvēna akkheyya-saṃkhāte khandha-paṇcake ahaṇ-ti ca mamaṇ-ti ca devo-ti ca manusso-ti ca itthī-ti ca puriso-ti cādinā pavatta-saññā-vasēna akkheyya-saññino. Pañcasu upādānakkhandhesu satta – puggalādisaññino-ti attho.

Akkheyyasmim tanhādi-paṭiggāhavasēna¹ *patiṭṭhitā*, rāgādivasēna vā aṭṭhahākārehi *patiṭṭhitā*. Ratto hi rāga-vasēna patiṭṭhito hoti, duṭṭho dosa-vasēna, mūlho moha-vasēna, parāmatṭho diṭṭhi-vasēna, thāmagato anusaya-vasēna, vinibbandho māna-vasēna, anīṭṭhāgato vicikicchā-vasēna, vikkhepagato uddhacca-vasēna patiṭṭhito hotī-ti.

Akkheyyaṃ *aparīññāyā*-ti taṃ akkheyyaṃ tebhūmike dhamme tīhi pariññāhi aparijānitvā tassa aparijānana-hetu.

Yogaṃ *āyān-ti* *maccuno*-ti maraṇassa yogaṃ tena saṃyogaṃ upagacchanti. Na vi-saṃyogaṇ-ti attho. Athavā, yogaṇ-ti upāyaṃ. Tena yojitaṃ pasāritaṃ mārasenatṭhānīyaṃ anattahajālaṃ kilesa-jālañca upagacchanti-ti vuttaṃ hoti. Ta-thāhi vuttaṃ—

“Na hi no saṅgarantēna mahāsenēna maccunā”-ti.‡

Ettāvata vattaṃ dassetvā, idāni vivattaṃ dassetum, *akkheyyaṃ* *ca* *parīññāyā*-ti ādi vuttaṃ.

Tattha *ca*-saddo byatireke. Tena akkheyya-parijānanēna laddhabbaṃ vakkhamānameva viśeṣaṃ joteti.

Parīññāyā-ti vipassanā-sahitāya magga-paññāya dukkhaṇ-ti paricchijja jānitvā tappatibandha-kilesappahānēna vā taṃ samatikkamitvā tissannaṃ pi pariññānaṃ kiccaṃ matthakaṃ pāpetvā.

Akkhātāraṃ *na* *maññati*-ti sabbaso maññānānaṃ pahinattā khīṇāsavo akkhātāraṃ na maññati kārakādi-sabhāvaṃ kiñci attānaṃ na pacceti-ti attho.

* S. iii, 71.

† Vide S. iii, 71-3.

‡ (?)

¹ C tanhādīṭṭhiggāhava*.

Phuṭṭho vimokkho manasā santipadamanuttaran-ti yasmā sabba-sañkhata-vimuttattā vimokkho-ti sabba-kilesa-santāpa-vūpasamanatṭhānatāya santipadan-ti laddha-nāmo nibbāna-dhammo phuṭṭho phusito patto, tasmā akkhātāraṃ na mañ-ñatī-ti.

Athavā, *pariññāyā-ti* padena dukkhasaccassa pariññā-bhisamayam samudayasaccassa pahānābhisamayañ ca vatvā, idāni *phuṭṭho vimokkho manasā santipadamanuttaran-ti* iminā magganirodhānaṃ bhāvanā-sacchikiriyābhisamayam vadati. Tass'attho samuccheda-vasena sabba-kilesehi vimuccatī-ti vimokkho ariyamaggo, so pan'assa magga-cittena phuṭṭho phusito bhāvito, ten'eva anuttaraṃ santipadam nibbānaṃ phuṭṭhaṃ phusitaṃ sacchikatan-ti.*

Akkheyyasampanno-ti akkheyya-nimittam vividhāhi vi-pattīhi upaddūte loka pahīnavipallāsātāya tato superimutto akkheyya-pariññāhi nibbattāhi sampattīhi sampanno saman-nāgato.

Samkhāya sevī-ti paññā-vepullappattiyā cīvarādi-paccaye samkhāya parituletvā va sevana-sīlo. Samkhāta-dham-mattā ca¹ āpāthagatam sabbam pi visayam chaḷaṅgupekkhā vasena samkhāya sevana-sīlo.

Dhammaṭṭho-ti asekkha-dhammesu nibbānadhamme eva vā ṭhito.

Vedagū-ti veditabbassa catusaccassa pāraṃ gatattā *vedagū*. Evaṃ-guṇo arahā bhavādisu katthaci āyatim punabbhavā-bhāvato manussa-devā-ti samkhyam na upeti apaññattika-bhāvam eva gacchatī-ti.

Anupādāparinibbāpēna desanam niṭṭhāpesi.

Catuṭṭhasuttavaṇṇanā.

5. Pañcama:—†

Duṭṭhu caritāni duṭṭhāni vā caritāni *duccaritāni*. Kāyena duccaritam kāyato vā pavattam duccaritam *kāyaduccaritam*. Seseṣu pi es'eva nayo.

* For these two gāthās see S. i, 2, 18.

† Cf. A. i, 49, 52, 57, 102, etc.; M. i, 35, 279; S. v, 75; D. iii, 214.

Imāni ca duccaritāni paññattiyā vā kathetabbāni, kamma-pathēhi vā. Tattha paññattiyā tāva. Kāyadvāre paññatta-sikkhāpadassa vītakkamo *kāyaduccaritaṃ*, vacīdvāre paññatta-sikkhāpadassa vītikkamo *vacīduccaritaṃ*, ubhayattha-paññattassa vītikkamo *manoduccaritaṃ*-ti ayaṃ paññattikathā. Pānātipātādayo pana tisso cetanā kāyadvāre pi, vacīdvāre pi uppannā *kāyaduccaritaṃ*, tathā catasso musāvādādi-cetanā *vacīduccaritaṃ*, abhiijjhā byāpādo micchādittḥi-ti tayo cetanā-sampayutta-dhammā *manoduccaritaṃ*-ti ayaṃ kamma-patha-kathā.

Gāthāyam:—Kammapathappatto yeva pāpadhammo kāyaduccaritādi-bhāvena vutto-ti tadanñam pāpadhammaṃ saṅgūḥhituṃ *yañc'aññam dosasañhitaṃ*¹-ti vuttaṃ.

Tattha *dosasañhitaṃ*-ti rāgādi-kilesa-sahitaṃ. Sesam suviññeyyameva.

Pañcamasuttavaṇṇanā.

6. Chaṭṭhe:—*

Suṭṭhu caritāni, sundarāni vā caritāni *sucaritāni*. Kāyena sucaritaṃ, kāyanto vā pavattaṃ sucaritaṃ *kāyasucaritaṃ*. Sesesu pi es'eva nayo.

Idhāpi pana paññatti-vasena kammapatha-vasena cāti dvidhā kathā. Tattha kāya-dvāre paññatti²-sikkhāpadassa avītikkamo *kāyasucaritaṃ*, vacīdvāre paññatti-sikkhāpadassa avītikkamo *vacīsucaritaṃ*, ubhayattha paññattassa avītikkamo *manosucaritaṃ*-ti ayaṃ paññattikathā. Pānātipātādīhi pana viramantassa uppannā tisso cetanāpi viratiyopi *kāyasucaritaṃ*, musāvādādīhi viramantassa catasso cetanāpi viratiyopi *vacīsucaritaṃ*, unabhiijjhā abyāpādo sammā-dittḥi-ti tayo cetanā-sampayutta-dhammā *manosucaritaṃ*-ti ayaṃ kamma-patha-kathā. Sesam vuttanaya meva.

Chaṭṭhasuttavaṇṇanā.

* Cf. A. i, 49, 57, 102, etc.; D. iii, 215.

¹ For sañhitaṃ of the Text, vide text, p. 54, fn. 10; also below.

² C paññatta, here and below.

7. Sattame:—*

Soceyyānī-ti sucibhāvā.

Kāyasoceyyan-ti kāya-sucaritaṃ. *Vacī-manosoceyyānī* pi vacī-manosucaritaṇ'eva. Tathā hi vuttaṃ—"Tattha katamaṃ kāyasoceyyaṃ? Pāṇātipātā veramaṇī"-tiṭṭhādi.

Gāthāyaṃ:—Samuccheda-vasena pahīna-sabbakāya-duc-caritattā kāyena suci-ti *kāyasuci*. *Soceyya-sampannan*-ti paṭi-passaddha-kilesattā suparisuddhāya soceyya-sampattiyaṃ upetaṃ. Sesam vuttanayameva.

Sattamasuttavaṇṇanā.

8. Aṭṭhame:—†

Moneyyānī-ti ettha idhaloka-paralokaṃ attahita-parahitaṇca munāti-ti *muni*. Kalyāṇa-puthujjanena saddhiṃ satta sekkhā, arahā ca. Idha pana arahā va adhippeto. Munino bhāvā-ti *moneyyānī*. Arahato kāya-vacī-manosamācārā. Athavā, munibhāvakarā moneyya-paṭipada-dhammā *moneyyānī*.

Tesam ayaṃ vitthāro. "Tattha katamaṃ *kāyumoneyyaṃ*? Tividha-kāya-duc-caritassa pahānaṃ kāya-moneyyaṃ, tividhaṃ kāya-sucaritaṃ¹ kāya-moneyyaṃ, kāyārammaṇe ñāṇaṃ kāya-moneyyaṃ, kāya-pariññā kāya-moneyyaṃ, kāya-pariññā-sahagato maggo kāya-moneyyaṃ, kāyasmiṃ chanda-rāga-ppahānaṃ kāya-moneyyaṃ, kāya-saṅkharā-nirodhā catutthajjhāna-samāpatti kāya-moneyyaṃ.

Tattha katamaṃ *vacīmoneyyaṃ*? Catubbidha-vacī-duc-caritassa pahānaṃ vacī-moneyyaṃ, catubbidhaṃ vacī-sucaritaṃ, vācārammaṇe ñāṇaṃ, vācā-pariññā, vācā-pariññā-sahagato maggo, vācasmiṃ chanda-rāga-ppahānaṃ vacī-saṅkharā-nirodhā dutiyajjhāna-samāpatti vacī-moneyyaṃ.

Tattha katamaṃ *manomoneyyaṃ*? Tividha-mano-duc-caritassa pahānaṃ mano-moneyyaṃ, tevidhaṃ mano-sucaritaṃ, manārammaṇe ñāṇaṃ, mano-pariññā, mano-pariññā-sahagato maggo, manasmiṃ chanda-rāga-ppahānaṃ, citta-

* Cf. A. i, 271; D. iii, 219.

† Cf. A. i, 271; v, 267.

‡ Cf. A. i, 273; D. iii, 220.

¹ S duc-caritaṃ; also noted in Nidd. in the fn.

sañkhāra-nirodhā saññā-vedayita-nirodha-samāpatti mano-moneyan "-ti.*

[Gāthāsu:—] *Niddhota-pāpakan*¹-ti atṭhaṅgika²-magga-jālena³ suṭṭhu vikkhālita-pāpa-malaṃ.

Aṭṭhamasuttavaṇṇanā.

9. Navame:—†

Yassa kassaci-ti aniyāmita-vacanam. Tasmā yassa kassaci puggalassa gahaṭṭhassa vā pubbajitassa vā.

Rāgo appahīno-ti rañjan'atṭhena *rāgo*, samuecheda-vasena *appahīno*,¹ maggena anuppatti²-dhammatam na āpādito.

Dosa-mohesu pi es'eva nayo. Tattha apāya-gamanīyā rāga-dosa-mohā paṭhamamaggena, olārikā kāma-rāga-dosā duttiyamaggena, te yeva anavasesū tatiyamaggena, bhava-rāgo avasiṭṭha-moho ca catutthamaggena pahiyanti. Evametesu pahiyantesu tadek'atṭhato sabbe pi kilesā pahiyant'eva. Evamete rāgūdayo yassa kassaci bhikkhussa vā bhikkhuniyā vā upāsukassa vā upāsikāya vā maggena appahīnā.

Bandho Mārassā-ti kilesa-Mārena *bandho*-ti vuccati. Ya-daggena ca kilesa-Mārena bandho, tadaggena abhisañkhāra-Mārūḍhi pi bandho yeva hoti.

Paṭimukkassa Mārāpāso-ti paṭimukko assa anena appahīna-kilesena puggalena, tāya eva appahīna-kilesatāya Māra-pāsa-saṃkhāto kilesa attano citta-santāne paṭimukko pavesito, tena sayam bandhāpito-ti attho. Athavā, paṭimukko assa bhaveyya Mārāpāso. Sukkapakkhe:

Omukkassā-ti avamukko mocito appaṇihito⁴ assa. Sesam vutta-vipariyāyena veditaḥham.

[Gāthāsu:—] Idha gāthā Sukkapakkha-vasen'eva āgatā. Tatrāyam saṃkhep'attho. *Yassa ariya*—puggalassa *rāga-dosāvirijjā virājitā* aggamaggena nirodhitā, tam bhāvitakāyaṃ sila-citta-paṇṇatāya *bhāvitantesu* arahantesu *aññataram* abbhantaram ekaṃ *brahmabhūtam* brahmaṃ vā seṭṭhaṃ ara-

* Nidd. ii, 335.

† Cf. A. v, 32; M. i, 141.

¹ For nipphāta of the Text. See text, p. 56, fn. 5.

² C Atthaṅga.

³ C phalena.

⁴ C na pahīno.

⁵ C anuppāda.

⁶ C apanīto.

hatta-phalam pattam yathā aññe khīṇāsavā pubb'ūpanissaya-sampatti-samannāgatā hutvā āgatā. yathā ca te anta-dvaya-rahitāya sīla-samādhi-paññā-kkhandhasaṅgahāya¹ majjhimāya paṭipadāya nibbānaṃ gatā adhigatā. yathā vā te khandhādīnaṃ tathā lakkhaṇaṃ yāthāvato paṭivijjhiṃsu. yathā ca te tathā dhamme dukkhādayo avīparītato abbhañhiṃsu. rupādiko ca visaye yathā te diṭṭhamattādi-vasen'eva paṇṇiṃsu. yathā vā paṇ'ete² aṭṭha anariyavohāre vajjetvā ariya-vohāra-vasen'eva pavatta-vācā. vācānurūpaṇca pavattakāyā. kāyānurūpaṇca pavatta-vācā. tathā ayaṃ pi ariya-puggalo-ti *Tathāgataṃ*. catu-sacca-buddhatāya *Buddhaṃ* puggalaveram kilesa-veram attānuvādādi-bhayaṇca atikkantaṃ³ *verabhayaūṭitaṃ*. sabbesaṃ kilesābhisaṃkharādīnaṃ pahīnattā. *sabba-pahūyinaṃ* buddhādayo ariyā *āhu* kathenti kittenti-ti.

Navamasuttavaṇṇanā.

10. Dasame --

Atarī-ti na tiṇṇo.

Samuddan-ti saṃsāra-samuddaṃ. cakkhavāyatanādi-samuddaṃ vā. Tadubhayaṃ pi duppūraṇ'aṭṭhena samuddo viyā-ti *samuddaṃ*. Athavā. samuddan'aṭṭhena samuddaṃ. kilesāvassanena satta-santānassa kilesa-sadanato-ti attho.

Sa-ricin-ti kodhūpāyāsavīcihi *saviciṃ*. Vuttañhi'etaṃ -- "Vici-bhayan-ti kho bhikkhu kodhūpāyāsassa'etaṃ adhivacanan"-ti.*

Sāvattan-ti pañca-kāmaguṇā-vatṭhehi saha āvaṭṭaṃ. Vuttaṃ pi e'etaṃ -- "Āvaṭṭa-bhayan-ti kho, bhikkhu. pañcann'etaṃ kāmaguṇānaṃ adhivacanan"-ti.†

Sagahaṃ sarakkhasan-ti attano gocara-gatānaṃ anattajanānato caṇḍamañkara-macchadakarakkhasa-sudisehi visabhāga-puggalehi.

Sagahaṃ (*sa rukkhasin*⁴-ti). Tathā cāha -- "Sagahaṃ sa-

* A. ii, 124 (with ūmi° for Vici°).

† A. ii, 125.

¹ C sahaḡatāya.

² C paṇ'ek.

³ C has ti after this.

⁴ C and S notes this word in fn.

rakkhasan-ti kho bhikkhu, mātugāmass'etaṃ adhivaccan"-ti.*

Atarī-ti magga-paṇṇā-nāvāya yathā vuttaṃ samuddaṃ uttari.

Tinno-ti nittinno.

Pāragato-ti tassa samuddassa pāraṃ para-tīraṃ nirodhaṃ upagato.

Thale tiṭṭhaṭī-ti tato eva saṃsāra-mah'oghaṃ, kāmādi-mahoghaṇa atikkamitvā thale para-tīre nibbāne bāhita-pāpa-brāhmaṇo tiṭṭhaṭī-ti vuccati.

Idhāpi gāthā sukkapakkha-vasen'eva āgatā. Tattha *ummibhayan*¹-ti yathā vuttaṃ ummibhayaṃ. Bhāyitabbaṃ etas-mā-ti taṃ ummibhayaṃ.

Duttaran-ti duratikkamaṃ.

Accatarī-ti atikkami.

Saṅgātigo-ti rāgādīnaṃ pañcannaṃ saṅgānaṃ atikkantattā pahīnattā *saṅgātito*.²

*Atthaṅgato so na pamāṇameṭī*³-ti so evaṃ bhūto arahā rāgānaṃ pamāṇakara-dhammānaṃ accantameva atthaṅga-tattā atthaṅgato tato eva, silādi-dhamma-kkhandha-pāri-pūriyā ca, ediso sīlena samāhinaṃ paṇṇāyā-ti kenaci paminituṃ asakkuṇeyyo *pamāṇaṃ na eti*. Athavā, anupādisesa-nibbāna-saṃkhātāṃ atthaṃ gato so arahā imāya nāma gatiyā tṭhito ediso ca nāmagottenā-ti paminituṃ asakkuṇeyyatāya pamāṇaṃ na eti na upagacchati. Tato eva *amohayi paṇṇa-rūpaṃ* tena anubandhituṃ asakkuṇeyyo-ti vadāmi-ti. Anupādisesa-nibbāna-dhātuyā va desanaṃ niṭṭhāpesi.

Iti imasmiṃ vagge paṭhama-pañcama-chaṭṭhesu vaṭṭaṃ kathitaṃ. Dutiya — sattamaṭṭhamesu vivaṭṭaṃ. Sesesu vaṭṭa-vivaṭṭaṃ kathitaṃ-ti veditabbaṃ.

Dasamasuttavaṇṇanā.

.Dutiyavaggavaṇṇanā niṭṭhitā.

* A. ii, 126 (with Susukā° for Sagahaṃ°).

¹ For umibhayaṃ of the Text, see Text, p. 57, fn. 13.

² So in S, both here and above, for saṅgātigo.

³ For "samāna° of the Text, noted in S fn.

III, 1. Tatiya-vaggassa paṭhame:—*

Diṭṭhā mayā-ti mayā diṭṭhā, mama samanta-cakkhunā nibbāna-cakkhunā cā-ti dvīhi cakkhūhi pi diṭṭhā paccakkhato veditā. Tena anussavādīṃ paṭikkhipati. Ayañca attho idān'eva pāliyaṃ āgumissati.

Kūyaduccaritena samannāgalū-ti kūyaduccaritena samañgi-bhūtā.

Ariyānaṃ upavūdakā-ti Buddhādīnaṃ *ariyānaṃ* antamaso gīhisotāpannānaṃ pi guṇa-paridhammanena abbhūt'abbhak-khānena *upavūdakā* akkosakā garahakā.

Micchā-diṭṭhikā-ti viparīta-dassanā. *Micchā-diṭṭhi-kamma-samādānā*-ti micchā-dassana-hetu samādinna-nānāvidha-kammā yeva micchā-diṭṭhi mūlakesu kāya-kammādisu aññe pi samādapenti.

Ettha ca vacī-mano-duccaritaggahapen'eva ariyūpavāda-micchādiṭṭhīsu gahitāsu puna vacanaṃ mahāsāvajja-bhāva-dassanattamaṃ. N'esam mahā-sāvajjo hi ariyūpavādo ānantariya-sadiso. Yathāha—"Seyyathā pi, Sāriputta, bhikkhusīla-sampanno samādhi-sampanno¹ . . . diṭṭh'eva dhamme aññaṃ ārādheyya, evaṃ sampadamidaṃ, Sāriputta, vadāmi: taṃ vācaṃ appahāya, taṃ cittaṃ appahāya, taṃ diṭṭhiṃ appaṇinissajjitvā yathābhattaṃ nikkhitto evaṃ niraye"-ti.† Micchādiṭṭhito ca mahā-sāvajjatarāṃ nāma aññaṃ n'utthi. Yathāha—"Nāhaṃ, bhikkhave, aññaṃ eka-dhammaṃ pi samanupassāmi² evaṃ mahā-sāvajjatarāṃ,³ yathāyidaṃ bhikkhave micchādiṭṭhi, micchā-diṭṭhi-paramāni bhikkhave vajjāni⁴"-ti.‡

Taṃ kho paṇā-ti ādi yathā-vuttassa atthassa attapaccakkhabhāvaṃ daḥataraṃ katvā dassetuṃ āraddhaṃ. Taṃ suviññeyyameva.

Gāthāsu—

Micchāmanaṃ paṇidhāyā-ti abhiijjhādīnaṃ vasena cittaṃ ayoniso ṭhapetvā.

* Cf. A. i, 164-5; v, 68-9, etc.

† M. i, 71.

‡ Cf. A. i, 33.

¹ C has paññā-sampanno after this.

² C has yaṃ after this.

³ A °vajjaṃ.

⁴ A mahāsāva°.

Micchā-vācam abhāsiyā-ti micchā,¹ musāvādādi-vasena vācam bhāsitvā.

Micchā-kammāni katvānā-ti pānātipātādi-vasena kāya-kammāni katvā.

Athavā, *Micchāmanam paṇidhāyā*-ti micchā-diṭṭhi-vasena cittaṃ viparīṇaṃ² ṭhapetvā. Sesa-pada-dvaye pi es'eva nayo.

Idāni'ssa yathā ducarīta-carāṇe kāraṇaṃ dasseti.

Appassuto-ti attano paresaṇa hitāvahena sutena virahito-ti attho.

Apuññakaro-ti tato eva ariya-dhammassa akovidatāya kibbisakārī pāpa-dhammo.

Appasmim idha jīvite-ti idha manussa-loke jīvite atiparitte. Tathā cāha—"Yo ciraṃ jīvati, so vassasataṃ appaṃ vā bhiyyo"-ti, "appaṃāyu manussānaṃ"-ti* ca. Tasmā bahussuto sappañño siṅghaṃ³ puññāni katvā saggūpago nibbāna-patiṭṭho⁴ vā hoti. Yo pana appassuto apuñña-karo, kāyassa bhedaṃ duppañño nirayaṃ so upapajjati-ti.†

Paṭhamasuttavaṇṇanā.

2. Dutīyeṭ paṭhamasutte vuttavipariyāyena attho vedittabbo.

Dutiyasuttavaṇṇanā.

3. Tatiye:—§

Nissaraṇiyyā-ti nissaraṇa-paṭisaṃyutta.

Dhātuyo-ti sattasuñña-sabhāvā.

Kāmānaṃ-ti kilesa-kāmānaṃ⁵eva vatthu-kāmānaṇa.

Athavā, *kāmānaṃ*-ti kilesa-kāmānaṃ. Kilesa-kāmato hi nissaraṇā⁶ vatthu-kāmehi pi nissaraṇā yeva honti,⁶ na añña-thā. Vuttañh'etaṃ—

* S. i, 108.

† Cf. A. i, 164-5; v, 68-9, etc.

† Cf. S. iv, 242.

§ Cf. D. iii, 275; A. iii, 290.

¹ S omits.

² C siṅghasiṅghaṃ.

³ C raṇaṃ, also below.

⁴ C viparīṇaṃ.

⁵ C na-niṭṭho.

⁶ C hoti.

Na te kāmā yāni citrāni loke
 Saṅkapparāgo purisassa kāmo
 Tiṭṭhanti citrāni tath'eva loke
 Ath'ettha dhīrā vinayanti chandan-ti.*

Nissaraṇan-ti apagamo.

Nekkhamman-ti paṭhamajjhānaṃ. Viśesato taṃ asubhārammaṇaṃ daṭṭhabbaṃ. Yo pana taṃ jhānaṃ pādaḥkaṃ katvā saṅkhāre sammasitvā tatiya-maggaṃ patvā anāgāmi-phalena nibbānaṃ sacchikaroti, tassa cittaṃ accantameva kāmehi nissaraṇa-ti idaṃ ukkaṭṭhato kāmānaṃ nissaraṇaṃ veditabbaṃ.

Rūpānan-ti rūpa-dhammānaṃ, viśesena saddhiṃ āramaṇehi kusala-vipāka-kiriya-bhedato sabbesaṃ rūpāvacara-dhammānaṃ.

Arūpan-ti arūpāvacara-jjhānaṃ. Keci pana kāmāna-ti pa-dassa sabbesaṃ kāmāvacara-dhammāna-ti atthaṃ vadanti.

Nekkhamman-ti ca pañca rūpāvacara-jjhānaṇi-ti. Taṃ aṭṭhakathāsu n'atthi, na yujjati ca.

Bhūtan-ti jātaṃ.

Saṅkhata-ti samecca sambhuyyapaccayehi kataṃ.

Paṭiccasamuppannan-ti kāraṇato nibbattaṃ. Tīhi pi pa-dehi te bhūmike dhamme anavasesato pariyādiyati.

Nirodho-ti nibbānaṃ. Ettha ca paṭhamāya dhātuyā kāma-pariññā vuttā. Dutiyāya rūpa-pariññā. Tatiyāya sabba-saṅkhata-pariññā sabbabhava-samatikkamo vutto.

Gāthāsu:—

Kāmanissaraṇaṃ ātva-ti idaṃ kāmanissaraṇaṃ, evaṇca kāmato nissaraṇa-ti jānitvā.

Atikkamanti etena-ti atikkamo, atikkamanūpāyo, taṃ atikkamaṃ āruppaṃ ātva.

Sabbe saṅkhārā sammanti rūpasamaṇ-ti¹ etthā-ti sabba-saṅkhārasamatho nibbānaṃ taṃ passanto.²

Sesaṃ heṭṭhā vuttanayameva.†

Tatīyasuttavannaṇā.

* S. I, 22.

† Vide notes on Sutta 3. I, 4.

¹ O vupasa°.

² O phusaṃ phusanto.

4. Catutthe:—*

Rūpehi-ti rūpāvacaradhammehi.

Santatarā-ti atisayena santā.

Rūpāvacaradhammā hi¹ kilesa-vikkhambhanato vitakkādi-
oḷārikaṅgappahānato samāhita²-bhūmi-bhāvato ca santā
nāma. Āruppā pana tehi pi aṅga-santatāya c'eva ārammaṇa-
santatāya ca atisayena santa-vuttitā, tena *santatarā*-ti vuttā.

Nirodho-ti nibbānaṃ. Saṅkhārāvasesa-sukhumabhāv'up-
pattito pi hi catutthāruppato phalasamāpattiyo va santatarā
kilesadaratha-paṭipassaddhito nibbānārammaṇato ca, kim-
aṅgaṃ pana sabba-saṅkhāra-samatho nibbānaṃ. Tena
vuttaṃ *āruppehi*³ *nirodho santataro*-ti.

Gāthāsu:—

Rūpūpagā-ti[†] rūpabhavūpagā. Rūpa-bhavo hi idha rūpan-
ti vutto rūpūpapattiyā maggaṃ bhāveti-ti ādisu viya.

*Āruppaṭṭhāyino*⁴-ti arūpāvacarā.

Nirodhaṃ appajānantā āgantāro punabbhavan-ti etena rūpā-
rūpāvacaradhammehi nirodhassa santabhāvameva dasseti.

*Āruppesu*⁵ *asaṅḡhita*-ti arūpa-rāgena arūpabhavesu appa-
tiṭṭhahantā te pi pari jānantā-ti attho.

Nirodhe ye vimuccanti-ti ettha *ye*-ti nipātamattaṃ.

Sesaṃ heṭṭhā vuttanayameva.‡

Catutthasuttavaṇṇanā.

5. Pañcime:—§

Puttā-ti atra jā orasa-puttā, dinnakādayo pi vā.

Santo-ti bhavantā.

Samvijjamānā lokasmin-ti imasmim loke upalabbhamānā.
Atthibhāvena santo pākāṭabhāvena vijjamānā.

Atijāto-ti attano guṇehi mātāpitaro atikkamitvā jāto.
Tehi adhika-guṇo-ti attho.

* Cf. A. i, 83.

† The first two pādas occur in S. i, 131, 133.

‡ Cf. Gāthas of Sutta 3. I, 2.

§ Cf. A. i, 226; ih, 35, etc.; D. iii, 181; PJ. i, 1, etc.

¹ B has kāmāvacara-dhammehi after this.

² C samādhī-bhu°.

³ For arūpehi of the Text.

⁴ For arūpa° of the Text.

⁵ For arūpesu of the Text.

Anujāto-ti guṇehi mātāpitūnaṃ anurūpo hutvā jāto. Tehi samānaguno-ti attho.

Avajāto-ti guṇehi mātāpitūnaṃ asamo¹ hutvā jāto. Tehi hīnaguno-ti attho.

Yehi pana guṇehi yutto, mātāpitūnaṃ adhiko samo hīno-ti ca adhippeto, te vibhajitvā dassetuṃ *kathaṇṇa bhikkhave putto atijāto hoṇi*-ti kathetukamyatāya puccham katvā *idha bhikkhave puttassā*-ti ādinā niddeso āraddho.

Tattha na *Buddhaṃ saraṇaṃ gatā*-ti ādisu:—*Buddho*-ti* sabba-dhammesu appaṭihatañña- nimittānuttara-vimokkhādhigama-paribhāvitakkhandha-santānaṃ sabbaññutañña-padaṭṭhānaṃ vā saccābhisambodhiṃ upādāya paññatiko sattātisayo *Buddho*. Yathāha—“*Buddho*-ti yo so Bhagavā sayambhū anācariyako pubbe ananussutesu dhammesu sāmaṃ saccāni abhisambujjhi, tattha ca sabbaññutaṃ patto, balesu ca vasiḥhāvan”-ti.† *Ayaṃ tāv’atthato buddha-vibhāvanā*. Byaññanato pana savāsanāya kilesa-niddāya accantavigamena buddhavā paṭibuddha-vā-ti buddho, buddhiyā vā vikaṣitabhāvena buddha-vā²-ti buddho, bujjhitā-ti buddho, bodhetā-ti buddho-ti evamādinā nayena veditabbo. Yathāha—“*Bujjhitā saccāni*-ti buddho, *bodhetā pajāyā*-ti buddho, *sabbaññutāya buddho*, *sabba-dassāvitāya buddho*, *anañña-neyyatāya buddho*, *visavitāya buddho*, *khīṇāsava-saṃkhātena buddho*, *nirūpakilesa-saṃkhātena buddho*, *ekanta-vītarāgo*-ti buddho, *ekanta-vītadoso*-ti buddho, *ekanta-vītamoho*-ti buddho, *ekanta-nikkilesa*-ti buddho, *ekāyana-maggaṅgato*-ti buddho, *eko anuttaraṃ sammāsambodhiṃ abhisambuddho*-ti buddho, *abuddhivihatattā buddhipatilābhā*-ti buddho, *buddho*-ti n’etaṃ nāmaṃ mātaraṃ kataṃ, na pītaṃ kataṃ, na bhātaṃ kataṃ, na bhaginiyā kataṃ, na mittāmaccehi kataṃ, na ñātisālohithehi kataṃ, na samāna-brahmaṇehi kataṃ, na devatāhi kataṃ, atha kho vimokkhantikametaṃ buddhānaṃ bhagavatānaṃ bodhiyā mūle sabbaññutañña-passa paṭilābhā sacchikā paññatti yadidaṃ buddho”-ti.‡

* VinA. 123; PJ. i, 14.

† Cf. PP. 70.

‡ Nidd. ed. S.N. 816, 957.

¹ C avamo.

² C has vibuddha vā after this.

Himsatī-ti *saraṇaṃ*. Sabbaṃ anattaṃ apāya-dukkhaṃ, sabbaṃ saṃsāra-dukkhaṃ himsati vināseti vidhaṃsetī-ti attho. *Saraṇaṃ gatū*-ti Buddho Bhagavā amhākaṃ saraṇaṃ gati parāyaṇaṃ paṭisaṇaṃ, aghassa ghātā,¹ hitassa vidhātā-ti iminā adhippāyena Buddhaṃ Bhagavantam gacchāma, bhajāma, sevāma, payirupāsūma, evaṃ vā jānāma bujjhāmā-ti,* evaṃ gatā upagatā *Buddhaṃ saraṇaṃ gatā*. Tappaṭikkhepena na buddhaṃ saraṇaṃ gatā.

Dhammaṃ saraṇaṃ gatū-ti† adhigata-magge pana sacchikata-nirodhe yathānusiṭṭhaṃ paṭipajjamāne catūsu apāyesu apatamāne² dhāreti-ti *dhammo*. So atthato ariyamaggo c'eva nibbānaṃ ca. Vuttañh'etaṃ—"Yāvatā, bhikkhave, dhammā saṅkhatā ariyo aṭṭhaṅgiko maggo tesam agga-makkhāyati"-ti.‡ Vitthāro, na kevalaṅca ariyamagganibbānāni eva, api ca kho ariyamaggaphalehi saddhiṃ pariyattidhamme ca. Vuttañh'etaṃ Chattamānavaka-Vimāne—

Rāga-virāgaṃ anejaṃ asekaṃ
Dhammaṃ asaṅkhatam appaṭikūlaṃ
Madhuram imaṃ paṇaṃ suvibhattam
Dhammaṃ imaṃ saraṇattham upeti³-ti.§

Tattha hi rāga-virāgo-ti maggo kathito. Anejamasokaṃ-ti phalaṃ. Dhamma-saṅkhatan-ti nibbānaṃ. Appaṭikūlaṃ madhuram imaṃ paṇaṃ suvibhattan-ti Pīṭakattayena vibhattā sabba-dhammakkhandhā kathitā. Taṃ dhammaṃ vuttanayena saraṇan-ti gatā dhammaṃ saraṇaṃ gatā. Tappaṭikkhepena na *dhammaṃ saraṇaṃ gatā*.

Diṭṭhi-sīlu-saṃghātena saṃhato-ti *saṃgho*. So atthato aṭṭhāriya-puggala-samūho. Vuttañh'etaṃ tasmim eva Vimāne—

Yattha ca dinnam mahapphalamāhu
Catūsu sucisū parisayugesu
Aṭṭha ca puggala dhamma-dasā te
Saṃgham imaṃ saraṇattham' upemi-ti.§

* Cf. UdA. 287, with fn. 9 and 10; PJ. i, 16-19.

† Cf. MA. 131 ff.; UdA. 288 ff.

‡ A. ii, 34.

§ Vv. 51.

¹ O hanta.

² C has *katvā* after this.

³ MA, UdA, Vv -pemi; DA -ehi.

Taṃ saṃghaṃ vuttanayena saraṇaṃ-ti gatā saṃghaṃ saraṇaṃ gatā. Tappaṭikkhepena *na saṃghaṃ saraṇaṃ gatā*-ti.

Ettha ca saraṇagamana-kosallatthaṃ, saraṇaṃ, saraṇagamanam, yo saraṇaṃ gacchati, saraṇagamanappabhedo, phalaṃ, saṃkilesa, bhedo, vodānaṃ-ti ayaṃ vidho veditabbo.

Tattha pad'atthato tāva, himsati-ti saraṇaṃ, saraṇagatānaṃ ten'eva saraṇagamanena bhayaṃ santāsaṃ dukkhaṃ duggatiṃ parikilesaṃ hanati, vināseti-ti attho. Ratanaṭṭayass'etaṃ adhivacanam. Athavā, hite pavattanena, ahitato nivattanena ca sattānaṃ bhayaṃ himsati-ti Buddhho saraṇaṃ. Bhava-kantārato uttāraṇena assāsadānaṃ ca dhammo. Appakānaṃ pi kārānaṃ vipula-phala-paṭilābhakaraṇena saṃgho. Tasmā iminā pi pariyāyena ratanaṭṭayaṃ saraṇaṃ. Tappasāda-taggarutāhi vihata-kilesa tapparāyanatākārappavatto citt'uppādo saraṇagamanam. Tam-samaṅgipatto¹ saraṇaṃ gacchati, vuttappakāreṇa citt'uppādena etāni me tīṇi ratanāni saraṇaṃ, etāni parāyanan-ti evaṃ upeti-ti attho. Evaṃ tāva saraṇaṃ, saraṇagamanam, yo ca saraṇaṃ gacchati-ti idaṃ tayaṃ veditabbaṃ.

Pabhedato pana duvidhaṃ saraṇagamanam: lokiyaṃ, lokuttaraṇa. Tattha lokuttaraṃ diṭṭha-saccānaṃ magga-kkhaṇe saraṇagaman'ūpakkilesa-samucchedena ārammaṇato nibbānārammaṇaṃ hutvā kiccato sakale pi ratanaṭṭaye ijjhati. Lokiyaṃ puthujjanānaṃ saraṇagaman'ūpakkilesa-vikkhambhanena ārammaṇato Buddhādi-guṇārammaṇaṃ hutvā ijjhati. Taṃ atthato Buddhādisu vatthūsu saddhāpatilābho, saddhāmūlikā ca sammā-diṭṭhi dasasu puñña-kiriya-vatthūsu diṭṭh'ujukamman'²-ti vuccati.

Tayidaṃ catudhā pavattati: attasanniyātanena,³ tapparāyanatāya, sissabhāv'ūpagamanena, paṇipātenā-ti. Tattha attasanniyātanam nāma, ajja ādiṃ katvā ahaṃ attānaṃ Buddhassa niyyāдеми,⁴ dhammassa, Saṃghassā-ti evaṃ Buddhādīnaṃ atta-pariccajanaṃ. Tapparāyanam⁵ nāma, ajja ādiṃ katvā ahaṃ Buddha-parāyano Dhamma-parāyano Saṃgha-parāyano, iti maṃ dhārethā-ti evaṃ tappaṭisaraṇa-

¹ MA. °gī satto.

² MA. °nniyyā°, and below.

³ MA. °natā.

⁴ MA. diṭṭhijju°.

⁵ MA. °yātemi.

¹bhāvo tapparāyanatā.¹ Sissabhāv'ūpagamanam nāma, ajja ādim katvā aham Buddhassa antevāsiko, dhammassa, samghassa iti maṃ dhārethā-ti evaṃ sissabhāvassa upagamanam. Paṇipāto nāma, ajja ādim katvā aham abhivādana-paccuṭṭhāna²-añjalikamma-sāmicikammaṃ Buddhādinaṃ eva tiṇṇaṃ vatthūnaṃ karomi, iti maṃ dhārethā-ti evaṃ Buddhādisu paramanipaccākāro. Imesaṃ hi catunnaṃ ākārānaṃ aññataraṃ karontena gahitaṃ eva hoti saraṇagamanam.

Api ca Bhagavato attānaṃ pariccajāmi, dhammassa, samghassa, attānaṃ pariccajāmi, jīvitaṃ pariccajāmi, paricatto eva me attā, jīvitañca, jivita-pariyantikaṃ Buddhamaṃ saraṇaṃ gacchāmi, Buddho me saraṇaṃ, tānaṃ, leṇaṃ-ti evaṃ pi atta-sanniyātaṇaṃ veditabbaṃ. "Setthārañca vatāhaṃ passāmi,³ Bhagavantameva passāmi, Sugatañca vatāhaṃ passāmi, Bhagavantameva passāmi, Sammāsambuddhañca vatāhaṃ passāmi, Bhagavantameva passāmi"-ti⁴ evaṃ Mahā-Kassapaṭṭherassa saraṇagamanam viya sissabhav'ūpagamanam daṭṭhabbaṃ.

"So ahaṃ vicarissāmi gāmā gāmaṃ purā puram
Namassamāno sambuddhaṃ dhammassa ca su-
dhammatan"-ti.†

evaṃ Ālavakādinaṃ saraṇagamanam viya tapparāyanatā veditabbā. "Atha kho⁴ Brahmāyu brāhmano utthāy'āsanā ekamaṃ uttarāsaṅgaṃ karitvā Bhagavato pāde sirasā nipatitvā Bhagavato pādāni mukhena ca paricumbati, pāñhi ca parisambāhati, nāmañca sāveti, Brahmāyāham,⁵ bho Gotama, brāhmaṇo, Brahmāyāham, bho Gotama, brāhmano"-ti† evaṃ paṇipāto daṭṭhabbo.

So paṇ'esa ñāti-bhayācariya-dakkhiṇeyya-vasena catubbidho hoti. Tattha dakkhiṇeyya-paṇipātena saraṇagamanam hoti, na itarehi. Settha-vasen'eva hi saraṇaṃ gayhati, settha-

* S. ii, 220.

† Sn. 192.

‡ M. ii, 144.

¹⁻¹ MA. tapparāyanabhāvo.

² MA. paccupatṭhāna.

³ S. passēyyam.

⁴⁻⁴ M. reads Evaṃ vutte.

⁵ For brahmāyu aham, end below.

vasena bhijjati. Tasmā yo ayameva loke sabba-satt'uttamo aggaḍakkhineyyo-ti vandati, ten'eva saraṇaṃ gahitaṃ hoti, na ñāti-bhayaṅcariya-saññāya vandantena. Evaṃ gahitā saraṇassa upāsakassa vā upāsikāya vā, aññatitthiyesu pabbajitaṃ pi ñatim, ñātako me ayan-ti vandato saraṇaṃ na bhijjati, pakeva apabbajitaṃ. Tathā rājānaṃ bhayena vandato, so hi raṭṭhapūjitaṭṭā avandiyamāno anattaṃ pi kareyyā-ti. Tathā yaṃ kiñci sippaṃ sikkhāpakaṃ titthiyaṃ pi, ācariyo me ayan-ti vandato pi na bhijjati. Evaṃ saraṇagamanassa pabhedo veditabbo.

Ettha ca lok'uttarassa saraṇagamanassa cattāri sāmāñña-phalāni vipākaphalaṃ; sabba-dukkha-kkayo ānisaṃsaphalaṃ.

Vuttañh'etaṃ—

“Yo ca Buddhañ ca dhammañ ca saṃghañ ca saraṇaṃ
gato

—pe—

Ettaṃ saraṇamāgamaṃ sabba-dukkhā pamuccati”-
ti.*

Api ca niccato anūpagamanādinī pi etassa ānisaṃsaphalaṃ veditabbaṃ. Vuttañh'etaṃ—“Atthānametaṃ¹ anavakāso, yaṃ diṭṭhi-sampanno puggalo yaṃ kiñci saṅkhāraṃ niccato upagaccheyya . . . sukhato upagaccheyya . . . kiñci dhammaṃ attato upagaccheyya . . . mātaraṃ jīvitaṃ voropeyya . . . pitaraṃ jīvitaṃ voropeyya . . . arahantaṃ jīvitaṃ voropeyya . . . duṭṭha-cittena Tathāgatassa lohitaṃ uppādeyya . . . saṃghaṃ bhindeyya . . . aññaṃ satthāraṃ uddiseyya, u'etaṃ tñānaṃ vijjati”-ti.†

Lokiyassa pana saraṇagamanassa bhavasampadā pi bhoga-sampadā pi phalameva. Vuttañh'etaṃ—

“Ye keci Buddhaṃ saraṇaṃ gatāse na te gamissanti
apāyabhūmiṃ²

Pahāya mānusaṃ dehaṃ devakāyaṃ paripūressanti”-
ti.‡

* Dph. 190-2.

† A. i, 26-7.

‡ D. ii, 255.

¹ A has bhikkhave after this.

² D has apāyaṃ.

Aparam pi vuttam—“Atha kho Sakko devānam indo asītiyā devatāsahashehi saddhiṃ yen’āyasmā Mahā-Moggallāno ten’ūpasaṅkami—pe—ekam antam tthitam kho Sakkaṃ devānam indam āyasmā Mahā-Moggallāno etad avoca: Sādhū kho, devānam inda, Buddham saraṇagamanam hoti, Buddham saraṇagamanahetu kho, devānam inda, evam idh’ ekacce sattā kāyassa bhedaṃ param maraṇā sugatim saggaṃ lokam uppajjanti. Te aññe deve dasahi tthānehi adhiggaṇhanti¹: dibbena āyuna, dibbena vaṇṇena, dibbena sukhena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi—pe—dhammam saṃgham—pe—phoṭṭhabbehi”-ti* Ve-lāmasuttādiṭṭi vasena pi saraṇagamanassa phala-viseso veditabbo. Evaṃ saraṇagamanassa phalam veditabbaṃ.

Lokiya-saraṇa-gamanaṃ c’ettha tīsu vatthūsu aññāna-saṃsaya-micchā-nānādihi saṃkilissati, na mahājutikam hoti, na mahāvipphāram. Lokuttarassa pana n’atthi saṃkilesa. Lokiyassa ca saraṇagamanassa duvidho bhedo: sāvajjo, anavajjo ca. Tattha sāvajjo aññasatthārādīsu attasanniyātanādihi² hoti. So anīṭṭha-phalo. Anavajjo pana kāla-kiriya. So avipākattānphalo. Lokuttarassa pana n’ev’atthi bhedo. Bhavantare pi hi ariya-sāvako na aññam satthāram uddisati-ti, evaṃ saraṇagamanassa saṃkilesa ca bhedo ca veditabbo.

Vodānam pi ca lokiyass’eva. Yassa hi saṃkilesa jāto, tass’eva vodānena bhavitabbaṃ. Lok’uttaram pana nicca-vodānamevā-ti.

Pāṇātipātā-ti c’ettha pāpassu sarasen’eva patana-sabhāvassu antarā eva atipātanam atipāto. Saṅkham patitum ulatvā siṅghapātanan-ti attho. Atikkamma vā satthādīhi abhibhavitvā pātanam atipāto pāṇaghāto-ti vuttam hoti. Pāṇo-ti c’ettha khandha-santāno yo satto-ti vohariyati, paramatthato rūpārūpa-jīvitindriyam. Rūpajīvitindriye hi vikopite itaram tam sambandhatāya vinassati-ti. Tasmim pana pāṇe pāṇa-saṇṇino jīvitindriyūpacchedaka-upakkama-

* S. iv, 274-5.

† A. iv, 392-6.

‡ (J. DA. 69; MA. 198.

¹ S has adhiggaṇh°.² MA attaniyyā°.

samutthāpikā kāya-vacī-dvārānaṃ aññatara-dvārappavattā vadhakacetanā paṇātipāto. Yāya hi cetanāya vattamānassa jīvitindriyassa nissayaabhūtesu upakkama - karaṇa - hetukamahābhūta-paccayā uppajjanaka-mahābhūtā purima-sadisā na uppajjanti visadisā eva uppajjanti, sā tādissappayoga-samutthāpikā cetanā paṇātipāto. Laddhūpakkamāni hi bhūtāni purima-bhūtāni viya na visadānī-ti. Samānajātiyānaṃ kāraṇāni na hontī-ti. Kāya-vacī-dvārānaṃ aññatara-dvārappavattā-ti idaṃ manodvāre pavattāya, vadhakacetanāya paṇātipātanaśambhava-dassanaṃ. Kulumbasutte pi hi “Idh’ekacce samaṇo vā brāhmaṇo vā iddhiṃ cetovasippatto assā kucchigataṃ gabbhaṃ pāpakena manasānupekkhito hotī”-ti* vijjāmayiddhi adhippetā. Sā ca vacī-dvāraṃ muñcitvā na sakkā nibhattetun-ti vacī-dvāra-vasen’eva nippajjati. Ye pana bhāvanāmayiddhi tattha adhippetā-ti vadanti, tesam vādo kusulattika-vedanattika-vitakkattika-bhūmantarehi virujjhati.

† Svāyaṃ paṇātipāto guṇa-virahitesu tiracchāna-gatādisu khuddake pāṇe appasāvajjo, mahā-sarīre mahā-sāvajjo. Kasmā? Payogamahantatāya. Payogasamatte pi vatthu-mahantatādīhi mahā sāvajjo. Guṇavantesu manussādisu appaṇe appasāvajjo, mahāṇe mahāsāvajjo. Sarīraguṇānaṃ pana samabhāve sati kilesānaṃ upakkamānañca mudutāya appasāvajjo, tibbatāya mahāsāvajjo-ti. Ettha ca payoga-vatthu-mahantatādīhi mahā-sāvajjatā tehi paccayehi uppajjamānāya cetanāya balava-bhāvato veditabbā. Yathādhippetassa payogassa sahasā nipphādana-vasena kicca-sādhikāya bahukkhattun pavattajavane pi laddhāsevanāya ca sannitthāpaka-cetanāya payogassa mahanta-bhāve sati pi kadāci khuddake c’eva mahante ca pāṇe payogassa samabhāve mahantaṃ hanantassa cetanā tibbutarā uppajjati-ti. Vatthu-mahantatā pi cetanā balava-bhāvassa kāraṇaṃ. Iti ubhayamp’etaṃ cetanā balava-bhāven’eva mahā-sāvajjatāya hetu hoti. Tathā hantabbassa mahāguṇa-bhāve tattha pavatta-upakāra-cetanā viya khetta-visesanipphattiyā anūpakāra-cetanā pi balavatī tibbutarā ca uppajjati-ti tassa mahā-

sāvajjatā datṭhabbā. Tasmā payoga-vatthu-ādi-paccayānaṃ amahatte pi guṇamahantatādi-paccayehi cetanāya balava-bhāva-vasen'eva mahā-sāvajjatā veditabbā.

Tassa pāṇo pāṇa-saññitā, vadhaka-cittaṃ, upakkamo, tena maraṇan-ti pañca sambhārā. Pañca-sambhārayutto pāṇātipāto-ti pañca-sambhārā vinimutto datṭhabbo. Tesu pāṇa-saññitā vadhaka-cittāni pubba-bhāgiyāni pi honti, upakkamo vadhaka-cetanā-samuṭṭhāpito.

Tassa cha payogā*: sāhatthiko, āṇattiko, nissaggiyo, thāvaro, vijjāmayo, iddhi-mayo-ti. Tesu sahatthena nibbatto sahatthiko. Paresaṃ ānāpana-vasena pavatto āṇattiko. Usu-satti-ādīnaṃ nissajjana-vasena pavatto nissaggiyo. Opātakhaṇanādi-vasena pavatto thāvaro. Āthabbanikādināṃ viya mantaparijappanappayogo vijjāmayo. Dāṭhakoṭṭanādināṃ viya kammavipākaj' iddhimayo.

Ētthāha:—khaṇe khaṇe nirujjhana-sabhāvesu saṅkhāresu ko hantā, ko vā haññati, yadi cittacetasikasantāno, so arūpitāya na chedana-bhedanādivasena vikopana-samattho nāpi vikopaniyo, atha rūpasantāno so acetanatāya katṭhakaliṅgarūpamo-ti, na tattha chedanālinā pāṇātipāto labbhati, yathā mata-sarīre payogo-pi, pāṇātipātassu yathāvutto paharaṇapahārādiko atītesu satta saṅkhāresu bhaveyya anāgatesu paccuppannesu vā, tattha na tāva atītesu anāgatesu ca sambhavati, tesam avijjāmāna-sabhāvattā, paccuppannesu ca saṅkhārānaṃ khaṇikattā sarasen'eva nirujjhana-sabhāvatāya, vināsābhimukhesu nippayojano payogo siyā vināssassa ca kāraṇa-rahitattā, na paharaṇappahārādippayoga-hetukaṃ maraṇaṃ nirīhattā ca saṅkhārānaṃ, kassa so payogo khaṇikabhāvena vadhāluhippāya samakalameva bhijjanakassa yāva kiriyā-pariyosānaṃ kālānavatṭhānato kassa vā pāṇātipāto kammabandho-ti. Vuccate:—Yathāvutta-vadhaka-cetanā samuṅginā saṅkhārānaṃ puñjo sattasaṃkhāto hanti tena pavattita-vadhakapayoga-nimittaṃ apagamma, tasmā viññāpa-jīvit'indriyo mato-ti vohārasa vatthubhūto, yathāvutta-vadhappayogā-kuraṇe pubbe viya uddhaṃ pavattanāraho rūpārūpa-dhammapuñjo haññati citta-cetasika-san-

tāno eva vā vadhappayogāvisaya-bhāve pi tassa pañca-vo-kārabhāve rūpasantānādhinavuttitāya bhūta-rūpesu katappayoga-vasena jīvit'indriya-vicchedena so pi vicchijjati-ti, na pānātipātassa asambhavo, nāpi ahetuko, na ca payogo nip-payojano paccuppannesu sañkhāresu katappayoga-vasena tadantaram uppajjanārahassa sañkhārakalāpassa tathā anup-pattito khaṇikānañca sañkhārānaṃ khaṇika-maraṇassa idha maraṇabhāvena anadhippetattā, santati-maraṇassa ca yathā-vutta-nayena sahetuka-bhāvato na ahetukaṃ maraṇaṃ, nirīhakesu pi sañkhāresu yathāpaccayaṃ uppajjitvā atthi-bhāvamatten'eva attano attano anurūpa-phal'uppādananiyatāni kāraṇāni yeva karonti-ti vuccanti-ti. yathā padīpo pakāseti-ti tath'eva ghāta-vohāro, na ca kevalassa vadhā-dhippāya-sahabhūto citta-cetasika-kalāpassa pānātipāto icchito santāna-vasena vattamānass'eva puna icchito-ti, tatth'eva pānātipātena kummabandho santānavasena vattamānānañca dipādīnaṃ attha-kiriyaṃ dissati-ti. Ayaṃ ca vicāraṇā adinnādlānādisu pi yathā sabhāvaṃ vibhāvetabbā, tasmā pānātipātā. Na paṭiviratā-ti *appaṭiviratā*.

*Adinnassu ādānaṃ *adinnādānaṃ*. Parassa haraṇaṃ, theyyaṃ, corikā-ti vuttaṃ hoti. Tattha *adinnun*-ti parapariggahitaṃ. Yattha paro yathākāma-kāritaṃ āpajjanto adandāraho anūpavajjo ca hoti, tasmīṃ parapariggahite parapariggahita-saṇṇino tadādāyaka-upakkama-samuṭṭhāpikā theyya-cetanā *adinnādānaṃ*.

Taṃ hīne parasantake appasāvajjaṃ, pañīte mahā-sāvajjaṃ. Kasmā? Vatthupaṇītatāya. Tathā khuddake parasantake appasāvajjaṃ, mahante mahā-sāvajjaṃ. Kasmā? Vatthumahantatāya payoga-mahantatāya ca. Vatthusamatte pana sati guṇādhikānaṃ santake vatthusmiṃ mahā-sāvajjaṃ, taṃ taṃ guṇādhikaṃ upādāya tato tato hīnaguṇassa santake vatthusmiṃ appasāvajjaṃ. Vatthuguṇānaṃ pana sambhāve sati kilesānaṃ payogassa ca mudubhāvena appa-sāvajjaṃ, tibbubhāvena mahā-sāvajjaṃ.

Tassa pañca sambhārā parapariggahitaṃ parapariggahita-saṇṇitā, theyya-cittaṃ upakkamo tena haraṇan-ti. Cha

payogā sāhatthikādayo va. Te ca kho yathānurūpaṃ they-yāvahāro, pasayhāvahāro, parikappāvahāro, paṭṭhichannāvahāro; kusalāvahāro-ti imesaṃ avahārānaṃ vasena pavattā. Ettha ca mantaparijappanena parasantaka-haraṇaṃ vijjā-mayo payogo, vinā mantena tādisena iddhānubhāvasiddhena kāya-vaci-payogena parasantakassa ākappaṇaṃ iddhimayo payogo-ti veditabbam.

Kāmesū-ti methuna—samācāresu. *Micchācārā*-ti ekanta-ninditā lāmakācārā. Lakkhaṇato pana asaddhammādhippāyena kāya-dvāre pavattā agamanīyaṭṭhāna-vītikkama-cetanā kāmesu micchācāro. Tattha agamanīyaṭṭhānaṃ nāma purisānaṃ tāva māturalakkhitādayo dasa dhanakkittādayo dasā-ti vīṣati itthiyo. Itthisu pana dvinnam sārakkha-saparidaṇḍānaṃ dasannañca dhanakkittādīnaṃ-ti dvādasannaṃ itthinam aññāpurisagamane.

Svāyaṃ *micchācāro* silādi-guṇa-rahite agamanīyaṭṭhāne appasāvajjo, silādi-guṇa-sampanne mahāsāvajjo. Guṇa-rahite pi abhibhavitvā micchācarantassa mahāsāvajjo, ubhinnaṃ samānacchandatāya appasāvajjo. Samānacchandabhāve pi kilesānaṃ upakkamānañca mudutāya appasāvajjo, tibbatāya mahāsāvajjo.

Tassa cattāro sambhārā agamanīyavattu tattha sevana-cittaṃ sevanappayogo maggena maggaṇāpatti-adhivāsana-ti. Tatha attano ruciyā pavattitassa tayo, balakkārena pavattitassa tayo-ti, anavasesaggahaṇena cattāro daṭṭhabbā. Atthasiddhi pana tih'eva. Eko payogo sāhatthiko va.

Musā-ti* visamvādanapurekkhārassa attha—bhañjanako kāya-vaci-payogo. Visamvādanādhippāyena paṇ'assa, para-visamvādaka-kāyavaci-payoga-samuṭṭhāpikā cetanā *musāvādo*. Aparo nayo. *Musā*-ti abhūtaṃ vatthu. *Vādo*-ti tassa bhūtato tacchato viññāpanaṃ. Tasmā atthaṃ vatthum tacchato paraṃ viññāpetukāmassa tathāviññāpana-payoga-samuṭṭhāpikā cetanā *musāvādo*.

So yamatthaṃ bhañjati tassa appatāya appasāvajjo, mahantatāya mahāsāvajjo. Api ca gahaṭṭhānaṃ attano santakaṃ adātukāmatāya n'atthi-ti ādinayappavatto appasāvajjo

sakkhi hutvā attha-bhañjana-vasena vutto mahāsāvajjo. Pabbajitānaṃ appakam pi telaṃ vā sappiṃ vā labhitvā hassādhippāyena ajja gāme telaṃ nadī maññe sandati-ti rūpanakathā-nayena pavatto appasāvajjo, aditthaṃ yeva pana ditthan-ti ādinā nayena vadantānaṃ mahāsāvajjo. Tathā yassa atthaṃ bhañjati, tassa appagunatāya appasāvajjo, mahāgunatāya mahāsāvajjo. Kilesānaṃ mudutibbatā-vasena pi appasāvajja-mahāsāvajjatā labbhat'eva.

Tassa cattāro sambhārā atthaṃ vatthu visamvādana-cittaṃ tajjo vāyāmo parassa tadattha-vijānanan-ti. Visamvādanā-dhippāyena hi payoge kate pi parena tasmiṃ atthe aviññāte visamvādanassa asamijjanato parassa tadatthavijānananṃ pi eko sambhāro veditabbo. Keci pana abhūtavacanāṃ visavādana-cittaṃ parassa tadattha-vijānanan-ti tayo sambhārā-ti vadanti. Sace pana paro dandhatāya vicāretvā tamatthaṃ jānāti, sannitthāpakacetanāya pavattattā kiriyā-samuṭṭhāpaka-cetanā khaṇe yeva musāvādakammunā bajjhati.

*Surā-ti** piṭṭhasurā, pūvasurā, odanasurā, kiṇṇapakkhittā sambhārasamyuttā-ti pañca surā.† *Merayun-ti* pupphāsavo, phalāsavo, madhvāsavo, gulāsavo, sambhāra-samyutto-ti pañca āsavā. Tadubhayam pi madaniyatthēna *majjāṃ*. Yāya cetanāya taṃ pivati sā pamāda-kārapattā *pamāda-tthānaṃ*. Lakkhaṇato pana yathā-vuttassa surāmeraya samkhātassa majjassa bijato paṭṭhāya mada-vasena kāya-dvārappavattā pamāda-cetanā, *surāmerayamajja-pamāda-tthānaṃ*.

Tassa majjabhāvo pātukamyatā cittaṃ tajjo vāyāmo ajjho-haraṇan-ti cattāro sambhārā.

Akusala-citten'eva c'assa pātabyato ekantena sāvajja-bhāvo. Ariyasāvakanāṃ pana vatthuṃ ajānantānaṃ pi mukhaṃ na pavisati, pageva jānantānaṃ. Appakamat-tassa¹ pānaṃ appasāvajjaṃ, aḍḍhālhakamattassa pānaṃ tato mahantaṃ mahāsāvajjaṃ. Kāyappacālana-samatthaṃ bahum pivitvā gāmaghātakādi-kammaṃ karontassa mahāsāvajjameva.

* Cf. Pj. i, 26.

† Vin. iv, 110.

¹ B aḍḍhapasatamattassa.

Pāpakammaṃ hi pāpātipātāṃ patvā khīṇāsava mahāsāvajjaṃ. Adinnādānaṃ patvā khīṇāsavassa santake mahāsāvajjaṃ. Micchācāraṃ patvā khīṇāsavāya bhikkhuniyā vicikāme. Musāvādaṃ patvā musāvādena saṃghabhede. Surāpānaṃ patvā kāyappacālana-samatthaṃ bahuṃ pivitvā gāma-ghātakādi-kammaṃ¹ mahāsāvajjaṃ. Sabbehi pi c'etehi musāvādena saṃghabhedo va mahāsāvajjo. Taṃ hi katvā kappāṃ niraye paccati.

Idāni etesu sabhāvato, ārammaṇato, vedanāto, mūlato, kammato, phalato chahi ākārehi vinicchayo veditabbo.

Tattha sabhāvato pāpātipātādayo sabbe pi cetanā sabhāvā va.* Ārammaṇato pāpātipāto jīvitindriyārammaṇato sañkhārārammaṇo. Adinnādānaṃ sattārammaṇaṃ vā sañkhārārammaṇaṃ vā. Micchācāro phoṭṭhabba-vasena sañkhārārammaṇo. Sattārammaṇo-ti eke. Musāvādo sattārammaṇo vā sañkhārārammaṇo vā. Surāpānaṃ sañkhārārammaṇaṃ. Vedanato pāpātipāto dukkha-vedano. Adinnādānaṃ ti vedanaṃ. Micchācāro sukha-majjhata-vasena dvivedano. Tathā surāpānaṃ. Sanniṭṭhā-pakacittena pana ubhayaṃ pi majjhattavedanaṃ na hoti. Musāvādo tivedano.

Mūlato pāpātipāto dosa-moha-vasena dvimūlako. Adinnādānaṃ musāvādo ca dosa-moha-vasena vā lobha-moha-vasena vā. Micchācāro surāpānaṃ lobha-moha-vasena dvimūlaṃ. Kammato musāvādo yev'ettha vaci-kammaṃ. Sesāṃ catubbidhaṃ pi kāyakammameva. Phalato sabbe pi apāyūpapattiphalā c'eva sugatiyaṃ pi appāyukatādinānāvidha-anīṭṭha-phalā cā-ti. Evamettha sabhāvādito vinicchayo veditabbo.

Appaṭiviratā-ti samādāna-viratiyā sampatti-viratiyā ca abhāvena na paṭiviratā.

Dussilā-ti tato eva pañca-sīlamattassā pi abhāvena nissilā. *Papadhammā*-ti lāmakadhammā hinācārā.

Pāpātipātā paṭivirato-ti sikkhāpada-samādānena pāpātipātato virato ārakā ṭhito. Esa nayo sesesu pi.

Idhā pi *pāpātipātā veramaṇī*-ādīnaṃ sabhāvato, ārammaṇa-

* Cf. P.J. i, 28 ff.

¹ Should be "kamme.

to, vedanato, mūlato, kammato, samādānato, bhedanato, phalato ca viññātabbo viniocchayo.*

Tattha sabhāvato pañca hi cetanāyo pi honti viratiyo pi. Virati-vasena pana desanā āgatā. Yā pāpātīpātā viramantassa (sā tasmim) pāpātīpātā āratī varatī-ti evaṃ vuttā kusala-citta-sampayuttā virati. Sā pabhedato tividdhā: sampatta-virati, samādāna-virati, samuccheda-virati-ti.† Tattha asamādinna-sikkhāpadānaṃ attano jāti-vaya-bāhusaccādini paccavekkhitvā ayuttametam amhākaṃ kātun-ti sampatta-vatthum avitikkamantānaṃ uppajjamānā virati sampatta-virati nāma. Samādinna-sikkhāpadānaṃ sikkhāpada-samādāne taduttariṇca attano jīvitam pi pariccajītvā vatthum avitikkamanantānaṃ uppajjamānā virati samādāna-virati nāma. Ariya-magga-sampayuttā pana virati samuccheda-virati nāma, yassā uppattito paṭṭhāya ariya-puggalānaṃ pāpaṃ ghātessāmā-ti cittaṃ pi na uppajjati. Tāsu samādāna-virati idhāhippetā.

Ārammaṇato pāpātīpātādīnaṃ ārammaṇān'eva etesaṃ ārammaṇā-ti. Vitikkamitabbato yeva hi virati nāma hoti. Yathā pana nibbānārammaṇo ariyamaggo kilese pajahati, evaṃ jīvitindriyādi-ārammaṇā nāma ete kusalā dhammā pāpātīpātādini dussīlyāni pajahantī-ti.

Vedanato sabbā pi sukhavedanā va. Mūlato nāpa-sampayutta-cittena viramantassa alobha-adosa-amoha-vasena ti mūlā honti. Nānavippayutta-cittena viramantassa alobha-adosa-vasena dvimūlā honti.

Kammato musāvādā veramaṃ vacīkammaṃ, sesaṃ kāyakammaṃ. Samādānato aññassa garuṭṭhāniyassa santike, tam alabhantena sayameva pañca silāni ekajjhaṃ pāṭiyekkaṃ vā samādiyantena samādinnaṃ honti. Bhedato gahaṭṭhānaṃ yaṃ yaṃ vitikkantaṃ, tam tadeva bhijjati, itaraṃ na bhijjati. Kasmā? Gahaṭṭhā hi anibaddhasīlā honti, yaṃ yaṃ sakkonti tam tadeva rakkhanti. Pabbajitānaṃ pana ekasmiṃ vitikkante sabbāni bhijjantī-ti.

* Vide Dasasikkhāpadaṃ of Khuddaka-Pāṭha, explained in P.J. i, 26-35.

† Cf. P.J. i, 142.

*Phalato *pūṇātipātā* veramaṇiyā c'ettha aṅgapaccaṅga-sampannatā ārohapariṇāhasampatti javanasampatti supatiṭṭhitapādatā cārutā mudutā sucitā sūratā mahābalatā visaṭṭha-vacanatā sattānaṃ piyamanāpatā¹ abhijjaparisutā² acchambhitā duppaddhamsiyatā³ parūpakkamena amaraṇatā mahā-parivāratā⁴ suvaṇṇatā⁵ susaṇṭhānatā appābādhatā alobhatā⁶ piyamanāpehi avippayogatā dīghāyutā-ti evamādīni phalāni. *Adinnādānā* veramaṇiyā mahādhanadhaññatā ananta-bhogatā thira-bhogatā icchitānaṃ bhogānaṃ khippapaṭilābho rājādīhi asādhāraṇa-bhogatā ulāra-bhogatā tattha tattha jeṭṭhakabhāvo natthibhāvassa ajānanatā sukhavihāratā-ti evamādīni. *Abrahmacariyā* veramaṇiyā vigata-paccatthikatā subba-sattānaṃ piyamanāpatā annapānavatthacchādanādīnaṃ lābhitā suhasupanatā sukhaṇṭhibujjhanatā apāya-bhaya-vimokkho itthibhāva-napumsaka-bhāvānaṃ abhabbatā akkodhanatā saccakāritā amaṇikubhūtatā ārādhana-sukhatā paripuṇṇindriyatā paripuṇṇa-lakkhaṇatā nirāsaṃkatā, appossukatā sukhavihāratā akutobhayatā piyavippayogābhāvo-ti evamādīni. Yasmā pana *micchācārā* veramaṇiyā phalāni pi etth'eva antogadhiṇi, tasmā *abrahmacariyā* veramaṇiyā. *Musāvūlā* veramaṇiyā vippasunnindriyatā visaṭṭha-madhura-bhānītā samasitasuddha-dantatā nātithūlatā nātikisatā nātirussatā nātīdighatā sukha-sambhāsatā uppala-gandha-mukhatā sussūsakaparisutā ūdeyya-vacanatā kumaladalasa-disa — mudulohita — naya-jivhatā⁷ ādinnatā anuṭṭhutatā-ti evamādīni. *Surāmerayamajju* — *paṇḍatāṭṭhānā* veramaṇiyā atitānāgata — paccuppannesu kiccakaraṇīyesu appamādatā āṇavantatā sudā upaṭṭhitasatitā uppannesu kiccakaraṇīyesu sabbaṭṭhānuppattika — paṭilehāṇavantatā analasatā ajaḷatā amūgatā⁸ acchambhitā asārambhatā anissukitā amaccharitā saccavūlitā apisuṇa-upharusa-asamphappaḷāpa-vāditā

* Cf. PJ. i, 33 ff.

¹ PJ. lokapiyata.

² PJ. abhejo.

³ PJ. appadhamsitā.

⁴ PJ. anantap'.

⁵ PJ. surūpata.

⁶ PJ. asokitā for other variations see PJ. i, 33.

⁷ PJ. "nayanaji" in fu.

⁸ B anummattatā; PJ. anelamūgatā.

kataññutā kataveditā bhoga-vantatā sīlavantatā ujutā akkodhanatā hirottappa-sampannatā ujudiṭṭhitā mahattatā paṇḍitatā atthānattha-kusalatā-ti evamādinī phalāni. Evam ettha *paṇḍitipūtā veramaṇī*-ādinam pi subhāvādito vinicchayo veditabbo.

Sīlavā-ti yathāvutta-pañca-sīlavā. *Kalyāṇadhammo*-ti sundaradhammo. *Saraṇagamana-paridīpikāya* diṭṭhi-sampat-tiyā sampanna-pañño-ti attho. Yo pana putto mātāpitūsu assaddhesu dussīlesu ca sayam pi tādiso so pi avajāto yevā-ti veditabbo. Assaddhiyādayo hi idha avajātabhāvassa lakhaṇam vuttā. Te ca tasmim samvijjanti. Mātāpitāro pana upālāya puttassa *atijātādi*-bhāvo vuccati-ti.

[Gāthāsu:-] *Yo hoti kulagandhano*-ti kulacchedako kula-vināsako. Chedan'attho hi idha *gandha*-saddo,* 'uppala-gandha-paccatthikā'-ti ādisu viya. Keci pana kuladhammasano-ti paṭhanti. So ev'attho.

Ete kho puttā lokasmin-ti ete atijātādayo tayo puttā eva imasmim sattaloke puttā nāma, na ito vinimuttā atthi. Imesu pana ye bhavanti upāsakā yo saraṇa-gamana-sampat-tiyā upāsakā bhavanti kammassakata-ñāṇena kammassa kovidā, te ca *paṇḍitā* paññavanto pañcasīla-dassasīlena sampannā paripunnā.

Yācakānam vacanam jānanti tesam mukhākāra-dassanen'eva adhippāya pūraṇato ti *vadaññū*. Tesam vā dehi-ti vacanam sutvā ime pubbe dānam adatvā evambhūtā, mayā pana evam na bhavitaḥhan-ti tesam pariccāgena tadattham jānanti-ti *vadaññū*. Paṇḍitānam vā kammassakatādi-dīpa-kam vacanam jānanti-ti *vadaññū*. Paduññū¹-ti ca pathanti. Padāniyā-pariccāga sīlā-ti attho.

Tato eva vigata-macchera-mulatāya *vīlamaccherā*.

Abbhaghanā-ti abbha-samkhātā ghanā ghana-megha-ṭaṭalā vā *vimutto cando* viya upāsakādi-*parisāsu* khattiyādi-parisāsu ca *virocare* virocanti sobhanti-ti attho.

Pañcamasuttavaṇṇanā.

* Cf. DA. 144, on expl. of Nigaṇṭho.

¹ S notes *vadaññū* as the reading of the old Text.

6. Chatṭhe:—*

Avuṭṭhikasamo-ti avuṭṭhika-meghasamo. Ekacco hi meggho satapaṭala-sahassapaṭalo hutvā uṭṭhahitvā thananto gajjanto vijjotento ekaṃ udakabindum pi apātetvā vigacchati, tathūpamo ekacco puggalo-ti dassento āha *avuṭṭhikasamo*-ti.

Padesavassī-ti ekaḍḍesa-vassī. Meghasamo padesavassī viyā-ti hi *padesavassī*. Ekacco ekasmiṃ yeva ṭhāne ṭhitesu manussesu yathā ekacce tementi, ekacce na tementi evaṃ mandam vassati, tathūpamaṃ ekaccaṃ puggalaṃ dasseti *padesavassī*-ti.

Sabbatthābhivassī-ti sabbasmiṃ pathavī-pabbata-sāmuddā-dike jagatippadese abhivassī-meghasamo. Ekacco hi sakala-cakkavāla-gabbhaṃ pattharitvā sabbatthakameva abhivas-sati, taṃ cātuddisika-mahā-meghaṃ ekaccassa puggalassa upamaṃ katvā vuttaṃ *sabbatthābhivassī*-ti.

Sabbesānan-ti *sabbesam*. Ayameva vā pāṭho.¹ Na dātā hoti-ti adānasīlo hoti. Thaddhamaccharitāya na kassaci kiñci *dehī*-ti attho.

Idāni dānassa khettaṃ, deyya-dhammañca vibhāgena dassetuṃ *samaṇabrāhmaṇā*-ti ādimāha.

Tattha samitapāpasamaṇā c'eva pabbajjamattasamaṇā ca bāhitapāpa-brāhmaṇā c'eva jūtimatta-brāhmaṇā ca idha *samaṇabrāhmaṇā*-ti adhippetā.

Kapaṇā nāma duggatā dalidda-manussā. *Addhikā* nāma pathāvino puribbayavihīnā.

Vaṇibbakā nāma ye 'iṭṭhaṃ detha kantaṃ manāpaṃ kālena anavajjaṃ ulaggacittā pasannacittā evaṃ dentā gacchatha sugatiṃ gacchatha brahmalokaṃ'-ti ādinā nayena dāne niyo-jentā dānassa vaṇṇaṃ thomentā vicaranti.

Yācakū nāma ye kevalaṃ 'muṭṭhimattaṃ pasatamattaṃ detha, sarāvamattaṃ dethā'-ti appakam pi yācamānā vicaranti.

Tattha *samaṇabrāhmaṇa*-ggahaṇena guṇakkhettaṃ upakā-rakkhettañca dasseti. *Kapaṇādi*-ggahaṇena karuṇākkhettaṃ. *Annan*-ti yaṃ kiñci khādanīyaṃ bhojanīyaṃ.

* Cf. A. iv, 239; ii, 85.

¹ Vide Text, p. 65, fn. 8.

Pānan-ti ambapānādipānakam.

Vatthan-ti nivāsana-pārupanādi acchādanam.

Yānan-ti ratha-vayhādi antamaso upāhanam upādāya gamanasādhanaṃ.

Mūlā-ti gaṇṭhitāgaṇṭhita-bhedam sabbam puppham.

Gandhan-ti yaṃ kiñci gandhajātam piṃsitaṃ apiṃsitaṃ gandhapakaranañca.

Vilepanan-ti chavirāgakaranaṃ. .

Seyyū-ti mañca-pīthādi c'eva pāvārakojavādi ca sayitabbavattum. Seyyāgahanaena c'ettha āsanam pi gahitan-ti dātṭhabbam.

Āvasathan-ti vātātapādi-parissaya-vinodanam paṭissayaṃ.

Paḍipeyyan-ti dīpaka-pallikādi-padīpūpakaranaṃ.

Evam kho bhikkhave-ti vijjamāne pi deyyadhamme paṭiggāhakaṇam evaṃ dātābhavattum sabhena sabbam adento puggalo avassika-megha-sadiso hoti. Idam vuttam hoti:— Bhikkhave yathā meghe satapaṭala-sahassapaṭalo utṭhahitvā na kiñci vassi vigacchati, evameva yo ulāram vipulañca bhogaṃ saṃharitvā gehaṃ āvasanto kassaci kaṭacchumattam bhikkham vā ulūṅkamattam yāgum vā adatvā vigacchati vivaso maccumukham gacchati, so avutṭhika-samo nāma hontī-ti. Iminā nayena sesesu pi nigamanaṃ veditabbam.

Imesu tīsu puggalesu paṭhamo ekaṃsen'eva garahitabbo, dutiyo paṣaṃsanīyo, tatiyo paṣaṃsanīyataro. Paṭhamo ekan-ten'eva sabbanihīno, dutiyo majjhimo, tatiyo uttamo-ti veditabbo.

Gāthāsu:—

Samane-ti upayogavasena bahuvacanaṃ. Tathā sesesu pi.

Laddhā-ti labhitvā samane dakkhiṇeyye pavāritvā puṭṭho.

*Na saṃvibhajjati*¹ *annapūnañca bhojanan-ti* annam vā pānam vā aññaṃ vā bhuñjitabba-yuttakam bhojanam tam na saṃvibhajjati. Ayam h'ettha saṃkhep'attho:—Yo atthika-bhāvena upagate samaṇa-paṭiggāhake labhitvā annādinā saṃvibhāgamattam pi na karoti, kiṃ so aññaṃ dānam das-sati, tam evarūpaṃ thaddhamacchariṃ *purisā dhammaṃ* nihīnapuggalam paṇḍitā *avutṭhika-samo-ti āhu* kathayanti-ti.

¹ For °vibhājeti of the Text, see p. 65, fn. 13.

Ekaccānaṃ na dadāti-ti vijjamāne pi mahati dātabba-dhamme ekesaṃ sattānaṃ tesu kodha-vasena vā deyya-dhamme lobhavasena vā na dadāti.

Ekaccānaṃ paccchulī-ti ekesaṃ yeva puna dadāti.

Melhāvino-ti paññavanto paṇḍitā janā.

Subhikkhavāco-ti yo upagatānaṃ yācakūnaṃ annaṃ detha pānaṃ dethā-ti ālinā taṃ taṃ dāpeti, so sulabha-bhikkhātāya subhikkhā vācā etassā-ti subhikkhavāco.

Subhikkhavassī-ti¹ pi paṭhanti. Yathā loke subhikkho hoti, evaṃ sabbatthābhivassita-mahāmegho subhikkhavassī nāma hoti, evamayam pi mahādlānehi sabbatthābhivassī subhikkhavassī-ti.

Āmodamāno pakireti-ti tuṭṭhamānaso sahatthena dānaṃ dento paṭiggāhakakkhette deyya-dhammaṃ pakiranto viya hoti vācāya pi *detha dethā-ti bhūsatī*.

Idāni naṃ subhikkhavassitabhāvaṃ dassetuṃ yathā pi meggo-ti-āli vuttaṃ. Tatrāyaṃ samkhep'attho:--*Yathā mahāmegho* paṭhamaṃ manda-nigghosena *thanayitvā*, puna sakalamahī-kandarāni ekaninnūlaṃ karonto, *gajjayitvā purussati* sabbatthakameva *vūrinā* ulakena *thalaṃ ninnāṇca abhisandanto pūreti* ekoghaṃ karoti, *evameva idha* imasmiṃ loke *ekacco* ulāra-puggalo sabba-samatāya so mahā-megho viya vassitabbattā *tādiso* yathā *dhanam utthānādhigataṃ* attano utthānaviriyābhiniḥbattaṃ hoti, evaṃ anālaso hutvā taṇca *dhammena* ṇāṇena *samharitvā* tannibbattena annena pānena aññena ca deyyadhammena patte sampatte *raṇibbake sammā* sammadeva desakālānurūpaṇe'eva icchānurūpaṇca *tappeti* sampavāreti-ti.

Chaṭṭhasuttavaṇṇanā.

7. Sattame:—

Sukhānī-ti sukhanimittāni.

Paṭṭhāyamāno-ti icchamāno, ākañkhamāno.

Sīlan-ti gahaṭṭha-sīlaṃ, pabbajita-sīlaṇca. Gahaṭṭho ca gahaṭṭha-sīlaṃ pabbajito ca catupārisuddha-sīlan-ti adhipāyo.

¹ See Text, p. 66, fn. 8.

Rakkheyā-ti samādayitvā avitikkamanto sammadeva gopeyya.

Pasaṃsā me āgacchatū-ti mama kalyāṇo kittisaddo āgacchatū-ti icchanto *paṇḍito* sappanṇo *sīlaṃ rakkheyya*. Sīlavato hi gahaṭṭhassa tāva 'asuko asukkulassa putto sīlavā kalyāṇadhammo saddho pasanno dāyako kārako'-ti ādinā parisamajjhe kalyāṇo kittisaddo abbhuggacchati. Pabbajitassa 'asuko nāma bhikkhu sīlavā vattasampanno sorato sukhasaṃvāso sagāravo sappatisso'-ti 'ādinā-pe—abbhuggacchati'-ti.* *Vuttañh'etaṃ*—"Puna ca paraṃ gahapatayo¹ sīlavato sīlasampannassa kalyāṇo kittisaddo abbhuggacchati"-ti.† *Yathā* "Ākaṅkheyya ce bhikkhave bhikkhu: sa-brahmacārīnaṃ piyo c'assaṃ manāpo garu ca bhāvanīyo cā"-ti‡ *sīlesvev'assa* paripūrikārī-ti āli.

Bhogā me uppajjantū-ti ettha gahaṭṭhassa sīlavato kalyāṇadhammassa, yena yena sippuṭṭhānena jīvitaṃ kappeti yadi kasiyā yadi vaṇijjāya yadi rājaporisena, taṃ taṃ yathākālaṃ yathāvidhiṇca ativiya appamattabhāvato,² ath'assa anuppannā c'eva bhogā uppajjanti, uppannā ca bhogā dhūtiṃ gamissanti. Pabbajitassa pana sīlācārasampannassa appamādavihārissa sato, sīlasampannassa sīlasampadāya appicchatādi guṇesu ca paṣannā manussā ulārūlāre paccaye abhiharanti, evametassa anuppannā c'eva bhogā uppajjanti, uppannā ca thirā honti. *Tathā* hi vuttaṃ—"Puna ca paraṃ gahapatayo sīlavā sīlasampanno appamādlādhikaraṇaṃ mahantaṃ bhogakkhandhaṃ adhigacchati"-ti.§ *Tathā*: "Ākaṅkheyya ce bhikkhave bhikkhu: lābhī assaṃ cīvara-piṇḍapāta-senāsana-gilānapaccaya-bhesajja-parikkhārānaṃ"-ti‡ *sīlesvev'assa* paripūrikārī-ti. *Sesaṃ vuttanayameva*.

Gāthāsu :—

Paṭṭhayāno-ti paṭṭhayanto.

Tayo sukhe-ti tīpi sukhāni.

Vittalābhan-ti dhanalābhaṃ. *Bhog'uppattin*-ti attho. *Vi-*

* Cf. UdA. 417, for notes on pāpako°.

† D. iii, 236; Cf. A. i, 127; Puggalu-Pa., 36.

‡ M. i, 33.

§ D. ii, 86 (with idha for puna ca paraṃ).

sesato c'ettha pasamsāya cetasikaṃ sukhaṃ, bhogehi kāyikaṃ sukhaṃ,* itarena uppatti-sukhaṃ. Tathā paṭhamena diṭṭhadhammasukhaṃ, tatiyena samparāyasukhaṃ, duttiyena ubhayaṃ sukhaṃ gahitan-ti veditabbaṃ.

Idāni pasamsādi-kāraṇassa sīlassa viya pasamsādinam visesa-kāraṇaṃ pāpamitta-parivajjanaṃ kalyāṇamitta-seva-nañca ādinavānisamsehi saddhiṃ dassento *akaron-to*-ti ādimāha.

Tattha *samkiyo*-ti pāpasmiṃ parisam-kitabbo, addhā iminā pāpaṃ kataṃ vā karissati vā, tathāhi so pāpapurishi saddhiṃ sañcarati-ti.

Assā-ti imassa pāpajana-sevino puggalassa¹ avaṇṇo abhūto pi pāpajana-sevitāya.

Ruhatī-ti virūlhiṃ vepullaṃ āpajjati pattharati. *Assā*-ti vā bhummatthe sāmivacanam. Tasmīṃ puggale-ti attho.

Sa ve tādiso *ho*-ti yo yādisaṃ pāpamittaṃ vā kalyāṇamittaṃ vā bhajati upasevati ca, so puggalo bhūmibhāgasena udakaṃ viya tāliso vā hoti, pāpadhammo kalyāṇadhammo vā hoti. Kasmā? *Sahavāso hi tādiso*. Yasmā sahavāso saṃsaggo upasaggo viya phalika-manisu purisa-upanissaya bhūtaṃ puggalākāraṃ gāhāpeti, tasmā pāpapuggalena sahavāso na kātabbo-ti adhippāyo.

Sevamāno sevamāna-ti paraṃ pakati-suddhaṃ puggalaṃ kālana kālāṃ attānaṃ *sevamānaṃ sevamāno* pāpapuggalo teṇa vā seviyamāno.

Samphuṭṭho samphusa-ti tena pakati-suddhena puggalena sahavāseṇa saṃsuggena samphuṭṭho pāpapuggalo sayam pi tathā samphusanto.

Saro duṭṭho kalāpaṃ vā-ti yathā nāma saro visena duṭṭho litto sarahamūha-samkhātaṃ sarakalāpaṃ attanā phuṭṭhaṃ *ālittaṃ* pi *upalimpati*, evaṃ pāpena.

Upalepabhayā dhiro-ti dhitisampannattā dhiro. paṇḍita-puriso pāpasahāyo na bhaveyya.

Pūtimacchaṃ kusaggenā-ti yathā kuṭṭhitabhāvena pūtibhūtaṃ macchaṃ *kusa*-tiṇ'aggena yo puriso upanayhati pūta-

* Cf. Pts. i, 188.

¹ B has upari assa vā puggalassa after this.

bandha-vasena bandhati, tassa te *kusā* apūtikā pi pūtimaccha-sambandhena pūtiduggandhena *vāyanti*.

Evaṃ bālūpasevanā-ti evaṃ-sampadā bāla janūpasevanā datṭhabbā.

Evaṃ dhīrūpasevanā-ti yathā asurabhino pi pattā taggara-sambandhena surabhī vāyanti, evaṃ paṇḍitūpasevanā pakatiyā asīlavato silasamādānādi-vasena sīlagandhavāyanassa kāraṇaṃ hoti.

Tasmā-ti yasmā akalyāṇamitta-sevanāya¹ kalyāṇamitta-sevanāya ayaṃ ediso ādīnavo ānisaṃso ca, tasmā pattapūṭass'eva palāsapuṭassa viya duggandha-sugandha-vatthusamsaggena asādhū-sādhū-jana-sannissayena.

*Ñatvā sampākamattano*²-ti attano dukkhudrayaṃ sukhudrayaṃ phalanipphattim *ñatvā* jānitvā *asanto* pāpamitte *na upaseveyya sante* upasante vantadose pasatthe vā paṇḍite *seveyya*. Tathāhi—

“Asanto nirayaṃ nenti santo pāpenti sugatin”*-ti.

Iti Bhagavā paṭhamagāthāya yathāvuttāni tīpi sukhanimit-tāni dassetvā tato parāhi pañcahi gāthāhi paṭipakkha-pari-vajjanena saddhim paṃsā-sukhassa āgamaṇaṃ dassetvā, osānagāthāya tiṇṇaṃ pi sukhāṇaṃ āgamaṇa-kāraṇena sad-dhim osānasukkhāṃ dasseti.

Sattamasuttavaṇṇanā.

8. Atṭhame:—†

*Bhidurāyaṇ*³-ti bhiduro ayaṃ.

Kāyo-ti rūpakāyo. So hi aṅgapaccaṅgānaṃ kesādināṇa samūhaṭṭhena evaṃ kucchitānaṃ jegucchānaṃ āyo uppattideso-ti pi kāyo. Tatrāyaṃ vacan'attho. Āyanti tato⁴-ti āyo. Ke āyanti? Kucchitā kesādayo. Iti kucchitānaṃ āyoti pi

* Sn. 746.

† Cf. A. v, 157 ff.

¹ S notes pāpamittasevanāya in *fn*.

² For °pātam° of the text, see *Ibid.*, p. 68, *fn*. 14.

³ For bhindantāyaṃ of the Text, S notes bhindantāyaṇ-ti bhindanto ayaṃ, as found in the MS. it followed, with remarks that this word is better. See also Text, p. 69, *fn*. 2.

⁴ B etthā-ti.

kāyo. Atthato pana catu-santati-vasena pavattamānānaṃ bhūtūpādāya dhammānaṃ puñjaṃ. Idaṃ vuttaṃ hoti:— Bhikkhave ayaṃ caturmahābhūtamayo rūpakāyo *bhiduro*, bhedanasabhāvo, khaṇe khaṇe viddhaṃsanasabhāvo-ti. Bhidurāyan-ti pi pāṭho. So ev'attho.

Viññāṇan-ti te bhūmikaṃ kusalādi-cittaṃ. Vacanattho pana taṃ taṃ ārammaṇaṃ vijānāti-ti viññāṇaṃ. Yaṃ hi sañjānana-pajānana-vidhuraṃ ārammaṇa-pajānanaṃ upaladdhaṃ taṃ viññāṇaṃ.

*Virāga*dhamman-ti virajjanadhammaṃ. Palujjanasabhāvan-ti attho.

Sabbe upadhi-ti khandhūpadhi kilesūpadhi abhisañkhārūpadhi pañcakāmaguṇūpadhi ete upadhiyati, ettha dukkhan-ti upadhisāññitā sabbe pi upādānakkhandha-kilesābhisañkhāra-pañcakāmaguṇadhammā hutvā abhāv'atṭhena *aniccā* udayabhaya-paṭipīḷanattṭhena *dukkhā* jarāya maraṇena cā-ti dvidhā vipariṇāmetabba—sabhāvatāya pakatijjhanattṭhena *vipariṇāmadhammā*.

Evamettha anicca-dassana-sukhatāya rūpadhamme viññāṇaṃ visum gahetvā puna upadhi-vibhāgena sabbe pi te bhūmikadhamme ekajjhaṃ gahetvā anicca-dukkhānupassanā mukhena tathābujjhanakānaṃ puggalānaṃ ajjhāsayena sammasanavāro kathito. Kāmañc'ettha lakkhaṇa-dvayameva pāliyaṃ āgataṃ. Yaṃ dukkhaṃ tadanattā-ti pana vacanato dukkha-lakkhaṇen'eva anatta-lakkhaṇaṃ pi dassitamevā-ti veditabbaṃ.

Gāthāyaṃ:—

Upadhīsu bhayaṃ disvā-ti tīsu¹ upadhīsu bhayatūpatṭhānāṇa-vasena bhayaṃ disvā tesam bhāyitabbaṃ passitvā. Iminā balava-vipassanaṃ dasseti. Bhayatūpatṭhānā-ñāṇaṃ eva hi vibhajitvā visesa-vasena ādīnavānupassanā nibbidānupassanā-ti ca vuccati.

*Jātimaraṇaṃ ajjhaṇā*²-ti evaṃ sammasantō vipassanā-ñāṇaṃ maggena ghaṭetvā maggaparamparāya arahattaṃ patto jātimaraṇaṃ atīto nāma hoti. Kathaṃ ?

¹ Should be cattāro or sabbesu, as suggested in S fn.

² B 'accagā.

Sampatvā paramaṃ santiṃ-ti paramaṃ uttamaṃ anuttaraṃ santiṃ sabba-sañkhāra-ūpasamaṃ nibbānaṃ adhigantvā. Evaṃbhūto ca kālaṃ kaṅkhati bhāvitatto-ti catunnaṃ ariya-maggānaṃ vasena bhāvanābhisamaya-nipphattiyā bhāvita-kāya-sīla-citta-paññattā bhāvitatto paramaṃ jīvitañca anabhinandanto kevalaṃ attano khandha-parinibbāna-kālaṃ kaṅkhati udikkhati, na tassa katthaci paṭṭhanā hoti-ti. Tenāha—

Nābhinandāmi maraṇaṃ, nābhinandāmi jīvitaṃ.

Kālañca paṭikaṅkhāmi nibbisaṃ gavāto¹ yathā-ti.*

Aṭṭhamasuttavaṇṇanā.

9. Navame:—

Dhātuso-ti dhātuto. Dhātū-ti ca ajjhāsayadhātu ajjhāsayasabhāvo adhippeto, 'yo adhimuttī'-ti pi vuccati.

Samsandanti-ti tāya dhātusabhāgatāya yathūdhātu yathā-ajjhāsayam alliyanti ekato honti.

Samenti-ti tāya yeva samān'ajjhāsayatāya ekacittā hutvā samāgacchanti aññamaññaṃ bhajanti upasaṅkamanti attano rucibhāva-khanti-diṭṭhiyo vā tattha tattha same karontā pavattanti.

Hīnādhimuttikā-ti hīne kāmaguṇādi-ke adhimutti etesan-ti hīnādhimuttikā hīnajjhāsayā.

Kalyāṇādhimuttikā-ti kalyāṇe nekkhammūlike adhimutti etesan-ti kalyāṇādhimuttikā paṇitajjhāsayā. Suce hi ācariyūpajjhāyā na sīlavanto antevāsikasaddhivihārikā ca sīlavanto, te ācariyūpajjhāye pi na upasaṅkamanti attano sadise sārūpabhikkhū yeva upasaṅkamanti. Suce pana ācariyūpajjhāyā sīlavanto, itare na sīlavanto, te pi na ācariyūpajjhāye upasaṅkamanti attano sadise hīnādhimuttike yeva upasaṅkamanti.

Evaṃ upasaṅkamanti pana na kevalaṃ etarahi eva, atha kho atitānāgate pi ti dassento aṭṭhaṃ bhikkhave-ti-ādimāha. Saṃkhepato saṅkilesa-dhammesu abhinivīṭṭhā hīnādhimut-

* S. i, 65; Thag. 606; cf. Manu. vi, 45.

tikā, vodāna-dhammesu abhinivittā kalyāṇādhimuttikā. Idam pana dussillānaṃ dussila-sevanameva sīlavantānaṃ sīlavanta-sevanameva duppaññānaṃ duppañña-sevanameva paññavantānaṃ paññavanta-sevanameva ko niyāmeti-ti. Ajjhāsayadhātu niyāmeti.

Sambahulā kira bhikkhū ekasmiṃ gāme bhikkhācāraṃ caranti. Te manussā bahubhattaṃ āharitvā pattāni pūretvā yathāsabhāgena paribhuñjathā-ti datvā uyyujesum. Bhikkhū āhamsu—‘āvuso manussā dhātusampayutta-kamme payojenti’-ti. Evaṃ ajjhāsayadhātu niyāmeti-ti. Dhātusampayuttena ayamattho dīpetabbo.

Gijjhakūṭa-pabbatasmiṃ hi gilāna-seyyāya nipanno Bhagavā ārakkhathāya parivāretvā vasantesu Sāriputtesu Mogallānādisu ekamekaṃ attano parisāya saddhiṃ caṅkaman-taṃ oloketvā bhikkhū āmantesi—‘Passatha no tumhe bhikkhave Sāriputtaṃ sambahulehi bhikkhūhi saddhiṃ caṅkaman-taṃ’-ti. Evaṃ bhante-ti—‘Sabbe kho te bhikkhave bhikkhū mahāpuññā’-ti. Sabbam vitthāretabbaṃ.

Gāthāsu:—

Samsaggā-ti saṃkilesato saḥavāsādi-vasena samāyogato. Athavā, dassanasamsaggo, savanasamsaggo, samullāpasamsaggo, sambhogasamsaggo, kāyasamsaggo-ti evaṃ pañca-vidhe samsagge yatokuto-ci samsaggato.

Vanatho jāto-ti kilesa uppanno maggena asaṃuḥato.

Samsaggena chijjati-ti samsagga-paṭikkhepena kāyavivekā-dinā pubbabhāge chijjivā puna accanta-asamsaggena samuccheda-vivekena chijjati pahiyati. Ettāvatā saṃkhepato hīnādhimuttiyaṃ samudayo atthaṅgamo ca dassito hoti. Yasmā pana te samsaggā c’eva te ca kilesā kosajja-vasena uppajjanti c’eva vaḍḍhanti ca na viriyārambha-vasena, tasmā hīnādhimuttike kusīte puggale vajjetvā kalyāṇādhimuttike āradḍha-viriye sevantena asamsaggena samsaggajo vanatho chinditabbo-ti.

Yathāvuttamattham vitthārato dassento kusīta-sevanāya tāva ādinavaṃ pakāsetum *parittaṃ dārun*-ti ādimāha.

Tattha *parittaṃ dārun*-ti khuddakaṃ dārum.

Yathā sīde mahaṇṇave-ti yathā khuddakaṃ kaṭṭhamayaṃ kullaṃ āharitvā mahā-samuddaṃ taritukāmo tīraṃ appatvā

samudda-majjhe yeva *sideyya* patitvā maccha-kacchapa-bhakkho bhaveyya.

Evam kusītaṃ āgama sādhu-jīvī pi sīdati-ti evameva kusītaṃ viriyārambhavirahitaṃ kilesavasikaṃ puggalaṃ nissāya tena kata-saṃsaggo *sādhu-jīvī*, pi parisuddhā-jīvo pi parisuddha-sīlo pi samāno hīnasamaggato uppannehi kāmavitak-kādihi khajjamāno pāraṃ gantum asamattho mahāṇṇave¹ yeva sīdati.

Tasmā-ti yasmā evamanatthāvaho kusitasamaggō, *tasmā taṃ* āgama ālasīyānuyogena kucchitaṃ sīdati-ti *kusītaṃ*, tato eva hīna-viriyaṃ nibbiriyaṃ mittam *parivajjeyya*. Ekanten'eva pana kāyavivekādīnañc'eva tadaṅga-vivekādīnañca vasena *pavivittehi* tato eva kileshehi ārakattā *ariyehi* parisuddhehi nibbānaṃ paṭipesitattabhāvato *pahitattehi* ārammaṇalakkhaṇūpanijjhānānaṃ vasena jhāyanato *jhāyibhi* sabbakālaṃ paggaḥita-viriyatāya āraddha-viriyatāya *āraddha-viriyehi paṇḍitehi* sappaññehi yeva *saha āvaseyya* saṃvaseyyā-ti.

Navamasuttavāṇṇanā.

10. Dasame—

Parihānāya saṃvattan-ti avuḍḍhiyā bhavanti maggādhigamassa paripanthāya honti. Adhigatassa pana maggassa parihāni nāma n'atthi.

Tayo dhammā-ti dhammādhitṭhāna-vasena udditṭha-dhamme puggalādhitṭhānāya desanāya vibhajanto, *idha bhikkhave sekkho bhikkhū*-ti ādimāha.

Tattha kammaṃ āramitabbato ārāmo etassā-ti *kammārāmo*.

Kamme rato-ti *kammarato*.

Kammārāmatam kammābhirataṃ *anuyutto* pasuto-ti *kammārāmatamanuyutto*.

Tattha kammaṃ nāma iti kattabbaṃ kammaṃ, seyyathidaṃ cīvaravicāraṇaṃ cīvarakaraṇaṃ upatthambhanaṃ patatthavikaṃ aṃsabandhanaṃ kāyabandhanaṃ dhammakaraṇaṃ ādhāraṇaṃ pādakaṭṭhalikaṃ sammajjanti-ti evamādinam upakaraṇānaṃ karaṇaṃ yañca vihāre khaṇḍaphullādi paṭi-

¹ B saṃsārappave.

saṃkharapaṇaṃ. Ekacco hi etāni karonto sakala-divasaṃ etān'eva karoti. Taṃ sandhāy'etaṃ vuttaṃ. Yo pana etesaṃ karaṇavelāyameva etāni karoti uddesavelāyaṃ uddesaṃ gaṇhāti, sajjhāyavelāyaṃ sajjhāyati cetiyaṅgaṇa vattādi karaṇavelāyaṃ cetiyaṅgaṇavattādini karoti, manasikāraṇavelāyaṃ manasikāraṇaṃ karoti, sabbatthaka-kammaṭṭhāne vā pārihāriya-kammaṭṭhāne vā, na so kammārāmo nāma. Tassa taṃ:—"Yāni kho pana tāni sabrahmacāriṇaṃ uccāvacāni kipaṇaṇi, tattha dakkho hoti anālasa tatrupāyāya vi-mamsāya samannāgato alaṃ kātuṃ alaṃ saṃvidhātun"-ti* ādinā satthārā anuññāta-karaṇameva hoti.

Bhassārāmo-ti yo Bhagavatā paṭikkhitta-rājakathādi-vasena rattindivaṃ vitināmeti, ayaṃ bhasse pariyaṇtakāri na hoti *bhassārāmo* nāma. Yo pana rattiṃ pi divaṃ pi dhammaṃ katheti pañhaṃ visajjeti, ayaṃ appabhasso bhasse pariyaṇtakāri yeva. Kasmā? "Sannipatitānaṃ vo bhikkhave dvayaṃ karaṇiyyaṃ: dhammi vā kathā ariyo vā tuṇhībhaṃ" -ti†-vuttavidhiṃ yeva paṭipanno-ti.

Niddārāmo-ti yo yāvadatthaṃ udarāvadehakaṃ bhuñjitvā seyyasukhaṃ passasukhaṃ middhasukhaṃ anuyuñjati, yo ca gacchanto pi nisinno pi thīnamiddhābhībhūto niddāyati, ayaṃ *niddārāmo* nāma. Yassa pana karajakāyagelaññena cittaṃ bhavaṅgaṃ otarati, nāyaṃ *niddhārāmo*. Ten'evāha—"Abhijānāmi kho panāhaṃ Aggivessana gimhānaṃ pacchime māse pacchābhattaṃ piṇḍapātaṃ paṭikkanto catugguṇaṃ saṃghātiṃ paññāpetvā dakkhiṇena passena sato sampajāno niddaṃ okkamitā"-ti.‡

Ettha ca puthujjanakalyāṇako pi sekkho tveva veditabbo. Tasmā tassa sabbassa pi visesādhigamassa itaresaṃ upari visesādhigamassa *parihāṇāya saṃvattantī*-ti veditabbaṃ. Sukka-pakkhassa vuttavipariyāyena atthavibhāvanā veditabbā.

Gāthāsu:—

Uddhato-ti citta-vikkhepa-kareṇa uddhaccena uddhato avūpasanto.

Appakiccassā-ti anuññātassa pi vutta-ppakārassa kiccassa yuttappayuttakāle yeva karaṇato appakiccō assa bhaveyya.

Appamiddho-ti divasaṃ caṅkameṇa nisajjāyā-ti ādinā vuttajāgariyānuyogena niddārahito assa.

Anuddhato-ti bhassārāmatāya uppajjanaka-cittavikkhepassa abhassārāmo hutvā parivajjanena *anuddhato* vūpasanta-citta-samāhito-ti attho. Sesam pubbe vuttanayattā suviññeyyameva.

Iti imasmim Vagge Paṭhama-Dutiya-Catuttha¹-Pañcama-Chatṭha-Sattama-Atṭhama-Navamesu Suttasu vattaṃ kathitaṃ. Itaresu vaṭṭavivaṭṭaṃ.

Dasamasuttavaṇṇanā.

Tatīyavaggavaṇṇanā Niṭṭhitā.

IV, 1. Catuttha vaggassa paṭhame*—

Akusala-vitakkā-ti akosalla-sambhūtā vitakkā. Micchā vitakkā-ti attho.

Anavaññatti-paṭisaṃyutto-ti ettha *anavaññatti*-ti anavaññā. Parehi attano ahīritattā aparibhūtattā aho vata maṃ pare na avajāneyyun-ti evaṃ pavatto icchācāro tāya anavaññattiyā paṭisaṃyutto samsatṭho taṃ vā ārabha pavatto *anavaññatti-paṭisaṃyutto vitakko*. Tasmā, kathaṃ nu kho maṃ pare gaḥatṭhā c'eva pabbajitā ca na orakato daheyyun-ti sambhāvana kamyatāya icchācāre ṭhatvā pavattita-vitakkass'etaṃ adhivacanam.

Lābha-sakkāra-siloka-paṭisaṃyutto-ti olvarādi-lābhena c'eva sakkārena ca kittisaddena ca ārammaṇakaraṇavasena paṭisaṃyutto.

Parānuddayatā-paṭisaṃyutto-ti paresu anuddayatā-paṭirūpa-kena gehasitapemena paṭisaṃyutto. Yaṃ sandhāya vuttaṃ —“Samsattho viharati rājūhi rājamahāmattehi brāhmaṇehi gahapatikehi titthiyehi titthiyasāvahehi sahanandī sahasokī sukhitesu sukhito dukkhitesu dukkhito uppannesu kiccakaraṇīyesu attano yogaṃ āpajjati”-ti.†

Gāthāsu:—

Anavaññattiyā paṭisaṃyutto puggalo *anavaññatti-saṃyutto*.

* Cf. A. i, 254; Nidd. ii, 386.

† S. iv, 180.

Lābha-sakkāre gāravo etassa na dhamme-ti *lābha-sakkāra-gāravo*.

Sukha-dukkhesu amā saha bhavā¹-ti *amaccā*, sahāyasadisā² upatṭhākā. Tehi gehasitapema—vasena saha nandanasilo *sahanandī amaccehi*. Iminā *parānuddayatū—paṭisaṃyuttam vitakkam* dasseti.

Ārā saṃyojanakkhayā-ti imehi tīhi vitakkehi abhibhūto puggalo saṃyojanakkhayato arahattato dūre. Tassa taṃ dullabhan-ti attho.

Putta-pasun-ti putte ca pasavo ca. *Putta-saddena* c'ettha dārādayo, *pasu-saddena* assa mahisa—khetta—vatthādayo saṅgahitā.

*Vivāhe*³-ti vivāhakārāpane. Iminā āvāho pi saṅgahito.

Saṅgahānī-ti pariggahānī. Parikkhārāhānī-ti attho. Santhavānī⁴-ti ca paṭhanti. Mittasanthavānī-ti attho. Sabbattha *hiivā*-ti sambandho.

Bhaddo so tādiso bhikkhū-ti so yathā-vuttam sabbam paṇcam pariccajivā yathā satthārā vuttāya sammāpaṭipatīyā, tathā passitabbato tāliso saṃsāra-bhayam ikkhatī-ti bhikkhu, *uttama-sambodhiṃ* arahattam pattum arahati.

Paṭhamasuttavaṇṇanā.

2. Dutīye:—*Sakkārenā*-ti sakkarena hetubhūtena. Athavā, *sakkārenā*-ti sakkāra—hetunā sakkāra—hetukena vā. Sak-kāram hi nissāya idh'ekacce puggalā pāpicchā icchāpakatā icchācāre ṭhatvā sakkāram nibbattessāmā-ti aneka-vihitam anesanam appatirūpaṃ āpajjitvā ito cutā apāyesu nibbattanti. Apare yathā sakkānam labhitvā taṃ nimittam mānamada—macchariyādi—vasena pamādam āpajjitvā ito cutā apāyesu nibbattanti. Yam sandhāya vuttam —

Sakkārena abhibhūtā pariyādinna-cittā-ti.

Tattha:—*Abhibhūtā*-ti ajjhotthatā.

Pariyādinna-cittā-ti khepitacittā, icchācārena mānamadādinā ca khayam pāpita—kusalacittā. Athavā, *Pariyādinna-*

¹ B gatā.

² B sahāyā.

³ For vivāso of the Text, see Text, p. 78, fn. 6.

⁴ For other variations, see Text, p. 78, fn. 7.

cittā-ti parito ādinnacittā. Vuttappakārena akusala-kotṭhā-sena yathā kusalacittassa uppattivāro na hoti, evaṃ samantato gahitacittasantānā-ti attho.

Asakkārenā-ti hīletvā paribhavitvā parehi attani pavuttitena asakkārena hetunā asakkārahetukena vā mānādinā.

Sakkārena ca asakkārena cā-ti kehi-ci āvattitena sakkārena, kehi-ci pavattitena asakkārena ca. Yehi kehici paṭhamam sakkatā hutvā tehi yeva assaddhādibhāvaṃ ātāvā pacchā asakkatā honti, tādise sandhāya vuttaṃ:—*Sakkārena ca asakkārena cā*-ti. Tattha:—sakkārena abhibhūtā Devadat-tādayo nidassetabbā. Vuttaṃ h'etaṃ:—

“Phalaṃ ve kadaliṃ hanti, phalaṃ veḷuṃ phalaṃ naḷaṃ
Sakkāro kāpurisaṃ hanti, gabbho assatarīṃ yathā”-ti.*

Sādhūnaṃ upari katena asakkārena ca abhibhūtā Daṇḍakī-rāja-Kālīṅga-rāja-Mijjha-rajādayo nidassetabbā.†

Vuttaṃ pi c'etaṃ:—

“Kisaṃ hi¹ Vacchaṃ avakiriya Daṇḍakī
Ucchinnamūlo sajana saratṭho,
Kukkulanāme nirayamhi paccati,
Tassa phullīṅgāni² patanti kāye”-ti.‡

Tathā:—

“Yo saññate pabbajite avañcayi³
Dhammaṃ bhaṇante samaṇe adūsake
Taṃ nālikiraṃ⁴ sunakhā parattha
Saṃgamma khādanti viphandamānaṃ”-ti.§

Upahacca mānaṃ⁵ Mejjho, Mātaṅgasmim yasassino,
Sapārisajjo ucchinno Mejjharaññaṃ tadā ahū-ti.¶

Sakkārena ca asakkārena ca abhibhūtā aññatitthiyā Nātha-
puttādayo|| nidassetabbā.

* S. i, 154; ii, 241.

† J. v, 143.

|| J. ii, 262; iii, 126, etc.

† J. v, 143; iv, 389, etc.

§ J. v, 267; iv, 389.

¹ J pi.

² J pul°.

³ J °casi; B acohedayi.

⁴ B nālikeraṃ.

⁵ J manam.

Gāthāsu:—*Ubhayan-ti*—Ubhayena sakkārena ca asakkārena ca.

Samādhi na vikampati-ti na calati ekaggabhāveva¹ tiṭṭhati. Kassa pana na calati-ti? Āha: *Appamāda*²-*vihāri*-ti. Yo pamādakara³-dhammānaṃ rāgādīnaṃ suppahinattā⁴ appamādavihārī arahā, tassa.

So hi lokadhammehi na vikampati.

Sukhumadiṭṭhi-vipassaka-ti phalasamāpatti-atthaṃ⁵ sukhumāya diṭṭhiyā paññāya abhiñhaṃ pavatta-vipassanattā *sukhumadiṭṭhi-vipassaka*ṃ.

Upādānakkhayārāma-ti catunnaṃ upādānānaṃ khayam pariyośānabhūtaṃ arahattaphalaṃ āramitabbaṃ etassā-ti *upādānakkhayārāma*ṃ. Sesam vuttanayameva.

Dutiyasuttavaṇṇanā.

3. Tatiye—*Devesu*-ti t̐hapetvā arūpāvacaradeve c'eva asaññī deva ca tadāññesu uppattidevesu.

Deva-saddū-ti devānaṃ pītisamudāhāra-saddā.

Niccharanti-ti aññamaññaṃ allāpa-sallāpa-vasena pavatanti.

Samayā samayaṃ upādāyā-ti samayato samayaṃ paṭicca. Idam vuttaṃ hoti: yasmim kāle t̐hitā te devā taṃ kālaṃ āgamma naṃ passissanti, tato taṃ samayaṃ sampattaṃ āgammā-ti. *Samayaṃ samayaṃ upādāyā*-ti ca keci paṭhanti. Tesam taṃ taṃ samayaṃ paṭiccā-ti attho.

Yasmim samaye-ti yadā "Aṭṭhi-kañkhalūpamā kāmā"-ti*-adinā, "sambādho gharāvāso"-ti†-adinā ca kāmesu gharāvāsesu ca ādīnavā tappatipakkhato nekkhamme āni-samsā ca sudiṭṭhā honti, tasmim samaye, tadā hi'ssa ekan-tena pabbajjāya cittaṃ namati.

Ariya-sāvako-ti ariyassa Buddhassa bhagavato sāvako sāvakabhāvaṃ upagantukāmo, ariyasāvako vā avassam-

* M. i, 130.

† Ud. v, 6.

¹ S eka-sabbhāvo va.

² C appamāna° (cf. Text, p. 74, fn. 8) here and below.

³ S °dakārapadh°.

⁴ S suttaham pahī°.

⁵ S °thadhiḡatāya.

bhāvi, 'antimabhāvi. Taṃ sāvakaṃ hi bodhisattaṃ¹ sandhāya ayamārambho.

Kesamassuṃ ohāretvā-ti kese ca massuṃca ohāretvā apānetvā.

Kāsāyāni vatthāni acchādetvā-ti kāsāyena rattattā *kāsāyāni* brahmacariyaṃ carantānaṃ anucchavikāni *vatthāni* nivāsetvā c'eva pārupitvā ca.

Agārasmā anagāriyaṃ pabbajjāya ceteti-ti agārasmā gharā nikkhamitvā anagāriyaṃ pabbajjaṃ pabbajeyyan-ti *pabbajjāya ceteti* vikappeti,² pabbajati³-ti attho. Ettha ca yasmā agārassa hitaṃ kasivaṇijjādikammaṃ agāriyaṃ ti vuccati, taṃca pabbajjāya n'atthi, tasmā *pabbajjā anagāriyaṃ*-ti ñātābbā.

Mārenā-ti kilesa-Mārena.

Saṅgāmāya ceteti-ti yujjhanatthāya cittaṃ uppādeti, Māraṃ abhivijetum sannayhati. Yasmā pana evarūpassa paṭipajjanakapuggalassa devaputta-Māro pi antarāyāya upakkamati tasmā⁴ *Mārenā*-ti; ettha devaputta-Mārenā-ti pi attho veditabbo. Tassā pi yaṃ icchā vighātaṃ karissat'evāti. Yasmā pana pabbajitadivasato paṭṭhāya khuraggato vā paṭṭhāya sīlāni samādiyanto parisodhento samatha-vipassanāsu kammaṃ karonto yathārahaṃ tadaṅgappahānavikkhambhana-pahānānaṃ vasena kilesamāraṃ paripāteti nāma, na yujjhati nāma sampahārassa abhāvato, tasmā vuttaṃ *Mārena saddhiṃ saṅgāmāya ceteti*-ti.

Sattannaṃ-ti kaṭṭhāsato *sattannaṃ*. Pabhedato pana te sattattiṃsa honti. Kathaṃ? "cattāro satipaṭṭhānā, cattāro sammappadhānā, cattāro iddhipādā, pañc'indriyāni, pañca balāni, satta bojjhaṅgā, ariyo aṭṭhaṅgiko maggo"-ti,⁵ evaṃ pabhedato sattattiṃsavidhā pi, satipaṭṭhānādi koṭṭhāsato satt'eva honti-ti vuttaṃ *sattannaṃ*-ti.

Bodhipakkhiyānaṃ-ti bujjan'aṭṭhena bodhi⁶-ti laddhanā-massa ariya-puggalassa maggañāpass'eva vā pakkhe bhavā-

* Ud. v, 5. For exp. vide UdA. 304-6.

¹⁻² B antimabhavikaṃ sāvaka-bodhi°.

³ C paka°.

² S °jiasati.

⁴ B reads tassā pi vasena after this.

⁵ S bodho.

naṃ *bodhipakkhiyānaṃ*, bodhikotṭhāsiyānaṃ-ti attho. Bodhipakkkhikānaṃ-ti pi pāṭho. Bodhipakkkhavantānaṃ bodhipakkhe vā niyuttānaṃ-ti attho.

Bhāvanānuyogamanuyutto-ti vipassanaṃ ussukkāpetvā ariya-magga-bhāvanānuyogamanuyutto. Vipassanākkhaṇe hi satipaṭṭhānādayo pariyāyena bodhipakkhiyā nāma, maggakkhaṇe yeva pana te nipariyāyena bodhipakkhiyā nāma honti.

* *Āsavānaṃ khayā*-ti kāmāsavādīnaṃ¹ sabbesaṃ āsavānaṃ khayā, āsavesu hi khīpesu sabbe pi kilesā khīṇā yeva honti, tena arahattamaggo vutto hoti.

Anāsavaṃ-ti āsavavirahitaṃ.

Cetovimuttiṃ paññāvimuttiṃ-ti ettha ceto-vacanena arahattaphalasamādhī, *paññā*-vacanena taṃ-sampayuttā ca paññā vuttā. Tattha: samādhī rāgato vimuttattā cetovimutti, paññā avijjāya vimuttattā paññāvimutti-ti veditaḃbā. Vuttaṃ h'etaṃ Bhagavatā—"Yo hi'ssa, bhikkhave, samādhī, tad assa samādh'indriyaṃ,"† "Yā hi'ssa, bhikkhave, paññā, tad assa paññ'indriyaṃ,"‡ "Iti kho, bhikkhave, rāgavirāgā cetovimutti, avijjāvirāgā paññāvimutti"-ti.§ Api c'ettha samatha-phalaṃ cetovimutti, vipassanāphalaṃ paññāvimutti-ti veditaḃbāṃ.

Diṭṭh'eva dhamme-ti imasmiṃ yeva attabhāve.

Sayaṃ abhiññā sacchikatvā-ti attanā yeva abhivisiṭṭhāya paññāya paccakkhaṃ katvā aparappaccayaena ñatvā.

Upasampajja viharati-ti pāpunītvā sampādetvā viharati.

Tameva saṅgāmasāsaṃ abhivijjīya ajjhāvasati-ti Māraṃ abhivijjīnitvā vijita-vijayattā tena katasaṅgāmasaṅkhaṃ tassa ariya-maggassa sisabhūtaṃ arahattaphala-samāpatti-issariyaṭṭhānaṃ abhibhavanto āvasati, samāpajjati icc'eva attho. Ime ca devasaddā diṭṭhasaccesu devesu pavattanti. Visesato Suddhāvāsa-devesū-ti veditaḃbāṃ.

Gāthāsu:—*Mahantaṃ*-ti silādi-guṇamahattena mahantaṃ.

* For the whole passage of the Text, vide Puggala-P., i, 27; M. i, 35; and for expl. vide M.A. 164-5.

† S. v, 225.

‡ S. v, 226.

§ A. i, 61.

¹ Vide ante 3, I, 7, and notes thereon.

Vitasāradan-ti sārājja-karāṇaṃ kilesānaṃ abhāvena vigata-sārājjaṃ, apagatamaññakubhāvaṃ.

Purisājaññā-ti assādisu assājāṇiyādayo viya purisesu ājāṇiyabhūtā uttamapurisā.

*Dujjayamajjhābhū*¹-ti pacurajanehi jetuṃ asakkuṇeyyaṃ kilesa-vāhinim abhibhavi ajjhotthari. Ajjayi-ti pi paṭhanti. Ajjinti-ti attho.

Jetvāna maccuno senaṃ vimokkhena anāvaraṇa-ti lokattayā-bhijjhāpanato² diyaḍḍha-sahassādi vibhāgato ca vipulattā aññehi āharitum paṭisedhetum asakkuṇeyyattā ca *anāvaraṇaṃ maccuno Mārassa senaṃ vimokkhena* ariyamaggena jivvā, yo tvam dujjayaṃ ajjayi, tassa *namo te purisājaññā*-ti sambandho.

Idā-ti vuttappakārena.

Hī-ti nipātamattam.

Etam pattamānasam adhigatārahattam khīṇāsavaṃ *devatā namassanti*-ti vuttamev'attham nigamana-vasena dasseti. Athavā, eti-ti iminā kāraṇena. Kiṃ pana taṃ kāraṇaṃ? Namucīsenāvijayena pattamānasattam. Iminā kāraṇena. Evaṃ devatā namassanti-ti attho. Idāni taṃ kāraṇaṃ phalato dassetum *taṃ hi tassa namassanti yena maccunasam vaje*-ti vuttam. Tass'attho: yasmā *tassa purisājaññāssa* pañtassa gavesantā pi devā aṇumattampi *taṃ* kāraṇaṃ na passanti, yena so *maccuno* maraṇassa *vasam vaje* upagaccheyya, tasmā taṃ visuddhidevā *namassanti*-ti.

Tatīyasuttavaṇṇanā.

4. Catutthe:—

Yadā-ti yasmiṃ kāle.

Devo-ti uppatti-devo. Tayo hi devā sammati-devā, uppatti-devā, visuddhi-devā-ti. Tesu sammati-devā nāma: rājāno khattiyā, uppattidevā nāma cātummahārājikato paṭṭhāya tadupari devā. Visuddhi-devā nāma khīṇāsavā. Idha pana kāmāvacara-devā adhippetā. Tena vuttam *devo*-ti uppatti-devo-ti. *Devakāyā*-ti devasamūhato, devapaṭṭhānato vā, devalokato-ti attho. Samūhanivāsavācako hi ayaṃ kāya-saddo.

¹ C dujjamaccagū, see Text, p. 76, fn. 4.

² C "bhilyap".

Cavanadhammo-ti maraṇadhammo, āyukkhayena vā pañ-
ñakkhayena vā upatṭhitamarāṇo-ti attho.

Pañcassa pubbanimittāni pātubhavanti-ti assa upatṭhita-
maraṇassa devaputtassa pañca maraṇassa pubbanimittāni
upapajjanti, pakāsāni vā honti.

Mālāmilāyanā-ti tena pilandhitamālā¹ majjhantikasamaye
ātape nikhittā viya milātā vihatasōbhā honti.

Vatthāni kilissanā-ti sarada-samaye vigata-valāhake ākāse
abbhussakkamāna-bālasuriya-sadisappabhāni nānāviraḡa-vaṇ-
ṇāni tena nivattha-pāruta-vatthāni taṃ khaṇaṃ yeva kad-
dame khipitvā madditāni viya vihatappabhāni malināni
honti.

Kacchehi sedā muccanti-ti suparisuddhajātimaṇi viya susik-
khita-sippācariya-racita-suvaṇṇa-paṭimā viya ca pubbe
sedamala-jallikarahitasarīrassa tasmim khaṇe ubho hi kacche-
hi sedadhārā sandanti paggharanti. Na kevalaṇca kacchehi
yeva, sakala-sarīrampi² paṇ'essa sedajala-kāṇṇikā muṇcanti
yeva, yena āmutta-muttā-jālagavacchito viya tassa kāyo
hoti.

Kāye dubbāṇṇiyaṃ okkamati-ti pubbe ³paṭisandhito paṭ-
ṭhāya³ yathānubhāvaṃ ekoyojanaṃ dviyojanaṃ yāva
dvādasayojanaṃ⁴ pi padesaṃ ābhāya pharitvā ⁵vijjotamāno
kāyo hoti khaṇḍicca-pāliccādi-virahito na sītaṃ na uṇhaṃ
upaghātaṃ. Devadhītā soḷasa-vassuddesikā viya hoṭi,
devaputto visati-vassuddesiko viya. Taṃ khaṇaṃ yeva
nippabhe nitteje kāye virūpabhāvo anupavisati saṇṭhāti.⁵

Sake devo devāsane nābhīramati-ti attano accharāgaṇehi
saddhiṃ kīḷanaparicaraṇaka-dibbāsane na ramati na cittas-
sādaṃ labhati. Tassa kira manussagaṇanāya sattahi diva-
sehi maraṇaṃ bhavissati-ti imāni pubbanimittāni pātubha-
vanti. So tesam uppattiya evarūpāya nāma sampattiya
vinā bhavissāmi-ti balavasokābhibhūto hoti. Ten'assa kāye

¹ C °landham°.

² S °rato pi iṇaṇa.

³⁻⁴ S °omāsa.

⁵ S °namattaṃ pi.

¹⁻⁵ S °māne kāye taṃ khaṇaṇṇeva nippabhe nitteje virūpabhāvo
anupavisatisaṇṭhāti, paṭisandhito paṭṭhāya sītaṃ hoti na upaghātaṃ,
na uṇhaṃ, na khaṇḍicca pāliccādayo devadhītā soḷasavassuddesikā
viya hoti, devaputto visativassuddesiko viya.

mahāpariḷāho uppajjati. Tena sabbato gattāhi sedā muñcanti. Cirataraṃ kālāṃ aparimitadukkho taṃ addivāsetuṃ. Assakkonto ekacco 'dayhāmi dayhāmi'-ti kandanto paridevanto katthaci assādaṃ alabhanto vijambhanto vissasento² taṃ taṃ āhiṇḍati, ekacco satim upatṭhapetvā kāya-vācāhi vikāraṃ akarontopi piya-vippayogadukkhāṃ asahanto vihaññamāno vicarati.

Imāni pana pubbanimittāni yathā loke mahāpuññānaṃ rāja-rājamahāmaccādināṃ³ yeva ukkāpāta-bhūmicāla-candaggāhādīni nimittāni paññāyanti, na sabbesaṃ evameva mahesakkhadevānaṃ yeva paññāyanti. Uppannāni ca tāni imāni maraṇassa pubbanimittāni nāmā-ti keci devā jānanti, na sabbe. Tattha yo mandena kusalakammena nibbatto, so idāni ko jānāti kuhiṃ nibbattissāmi-ti bhāyati. Yo pana mahā-puñño so bahuṃ mayā dānaṃ dinnaṃ, sīlaṃ rakkhitaṃ, puññaṃ upacitaṃ, ito cutassa me sugati yeva pāṭi-kañkhā-ti na bhāyati, na vikampati. Evaṃ upatṭhitapubbanimittāṃ pana etaṃ gahetvā devatā Nandanavanaṃ pave-senti. Sabbadevalokesu Nandanavanaṃ atthi yeva.

*Ti*hi vācāhi anumodanti⁴-ti idāni vuccamānehi tīhi vacanehi anumodanti, modaṃ pamodaṃ uppādentī assāsenti, āsita-vasena vā taṃ-khaṇānurūpaṃ pamodaṃ karonti. Keci pana anumodanti-ti padassa ova-danti-ti vadanti.

*I*to-ti devalokato.

*B*ho-ti ālapanāṃ.

*S*ugati-ti sundaragatiṃ, manussalokaṃ sandhāya vadanti.

*G*acchā-ti paṭisandhiggaṇa-vasena upehi.

*E*vaṃ vutte-ti evaṃ tadā tehi devehi tassa *ito bho sugatiṃ gacchā*-ti-ādinā vattabbavacane bhagavatā vutte *aññalāro nāma*-gottena apākaṭo tassaṃ parisāyaṃ nisinno anusandhi-kusalo eko bhikkhu ete sugati-ādayo bhagavatā avisesato vuttā avibhūtā, handa ne vibhūtatare karāpessāmi-ti etaṃ *kinmukho bhante*-ti ādivacanāṃ avoca. Saddhādiguṇa-visesa-paṭilābhakāraṇato devūppattihetuto ca manussattaṃ devā-

¹⁻² S notes dayhāmi dahāmi-ti as an alternative reading.

² B vilapanto; C nissasanto.

³ S 'mattāḍ'

⁴ C 'modenti, here and below.

naṃ *abhisammātan*-ti āha manussattaṃ *kho bhikkhu devānaṃ sugatigamanasaṅkhātan*-ti.

Sugatigamanan-ti sammā kathitaṃ vaṇṇitaṃ thomitaṃ-attho.

Yaṃ manussabhūto-ti ettha *yaṃ*-ti kiriyāparāmasanaṃ, tena *paṭilabhaṭi*-ti ettha *paṭilabhana-kiriyā parāmasiyati*,¹ *yo saddhāpaṭilābho*-ti attho.

Manussabhūto-ti manussesu uppanno manussabhāvaṃ vā patto. Yaṃ devaloke uppannānaṃ Tathāgatassa dhamma-desanā yebhuyyena dullabhā savanāya, na tathā manus-sānaṃ, tasmā vuttaṃ *manussabhūto*-ti.

Tathāgatappavedite dhammavinaye-ti. Tathāgatena bhagavatā desite sikkhattaya-saṅgahe sāsane. Taṃ hi dhammato anapetattā dhammo ca, āsayānurūpaṃ veneyyānaṃ vinayato vinayo cāti *dhammavinayo*. Upanissayasampattiyaṃ vā dhammato anapetattā dhammaṃ apparajakkhajātiyaṃ vinayaṃ vineti-ti *dhammavinayo*. Dhammeva vā vinayo na daṇḍasattthehi-ti *dhammavinayo*. Dhamma-yutto vā vinayo-ti *dhammavinayo*. ²Dhammāya vā saha² maggaphala-nibbānāya vinayo-ti *dhammavinayo*. Mahākaruṇā-sabbaññutaññāpādi-dhammato vā patto³ vinayo-ti *dhammavinayo*. Dhammo vā bhagavā dhammabhūto dhammakāyo dhamma-sāmi, tassa dhammassa vā vinayo na takkiyānan-ti *dhammavinayo*. Dhamme vā maggaphale nippādetabba-visaya bhūṭe vā pavatto vinayo-ti *dhammavinayo*-ti vuccati, tasmīṃ *dhammavinaye*.

Saddhaṃ paṭilabhaṭi-ti svākkhāto bhagavatā dhammo-ti ādinā saddhaṃ uppādeti. Saddho hi imasmīṃ dhammavinaye yathānusiṭṭhaṃ paṭipajjamāno diṭṭhadhammika-samparāyika-paramatthe ārādheesati.

Suladdhalābhasaṅkhātan-ti ettha yathā hirañña-suvanna-khetta-vatthādi-lābho sattānaṃ upabhogasukhaṃ āvahati, khuppi-pāsādidukkhaṃ paṭibāhati, dhaṇadāliddiyaṃ vūpasameti, muttādiratana-paṭilābha-hetuto, loka-santatiñca āvahati, evaṃ lokiya-lokuttarā saddhāpi yathā-sambhavaṃ lokiya-lokuttaraṃ vipākasukhamāvahati, saddhādhurena pa-

¹ S °masati.

²⁻³ S dhammassa vā yathā.

³ S pavatto.

tipannānaṃ jātijarādi-dukkhaṃ paṭibhāti, guṇadālidhiyaṃ vūpasameti, satisambojjhaṅgādi-ratanapaṭilābha-hetu hoti, loka-santatiṇca āvahati. Vuttaṃ h'etaṃ—

“Saddho sīlena sampanno, yasobhogasamappito,
Yaṃ yaṃ padesaṃ bhajati, tathā tath'eva pūjito”-ti.*

Evam saddhā-paṭilābhassa suladdha-lābhatā veditabbā. Yasmā paṇāyaṃ saddhā-paṭilābho anugāmiko anañña-sādhāraṇo sabbasampatti-hetu lokiyassa ca hirañña-suvannādi-dhana-lābhassa kāraṇaṃ. Saddho yeva hi dānādāni puññāni katvā uḷārūlārāni viṭṭupakaraṇāni adhigacchati, tehi ca attano paresaṇca atthameva sampādeti, assaddhassa pana tāni anattāhāvahāni honti idha c'eva samparāye cā-ti evampi sadbhāya suladdha-lābhatā veditabbā. Tathāhi—saddhā bandhati pātheyyaṃ, saddhā dutiyā purisassa hoti-ti ca, saddhā dha vittaṃ purisassa seṭṭhanti ca, saddhā-hattho māpavo-ti¹ ca saddhā bijaṃ tapo vuṭṭhi-ti ca, saddhe ṭhito bhikkhave ariya-sāvako-ti ca, saddhāya tarati ogham-ti ca, anekesu ṭhānesu anekehi kāraṇehi saddhā samvannitā.

Idāni yāya saddhāya sāsane kusala-dhammesu suppatiṭṭhito nāma hoti niyāmomakkhantiyā, taṃ saddhaṃ dassetum *sā kho paṇ'assā*-ti-ādi vuttaṃ. Tathā *assā*-ti imassa bhavēyyā-ti attho. *Nivivṭhā*-ti abhinivivṭhā cittasantānaṃ anupavivṭhā. *Mūlajātā*-ti jātamūlā. Kiṃ pana saddhāya mūlaṃ nāma? Saddheyya-vatthusmiṃ okkappanahetubhūto upāya-manasikāro. Api ca sappurisasamsevanā saddhammasavanaṃ yonisomanasikāro dhammānudhammapaṭipatti-ti cattāri sotāpattiy'aṅgāni mūlāni veditabbāni. *Paṭivṭṭhi*-ti ariyamaggādhi-gamanena kenaci akampaniyabhāvena avatṭhitā. Ten'evāha:—*Daḥhā asaṃhāriyā*-ti.

Daḥhā-ti thirā.

Asaṃhāriyā-ti kenaci sampharitaṃ vā apānetum vā asak-kunēyyā. Iti te devā tassa sotāpattimaggasamādhigamaṃ āsimsantā evaṃ vadanti. Attano devaloke kāmasukkhūpa-bhogārahameva hi ariya-puggalaṃ te icchanti.

* Dh. 303.

¹ S mahānāga-ti.

Tenāha ehi deva punappunan-ti.

Gāthāsu:—Puññakkhaya-maraṇam pi jīvitindriyupaccheden'eva hotī-ti āha *Cavanti*¹ āyusañkhayā-ti.

Anumodatan-ti anumodantānaṃ.

Manussānaṃ saḥabyātan-ti manussehi saḥabhāvaṃ. Saḥabyeti-ti saḥabyo, saḥa—pavattanako, tassa bhāvo saḥabyatā.

Nivīṭṭhassā-ti nivīṭṭhā bhaveyya.

Yāvaṇi-ti yāva jīvitappavattiyā, yāva parinibbāṇā-ti attho.

Appamāṇan-ti sakkaccaṃ bahum ulāraṃ bahukkhattum ca karaṇavasena pamāṇarahitaṃ.

Nirupadhin-ti sañkilesaka-sañkilesūpadhirahitaṃ suvisuddhaṃ sunimmalan-ti attho.

Yasmā pana te devā mahaggatakusalaṃ na icchanti, kāmaloḥkasamatikkamanato, kāmāvacara-puññameva icchanti, tasmā evamettha attho veditaḥḇo. Ito devalokato cuto manussesu uppaḇḇitvā viññutaṃ patto kāyaduccaritādiṃ sabbam duccaritaṃ paḥāya kāyasucaritādiṃ sabbam sucaritaṃ ulāraṃ vipulaṃ upacinitvā ariyamaggena āgatasaddho bhavāhi-ti. Yasmā pana lokuttaresu paṭṭhamamaggaṃ duttiyamaggaṃpi vā icchanti attano devalokupattiyā anativattanato, tasmā tesampi vasena *Appamāṇaṃ nirupadhin*-ti padānaṃ attho veditaḇo. Pamāṇakarānaṃ diṭṭhekaṭṭha-olārika-kāma-rāgādi-kilesānaṃ upacchedena *Appamāṇaṃ*. Sattamabhavato vā uppaḇḇanārahassa khandhūpadhissa tan-nibbatta-ka—abhisañkhārūpadhissa taṃ taṃ maggavajjha-kilesūpadhissa ca paḥānena ca tesaṃ anibbattanato nirūpadhi-sañkhātāṃ nibbāṇaṃ sannissitattā ca *Nirūpadhi*-ti, evaṃ accantameva apāyadvārapīdhāyakakammaṃ dassetvā, idāni sabba²-sappattī-nibbatta-ka-kammaṃ dassetuṃ—*Tato opadhikaṇ*-ti-ādi vuttaṃ.

Opadhikaṇ-ti upadhivepakkam. attabhāva—sappattiyā c'eva bhogasappattiyā ca nibbattakan-ti attho. *Upadhī*-ti hi attabhāvo vuccati. Yathāha:—“Sant'ekaccāni pāpakāni kammaṣamādānāni upadhisappatti-patibāhitāni na vipac-

¹ For cavati of the Text.

² S sagga°.

canti"-ti.* Kāmaguṇā pi yathā cāha:—"Upadhīhi narassa socanan"-ti.† Tatrāyaṃ vacan'attho: upadhiyati ettha su-khadukkhan-ti upadhi, attabhāvo kāmaguṇā ca. Upadhi-kāraṇaṃ sīlaṃ etassa, upadhiṃ vā arahati-ti opadhikaṃ puññaṃ.

¹Taṃ bahuṃ uḷāraṃ katvā. Kathaṃ? Dānena dānaṃ hi itarehi sukarana-ti evaṃ vuttaṃ.¹ Dānenā-ti vā padena abha-yadānampi vuttaṃ na āmisadānamevā-ti sīlassāpi saṅgaho daṭṭhabbo. Yasmā pana te devā asurakāyahanīṃ ekan-ten'eva devakāyapāripūriṇa icchanti, tasmā tassa upāyaṃ dassento aññepi macce saddhamme brahmacariye nivesayā-ti dhammadāne niyojesi.

Yadā vidū-ti yasmiṃ kāle devā devaṃ cavanāṃ vidū vijā-neyyuṃ, tadā imāya yathā vuttāya anukampāya dukkhā-panayanakamyatāya deva ime devakāye punappunaṃ uppaj-jana-vasena ehi āgacchā-ti ca anumodanti-ti.

Catutthasuttavaṇṇana.

5. Pañcameṭ—

Loke-tiṣ ettha tayo lokā: sattaloko, saṅkhāraloko, okāsa-loko-ti. Tesu indriyabaddhānaṃ rūpadhammānaṃ arūpa-dhammānaṃ ca rūpārūpadhammānaṃ ca santānavasena vatta-mānānaṃ samūho satta-loko. Paṭhavi-pabbatādibhedo okāsaloko. Ubhaye pi khandhā saṅkhāraloko. Tesu satta-loko idhādhippeto. Tasmā loka-ti sattaloke. Tatthā pi na devaloke, na brahmaloke, manussaloke. Manussaloke pi na aññasmiṃ cakkavāle.² Tatrā pi na sabbatṭhānesu. Purat-thimāya disāya Kajaṅgalaṃ nāma nigamo, tassāparena³ Mahāsālā, tato paraṃ paccantimā janapadā orato majjhe. Puratthima-dakkhināya disāya Sallavatī⁴ nāma nadi, tato paraṃ paccantimā janapadā orato majjhe. Dakkhināya disāya Setakanniyaṃ nāma nigamo, tato paraṃ paccantimā

* Vibh. 388.

† S. i. 108; Sn. 34.

‡ Cf. A. ii, 147.

§ Cf. DA. 173; AA. 97 ff.; Vism. 204 ff.

¹⁻¹ S taṃ kathaṃ dānehi uḷāraṃ itarehi sukarana-ti evaṃ vuttaṃ?

² S has imasmiṃ yeva cakkavāle after this; also in AA.

³ S tatop°.

⁴ C Salavatī.

janapadā orato majjhe. Pacchimāya disāya Thupaṃ nāma Brāhmaṇagāmo, tato paraṃ paccantimā janapadā orato majjhe. Uttarāya disāya Uṣṭraddhajo nāma pabbato, tato paraṃ paccantimā janapadā orato majjhe-ti evaṃ paricchinne āyāmato tiyojanasate vitthārato, aḍḍhateyyayojanasate, parikkhepato navayojanasate ¹Majjhimadesē¹ uppajjati Tathāgato. Na kevalaṇ ca Tathāgato'va, Paccekabuddhā aggasāvaka āsīti mahātherā Buddhamātā, Buddhapitā, cak-kavatti-rājā aññe ca sārappattā Brāhmaṇa-gahapatikā etth'eva uppajjanti. Idha pana Tathāgataavāre yeva sabbatthakavasena ayaṃ nayo labbhati. Itaresu ekadesavasena.

Uppajjamānā uppajjanti-ti idaṃ pana ubhayampi vip-pakatavacanameva. Uppajjantā bahujaṇa-hitatthāya uppaj-janti, na aññena kāraṇenā-ti evamettha attho veditabbo. Evarūpaṃ h'ettha lakkhaṇaṃ na sakkā aññena saddalakkha-ṇena paṭibāhituṃ. Api ca uppajjamānā nāma,² uppajjanti nāma, uppannā nāmā-ti ayaṃ pabhedo veditabbo.

Tathāgato hi mahābhinihāraṃ karonto Buddhakare³ dham-me pariyesanto, pāramiyo pūrento, pañcamahāpariccāge pariccajanto, ñātattacariyaṃ⁴ lokattacariyaṃ buddhi-cariyaṃ⁵ koṭiṃ pāpento pāramiyo pūretvā Tusitabhavane⁶ tiṭṭhanto, tato otarivā carimabhavē⁷ paṭisandhiṃ gaṇhanto, agāramajjhe vasanto, abhinikkhamanto, mahāpadhānaṃ pa-dahanto, paripakkañño bodhimaṇḍaṃ āruya Mārabalaṃ vidhamanto, paṭhamayāme pubbenivāsaṃ anussaranto, maj-jhimayāme dibbacakkhuṃ visodhento, pacchimayāme paṭi-casamuppāde ñāpaṃ otāretvā anekākāraṃ⁸ sabbasaññhāre sammāsivā sotāpattimaggaṃ paṭivijjhanto, yāva anāgāmi-phalaṃ sacchikaronto pi uppajjamāno eva nāma. Arahatta-maggakkhaṇe uppajjati nāma. Arahattaphalakkhaṇe pana uppanno nāma.

Buddhānaṃ hi sāvakaṇaṃ viya paṭipāṭiyā iddhi-vidha-ñāṇādīnaṃ uppādanakiccaṃ n'atthi. Sah'eva pana arahat-tamaggena sakalo pi buddhagunaṇāsi āgato nāma hoti.

¹⁻¹ S Majjhima-ppadesa.

⁴ C ñāṇatī°.

⁶ S °bhavē; AA °pure.

² S omits.

⁵ S buddhattac°.

⁷ S pacchimab°.

³ AA °kāraka°.

⁸ S °kappakāraṃ.

Tasmā te nibbatta-sabba-kiccattā arahattaphalakkhaṇe uppannā nāma honti. Idha arahattaphalakkhaṇam sandhāya uppajjati¹-ti¹ vutto, uppannā hoti²-ti ayam h'ettha attho. Sāvako pi khināsavo sāvakabodhiyā hetubhūte puññāsambhāre sambharanto³ pubbayogaṃ pubbacariyaṃ gatapaccāgata-vattaṃ pūrento carimabhave nibbattento anukamena viññutaṃ patvā samsāre ādinavaṃ disvā pabbajjāya cetayamāno pabbajjaṃ matthakaṃ pāpetvā silādīni paripūrento dhutadhamme samādāya vattamāno jāgariyaṃ anuyuñjanto jhānā-ti nibbattento vipassanaṃ paṭṭhapetvā heṭṭhimamagge adhigacchanto pi uppajjamāno eva nāma, arahattamaggakkhaṇe uppajjati nāma, arahattaphalakkhaṇe pana uppanno nāma. Sekkho pana pubbūpanissayato paṭṭhāya yāva gotrabhuññā uppajjamāno nāma, paṭhama-maggakkhaṇe uppajjati nāma. Paṭhamaphalakkhaṇato paṭṭhāya uppanno nāma. Ettāvatā—*Tayo me bhikkhave puggalā loka uppajjamānā uppajjanti*-ti padānaṃ attho vutto hoti.

Idāni—*bahujana-hitāyā*-ti ādisu:

Bahujana-hitāyā-ti mahājanassa hitatthāya.

Bahujana-sukhāyā-ti mahājanassa sukhattthāya.

Lokānukampāyā-ti satta-lokassa anukampaṃ paṭicca. Kattara-satta-lokassā-ti? yo Tathāgatassa dhammadesanaṃ sutvā dhammaṃ paṭivijjhati, amatapānaṃ pīvati, tassa.

Bhagavato hi *dhammacakkappavattana-suttanta*-desanāya.* *Aññā-Koṇḍañña* appamukhā atthārassa brahma-koṭiyo dhammaṃ paṭivijjhimso. Evaṃ yāva *Subhadda-paribbājaka*-vīṇayānaṃ dhammaṃ paṭividdhasattānaṃ gāṇā n'atthi.

Mahāsamaya-suttanta†-desanāyaṃ *Mahāmaṅgala-sutta*‡—*Cullarāhulovāda*, §-Samacittadesanāyan-ti imesu catūsu thānesu abhisamayāṃ pattasattānaṃ paricchedo n'atthi. Evaṃ etassa aparimāṇassa sattalokassa anukampāya. Sāvakassa pana arahato sekkhassa ca lokānukampāya uppatti. Dhamma-senāpati-ādīhi Dhamma-bhaṇḍāgārikādīhi ca desitadesanāya

* Vin. i, 10.

† Sn. vv. 258 ayy.

‡ D. ii, 253 ayy.

§ S. iv, 105 ayy.

paṭivedhappattasattānaṃ vasena aparabhāge ca Mahāma-hindattherādīhi desitadesanāya paṭividdhasaccānaṃ¹ vasena yāvajjatanā ito paraṃ anāgate ca sāsanaṃ nissāya sagga-mokkha-maggesu paṭiṭṭhahantānaṃ vasena pi ayamattho veditabbo.²

Api ca *bahujana-hitāyā*-ti bahunanassa hit'atthāya, tesam³ paññā-sampattiya diṭṭhadhammika-samparāyikahit'upadesako-ti.

Bahujana-sukhāyā-ti bahunanassa sukh'atthāya, cāgasampattiya upakaraṇasukhasampadāyako-ti !

Lokānukampāyā-ti lokassa anukampanatthāya, mettā-karāṇā-sampattiya mātāpitara viya lokassa rakkhita gopitā-ti.

Atthāya hitāya sukhāya devamanussāna-ti idha devamanussa-gaḥaṇena bhabbapuggale veneyyasatte eva gahetvā tesam nibbāna-magga-phalādhigamāya Tathāgatassa uppatti dassitā paṭhamavāre. Duttiya-tatiya-vāresu pana arahato sekkhassa ca vasena yojetabbam.

Tattha *atthāyā*-ti iminā paramatthāya nibbānāyā-ti vuttaṃ hoti.

Hitāyā-ti taṃ-sampāpaka-maggatthāyā-ti vuttaṃ hoti. Nibbaṇasampāpaka-maggato hi uttarim hitaṃ nāma n'atthi.

Sukhāyā-ti phala-samāpatti-sukhāyā-ti vuttaṃ hoti, tato uttarim sukhābhāvato. Vuttaṃ h'etaṃ:—"Ayaṃ samādhi paccuppannasukho c'eva āyatiṇca sukha-vipāko"-ti.* *Tathāgato*-ti ādīnaṃ padānaṃ attho heṭṭhā vutto.†

Vijjācaranasampanno-ti-ādisu tisso'pi vijjā *Bhaya* *bherave* āgatanayena,‡ cha pi vijjā cha labhiññāvasena,§ attha'pi vijjā *Ambattha-sulle*|| āgatā-ti vijjāhi, sīlasamvarādīhi paṇṇarasahi caraṇadhammehi ca anaññasādhāraṇehi sampanno samannāgato-ti *vijjācarana-sampanno*.

Sobhana-gamanattā sundaraṃ ṭhānaṃ gatattā sammāga-dattā vā *sugato*.

Sabbathā viditalokattā *lokavidū*.

N'atthi etassa uttaro-ti *anullaro*.

* D. iii, 278.

† Vide ante notes on Sutta 2, II, 1.

‡ Cf. M. i, 16 ff.

§ Cf. M. i, 290 ff.

|| Cf. D. i, 87 ff.

Purisadamme purisaveneyye sãreti vinetĩ-ti *purisadamma-sãrathĩ*.

Diṭṭha-dhammika-samparãyika-paramatthehi yathãrahaṃ anusãsatĩ-ti *sathhã*.

Sabbassã pi ñeyyassa¹ sabbappakãrena sayambhũñãpena buddhattã *Buddho*-ti. Ayamettha sañkhepo. Vitthãro pana Visuddhimaggato gahetabbo.*

So dhammaṃ deseti ãdĩ—pe—pariyosãnakalyãṇa-ti so Bhagavã sattesu kãruññataṃ paṭicca hitvãpi anuttaraṃ vivekasukhaṃ dhammaṃ deseti, tañca kho appaṃ vã bahuṃ vã desento ãdi-kalyãṇãdippakãrameva deseti.² Kathaṃ? Ekagãthã pi hi samanta-bhaddakattã³ dhammassa paṭhama-pãdena ãdi-kalyãṇã, dutiya tatiyehi majjhe-kalyãṇã, pacchamena pariyosãna-kalyãṇã. Ekãnusandhikaṃ suttaṃ nidãnena ãdikalyãṇaṃ, nigamanena⁴ pariyosãna-kalyãṇaṃ, sãsena majjhe-kalyãṇaṃ. Nãnãnusandhikaṃ suttaṃ paṭhamena anusandhinã ãdi-kalyãṇaṃ, pacchimena pariyosãna-kalyãṇaṃ, sãsehi majjhe-kalyãṇaṃ. Sakalo pi vã sãsanadhammo attano atthabhũtena sãlena ãdi-kalyãṇo, samathavipassanã-magga-phalehi majjhe-kalyãṇo, nibbãnena pariyosãna-kalyãṇo. Sãla-samãdhihi vã ãdi-kalyãṇo, vipassanã-maggehi majjhe-kalyãṇo, phalanibbãnehi pariyosãna-kalyãṇo. Buddha-subuddhatãya vã ãdikalyãṇo, dhammasudhammatãya majjhe-kalyãṇo, Saṃgha-supatipattiyã pariyosãna-kalyãṇo. Taṃ sutvã tathattãya paṭipannena adhigantabbãya abhisambodhiyã vã ãdi-kalyãṇo, paccekabodhiyã majjhe-kalyãṇo, sãvakabodhiyã pariyosãna-kalyãṇo. Suyyamãno c'esa nãvaraṇa-vikkhambhanato savanena pi kalyãṇameva ãvahatĩ-ti ãdi-kalyãṇo, paṭipajjiyamãno samatha-vipassanã-sukhãvahanato paṭipattiyã pi sukhameva ãvahatĩ-ti majjhe-kalyãṇo, tathãpaṭipanno ca paṭipattiphale niṭṭhite tãdibhãvãvahanato paṭipattiphalena pi kalyãṇameva ãvahatĩ-ti pariyosãna-kalyãṇo. Nãthappabhavattã ca pabhava-suddhiyã ãdi-kalyãṇo, attasuddhiyã majjhe-kalyãṇo, kicca-suddhiyã pariyosãna-kalyãṇo.

* Vism. 198 ff.

¹ S vene°.

² B h°badrak°; S santagaruk°.

³ S dīpeti.

⁴ S nigamena.

Tena vuttam so dhammam deseti ādi—pe—pariyosānakalyāṇan-ti.

Yam pana Bhagavā dhammam desento sāsana-brahmacariyam magga-brahmacariyañca pakāseti nānāyehi dīpeti. Tam yathānurūpam atthasampattiyaṃ *sāttuham* byañjana-sampattiyaṃ *sabyañjanam* sampakāsana-pakāsana-vivarana-vibhajana-uttānikarāṇa-paññatti-atthapada-samāyogato *sāttuham* akkharapada—byañjanākāra—niruttiniddesa—sampattiyaṃ *sabyañjanam*, atthagambhīratā—paṭivedhagambhīratāhi vā *sāttuham* dhammagambhīratā—desanāgambhīratāhi *sabyañjanam*, attha-paṭibhāṇa-paṭisambhidā-visayato vā *sāttuham* dhammanirutti-paṭisambhidā-visayato *sabyañjanam*, paṇḍita-vedanīyato parikkhakajanappasādakan-ti *sāttuham* saddheyyato lokiyajanappasādakan-ti *sabyañjanam*, gambhīrādhippāyato *sāttuham* uttānapadato *sabyañjanam* upanetabbassa abhāvato sakala-paripunnā-bhāvena *kevala-paripunnam*, apanetabbassa abhāvato niddosa-bhāvena *parisuddham*. Api ca paṭipattiyaṃ adhigamabyattito *sāttuham* pariyattiyaṃ āgamabyattito *sabyañjanam* sīlādi-pañca-dhammakkhanda-pāripūriya-paripunnam nirupakkilesato nittharaṇatthāya pavattito lokā-misanirapekkhato ca parisuddham sikkhattaya—pariggahitattā brahma-bhūtehi seṭṭha-bhūtehi caritabbato tesam cariyā-bhāvato ca *brahmacariyam*. Tasmā *sāttuham sabyañjanam—pe—pakāseti*-ti vuocati.

Paṭhamo-ti gaṇanānupubbato sabba-lokuttama-bhāvato ca *paṭhamo puggalo*.

*Tass'eva sāttuno*¹ *sāvako*-ti tass'eva yathāvutta-guṇassa satthu sammāsambuddhassa dhamma—desanāya savanante jāto dhammasenāpatisadisso sāvako na pūraṇādi viya paṭiññāmatteṇa satthu sāvako.

Pāṭipado-ti paṭipadā-saṃkhātena ariyamaggena ariyāya jātiyaṃ jāto bhavito pāṭipado, anitṭhita-paṭipatti-kicco paṭipajjamāno-ti attho.

Sutta-geyyādi pariyatti-dhammo bahum suto etenā-ti *bahussuto*.

Pāṭimokkha-saṃvarādi-sīlena o'eva āraññika-dhutaṅga-

¹ For satthu of the Text.

vattehi ca uppanno sampanno samannāgato-ti *sīlavatūpa-*
panno.

Iti Bhagavā lokānukampā nāma hit'ajjhāsayena dhamma-
desanā, sā ca imesu eva tīsu puggalesu paṭibaddhā-ti dasseti.
Sesaṃ suviññeyyameva.

Gāthāsu:—

Tassanvayo-ti tass'eva Satthu paṭipattiyā dhamma-desa-
nāya ca anagamanena tassanvayo anujāto.

Avijjandhakāro vidhamitvā sakaparasantānesu dhammā-
loka-samkhātāya pabbhāya karanato *pabbhākarā*.

Dhammudīrayantā-ti catu-sacca-dhammaṃ kathentā.

*Apāpuranti*¹-ti ugghātenti *amatassa* nibbānassa *dvāraṃ*
ariyamaggaṃ.

Yogā-ti kāmavogādito.

Satthavāhenā-ti veneyyasatthavāhanato bhavakantāra-ni-
tharanato satthavāho Bhagavā. Tena satthavāhena.

Sudesitaṃ maggamanukkamanī-ti tena tasmā desitaṃ ariya-
maggaṃ tassa desanānusārena anugacchanti paṭipajjanti.

Idh'evā-ti imasmiṃ yeva attabhāve. Sesaṃ uttānameva.

Pañcamasuttavaṇṇanā.

6. Chaṭṭhe:—

Asubhānupassī-ti asubhan-ti anupassantā dvattiṃsākāra-
vasena c'eva uddhamātakādisu gahita-nimittassa upasamha-
raṇa-vasena ca kāyaamhiṃ asubhaṃ asubhākāraṃ anupassakā
hutvā viharatha.

Ānāpānasati-ti ānāpāne sati taṃ ārabbha pavattā sati,
assāsa-passāsa-pariggāhikā sati-ti attho. Vuttañh'etaṃ—
“Ānan-ti assāso no passāso, pānan²-ti passāso na assāso”-ti^{*}
ādi.

Vo-ti tumhākaṃ.

Ajjhatan-ti idha gocarajjhataṃ adhippettaṃ.

Parimukha-ti abhimukhaṃ.

Supatīḥhitā[†]-ti suṭṭhu upatīhitā. Idaṃ vuttaṃ hoti: ānā-
pānasati ca tumhākaṃ kammaṭṭhānābhimukhaṃ suṭṭhu upa-

* Pṭa. i, 172.

† Also Cf. Vibh. 252; Ud. iii, 4; UdA. 188.

¹ For apāvuranti of the Text, see fn. 6 on p. 80.

² Pṭa. apānaṃ.

ṭhitā hotū-ti. Athavā, *parimukhan*-ti pariggahita-niyyānaṃ. Vuttañ h'etaṃ Paṭisambhidāyaṃ—“*Parī*-ti pariggah'aṭṭho, *mukhan*-ti niyyān'aṭṭho, *sati*-ti upaṭṭhān'aṭṭho; tena vuccati *parimukhaṃ satin*”*-ti. Iminā catu-satipaṭṭhāna-solasappa-bhedā ānāpāna-sati-kammaṭṭhāna-bhāvanā dassitā-ti daṭṭhabbā.

Evam saṃkhepen'eva rāgacarita-vitakka-caritānaṃ sappāyaṃ paṭikūla-manasikāra-kāyānupassanā-vasena samathakammaṭṭhānaṃ vipassanā-kammaṭṭhānañ ca upadisitvā idāni suddhavipassanā-kammaṭṭhānameva desento *sabbasaṅkhāresu aniccānupassī viharathā*-ti āha.

Tattha aniccaṃ, anicca-lakkhaṇaṃ, aniccānupassanā, aniccānupassī-ti idaṃ catukkaṃ veditabbaṃ. Hutvā abhāvato udayabbaya-yogato tāvakālikato nicca-piṭakkhepato ca khandha-pañcakaṃ aniccaṃ nāma. Tassa yo hutvā abhāvākāro taṃ aniccalakkhaṇaṃ nāma. Taṃ ārambha pavattā vipassanā aniccānupassanā. Taṃ aniccan-ti vipassako aniccānupassī. Ettha ca ekādasavidhā asubha-kathā paṭhamajjhānaṃ pāpetvā solasa-vatthukā ca ānāpāna-kathā catutthajjhānaṃ pāpetvā vipassanā-kathā ca vitthārato vattabbā. Sā pana sabbākārato Visuddhimagge kathitā-ti tattha vuttanayameva veditabbā.†

Idāni asubhānupassanādihi nipphādetabbaṃ phalavisesaṃ dassetuṃ *asubhānupassīnan*-ti ādimāha.

Tattha *subhāya dhātuyā*-ti subha-bhāve subha-nimitte-ti attho.

Rāgānusayo-ti subhārammaṇe uppajjanāraho kāma-rāgānusayo. So kesādisu uddhamātakādisu vā asubhānupassīnaṃ asubhanimittaṃ gahetvā tattha paṭhamajjhānaṃ nibbattetvā taṃ pādaṃ katvā vipassanaṃ paṭṭhapetvā adhi-gatena anāgāmimaggena pahīyati sabbaso samucchindiyatī-ti attho. Vuttañ h'etaṃ—“*Asubhā bhāvetabbā kāmarāgassa pahānāyā*”-ti.‡

Bāhirā-ti bahiddhā-vatthukattā anātthāvaḥattā ca bāhirā bahibhūtā.

Vitakkāsaya-ti kāmasaṅkappādi-micchāvitakkā.

Te hi appahinā āsayānugatā sati paccayasamavāye uppajjanato vitakkāsaya-ti vuttā-ti. Kāma-vitakko c'ettha kāmarāgaggahaṇena gahito evā-ti tadavasesā vitakkā eva vuttā-ti veditabbā.

Vighālapakkhikā-ti dukkha-bhāgiyā icchā-vighāta-nibbattanakārā.

Te na hontī-ti te pahiyanti. Byāpāda-vitakko, vihiṃsā-vitakko, ñāti-vitakko, janapada-vitakko, amarā-vitakko, anavaññatti-paṭisaṃyutto vitakko, lābha-sakkāra-siloka-paṭisaṃyutto vitakko, parānuddayatā-paṭisaṃyutto vitakko-ti atṭha-kāma-vitakkena saddhiṃ nava-vidhā mahā-vitakkā ānāpāna-sati-samādhinā tannissitāya ca vipassanāya pubba-bhāge vikkhambhitā taṃ pādakaṃ katvā adhigatena ariyamaggena yathārahaṃ anavasesato pahiyanti. Vuttampi c'etaṃ—"ānāpānasati bhāvetabbā vitakkūpacchedāyā"-ti.*

Yā avijjā sā pahiyatī-ti yā sacca-sabhāva-paṭicchādanī sabbānatthakārī sakalassa vaṭṭa-dukkhassa mūla-bhūtā avijjā, sā aniccānupassīnaṃ viharataṃ samucchijjati. Idam kira Bhagavatā aniccākārato vuṭṭhitassa sukha-vipassakakhiṇāsavassa vasena vuttaṃ. Tassāyaṃ saṃkhep'attho :—Tebhūmikesu sabba-saṃkhāresu aniccādito sammasanam paṭṭhāpetvā vipassantānaṃ yadā aniccan-ti pavattamānā vuṭṭhānagāminī-vipassanā maggena ghaṭiyati, anukkamena arahatta-maggo uppajjati, tesam aniccānupassīnaṃ viharataṃ avijjā anavasesato pahiyati, arahatta-magga-vijjā uppajjati-ti.

Aniccānupassīnaṃ viharatan-ti idam anicca-lakkhaṇassa nesaṃ pākāṭa-bhāvato itarassa lakkhaṇa-dvayassa gahaṇe upāya-bhāvato vā vuttaṃ. Na pana ekass'eva lakkhaṇassa anupassitabbato. Vuttañhi'etaṃ—"Yadaniccaṃ taṃ dukkhaṃ, yaṃ dukkhaṃ tadanattā"-ti.† Aparam pi vuttaṃ "Aniccasaññino hi, Meghiya, anattasaññā saṇṭhāti, anattasaññī asmimāna-samugghātaṃ pāpuṇāti"-ti.‡

Gāthāsu :—

Ānāpāne paṭissato-ti ānāpāna-nimittasmiṃ paṭipaṭissato. Upaṭṭhitassati-ti attho.

* A. iv, 353.

† S. iv, 1, etc.

‡ Ud. iv, 1; cf. A. iv, 353.

Passan-ti āsavakkhayaññāṇi-cakkhunā sañkhārūpasamaṃ nibbānaṃ passanto.

Ātāpī sabbadā-ti antarā-vosānaṃ anāpajjitvā asubhānu-passanādisu sattaṃ ātāpī yuttappayutto eva.

*Yato-ti vāyamamāno niyato vā sammatta-niyāmena tattha sabba-sañkhāra-samathe nibbāne arahatta-phala-vimuttiyā vimuccati. Sesam vuttanayameva.**

Chaṭṭhasuttavaṇṇanā.

7. Sattame:—

Dhammānudhammapaṭipannassā-ti ettha dhammo, nāma navavidho lokuttaradhammo, tassa dhammassa anudhammo sīlavisuddhiyā pubbabhāga-paṭipadā-dhammo, taṃ dhammā-nudhammaṃ paṭipannassa adhigantum paṭipajjamānassa.

Ayamanudhammo hoti-ti ayaṃ anucchavikasabhāvo, paṭirūpasabhāvo hoti.

Veyyākaraṇāyā-ti kathanāya.

Dhammānudhammapaṭipanno yan-ti karaṇattha-paccattavacanāṃ. Idaṃ vuttaṃ hoti yena anudhammena taṃ dhammānudhammaṃ paṭipanno-ti byākaramāno sammadeva byākaronti nāma siyā na tatonidānaṃ viññūhi garahitabbo siyā-ti. Yan-ti vā kiriyāparāmasanaṃ. Ten'etaṃ dasseti yadidaṃ dhammass'eva bhāsaṇaṃ dhammavitakkass'eva ca vitakkaṇaṃ tadubhayābhāve ñāṇūpekkhāya ayaṃ dhammānudhamma-paṭipannassa bhikkhuno tathārūpe ayan-ti kathanāya anurūpa-hetu anucchavikakāraṇaṃ bhāsamāno.

Dhammaṃ yeva bhāseyyā¹-ti kathento ce dasa-kathāvatthu-dhammaṃ yeva katheyya na tappaṭipakkha-mahicchatādi-adhammaṃ. Vuttañh'etaṃ—"Yāyaṃ kathā abhisallekhi-kāṭ cetovivaraṇasappāyā ekantanibbidāya virāgāya nirodhāya upasamāya abhiññāya sambodhāya nibbānāya sampvattati, seyyathidaṃ appicchakathā, santuṭṭhikathā,† pavivekakathā, asaṃsagga-kathā, viriyārambha-kathā, sīla-kathā, samādhi-kathā, paññā-kathā, vimutti-kathā, vimutti-ñāpadassana-

* For the last Gāthā see 3, I, 4; 3, III, 3.

† Cf. A. iii, 117.

‡ Cf. DA. 204; M. ii, 6; S. ii, 194.

¹ For dhammaññeva bhāseti of the Text.

kathā, evarūpiyā kathāya nikāmalābhi hoti akicchalābhi akasīralābhi"-ti.* Abhisallekhikāya kathāya lābhi eva hi taṃ bhāseyya. Etena kalyāṇamittasampadā dassitā.

Dhammavitakka-ti nekkhamma-vitakkādīṃ dhammato anapetaṃ vitakkayato silādi-paṭipadaṃ paripūressāmi-ti uparūpari ussāho abhivattissati. So pana vitakko silādīnaṃ anūpakāradhamme vajjetvā upakāradhamme anubrūhana-vasena hānabhāgiya-bhāvaṃ apanetvā t̥hitibhāgiya-bhāve pi aṭhatvā visesa-bhāgiyataṃ nibbedha-bhāgiyatañca sampā-pana-vasena pavattiyā aneka-ppabhedo veditabbo. *No adhammavitakka*-ti kāmavitakkaṃ no vitakkeyyā-ti attho.

Tadubhayaṃ vā panā-ti yadetaṃ paresaṃ anuggahaṇatthaṃ dhamma-bhāsaṇaṃ attano anuggahaṇatthaṃ dhamma-vitakkanañca vuttaṃ, athavā pana taṃ ubhayaṃ abhinivaj-jetvā appaṭipajjitvā akatvā.

Upekkhako-ti yathāpaṭipattiyā upāsino samathavipassa-nābhāvanameva anubrūhanto vihareyya. Samathapaṭipatti-yāṃ pi vā upekkhako hutvā vipassanāyameva kammaṃ karonto vihareyya, vipassanaṃ ussukkāpetvā tattha pi sañkhārūpekkhā-ñāṇa-vasena upekkhako, yāva vipassanā ñāṇaṃ maggena ghaṭiyati, tāva yathā taṃ tikkhaṃ sūraṃ pasannaṃ hatvā vahati, tathā vihareyya *sato sampajjāno*-ti.

Gāthāsu:—

Samathavipassanādhammo āramitabbat̥ṭhena ārāmo etassā-ti *dhammārāmo*.

Tasmiṃ yeva dhamme rato-ti *dhammarato*.

Tass'eva dhammassa punappunaṃ cintanto *dhammaṃ anuvicintayaṃ*. Taṃ dhammaṃ āvajjento manasikaronto-ti attho.

Anussaraṇ-ti tameva dhammaṃ uparūpari bhāvanāvasena anussaranto. Athavā, vimuttāyatanaśīse t̥hatvā paresaṃ desanāvasena silādi-dhammo āramitabbat̥ṭhena ārāmo etassā-ti *dhammārāmo*. Tath'eva tasmiṃ dhamme rato abhirato-ti *dhammarato*. Tesaṃ yeva silādi-dhammānaṃ gatiyo saman-vesanto kāmavitakkādīnaṃ okāsaṃ adatvā nekkhamma-sañkappādi-dhammaṃ yeva anuvicintanato dhammaṃ anu-

* Ud. iv, 1; for explanation also vide UdA. 229-34.

vicintayaṃ tadubhayaṃ vā pana oḷārikato dahanto ajjhupek-khitvā samatha-vipassanā-dhammameva uparūpari bhāvanāvasena anussaranto anubrūhanavasena pavattento.

Saddhammā-ti sattattimsappabhedā bodhipakkhiyadhammā, navavidhā lokuttara-dhammā ca na parihāyati naciras-s'eva taṃ adhigacchatī-ti attho.

Idāni tassa anussaraṇa-vidhiṃ dassento *caraṃ vā*-ti ādi-māha.

Tattha *caraṃ vā*-ti bhikkhācāra-vasena caṅkamana-vasena ca caranto.

Yadi vā tiṭṭhan-ti tiṭṭhanto vā nisinno vā.

Udavā sayan-ti sayanto vā. Evaṃ catusu pi ariyā-pathesu.

Ajjhattaṃ samayaṃ cittaṃ-ti yathā-vutte kammaṭṭhāna-saṃkhāte gocarajjhatte attano cittaṃ rāgādi-kilesānaṃ vūpasamanavasena pajahanavasena samayaṃ samento.

Santimevādhigacchatī-ti accanta-santiṃ nibbānameva pāpuṇāti-ti.

Sattamasuttavaṇṇanā.

8. Aṭṭhame:—*

Akusalavitakkā-ti akosallasambhūtā vitakkā.

Andhakaraṇā-ti ādisu yassa sayaṃ uppajjanti, taṃ yathā-bhūta-dassana-nivāraṇena andhaṃ karontī-ti *andhakaraṇā*.

Na paññācakkhu' karontī-ti *acakkhukaraṇā*.

Aññaṃ karontī-ti *aññakaraṇā*.

Paññānirodhikā-ti kammassakatapaññā, ñāṇapaññā, vipassanā-paññā-ti imā tisso paññā appavattikaraṇena nirodhentī-ti *paññānirodhikā*.

Aniṭṭhaphaladāyakattā dukkhasañkhātassa vighātassa pakke vattantī-ti *vighātapakkkhikā*.

Kilesa-nibbānaṃ na saṃvattayantī-ti *anibbāna saṃvattanikā*.

Kāmavitakko†-ti kāmapaṭisaṃyutto vitakko. So hi kilesa-kāma-sahito hutvā vutthukāmesu pavattati.

Byāpāda-paṭisaṃyutto vitakko *byāpāda-vitakko*.

* Cf. M. i, 114 ff.; A. i, 254; 274, etc.

† Cf. Asl. 114; VM. 142, 146; UdA. 220.

Vihimsā-paṭisaṃyutto vitakko *vihimsā-vitakko*. Ime dve ca sattesu pi saṅkhāresu pi uppajjanti.

Kāmavitakko hi piyamanāpe satte vā saṅkhāre vā vitak-kentassa uppajjati. *Vyāpāдавitakko* appiye amanāpe satte vā saṅkhāre vā kujjhitvā olokanakālato paṭṭhāya yāva nāsanā uppajjati.

Vihimsā-vitakko saṅkhāresu na uppajjati. Saṅkhāro duk-khāpetabbo nāma n'atthi. 'Ime sattā haññantu vā vajjhantu vā ucchijjantu vā vinassantu vā mā vā ahetun'-ti cintanakāle pana sattesu uppajjati. Ime yeva pana kāma-saṅkappādayo. Atthato hi kāma-vitakkādīnaṃ kāmasaṅkappādīnañca nānā-karaṇaṃ n'atthi. Taṃ-saṃpayuttā pana saññā kāmasaññā-dayo. Kāma-dhātu-ādīnaṃ pana yas mā Pāliyaṃ--“Kāma-paṭisaṃyutto takko vitakko . . . micchā-saṅkappo: ayaṃ vuccati kāma-dhātu, sabbe pi akusalā dhammā kāma-dhātu. Byāpāda-paṭisaṃyutto takko vitakko . . . micchā-saṅkappo: ayaṃ vuccati byāpādadhātu. Dasasu āghātavatthūsu cittas-sa āghāto paṭighāto . . . anattamanatā cittassa: ayaṃ vuccati byāpādadhātu. Vihimsā-paṭisaṃyutto takko vitakko . . . micchā-saṅkappo: ayaṃ vuccati vihiṃsādhātu. Idh'e-kacco paṇiyā vā leḍḍunā vā daḍḍena vā sattena vā rajjuyā vā aññataraññatarena vā satte viheṭṭeti: ayaṃ vihiṃsā-dhātu"-ti* āgatattā viseso labbhati. Tattha dve kathā sabba-saṅgāhikā ca asaṃbhinnā ca. Tattha kāmadhātuyā gahitāya itarā dvepi gahitā nāma honti. Tato pana niharitvā 'ayaṃ byāpāda-dhātu ayaṃ vihiṃsā-dhātū'-ti dasseti-ti ayaṃ sabba-saṅgāhikā nāma. Kāma-dhātuṃ kathento pana Bhagavā byāpāda-dhātuṃ, byāpāda-dhātutṭhāne vihiṃsā-dhātuṃ, vihiṃsā-dhātutṭhāne ṭhapetvā va avasesaṃ kāma-dhātu nāmā-ti kathesi-ti ayaṃ asaṃbhinnakathā nāma.

Sukkapakkhe vutta-vipariyāyena attho veditaḥ. Nek-khamma-paṭisaṃyutto vitakko *nekkhamma-vitakko*. So asu-bha-pubbabhāge kāmāvacaro hoti, asubhajjhāne rūpāvacaro, taṃ jhānaṃ pādaṃ katvā uppanna-magga-phala-kāle lokuttaro.

Abyāpāda-paṭisaṃyutto vitakko *abyāpāda-vitakko*. So

mettāpubbabhāge kāmāvacaro hoti, mettā-jhāne rūpāvacaro, taṃ jhānaṃ pādaṃ katvā uppanna-magga-phala-kāle lokuttaro.

Avihimsā-paṭisaṃyutto vitakko *avihimsā-vitakko*. So karuṇā-pubbabhāge kāmāvacaro, karuṇā-jhāne rūpāvacaro, taṃ jhānaṃ pādaṃ katvā uppannamaggaphalakāle lokuttaro.

Yadā alobho sīlaṃ hoti, tadā itare dve tadanvāyikā honti. Yadā mettā sīlaṃ hoti, tadā itare dve tadanvāyikā honti. Yadā karuṇā sīlaṃ hoti, tadā itare dve tadanvāyikā honti. Ime yeva pana nekkhamma-saṅkappādayo. Atthato hi nekkhamma-vitakkādīnaṃ nekkhamma-saṅkappādīnaṃ nānākāraṇaṃ n'atthi. Taṃ-sampayuttā pana saññā nekkhamma-saññādayo. Nekkhammadhātu-ādīnaṃ pana, yasmā Pāliyaṃ "Nekkhamma-paṭisaṃyutto takko vitakko . . . saṅkappo: ayaṃ vuccati nekkhammadhātu. Sabbe pi kusalā dhammā nekkhammadhātu. Abyāpāda-paṭisaṃyutto takko vitakko . . . saṅkappo: ayaṃ vuccati abyāpāda-dhātu, yā sattesu metti mettāyaṇā . . . mettācetovimutti: ayaṃ vuccati abyāpāda-dhātu. Avihimsā-paṭisaṃyutto takko vitakko . . . saṅkappo: ayaṃ vuccati avihimsā-dhātu, yā sattesu karuṇā karuṇāyaṇā . . . karuṇā cetovimutti: ayaṃ vuccati avihimsā-dhātū"-ti*-āgatattā viseso labbhati. Idhā pi sabba-saṅgāhikā asambhinnā-ti dve kathā vuttanayaṃeva veditabbā. Sesam suviññeyyameva.

Gāthāsu:—

Vitakkas-ti vitakkeyya.

Nirāka-ti attano santānato nīhareyya vinodeyya paṇaheyya-ti attho.

So ve vitakkāni vicāritāni sameti vuṭṭhīva rajaṃ samūhatan-ti yathā nāma gimhānaṃ pacchime māse paṭhaviyaṃ samūhatam samantato vuṭṭhitam *rajaṃ* mahato akālamagghassa vassato vuṭṭhi ṭhānaso rūpasameti, evameva so yogāvacaro vitakkāni micchā-vitakke ca vicāritāni taṃ-sampayuttavicāre ca *sameti* vūpasameti samucchindati. Tatha bhūto ca *vitakkūpasamena* *otasa* sabbesaṃ micchā-vitakkānaṃ upasamanato *vitakkū-*

pasamena ariyamagga-cittena, idh'eva diṭṭh'eva dhamme, santipadaṃ nibbānaṃ, samajjhagā samadhigato hoti-ti.

Aṭṭhamasuttavaṇṇanā.

9. Navame:—

*Antarā malā-ti ettha antarā-saddo**—

Nadittresu ṭhānesu sabbhāsu rathiyāsu ca
Janā saṃgama mantenti mañca tañca kimanta-
rañ-ti-

ādisu kāraṇe āgato. “Addasā maṃ bhante aññatarā itthi vijjantarikāya bhājanam dhovanti”-ti†-ādisu khaṇe. “Api cāyaṃ Tapodā dvippaṃ mahā-nirayānaṃ antarikāya āgacchati”-ti‡-ādisu vivare.

Pitavatthe pitadhaṇe pitālaṇṇikāra-bhūsite
Pitantarāhi vaggūhi apilādhā va sobhati-ti||-

ādisu uttarisāṭṭake. “Yassantarato na santi kopā”-ti¶-ādisu citte. Idhāpi citte eva daṭṭhabbo. Tasmā antare citte bhavā antarā yasmiṃ santāne uppannā tassa malina-bhāvakaraṇato malā.

Tattha malaṃ nāma duvidhaṃ sarīra-malaṃ citta-malaṃ-ti. Tesu sarīra-malaṃ sedajalīkādi sarīre nibbattaṃ tattha lagga-māgantuka-rajañca. Taṃ udakena pi nīharaṇīyaṃ, na tathā saṃkilesikaṃ. Citta-malaṃ pana rājādi-saṃkilesikaṃ ariya-magge h'eva nīharaṇīyaṃ Vuttañh'etaṃ porāṇehi—

Rūpamhi saṃkiliṭṭhamhi	saṃkilissanti māṇavā
Rūpe suddhe visujjhanti	anakkhātaṃ Mahesinā
Cittamhi saṃkiliṭṭhamhi	saṃkilissanti māṇavā
Citte suddhe visujjhanti	iti vuttaṃ Mahesinā-ti.**

Tenāha Bhagavā—“Citta-saṃkilesā, bhikkhave, sattā saṃkilissanti, cittavodānā¹ visujjhanti”-ti.†† Tasmā Bhagavā

* Cf. UdA. 109, 164; DA. 34; KhpA. 20.

† S. i, 201 (with ‘thāne’ for saṃthā°).

‡ M. i, 448.

§ Vin. iii, 108.

|| Vv. 34 (with sobhasi).

¶ Ud. 20; Vin. ii, 184.

** Cf. MA. 232.

†† S. iii, 151.

¹ Saṃyutta-N. has sattā after this.

idhāpi cittassa malavisodhanāya paṭipajjitabban-ti dassento *tayo me bhikkhave antarā malā-ti āha.*

Yathā c'ete lokādayo sattānaṃ citte uppajjitvā malina-bhāvakarā nānappakārasaṃkilesavidhāyakā-ti antarā malā, evaṃ ekato bhuñjitvā ekato sayitvā otāragavesi amittasattu viya satte eva uppajjitvā sattānaṃ nānāvidha-anatthāvahā nānappakāradukkhānibbattakā-ti dassento *antarā amittā-ti ādimāha.*

Tattha mittapaṭipakkhato *amittā*, sapattakicca-karaṇato *sapattā*, hiṃsanato *vadhakā*, ujuvipaccanīkato *paccathikā*. Tattha dvīhi ākārehi lokādīnaṃ amittādi-bhāvo veditabbo. Verī-puggalo hi antaraṃ labhamāno attano verissa satthena vā ssaṃ pādeti upāyena vā mahantaṃ anattaṃ uppādeti. Ime ca lobhādayo paññāsirapātanena yonisampaṭipādanena ca tādisaṃ tato balavataraṃ anattaṃ nibbattenti. Kathaṃ? Cakkhudvārasmiṃ hi itthādisu ārammaṇesu āpāthagatesu yathārahaṃ tāni ārabhha lokādayo uppajjanti. Ettāvatassa paññāsiraṃ pātitaṃ nāma hoti. Sota-dvārādisu pi es'eva nayo. Evaṃ tāva paññāsirapātanato amittādi-sadisatā veditabbā. Lobhādayo pana kammanidānā hutvā aṇḍajādi-bhedā catasso yoniyo upanenti. Tassa yoni-upagamana-mūlakāni, pañca-vīsati mahā-bhayāni, dvattimssa kamma-karaṇāni ca āgatān'eva honti. Evaṃ yonisampaṭipādanato pi n'esaṃ amittādi-sadisatā veditabbā. Iti lobhādayo amittādi-sadisatāya citta-sambhūtatāyo ca *antarā amittā-ti ādinā vuttā*. Api ca amittehi kātaṃ asakkuṇeyyaṃ lobhādayo karonti amittādi-bhāvo ca lobhādīhi jāyati-ti tesāṃ amittādi-bhāvo veditabbo. Vuttañh'etaṃ—

Diso disaṃ yantaṃ kayirā
Micchāpaṇihitaṃ cittaṃ

verī vā pana verinaṃ,
pāpiyo naṃ tato kare ti.*

Gāthāsu:—

Attano ca paresaṃ ca anattaṃ janeti-ti *anattajanano*. Vuttañh'etaṃ—“Yad api luddho abhisamkharoti kāyena vācāya manasā, tad api akusalaṃ, yad api luddho lobhena

abhibhūto pariyādinna-citto parassa asatā dukkhaṃ uppādeti¹ vadhena vā bandhena vā jāniyā vā garaḥāya vā pabbājanāya vā balav'amhi balattho iti,² tadapi akusalaṃ, iti'ssa me lobhajā lobha-nidānā lobha-samudayā lobha-paccayā aneke pāpakā akusalā dhammā sambhavanti"-ti.* Aparam pi vuttaṃ—
 “Ratto kho brāhmaṇa rāgena abhibhūto, pariyādinna-citto, attabyābādhāya pi ceteti parabyābādhāya pi ceteti, ubhaya-byābādhāya pi ceteti oetasikaṃ pi dukkhaṃ domanassaṃ paṭisaṃvedeti"-ti†-ādi.

Cittappakopano-ti citta-saṃkhobhano. Lobho hi lobhaniye vatthusmiṃ uppajjamāno cittaṃ khobhento pakopento vipariṇāmento vikāraṃ āpādento uppajjati pasādanādi-vasena pavattitum na deti.

Bhayamantarato jātaṃ taṃ jano nāvabujjhati-ti taṃ lobha-saṃkhātaṃ antarato abbhantare attano citte yeva jātaṃ anatta-janana-citta-ppakopanādiṃ bhayaṃ bhaya-hetum ayaṃ bālamahājano nāvabujjhati (vikāraṃ³) na jānāti-ti.

Luddho attamaṃ na jānāti-ti attattha-paratthādi-bhedam attamaṃ hitaṃ luddhapuggalo yathābhūtaṃ na jānāti.

Dhammaṃ na passati-ti dasa-kusalakamma-patha-dhammaṃ pi luddho lobhena abhibhūto pariyādinna-citto na passati paccakkhato na jānāti, pageva uttarimanussadhammaṃ. Vuttaṃ pi e'taṃ—“Ratto kho brāhmaṇa rāgena abhibhūto pariyādinna-citto attatthaṃ pi yathābhūtaṃ na pajānāti paratthaṃ pi yathābhūtaṃ na pajānāti ubhayatthaṃ pi yathābhūtaṃ na pajānāti"-ti†-ādi.

Andha-tamaṃ-ti andhabhāvakaṃ tamaṃ.

Yan-ti yattha. Bhummatthe hi etaṃ paccatta-vacanaṃ. Yasmiṃ kāle lobho saḥate abhibhavati naraṃ, andha-tamaṃ. tadā hoti-ti. *Yan*-ti vā kāraṇa-vacanaṃ. Yasmā lobho uppajjamāno paraṃ saḥate abhibhavati, tasmā andhatamaṃ tadā hoti-ti yojanā yata-saddānaṃ ekanta-sambandha-bhāvato. Athavā, *Yan*-ti kiriyāparāmasanaṃ. Lobho saḥate-ti ettha yadetaṃ lobhassa sahanaṃ abhibhavanaṃ vuttaṃ, etaṃ andhabhāvakaṃ tamassa gamanaṃ uppādo-ti attho.

* A. i, 201.

† A. i, 156-7.

‡ A. i, 158.

¹ A upadahati.

² A has pi after this.

³ S omits.

Athavā, *yam naram lobho sahate* abhibhavati, tassa *andhata-mam tadā hoti, tato ca*

Luddho attham na jānāti luddho dhammam na passati-ti*

evamettha attho daṭṭhabbo.

Yo ca lobham pahantvānā-ti yo pubbabhāge tadaṅgavasena ca vikkhambhanavasena ca yathārahaṃ samātha-vipassanāhi lobham pajahitvā tathā pajahana-hetu *lobhaneyye* dibbe pi rūpādike upaṭṭhite *na lubbhati*, balava-vipassanānubhāvena. *Lobho pahiyate tamhā*-ti tasmā ariya-puggalā ariya-maggena lobho pahiyati pajahiyati accantameva pariccajiyati. Yathā kiṃ? *Udabindu va pokkharā*-ti paduminipannato udakabindu viya. Sesa-gāthānaṃ pi iminā nayena attho veditabbo.

Tathā dosassa—"yad api duṭṭho abhisamkharoti kāyena vācāya manasā tad api akusalam, yad api duṭṭho dosena abhibhūto pariyādinna-citto parassa asatā dukkham uppādeti¹ vadhena vā jāniyā vā garahāya vā pabbājanāya vā balavamhi balattho iti² tad api akusalam, iti'ssa me dosajā dosanidānā dosa-samudayā dosapaccayā³ aneke pāpakā akusalā dhammā sambhavanti"-ti,† tathā,—“Duṭṭho kho brāhmaṇa dosena abhibhūto pariyādinna-citto attabyābādhāya pi ceteti, parabyābādhāya pi ceteti, ubhayabyābādhāya pi ceteti, cetasikaṃ pi dukkham domanassaṃ paṭisaṃvedeti"-ti,‡ tathā,—“Duṭṭho kho brāhmaṇa dosena abhibhūto pariyādinna-citto attattham pi yathābhūtaṃ na pajānāti, parattham pi yathābhūtaṃ na pajānāti, ubhayattham pi yathābhūtaṃ na pajānāti"-ti§ —ādi suttapadānusāreṇa anattha-jananatā atthahānietutā ca veditabbā.

Tathā mohassa, “Yad api mūlho abhisamkhāro-ti kāyena vācāya manasā"-ti||-ādinā, “Mūlho kho brahmaṇa mohena abhibhūto pariyādinna-citto attabyābādhāya pi ceteti"-ti¶-ādinā, “. . . attattham pi yathābhūtaṃ na pajānāti"-ti**-ādinā ca āgatasuttapadānusāreṇa veditabbā.

* It. 84.

† A. i, 201-2.

‡ A. i, 167.

§ A. i, 158.

|| A. i, 202.

¶ A. i, 157.

** A. i, 158.

Tālapakkaṃ va bandhanā-ti tāla-phalaṃ viya usumup-pādena vaṇḍato tatiyamagga-ñānuppādena tassa cittato doso pahiyati paricajiyati-ti attho.

Mohaṃ vihanti so sabba-ti so ariya-puggalo sabbaṃ anavasesaṃ mohaṃ catutthamaggena vihanti vidhamati samucchindati.

Ādicco vudayaṃ taman-ti ādicco viya *udayaṃ* uggacchanto *tamaṃ* andhakāraṃ.

Navamasuttavaṇṇanā.

10. Dasame:—

Tīhi bhikkhave asaddhammehi abhihūto-ti kā uppatti ?

Devadatte hi avīci-mahānirayaṃ pavitṭho Devadattapakhiyā aññatitthiyā ca samaṇena Gotamena abhisapito Devadatto paṭhaviṃ pavitṭho-ti abbhācikkhiṃsu. Taṃ sutvā sāsane anabhippasannā manussā, siyā nu kho etadevaṃ yathā ime bhaṇanti-ti āsaṅkaṃ uppādesuṃ. Taṃ pavattiṃ bhikkhū Bhagavato ārocesuṃ. Atha Bhagavā—“Na bhikkhave Tathāgatā kassaci abhisāpaṃ denti tasmā na Devadatto mayā abhisapito, attano kammen'eva nirayaṃ pavitṭho”-ti vatvā tesāṃ micchāgāhaṃ paṭisedhento imāya atthuppat-tiyā imaṃ suttaṃ abhāsi.

Tattha *asaddhammehi*-ti asataṃ dhammehi.¹

Atekiṇṇa-ti Buddhehi pi anivattanīyattā avīci-nibbattiyā tikiṇṇabhāvato atekiṇṇa atikiṇṇanīyo-ti attho.

Asantaguna – sambhāvanādhippāyena pavattā pāpicchā etassā-ti *pāpiccho*. Tassa bhāvo *pāpicchatā*, tāya, ahaṃ Buddho bhavissāmi, Saṃghaṃ pariharissāmi-ti tassa icchā uppannā.

Kokālikādayo pāpā lāmakā mittā etassā-ti pāpamitto. Tassa bhāvo *pāpamittatā* tāya.

Uttarikaṇṇīye-ti jhānābhiññāhi uttarikaṇṇīye adhiganta-be magga-phale anadhigate sati evaṃ taṃ anadhigantvā-ti attho.

Oramattakenā-ti appamattakena jhānābhiññāmatteṇa.

Vissaddhiḡamena-ti uttarimanussadhammādhigamena.

¹ B has asantehi vā dhammehi after this.

Antarā-ti vemajjhe.

Vosānaṃ āpādi-ti akatakiṇṇo va samāno katakiṇṇo—*ti maññaṃ samānadharmato vināsaṃ āpajji.*

Iti Bhagavā iminā suttena viśesato pathujjana—bhāve ādinavaṃ pakāseti. Bhāriyo puthujjanabhāvo, yatra hi nāma jhānābhinnā—pariyosānā sampattiyo nibbattetvā pi anekānatthāvaḥsaṃ nānāvidhaṃ hetuṃ asantaḥsaṃ—sambhāvanāṃ asappurisa—saṃsargaṃ ālasiyānuyogaṇa avijahanto avicimhi kappatṭhitiyaṃ atekicchaṃ kibbisāṃ pasavissati—ti.

Gāthāsu:—

Mā-ti paṭisedhe nipāto.

Jātū-ti ekaṃsena.

Koci-ti sabba-saṃgāhika-vacanaṃ.

Lokaṃ—*ti satta-loke.* Idaṃ vuttaṃ hoti—imasmim loke keci puggalo ekaṃsena pāpiccho mā hotū—ti.

Tadiminā pi jānātha pāpicchānaṃ yathā gati-ti pāpicchānaṃ puggalānaṃ yathā gati yādisi nipphatti yādiso abhisamparāyo, taṃ iminā pi kāraṇena jānāthā—*ti Devadattaṃ nidasento evamāha.*

Paṇḍito-ti samāññāto-ti pariyattibāhu-saccena paṇḍito-ti ñāto.

Bhāvitatto-ti sammato-ti jhānābhinnāhi bhātatto-ti sambhāvito. Tathā hi so pubbe mahiddhiko Godhiputto mahānubhāvo Godhiputto—*ti Dhammasenāpatinā pi pasamsito ahoṣi.*¹

Jalaṃ va yasasā atthā Devadatto-ti vissuto-ti attano kittiyā parivārena pajjalanto viya okāsento viya tṭhito Devadatto-ti evaṃ vissuto pākāto ahoṣi.

Me sutan-ti pi pāṭho. Mayā sutam sutamattaṃ katipāhe—*neva tathābhūtatā tassa taṃ paṇḍitādi savanamattamevā-ti attho.*

So pamādamanuciṇṇo āsajja² naṃ Tathāgataṃ—*ti so evaṃ bhūto Devadatto Buddho pi Sakyaputto ahaṃ pi Sakyaputto buddho pi samaṇo ahaṃ pi samaṇo buddho pi iddhiṃ ahaṃ pi iddhiṃ buddho pi dibbacakkhuko ahaṃ pi dibbacakkhuko buddho pi dibbasotako ahaṃ pi dibba-sotako*

¹ Vin. ii, 189.

² For āpajja of the Text. See Text, p. 86, fn. 6.

buddho pi cetopariyañāṇalābhī ahaṃ pi cetopariyañāṇalābhī
 buddho pi atitānāgata-paccuppanne dhamme jānāti ahaṃ
 pi te jānāmi-ti attano pamāṇam ajānitvā sammāsambuddhaṃ
 attanā samasamaṭṭhapanena pamāḍaṃ āpajjanto, idānāhaṃ
 buddho bhavissāmi, bhikkhusaṃghaṃ pariharissāmi-ti abhi-
 Mārappayojanā Tathāgataṃ āsajja āsādetvā viheṭhetvā.
Pamāda-manujino-ti pi paṭhanti.¹ Tass'attho pamādaṃ
 vuttanayena āpajjanto pamādaṃ nissāya Bhagavatā saddhiṃ
 yugaggāha-cittuppadena saheva jhānābhiniññāhi anujino pari-
 hīno-ti.

Avicinirayaṃ patto catudvāraṃ bhayānaka-ti jālānaṃ
 tattha uppanna-sattānaṃ vā nirantaratāya avicī-ti-laddha-
 nāmaṃ catūsu passesu catummahādvārayogena catu-dvāraṃ
 atibhayānakaṃ mahānirayaṃ paṭisandhiggahaṇādivasena
 sampatto. Tathā hi vuttaṃ—

Catukkaṇṇo catudvāro	vibhatto bhāgasō mito
Ayopākārapariyanto	ayasā paṭikujjito
Tassa ayomayā bhūmi	jalitā tejasā yutā
Samantā yojanasataṃ	pharitvā tiṭṭhati sabbadā-ti. ²

Aduṭṭhassā-ti aduṭṭha-cittassa.

Dubbhe-ti dusseyya.

*Tameva pāpaṃ phusati*³-ti tameva aduṭṭha-dubbhaṃ pāpa-
 puggalaṃ pāpaṃ nihīnaṃ pāpa-phalaṃ phusati pāpuṇāti
 abhibhāvati.

*Bhesmā*³-ti vipula-bhāvena gambhīra-bhāvena ca bhiṃsā-
 pento viya vipulagambhīro-ti attho.

Vādenā-ti dosena.

Vihimsati-ti bāḍhati āsādeti.

Vādo tamhi na rūhati-ti tasmim Tathāgate parena āropiya-
 māno doso na rūhati, na tiṭṭhati visakumbho viya samuddas-
 sa na tassa vikāraṃ janeti-ti attho.

Evam chahi gāthāhi pāpicchatādi-samannāgatassa nirayū-

* A. i, 141 f.; Jāt. v, 266; Mahāvastu i, 9.

¹ See Text, p. 86, fn. 5.

² For phuseti of the Text. See Text, p. 86, fn. 11.

³ For tasmā of the Text. See Text, p. 86, fn. 15.

pagabhāva—dassanena dukkhato aparimuttataṃ dassetvā, idāni tappatipakkha-dhamma-samannāgatassa dukkhakkhayaṃ dassento, *tādisaṃ mittan*-ti osānagāthamāha.

Tass'attho: *yassa sammā paṭipannassa maggdūgo paṭipat*-timaggaṃ anugato, tasmā paṭipanno appicchatādiguṇa-samannāgamena sakalassa vaṭṭa-*dukkhassa khayam* pariyosānaṃ pāpuneyya, *tādisaṃ buddhaṃ vā buddhasāvakaṃ vā paṇḍito* sappaṇno attano *mittaṃ kubbetha*, tena mittikaṃ kareyya *tañca seveyya* tameva payirupāseyyā-ti.

Dasamasuttavaṇṇanā.

Iti imasmiṃ vagge chaṭṭha—sattama—suttesu vivaṭṭaṃ kathitam. Itaresu vaṭṭavivaṭṭaṃ kathitaṃ.

Catukkavaggavaṇṇanā niṭṭhitā.

V, 1. Pañcamavaggassa paṭhame*—

Aggappasādā-ti ettha ayaṃ *agga*-saddho† : ādi-koṭikoṭṭhāsa-seṭṭhesu dissati. Tathā h'esa:—“Ajjatagge, samma dovārika, āvarāmi dvāraṃ Nigaṇṭhānaṃ¹ Nigaṇṭhīnaṃ,” “Ajjatagge pāpupetaṃ saraṇaṃ gatan”-ti‡ ca ādisu² ādimhi dissati. “Ten'eva aṅgul'aggena taṃ aṅgul'aggaṃ parāmaseyya,” “Ucchaggaṃ . . . veḷaggaṃ”³-ti§ ca ādisu koṭiyaṃ. “Ambilaggaṃ vā . . . madhuraggaṃ⁴ vā . . . tittakaggaṃ⁵ vā,” “Anujānāmi bhikkhave viharaggena vā parivenaggena vā bhājetun”-ti|| ca ādisu koṭṭhāse. “Ayaṃ imesaṃ catunnaṃ puggalānaṃ aggo ca seṭṭho ca uttamo ca pavaro ca,” “Aggo'hamaṃsi lokassā”-ti¶ ca ādisu seṭṭhe. Svāyamidhāpi seṭṭhe yeva daṭṭhabbo. Tasmā aggesu seṭṭhesu pasādā, agga-bhūtā seṭṭhabhūtā vā pasādā *aggappasādā*-ti attho. Purimasmiṃ ca atthe *aggasaddena* Buddhādi ratanattayaṃ vuccati.

Tesu Bhagavā tāva: asadis'aṭṭhena guṇavisitṭh'aṭṭhena asamasam'aṭṭhena ca *aggo*. So hi mahābhinihāraṃ dasan-

* Cf. A. ii, 34-5.

† M. i, 380; ii, 145; D. iii, 193.

‡ S. v, 151.

† Cf. MA. 136; AA. 124.

§ VM. 172.

¶ A. ii, 95; M. iii, 123.

¹ S niggaṇ°, also below.

²⁻³ S uocha° veḷa°.

⁴ O 'agga°.

⁵ S omāṭṭa.

⁶ S tittā°.

nam pāramīnaṃ paricayañca ādim katvā tehi bodhisambhāra-guṇehi c'eva buddhaguṇehi ca sesajanehi asadisoti asadis'aṭṭhena aggo. Ye c'assa guṇā mahākarānādayo, te sesasattānaṃ guṇehi viṣiṭṭhā-ti guṇa-viṣiṭṭh'aṭṭhenapi sabbasatt'uttama-tāya aggo. Ye pana purimakā sammāsambuddhā, te¹ sabbasattehi asamā, tehi saddhiṃ ayameva rūpakāya guṇehi c'eva dhammakāya guṇehi ca samo-ti asama-samaṭṭhenapi aggo. Tathā dullabhapātubhāvato acchariya-manussabhāvato bahu-jana-hita-sukhāvahanato² adutiya-asahāyādibhāvato ca Bhagavā loka aggo-ti vuccati. Yathāha³:—"Ekapuggalassa bhikkhave pātubhāvo dullabho lokasmiṃ. Katamassa ekapuggalassa? Tathāgatassa arahato sammāsambuddhassa," "eka-puggalo bhikkhave loka uppajjamāno uppajjati acchariyamanusso," "eka-puggalo bhikkhave loka uppajjamāno uppajjati bahujana—pe—sammāsambuddho," "eka-puggalo bhikkhave loka uppajjamāno uppajjati adutiyo asahāyo⁴ appatīmo¹ appatīsamō appatībhāgo⁵ appatī-puggalo asamo asamasamo dipadānaṃ aggo. Katamo ekapuggalo? Tathāgato araham sammāsambuddho"—ti.* Dhamma-saṅghā pi añña-dhammasaṅghehi asadis'aṭṭhena viṣiṭṭha-guṇatāya dullabhapātubhāvādinā ca aggā. Tathā hi:—tesaṃ svākkhātātādi-supatīpannatādi-guṇa-visesehi añña-dhamma-saṅghā sadisā appataranihinā vā n'atthi, kuto seṭṭhā. Sayameva ca pana tehi viṣiṭṭha-guṇatāya seṭṭhā. Tathā dullabhuppāda-acchariyabhāva-bahujanahitasukhāvahā adutiya-asahāyādi-sabhāvā⁶ ca, te. Yadaggena hi Bhagavā dullabhapātubhāvo, tadaggena dhammasaṅghāpi. Acchariyādibhāvepi es'eva nayo.

Evam aggesu seṭṭhesu uttamesu pavaresu⁷ guṇa-viṣiṭṭhesu pasādā-ti *aggappasādā*. Dutiyasmiṃ pana atthe yathavuttesu aggesu buddhādisu⁸ uppattiyā aggabhūtā pasādā *aggappasādā*. Ye pana ariya-maggena āgatā aveccappasādā, te ekanten'eva aggabhūtā pasādā-ti *aggappasādā*. Yathāha:—

* A. i, 22.

¹ S omits.

² S °vahanato.

³ S has pāṭhe after this.

⁴ C asahāyo.

⁵ A omits.

⁶

⁷

⁸

“Idha bhikkhave ariyasāvako Buddhhe aveccappasādena samannāgato hoti”-ti* ādiṃ. Aggavipākattāpi c’ete aggapasādā. Vuttaṃ hi:—“Agge kho pana pasannānaṃ aggo vipāko”-ti.†

Yāvatā-ti yattakā.

Sattā-ti pāpino.

Apadā-ti apādakā.

Dvipadā-ti dvipādakā. Sesapadadvayepi es’eva nayo.

Vāṭṭ-saddo samuccay’attho, na vikapp’attho. Yathā:—
“Anuppanno vā kāmāsavo uppajjati, uppanno vā kāmāsavo pavaḍḍhati”-ti,‡ ettha anuppanno ca uppanno cā-ti attho. Yathā ca:—“Bhūtānaṃ vā sattānaṃ ṭhitiyā sambhavesi-
naṃ vā anuggahāyā”-ti,|| ettha bhūtānaṃ sambhavesi-
naṃ cā-ti attho. Yatthā ca:—“Aggito vā udakato vā mithu-
bhedato vā”-ti,¶ ettha aggito ca udakato ca mithubhedato
cā-ti attho. Evaṃ *apadā vā—pe—aggamakkhāyati*-ti etthāpi
apadā ca dvipadā cā-ti sampiṇḍanavasena attho daṭṭhabbo.
Tena vuttaṃ—‘Samuccay’attho vā saddo, na vikapp’attho’-
ti.

Rūpino-ti rūpavanto.

Na rūpino-ti *arūpino*.

Saññino-ti saññāvanto.

Na saññino-ti *asaññino*.

Nevasaññānāsaññino nāma bhavaggapariyāpannā. Et-
tāvatā ca: **kāma-bhavo, rūpa-bhavo, arūpa-bhavo, ekavokāra-
bhavo, catuvokāra-bhavo, pañcavokāra-bhavo, saññi-bhavo,
asaññi-bhavo, n’evasaññi-nāsaññi-bhavo-ti navavidhepi bhava
satte anavasesato pariyādiyitvā dassesi Dhammarājā.

Ettha hi—rūpaggahaṇena kāma-bhavo, rūpa-bhavo, pañca-
vokāra-bhavo, ekavokāra-bhavo ca dassito. Arūpaggahaṇena
arūpa-bhavo, catuvokāra-bhavo ca dassito. Saññi-bhavaḍḍayo
pana sarūpen’eva dassitā. Apadādiggaṇaṇena kāma-bhava-
pañcavokāra-bhava-saññi-bhavaṇaṃ ekadeso dassito-ti.

* A. ii, 56.

† A. ii, 34.

‡ Cf. MA. 67.

§ M. i, 7.

|| M. i, 48, 261.

¶ D. ii, 88.

** Cf. D. iii, 216; A. i, 223; iii, 444; S. iv, 258. Also vide ante notes
on Sutta 3, I, 2.

Kasmā pan'ettha yathā dutiyasutte—*dvipadānaṃ* aggo-ti dvipadānaṃ gahaṇameva akatvā apadādiggahaṇaṃ katan-ti? Vuccate: dutiyasutte tāva seṭṭhataravasena dvipadagga-haṇameva kataṃ. Imasmiṃ loke seṭṭho nāma uppajjamāno apada-catuppada-bahuppadesu na uppajjati dvipadesu yeva uppajjati. Kataresu dvipadesu? Manussesu c'eva devesu ca. Manussesu uppajjamāno sakalalokaṃ vase vattetuṃ samattho Buddho hutvā uppajjati.

Aṅguttar'aṭṭhakathāyaṃ pana tisahassī—mahāsahassī¹-lokadhātum vase pavattetuṃ samattho-ti vuttaṃ. Devesu uppajjamāno dasasahassī-lokadhātum vase vattanako Mahā-brahmā hutvā uppajjati. So tassa kappiyakārako vā ārāmiko vā sampajjati. Iti tatopi seṭṭhataravasena'eva dvipadānaṃ aggo-ti tattha vuttaṃ. Idha pana anavasesa—pariyādāna-vasena evaṃ vuttaṃ. Yāvatā hi sattā attabhāva—pariyā-pannā *apadā vā—pe—n'evasaññānīdasaññāno vā Tathāgato tesam aggamakkhāyati*-ti. Niddhāraṇe *te'taṃ sāmivacanaṃ*. Ma-kāropadasandhikaro. Aggo akkhāyati²-ti padavibhāgo.

Aggo vipāko hoti-ti agge sammā-sambuddhe *pasannānaṃ* yo pasādo so aggo seṭṭho uttamo koṭibhūto vā. Tasmā tassa vipāke'pi aggo seṭṭhe uttamo koṭibhūto ulāratamo pañītatamo hoti. So pana pasādo duvidho lokiya—lok'ut-tarabhedato tesu lokiyassa tāva:—

“Ye keci Buddhā saraṇaṃ gatāse,
Na te gamissanto apāyabhūmiṃ,²
Pahāya mānusaṃ dehaṃ,
Deva-kāyaṃ paripūressanti.”*

“Buddho-ti kittayantassa yassa ³kāye bhavati pīti,³
Vameva hi sā pīti kaṣiṇenapi Jambudīpassa.”†

“Sataṃ hatthi sataṃ assā sataṃ assatari rathā,
Sataṃ kaññā sahasāni āmuttamaṇi kuṇḍalā,
Ekassa padavīti hārassa kalaṃ nāgghanti soḷasaṃ.”‡

* S. i, 27; D. ii, 255; J. i, 97; Sum. 233, etc.

† (?)

‡ S. i, 211.

¹ S omits.

² C apāyaṃ.

³ S kāye bhavati yā pīti.

“Sādhū kho devānaminda Buddhamaṃ saraṇagamanamaṃ hoti. Buddhamaṃ saraṇagamanahetu kho devānaminda evamidh'ekacco sattā kāyassa bhedaṃ parammarāṇā sugatimaṃ saggamaṃ lokamaṃ uppajjanti. Te aññe deye dasahi tñānehi adhiggaṇhanti: dibbena āyunaṃ, dibbena vaṇṇena, dibbena sukhena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi”-ti,* evamādinamaṃ suttapadānaṃ vasena pasādassa phalavisesayogo veditabbo. Tasmā so apāya-dukkha-vinivattanena saddhimaṃ sampattibhavesu sukhavipākadāyako-ti daṭṭhabbo. Lokuttaro pana sāmāññaphala-vipākadāyako vaṭṭadukkha-vinivattako ca. Sabbo pi cāyamaṃ pasādo paramparāya vaṭṭadukkham vinivatteti yeva. Vuttaṃ hetamaṃ:—“Yasmaṃ bhikkhave samaye ariyasāvako attano saddhamaṃ anussarati, n'ev'assa tasmaṃ samaye rāgapariyuṭṭhitaṃ cittaṃ hoti, na dosa-pariyuṭṭhitaṃ, na mohapariyuṭṭhitaṃ cittaṃ hoti. Ujugata-mev'assa tasmaṃ samaye cittaṃ hoti, ujugata-cittassa pāmujjamaṃ jāyati, pamuditassa pīti jāyati—pe—nāpamaṃ itthat-tāyā-ti pajānāti”-ti.†

Dhammā-ti sabhāvadhammā.

Saṅkhatā-ti samecca sambhuyya paccayehi katā-ti saṅkhatā, sappaccayā dhammā.

Hetuihi ca paccayehi ca na kehici katā saṅkhatā-ti *asaṅkhatā*, appaccaya-nibbānaṃ. Saṅkhatānaṃ paṭiyogibhāvena asaṅkhatā-ti puthuvacanamaṃ.

Virāgo tesamaṃ aggamakkhāyati-ti tesamaṃ saṅkhatāsaṅkhatadhammānaṃ yo virāgasaṅkhatō asaṅkhatā-dhammo, so sabhāven'eva saṇhasukhumabhāvato santatara-paṇṇitatarabhāvato gambhīrādi-bhāvato madanimmadanādi-bhāvato ca aggamaṃ seṭṭhamaṃ uttamaṃ pavaranti vuccati.

Yadidaṇ-ti nipāto, yo ayaṇ-ti attho.

Madanimmadano-ti ādīni sabbāni nibbāpavevacanāni yeva. Tathā hi taṃ āgama mānamada-purisa-madādiko sabbo mado nimmadīyati pamaddīyati, kāmapiṇḍāsādikā sabbā piṇḍā vinīyati, kāmālayādikā sabbepi ālayā samugghātiyanti sabbepi kammavaṭṭa-kilesavaṭṭavipākavaṭṭā upacohijjanti,

aṭṭhasatabhedā¹ sabbāpi taṇhā khīyati, sabbepi kilesā virajjanti, sabbam dukkham nirujjhati, tasmā *madanimmadano—pe—nīrodho*-ti vuccati.

Yā pan'esā taṇhā: bhavena bhavam, phalena kammam vinati saṃsibbatī-ti katvā *vānan*-ti vuccati. Tam vānam ettha n'atthi, etasmim² vā adhigate ariya-puggalassa na hotī-ti *nibbānam*.

Aggo vipāko hotī-ti etthāpi:—

“Ye keci dhammam saraṇam gatāse—pe—

Dhammo-ti kittayantassa yassa ³kāye bhavati pīti.”^{3*}

“Sādhū kho devānaminda dhammam saraṇagamanam hoti, dhammam saraṇagamanahetu kho devānaminda evamidh'e-kacce—pe—dibbehi phoṭṭhabbehi”-ti⁴ evamādinam suttapa-dānam vasena dhamme pasādassa phalavisesayogo veditabbo. Evamettha asaṅkhata-dhammavasen'eva aggabhāvo āgato. Sabbasaṅkhatanissaraṇadassan'attham ariya-magga-vasenā-pi ayamattho labbhat'eva. Vuttam h'etaṃ:—“Yāvatā bhikkhave dhammā saṅkhatā ⁴vā asaṅkhatā vā⁴ ariyo aṭṭhaṅgiko maggo tesam aggamakkhāyati”-ti,[†] “Maggānattāṅgiko seṭṭho”-ti[‡] ca.

Saṅghā vā gaṇā vā-ti janasaṃmūhasaṅkhātā yāvatā loka saṅghā vā gaṇā vā.

Tathāgata-sāvaka-saṅgho-ti aṭṭha-ariya-puggala-saṃmūha-saṅghāto ditṭhisīla-sāmaññena saṃphato⁵ Tathāgatassa sāva-kasaṅgho.

Tesam aggamakkhāyati-ti attano sīla-samādhi-paññā-vimutti-ādi-guṇa-visesena tesam saṅghānam aggo seṭṭho uttamo pavaro-ti vuccati.

Yadidan-ti yāni imāni.

Cattāri purisayugāni-ti yugalavasena paṭhama-maggaṭṭho paṭhama-phalaṭṭho-ti idamekam yugalam, yāva catuttha-

* J. i, 97; also cf. J. i, 13.

† A. ii, 34.

† S. iv, 275.

‡ Dph. 273.

¹ S ^oppabhedā.

² S tasmiṃ.

³⁻⁵ B kāye bhavati yā pīti.

⁴⁻⁵ S omīta.

⁵ C saṃphāto.

maggatṭho, catuttha-phalatṭho-ti idamekaṃ yugalan-ti evaṃ cattāri purisayugāni.

Aṭṭha purisapuggalā-ti purisapuggalavasena eko paṭhama-magg'aṭṭho, eko paṭhama-phal'aṭṭho-ti iminā nayena *aṭṭha purisapuggalā*. Ettha ca—puriso-ti vā puggalo-ti vā ekatthāni etāni padāni, veneyyavasena pan'etaṃ vuttaṃ.

Esa Bhagavato sāvaka-saṅgho-ti yānimāni yugavasena cattāri purisayugāni, pāṭekkato aṭṭha purisapuggalā esa Bhagavato sāvaka-saṅgho.

Āhuneyyo-ti-ādisu ānetvā hunitabban-ti āhunam, dūrato pi āgantvā sīlavantesu dātabban-ti attho. Catunnaṃ pacca-yānaṃ etaṃ adhivacanaṃ. Mahapphalabhāva-karaṇato taṃ āhunam paṭiggahetuṃ yutto-ti *āhuneyyo*. Athavā, dūrato'pi āgantvā sabbaṃ sāpateyyampi ettha āhunitabbaṃ,¹ sakkārā-dīnampi āhavanaṃ arahatī-ti vā² āhavanīyo. Yo cāyaṃ brāhmaṇānaṃ āhavanīyo nāma aggi yattha hutaṃ mahapphalan ti tesaṃ laddhi. So ce hutassa mahapphalatāya āhavanīyo, saṅgho va āhavanīyo saṅghe hutamhi³ mahapphalaṃ hoti. Yathāha:—

“Yo ca vassasataṃ jantu aggim paricare vane,

Ekañca bhāvitattānaṃ muhuttamapi pūjaye;

Sā yeva pūjanā seyyo yañca vassasataṃ hutaṃ”-ti.*

Tayidaṃ nikāyantare āhavanīyo-ti padaṃ idha āhuneyyo-ti iminā padena atthato ekaṃ, byañjanato pana kiñcimattameva nānaṃ. Tasmā evaṃ atthavaṇṇanā katā.

*Pāhuneyyo*⁴-ti ettha pana pāhunaṃ vuccati disāvidisato āgatānaṃ piyamanāpānaṃ ñāti-mittānaṃ atthāya sakkārena paṭiyattaṃ āgantukadānaṃ, taṃ pi ṭhapetvā te tathārūpe pāhunake saṅghassa'eva dātuṃ yuttaṃ. Tathāh'essa⁵ ekabud-dhantare pi dissati.⁶ ⁷Ayaṃ pan'ettha⁷ pad'attho piyamanā-pattakarehi pi⁸ dhammehi samannāgato-ti.⁹ Evaṃ pāhu-

* Dh. 16.

¹ C huni°.

² C omits.

³ B hutāhi.

⁴ C °neyyā.

⁵ S esa.

⁶ C has abbo kippaṇica after this.

⁷⁻⁸ C notes abbokippaṇo as alternative reading.

⁹ S omits.

¹⁰ S samannetabbo°.

neyyam¹ dātum yuttam, pāhunañca paṭiggahetum yutto-ti pāhuneyyo. Yesam pana pāhavanīyo-ti pāli, tesam yasmā sañgho pubbakāram arahati, tasmā sañgho² sabbapaṭhamam ānetvā ettha hunitabban-ti pāhavanīyo, sabbappakārena vā āhavanam arahati-ti pāhavanīyo. Svāyamidha ten'eva atthena pāhuneyyo-ti vuccati.

Dakkhiṇā-ti paralokam saddahitvā³ dātabbam dānam,³ tam dakkhiṇam arahati, dakkhiṇāya vā hito mahapphala-bhāvakarapena visodhanato-ti *dakkhiṇeyyo*. Ubho hatthe sirasi paṭiṭṭhapetvā sabbalokena kariyamānam⁴ añjalikammam arahati-ti añjalikaranīyo.

Anuttaram puññakkhettaṃ lokassā-ti sabbalokassa asadisam puññavirūhanatṭhānam. Yathā hi rattasālinam vā yavānam vā virūhanatṭhānam rattasālikkhettaṃ⁵ yavakkhettan-ti vuccati, evam sañgho sadevakassa lokassa puññavirūhanatṭhānam.

Sañgham nissāya hi lokassa nānappakāra-hita-sukha-nibbatakkāni puññāni virūhanti, tasmā sañgho anuttaram puññakkhettaṃ lokassa. Idhāpi:—

“Ye keci sañgham saraṇam gatāse—pe—

Sañgho-ti kittayantassa °yassa kāye bhavati pīti.”⁶

“Sādhu kho devānaminda sañgham saraṇagamanam hoti, sañgham saraṇagamanahetu kho devānaminda—pe—dibbehi phoṭṭhabbehi”-ti⁷ ādīnam suttapadānam vasena sañghe pasādassa phalavisesayogo, ten'assa aggatā aggavipākatā ca veditabbā. Tathā anuttariya-paṭilābhena⁷ sattama bhavādito paṭṭhāya vaṭṭadukkhassamucchedo anuttara-sukhādhigamo-ti⁸ evamādi-ujāra-phalanipphādanavasena agga-vipākatā veditabbā.

Gathāsu:—

Aggato-ti agge ratanattaye, aggabhāvato vā *pasannānam*.

Aggaṃ dhamman-ti aggasabhāvaṃ Buddhasubuddhatam⁹

* J. i, 97.

† S. iv, 275.

¹ S °hunam in fn.

² S omits.

³⁻⁵ S °bbadān°.

⁴ C kayiram°.

⁶ S sālik°.

⁶⁻⁸ B sañghe bhavati yā pīti.

⁷ S °lābho.

⁸ S °rasamedhig°.

⁹ S Buddha subodhitam.

dhamma-sudhammatam saṅghasuppaṭipattim ratanattayassa anaññāsādhāraṇam uttamasabhāvaṃ¹ dasabalādi-svākkhātātādi—suppaṭipannatādi—²guṇasabhāvaṃ² vā vijānatam vijānantānam. Evaṃ sādharmaṇato aggappasāda—vatthum dassetvā idāni asādhāraṇato tam vibhāgena dassetum *agge buddhe*-ti ādi vuttam. Tattha:—

Pasannānan-ti aveccappasādena itarappasādena ca pasan-nānam adhimuttānam.

Virāgūpasame-ti virāge upasame ca. Sabbassa rāgassa sabbesaṃ kilesānam accanta—virāga—hetu—bhūte, accanta-upasamahetubhūte cā-ti attho.

Sukhe-ti vaṭṭa-dukkhakkhayabhāvena saṅkhārūpasamasukhabhāvena ca sukhe.

Aggasmim dānam dadatan-ti agge ratanattaye dānam dadantānam deyyadhammam pariccajantānam. Ettha dharmānam Bhagavantam catūhi paccayehi upaṭṭhahantā pūjentā sakkarontā parinibbutaṇca Bhagavantam uddissa dhūta-cetiyādi ke upaṭṭhahantā pūjentā sakkarontā Buddhē dānam dadanti nāma. Dhammam pūjessāmā-ti ye pana dhamma-dhare puggale catūhi paccayehi upaṭṭhahantā pūjentā sakkarontā dhammaṇca ciraṭṭhitikam karontā dhamme dānam dadanti nāma. Tathā ariyasaṅgham catūhi paccayehi upaṭṭhahantā pūjentā sakkarontā tam uddissa itarasmim pi tathā paṭipajjantā saṅghe dānam dadanti nāma.

Aggam puññam pavaḍḍhati-ti evam Ratanattaye pasannena cetasā ulāram pariccāgam ulāraṇca pūjāsakkāram pavattentānam³ divase divase aggam ulāram kusalam upaciyati.⁴ Idāni tassa puññassa aggavipākatāya aggabhāvaṃ dassetum *aggam āyū*-ti ādi vuttam. Tathā—

Aggam āyū-ti dibbam vā mānusaṃ vā *aggam* ulāratamam āyū.

Pavaḍḍhati-ti uparūpari brūhati.

Vaṇṇo-ti rūpasampadā.

¹ C notes uttama-bhāvaṃ as an alternate reading.

²⁻³ C guṇam sabbhāvaṃ.

³ C notes pavattento.

⁴ C notes upacittisanti.

Yaso-ti parivārasampadā.

Kūṭi-ti gupaghoso.¹

Sukhan-ti kāyikaṃ cetasikañña sukhaṃ.

Bala-ti kāyabalaṃ ñāṇabalañña.

Aggassa dātā-ti aggassa ratanattayassa dātā. Athavā,² aggassa deyyadhammassa dānaṃ uḷaraṃ katvā tattha puññaṃ pavattetā.

Aggadhammasamāhito-ti aggena pasāda-dhammena dānādidhammena ca *samāhito* samannāgato acalappasādayutto. Tassa vā vipākabhūtehi bahujaṇassa piyamanāpatādidhammehi yutto.

Aggappatto pamodati-ti yattha yattha sattanikāye uppanno, tattha tattha aggabhāvaṃ seṭṭhabhāvaṃ³ adhigato, aggabhāvaṃ vā lokuttaramaggaphalaṃ adhigato *pamodati* abhiramati paritusati-ti.

Paṭhamasuttavaṇṇanā.

2. Dutiyam atth'uppattivasena desitaṃ:—

Ekasmiṃ hi⁴ samaye Bhagavati Kapilavatthusmiṃ Nigrodhārāme viharante bhikkhū āgantukabhikkhūnaṃ senāsānāni paññapentā pattacīvarāni paṭisāmentā sāmaṇerā ca lābha⁵ bhājaniyaṭṭhāne sampattāsampattānaṃ⁶ lābhaṃ gaṇhantā uccāsaddā mahāsaddā ahesuṃ. Taṃ sutvā Bhagavā bhikkhū paṇāmesi. Te kira sabb'eva navā adhunāgatā imaṃ dhamma-vinayaṃ. Taṃ ñatvā Mahābrahmā āgantvā abhinandatu bhante Bhagavā bhikkhū sabbe-ti⁷ tesam paṇāmita-bhikkhūnaṃ anuggaṇhanaṃ yāci. Bhagavā tassa okāsaṃ akāsi. Atha brahmā katāvakaṃso khomhi Bhagavatā-ti Bhagavantam abhivādetvā padakkhiṇaṃ katvā pakkāmi. Atha Bhagavā bhikkhusaṅgho āgacchatū-ti, Ānanda—ttherassa ākāraṃ dassesi. Atha te bhikkhū Ānandattherena pakkositā Bhagavantam upasaṅkamitvā sārājJayamānarūpā ekamantaṃ nisīdipsu. Bhagavā tesam sappāyadesanaṃ vīmaṃsanto ime āmisahetu paṇāmitā, piṇḍiyālopadhammadeśanā nesaṃ

¹ S thutigh°.

² S viṣiṭṭabh°.

³ S sampattānaṃ.

⁴ S Kira.

⁵ S tattha vā.

⁶ S omāsi.

⁷ S bhikkhu-saṃghaṇ-ti.

sappāyā-ti cintetvā *antamidam bhikkhave*-ti imaṃ desanaṃ desesi.

Tatrāyaṃ *anta**-saddo¹:—"Santi bhikkhave eke samaṇa-brāhmaṇā pubbantakappikā pubbantānudiṭṭhino"-ti†-ādisu koṭṭhāse āgato. "Antam akāsi dukkhassa," "Antavā ayaṃ loko parivaṭṭumo"-ti‡-ādisu paricchede. "Haritantam vā paṭṭhantam² vā selantaṃ vā"-ti§-ādisu mariyādāyaṃ. "Antam . . . antaḡaṇaṃ"-ti||-ādisu sarīrāvayaṃve.

"Carante h'eke parivāracchannā

Anto asuddhā bahi sobhamānā"-ti.¶-

ādisu citte.

"App'ekaccāni uppalāni vā padumāni vā puṇḍarikāni vā uḍakejātāni uḍake saṃvaḍḍhāni uḍakānuggatāni anto nimug-ga-posinī"-ti**-ādisu abbhantare.

"Migānaṃ koṭṭhuko³ anto pakkhīnaṃ pana vāyaso,

Eraṇḍo anto rukkhānaṃ tayo antā samāgatā"-ti††-

ādisu lāmake. Idhāpi lāmake yeva daṭṭhabbo. Tasmā *antamidam bhikkhave jīvikānaṃ*-ti bhikkhave idaṃ jīvikānaṃ antaṃ pacchimaṃ lāmakam, sabbanihīnaṃ jīvitaṃ-ti attho.

Yadidaṃ piṇḍolyaṃ-ti yaṃ idaṃ piṇḍapariyesanena bhikkhācariyāya jīvikam⁴ kappentassa jīvitaṃ. Ayaṃ paṇ'ettha pad'attho: piṇḍāya ullatī-ti piṇḍolo, tassa kammaṃ *piṇḍo-yaṃ*, piṇḍapariyesanena jīvikā-ti attho.

Abhisāpo-ti akkoso. Kupitā hi manussā attano paccatthikaṃ pilotikakhaṇḍaṃ nivāsetvā kapālahattho piṇḍaṃ pariyesamāno careyyāsi-ti akkosan-ti. Athavā: kiṃ tuyhaṃ "akātabbaṃ atthi,"⁵ yo tvaṃ evaṃ balaviriyyūpapaṇṇo pi hirottappaṃ pahāya kapaṇo piṇḍolo vicarasi pattapāṇī-ti evampi akkosan-ti yeva.

* Cf. MA. 87; DA. 103.

† D. i, 12.

‡ M. i, 12; A. i, 134; Pts. i, 152.

§ M. i, 188.

|| Cf. A. iv, 132; S. ii, 270.

¶ DA. 103.

** D. i, 75.

†† J. ii, 440.

¹ O sadde.

² S pathantantaṃ; M. panthant°.

³ S koṭṭhako.

⁴ S jīvitaṃ.

⁵ B kātābbaṃ n'atthi.

Tañca kho etan-ti tam etam abhisāpaṃ pi samānaṃ piṇḍolyaṃ.

Kulaputtā upenti atthavasikā-ti mama sāsane jātikulaputtā ca ācāra-kulaputtā ca atthavasikā kāraṇavasikā hutvā kāraṇa-vasaṃ paṭicca upenti upagacchanti.

Rājābhinūtā-ti-ādisu ye rañño santakaṃ khāditvā raññā bandhanāgāre bandhāpitā palāyitvā pabbajanti, te raññā bandhanaṃ abhinūtattā rājābhinūtā nāma.

Ye pana corehi aṭaviyaṃ gahetvā ekaccesu māriyamānesu ekacce mayaṃ sāmi tumhehi viassaṭṭhā gehaṃ anajjhāvasitvā pabbajissāma, tattha tattha yaṃ yaṃ Buddhapūjādi-puññaṃ karissāma, tato tato tumhākaṃ pattiṃ dassāmā-ti te hi viassaṭṭhā pabbajanti, te *corābhinūtā* nāma corehi māretabbataṃ abhinūtattā.

Ye pana iṇaṃ gahetvā paṭidātuṃ asakkontā palāyitvā pabbajanti, te *iṇaṭṭhā* nāma. *Tañca kho etam piṇḍolyaṃ kulaputtā* mama sāsane *n'eva rājābhinūtā-pe-na ājivikāpakatā¹ upenti, api ca kho otiṇṇamhā jātiyā-pe-paññāyethā-ti upenti-ti* pada-sambandho.

Tattha:—*Otiṇṇamhā-ti* otiṇṇā amhā.

Jātiyā-ti-ādisu: tamhi tamhi satta-nikāye khandhānaṃ paṭhamābhiniḃbatti *jāti*, paripāko *jarā*, bhedo *maraṇaṃ*.

*Ñāti-roga-bhoga-sīla-ditṭhi*byasanehi phutṭhassa santāpo anto nijjhānaṃ *soko*.

Tehi phutṭhassa vacivippalāpo *paridevo*.

Aniṭṭha-phoṭṭhabba-paṭihata-kāyassa kāyapiḷā *dukkhaṃ*.

Āghāta-vatthūsu upahatacittassa cetopiḷā *domanassaṃ*.

*Ñāti*byasanādīhi eva phutṭhassa paridevenapi adhivāsetuṃ asamatthassa citta-santāpasamuṭṭhito bhūso āyāso *upāyāso*.

Etehi jātiyādīhi otiṇṇā *dukkhotiṇṇā*, tehi jātiādīhi dukkhehi anto anupaviṭṭhā.

*Dukkha*paratā-ti tehi dukkha-dukkhavatthūhi abhiḃhūtā. Jāti-ādayo hi dukkhassa vatthubhāvato dukkhā, dukkha-bhāvato ca soka-parideva-dukkha-domanassūpāyāsā dukkhā-ti.

Appevanāma-pe-paññāyethā-ti imassa sakalassa vaṭṭa-

dukkharāsiassa paricchedakaraṇaṃ osānakiriyaṃ api nāma paññāyeyya.

So ca hoti abhijjhālū-ti idaṃ: yo kulaputto dukkhassa antaṃ karissāmi-ti pubbe cittaṃ uppādetvā pabbajito aparabhāge taṃ pabbajjaṃ tathārūpaṃ kātum na sakkoti, taṃ dassetaṃ vuttaṃ.

Tattha—*Abhijjhālū*-ti parabhaṇḍānaṃ abhijjhāyitā.

Tibbasārāgo-ti bahula-rāgo.

Byāpannacitto-ti byāpādena pūtibhūtattā vipannacitto.

Paduṭṭhamanasaṅkappo-ti tikhipasiṅgo viya caṇḍaḥḥo pa-resaṃ upaghātanavasena duṭṭhacitto.

Muṭṭhassaṭi-ti bhattanikkhitta-kāko viya mamsa-nikkhittasunakho viyā ca *muṭṭhassaṭi*, idha kataṃ ettha na sarati.

Asampajāno-ti nippaṇṇo khandhādipariccheda-rahito.

Asamāhito-ti caṇḍasote baddhanāvā viya asaṇṭhito.

Vibbhantacitto-ti pantharūḷha-migo viya bhantamano.

Pākatindriyo-ti yathā gihī saṃvarābhāvena pariggahaparijane olokenṭi asaṃvutindriyā, evaṃ asaṃvutindriyo hoti.

Chavālātan-ti chavānaṃ daḍḍhaṭṭhāne alātaṃ.

*Ubhato padittaṃ majjhe gūthagataṃ*¹-ti pamāṇena aṭṭhaṅgulamattaṃ ubhato dvīsu koṇesu² ādittaṃ majjhe gūthamakkhitaṃ.

Neva gāme-ti sace hi taṃ yuganaṅgala-gopāṇasi-pakkipā-sakādināṃ atthāya upanetaṃ sakkā assa, gāme kaṭṭhatthaṃ phareyya, sace khēttakuṭiyāṃ kaṭṭhatthara-mañcakādināṃ atthāya upanetaṃ sakkā assa, araṇṇe kaṭṭhatthaṃ phareyya. Yasmaṃ pana ubhayatthāpi na sakkā, tasmā evaṃ vuttaṃ.

Tathūpamāhan-ti tathūpamaṃ ohavālātasadisāṃ ahaṃ imaṃ yathāvuttaṃ puggalaṃ vadāmi.

Gihībhogā ca parihiṇo-ti yo agāre vasantehi gihīhi dāyajje bhājiyamāne aṇṇathā ca bhogo laddhabbo assa, tato ca parihiṇo.

Sāmaññatthaṇṇā-ti ācariyūpajjhāyāṇaṃ ovāde ṭhatvā pariyatti-paṭivedha-vasena pattabbāṃ sāmaññatthaṇṇa na paripūreti. Imaṃ pana upamaṃ satthā na dussīlassa vasena

¹ S gūdhag°, here and below.

² S koṭṭsu.

āhari, parisuddhasiṭṭassa pana alasassa abhiññādihi dosehi dūṣitacittassa puggalassa vasena āhari-ti veditabbam.

Gathāsu:—

Gihībhogā-ti kāmasukkhūpabhogato.

Parikīno-ti jano. *Sāmaññatthan*-ti paṭivedhabāhusaccañ-
c'eva pariyatti bāhusaccañca. Tādiso hi assutaṃ sotuṃ
sutaṃ pariyodapetuṃ na sakko-ti alasabhāvato.

¹Bhagassa abhāvato¹ duṭṭhu bhago-ti *dubbhago*, alakkhiko
kālakappaṇipuriso.

Paridhammamāno-ti vinassamāno.

Pakireti-ti vikireti vidhamseti. Sabbametam bhāvino sām-
aññatthassa anuppādanameva sandhāya vuttaṃ.

Chavālātaṃ va nassati-ti so tādiso puggalo yathāvuttaṃ
chavālātaṃ viya kassaci anūpayujjamāno eva nassati. Ubha-
to paribhaṭṭhabhāvato eva kāyavācāhi akatavītikkamopi cit-
taṃ avisodhento nassati pāgeva katavītikkamo.

Dussilo-ti tassa apāyadukkhabhāgibhāvadassanena dussile
ādinavaṃ dassetvā tato satte vivecetukāmo *kāsāvakaṇṭhā*''-ti
ādinā gāthādvayamāha. Tass' attho heṭṭhā vutto eva.*

Dutiyasuttavaṇṇanā.

3. Tatiye:—

Saṅghāṭikaṇṇe-ti cīvarakoṭṭiyam.

Gahetvā-ti parāmasitvā.

Anubandho assā-ti anugato bhaveyya. Idaṃ vuttaṃ hoti:—
bhikkhave idh'ekacco bhikkhu attano hatthena mayā pā-
rutassa sugata-mahā-cīvarassa kaṇṇe parāmasanto viya maṃ
anugaccheyya, evaṃ mayhaṃ āsannataro hutvā vihareyyā-ti.

Pāde pādaṃ nikkhipanto-ti gacchantassa mama pāde pā-
daṃ nikkhittaṭṭhāne pādudhāraṇānantaraṃ attano pādaṃ
nikkhipanto. Ubhayenāpi tñānagamanādisu avijjahanto
sabbakālaṃ mayhaṃ samīpe eva vihareyya ce pi-ti dasseti.

So ārakā va mayhaṃ ahañca tassā-ti so bhikkhu mayā vutta-
paṭipadaṃ apūrento mama dūre yeva, ahañ ca tassa dūre yeva.
Etena mamsacakkhunā Tathāgatadassanaṃ rūpakāyasamo-

* Vide ante Sutta 2, II, 11.

dhānañ ca akāraṇaṃ, ñāpacakkhunā va dassanaṃ dhamma-kāyasamodhānameva ca pamāṇaṃ-ti dasseti. Ten'evāha:—
 “Dhammaṃ hi so bhikkhave bhikkhu na passati, dhammaṃ apassanto na maṃ passati”-ti. Tattha *dhammo* nāma na-vavidho lokuttaradhammo. So ca abhijjhādihi dūsitacittena¹ na sakkā passituṃ, tasmā dhammassa adassanato dhammakāyaṃ na passati-ti. Tathā hi vuttaṃ “Kimpe Vakkali iminā pūtikāyena diṭṭhena, yo kho Vakkali dhammaṃ passati, so maṃ passati, yo maṃ passati, so dhammaṃ passati”-ti,*
 “Dhammabhūto brahmabhūto”-ti† ca, “Dhammakāyo itipi, brahmakāyo itipi”-ti‡ ca ādi.

Yojanasate-ti yojanasate padese, yojana-sata-matthake-ti attho. Sesam vuttavipariyāyena veditabbaṃ. Ariyamag-gādhigamavasena c'assa anabhijjhālu-ādibhāvo daṭṭhabbo.

Gathāsu:—

Mahiccho-ti kāmesu tibbasārāgatāya mahā-iccho.

Vighātavā-ti paduṭṭhamanasañkappatāya sattesu āghāta-vasena mahicchatāya icchitālābhena ca *vighātavā*.

Ejānugo-ti ejāsañkhātāya taṇhāya dāso viya hutvā taṃ anugacchanto rāgādi-kilesa-pariṇāhābhāvabhavena *anibbuto*, rūpādivisayānaṃ abhikañkhanena *giddho*.²

Passa yāvañ ca ārakā-ti *anejassa nibbutassa vītagedhassa* sammā-sambuddhassa okāsavasena samīpe pi samāno *mahiccho vighātavā ejānugo anibbuto giddho* bālaputhujjano dhamma-sabhāvato yattakaṃ dūre, tassa so dūrabhāvo *passa*, vattuṃ pi na sukarā-ti attho. Vuttaṃ h'etaṃ:—

“Nabhañca³ dūre paṭhavi ca dūre pāraṃ samuddassa tathāhu⁴ dūre,

Tato have dūratarāṃ vadanti satañ ca dhammo⁵ asatañ ca dhammo⁶”-ti.§

* S. iii, 120.

† M. i, 111; A. v, 226.

‡ D. iii, 84.

§ A. ii, 51.

¹ S. dussita°.

² C notes viddho as an alternative reading.

³ C Nabhā ca as alternative reading; also in A.

⁴ C Tadāhu as alternative version; also in A.

⁵ A °maṃ.

⁶ S rājā; °maṃ in A.

Dhammamabhiññāyā-ti catusaccadhammaṃ abhiññāya añ-
ñāya¹ ñātatīraṇa-pariññāhi yathārahaṃ pubbabhāge jānitvā.

Dhammamāññāyā-ti tameva dhammaṃ aparabhāge magga-
ñāṇena pariññādivasena yathā-mariyādaṃ jānitvā.

Paṇḍito-ti paṭivedhabāhusaccena paṇḍito.

Rahado va nivāte cā-ti nivātaṭṭhāne rahado viya.

Anejo-ti kilesa-calanarahito upasammati. Yathā so *rahado*
*nivāta*ṭṭhāne vātena anabbhāhato sannisinno va hoti, evaṃ
ayaṃ pi sabbathāpi paṭippassaddhakilesa kilesacalana-rahito
arahattaphalasaṃādhiṇā *vūpasammati* sabbakālaṃ upasanta-
sabhāvo va hoti.

Anejo-ti so evaṃ anejādisabhāvo arahā anejādisabhāvassa
sammā-sambuddhassa okāsato dūre pi samāno dhamma-
sabhāvato adūre santike evā-ti.

Tatīyasuttavaṇṇanā.

4. Catutthe*:—*Aggī*-ti² anudahanatṭhena aggi. *Rāg'aggi*-ti²
rāgo eva aggi *rāg'aggi*. Rāgo hi uppajjamāno satte anu-
dahati jhāpeti, tasmā aggī-ti vuccati. Itaresu pi dvīsu es'eva
nayo. Tattha yathā aggi yadeva indhanaṃ nissāya uppajjati,
taṃ nidahati mahāpariāho ca³ hoti, evameva tepi rāgādayo
yasmim santāne sayam uppannā taṃ nidahanti, mahāpariāhā
ca³ honti dunnibbāpayā. Tesu rāgapariāhena⁴ santattahada-
yānaṃ icchitālābhadukkhena maraṇappattānaṃ sattānaṃ pa-
mānaṃ n'atthi. Ayaṃ tāva rāgassa anudahanatā. Dosassa
pana anudahanatāya visesato manopadosikā devā, mohassa
anudahanatāya khiḍḍāpadosikā devā ca³ nidassanaṃ. Moha-
vasena hi tesam satisammoso hoti. Tasmā khiḍḍāvasena
āhāraṇaṃ ativattantā kālaṃ karonti. Ayaṃ tāva rāgādi-
naṃ diṭṭhadhammiko anudahanabhāvo. Samparāyiko pana
nirayādisu nibbattāpana-vasena ghorataro duradhivāso ca.
Ayañca attho *āditta*-pariyāyena ca³ vibhāvetabbo.

Gāthāsu:—

Kāmesu mucchite-ti vatthukāmesu kāma²-pātabyatā-vasena
mucchaṃ bālyaṃ pamādaṃ micchācāraṃ āpanne.

* D. iii, 217; S. iv, 19; A. iv, 41; Vibh. 368, etc.

¹ S paññāya.

² S omits.

³ S va.

⁴ S rāgapap^o.

Byāpanne-ti byāpannacitte, *dahati*-ti sambandho.

Nare pāṇātipātino-ti idaṃ dosaggissa.

Ariyadhamme akovide-ti ye khandhāyatanaṅdisu sabbena sabbaṃ uggahuparipucchāya manasikāra-rahitā ariyadhammassa akusalā, te sammohena abhibhūtā visesena ca¹ sammulhā nāma-ti vuttā.²

Ete aggī ajānantā-ti ete rāg'aggi-ādayo idha c'eva samparāye ca anudahanti-ti ajānantā, pariññābhisamayavasena pahānābhisamayavasena ca appaṭivijjhantā.

Sakkāyābhiratā-ti sakkāye upādānakkhandha-paṇcake taṇhāditṭhimānanandanābhiratā.³

Vaḍḍhayanti-ti punappunaṃ uppajjanena vaḍḍhayanti ācīnanti.

Nirayan-ti aṭṭhavidhaṃ mahānirayaṃ soḷasavidhaṃ ussadanirayan-ti sabbaṃ pi nirayaṃ.

Tiracchānaṇca yoniyo-ti tiracchānayoniyo ca.

Asuran-ti asurakāyaṃ, *pettivisayaṇca*⁴ *vaḍḍhayanti*-ti sambandho. Ettāvatā rāg'aggi-ādīnaṃ idha c'eva samparāye ca anudahanabhāva-dassanamukhena vaṭṭaṃ dassetvā, idāni tesāṃ nibbāpanena vivaṭṭaṃ dassetum—*ye ca rattindivā*-ti ādi⁵ vuttaṃ.

Tattha:—*yuttā*-ti bhāvanānuyogavasena yuttā. ⁶Tattha *sammā-sambuddhasāsane*, na aññasāsane rāg'aggi-ādīnaṃ nibbāpanabhāvaṃ⁶ dasseti. Tathā hi anaññasādhāraṇaṃ tesāṃ nibbāpanavidhiṃ asubhakammaṭṭhānaṃ ca⁶ saṅkhepen'eva dassento:—

“Te nibbāpenti rāgaggiṃ niccaṃ asubhasaṇṇino,

Dosaggiṃ pana mettāya nibbāpenti naruttamā,

Mohaggiṃ pana paṇṇāya yāyaṃ nibbedhagāmini”-ti

āha.

Tattha:—*Asubhasaṇṇino*-ti dvattiṃsākāravasena c'eva udhamātakādivasena ca asubhabhāvanānuyogena asubha-saṇṇino.

¹ S omits.

² C vuttaṃ.

³ S °ditthābhinand°.

⁴ S pitti°.

⁵ C omits.

⁶ C Kattha ? Sammāsambuddha sāsane. Tena . . . °panābhāvaṃ. S notes in fn. tena sammāsambuddha sāsanaṭo aññasāsane . . . °panābhā°.

Mettāyā-ti—"So mettāsahagatena cetasā ekam disaṃ pharitvā viharatī"-ti* vuttāya mettābhāvanāya. Ettha ca asubhajjhānañca pādakam katvā nibbattita-anāgāmimaggena rāgaggidosagginam nibbāpanam veditabbam.

Paññāyā-ti vipassanā—paññā—sahitāya maggapaññāya. Ten'evāha:—*yāyam nibbedhagāmini*-ti.

Sā hi kilesakkhandham vinivijjhantī gacchati pavattatī-ti *nibbedhagāmini*-ti vuccati.

Asesaṃ parinibbanti-ti arahattamaggena asesaṃ rāgaggi-ādiṃ *nibbāpetvā* saupādisesāya nibbānadhātuyā tñitā paññā-vepullappattiyā *nipakā* pubbe'va sammappadhānena sabbaso kosajjassa supahīnattā phalasamāpatti-samāpajjanena akilāsubhāvena ca *rattindivamatanditā* carimaka-cittanirodhena anupādisesāya nibbānadhātuyā *asesaṃ parinibbanti*. Tato ca asesaṃ anuvasesaṃ *vattadukkham accagum*¹ atikkamimsu.

Evam ye rāg'aggi-ādike nibbāpenti, tesam anupādisesa-nibbāpena nibbutiṃ dassetvā, idāni paṭividdha-guṇehi thomento osānagāthamāha.

Tattha:—

Ariyaddasā-ti ariyehi Buddhādīhi passitabbam,² kilesehi vā ārakattā ariyam nibbānam, ariyam catusaccameva vā diṭṭhavanto-ti *ariyaddasā*.

Vedassa³ maggañāpassa, tena vā vedena saṃsārassa pariyosānam gatā-ti *vedaguno*.

Sammadaññāyā-ti sammadeva sabbam ājānitabbam kusalādiṃ khandhādīñca jānitvā. Sesaṃ vuttanayameva.

Catutthasuttavaṇṇanā.

5. Pañcame:—

Tathā tathā-ti tena tena pakārena.

Upaparikkheyyā-ti vīmaṃseyya parituleyya sammaseyya vā.

Yathā yathāssa upaparikkhato-ti yathā yathā assa bhikkhu-no upaparikkhantassa.

* A. ii, 184; Vibh. 272.

¹ S ajjhagum.

² C jānitabbam.

³ C ariyabhāvakarassa.

Bahiddhā cassu viññāṇaṃ avikkhittaṃ avisaṭṭan-ti bahiddhā rūpādi-ārammaṇe¹ uppajjanakavikkhepābhāvato avikkhittaṃ samāhitam, tato eva avisaṭṭam siyā. Idam vuttam hoti: Bhikkhave yena yena pakārena imassa āradhavi-passakassa bhikkhuno upaparikkhato sañkhāre sammasantassa pubbe samāhitākāra-sallakkhaṇa-vasena samathanimittam gahetvā sakkaccaṃ nirantarāṃ sammasanaññāṇaṃ pavattentassa attano vipassanācittam kammaṭṭhānato bahiddhā rūpādi-ārammaṇe uppajjanakam na siya, accāradhavi-riyatāya uddhac-capakkiyam na siyā, tena tena pakārena bhikkhu upaparikkheyya parituleyya.

*Ajjhattam asaṇṭhitam*²-ti yasmā viriye mandam vahante samādhissa balavābhāvato kosajjābhībhavena *ajjhattaṃ* go-carajjhata-sañkhāte kammaṭṭhānārammaṇe saṅkopavasena ṭhitattā saṇṭhitam nāma hoti, viriyasamatāya pana yojitāya asaṇṭhitam hoti vīthim paṭipannaṃ tasmā yathā yathāssa upaparikkhato viññāṇaṃ ajjhattaṃ asaṇṭhitam assa vīthipaṭipannaṃ siyā, tathā tathā upaparikkheyya.

Anupādāya ³*na paritasseyyā*³-ti yathā yathāssa upaparikkhato "etaṃ mama eso me attā"-ti taṇhādiṭṭhiggāhavasena rūpādisu kiñci sañkhāraṃ aggahetvā tato eva taṇhādiṭṭhiggāhavasena na paritasseyya, *tathā tathā upaparikkheyyā*-ti sambandho. Kathaṃ pana upaparikkhato tividham p'etaṃ siyā-ti? Uddhaccapakkiye ca⁴ kosajjapakkiye ca dhamme vajjento⁵ viriyasamatam yojetvā pubb'eva⁶ vipassanūpakki-lesahi cittam visodhetvā yathā sammadeva vipassanāññāṇaṃ vipassanāvīthim paṭipajjati, tathā sammasato.

Iti Bhagavā catusaccakammaṭṭhānikassa bhikkhuno anuk-kamena paṭipadāññāṇa-dassana-visuddhiyā āraddhāya accāradhavi-riya-atisithilavi-riya-vipassanūpakki-lesahi cittassa visodhanūpāyaṃ dassetvā, idāni tathā visodhite vipassanāññāṇe na cirass'eva vipassanāmaggena ghaṭetvā sakala-vatṭadukkha-samatikkamāya sampvattanti-ti dassento:—*bahiddhā cassa*

¹ C rūpādikāra°, here and below.

² C asaṇṭhitam, here and below.

³⁻³ For aparitassato of the Text.

⁵ S āvajjento.

⁴ C omits.

⁶ S pubbe.

*bhikkhave viññāṇan*¹-ti-ādimāha. Taṃ vuttaṇayameva. Yaṃ pana vuttaṃ:—“Āyatim jāti-jarā-maraṇadukkkhasamudaya-sambhavo na hoti”-ti.* Tass’attho: evaṃ vipassanā-maggena ghaṭetvā magga-paṭipātiyā aggamaggena anavasesato kilesesu khīṇesu āyatim anāgate jāti-jarā-maraṇa-sakala-vatṭadukka-samudaya-sañkhāto sambhavo uppādo ca na hoti. Jātisañkhāto vā dukkkhasamudayo, jarāmarāṇa-sañkhāto dukkkhasambhavo ca na hoti.

Gathāyaṃ:—

Sattasaṅgappahīnassā-ti taṇhāsaṅgo, diṭṭhisaṅgo, māna-saṅgo, kodhasaṅgo, avijjāsaṅgo, kilesasaṅgo, duccaritasāṅgo-ti† imesaṃ sattannaṃ saṅgānaṃ pahīnattā *sattasaṅgapahīnassa*. Keci pana sattānusayā eva sattasaṅgā-ti vadanti.

Netticchinna-ti chinna-bhavanettikassa.

Vikkhīṇo jāti-saṃsāro-ti punappunaṃ jāyana-vasena pavattiyā, jātihetukattā ca jātibhūto saṃsāro-ti *jāti-saṃsāro*, so bhavanettiyā chinna-tā vikkhīṇo parikkhīṇo, tato eva n’atthi tassa punabbhavo-ti.

Pañcamasuttavaṇṇanā.

6. Chaṭṭhe:—‡

Kāmuṇṇappattiyo-ti kāmapaṭilābhā, kāmapaṭisevanā vā.

Paccupaṭṭhila-ti nibaddha²-kāma, nibaddhārammaṇā yathātaṃ manussā, manussā hi nibaddha-vatthusmiṃ vasaṃ vattenti, yattha³ paṭibaddhacittā honti, sataṃ pi sahaṃsaṃ pi datvā tameva mātugāmaṃ ānetvā nibaddhabhogam bhuñjanti. Ekacce ca devā, cātummahārājikato paṭṭhāya hi catuddevalokavāsino nibaddhavatthusmiṃ yeva vasaṃ vattenti.

Pañcasikkhavatthu c’ettha nidassanaṃ. Tathā ekacce āpāyike nerayike ṭhapetvā sesāpāya⁴-sattāpi nibaddha-vatthusmiṃ yeva vasaṃ vattenti. Macchā hi attano macchiyā kacchapo kacchapiyā-ti evaṃ sabbe pi tiracchānā petā vinipā-

* M. iii, 223.

† Cf. UdA. 73, 349.

‡ Cf. D. iii, 218.

¹ S viññāṇa.

² C nibandha.

³ C yaṃsa.

⁴ S sesa-apī°, here and below.

ikā ca. Tasmā nerayike ṭhapetvā sesāpāyasatte upādāya yāva tusitakāyā ime sattā paccupaṭṭhitakāmā nāma.

Nimmāṇaratino-ti sayam nimmitte nimmāṇe rati etesan-ti *nimmāṇaratino*, tehi¹ nīlapitādivasena yādisam rūpam icchanti, tādīsam nimmiṇitvā ramanti āyasmato Anuruddhassa purato manāpakāyikā devatā viya.*

Paranimmīta-vasavattino-ti parehi nimmitte kāme vasaṃ vattenti-ti paranimmīta-vasa-vattino, tesam hi manam fiatvā pare yathārucitam kāmabhogaṃ nimminanti, te tattha vasaṃ vattenti. Kathaṃ te parassa manam jānanti-ti? Patisevanā-vasena.² Yathā hi kusalo sūdo rañño bhujjantassa yaṃ yaṃ ruccati, taṃ taṃ jānāti. Evaṃ pakatiyā ābhiru-citārammaṇam fiatvā³ tādīsam yeva⁴ nimminanti. Te tattha vasaṃ vattenti, methunasevanādi-vasena kāme paribhujjanti. Keci pana hasita-mattena, olokita-mattena, āliṅgita-mattena, hatthagahana-mattena ca tesam kāmakkiccam ijjhati-ti vadanti. Taṃ aṭṭhakathāyaṃ *etaṃ pana n'attā*-ti paṭikkhit-taṃ. Na hi kāyena aphasantassa phoṭṭhabbakāmakkiccam sādheti. Channaṃ pi kāmāvacaradevānaṃ kāmā pakatikā eva. Vuttaṃ h'etaṃ:—

Cha ete kāmāvacarā sabbakāmasamaṅgino⁴

Sabbesaṃ ekasaṅkhātāṃ⁵ āyu bhavati kittakan⁶ "a-ti.†

Gathāsu:—

Ye caññeti ye yathāvuttadevehi aññe ca kāmabhogino manussā c'eva ekacce apāyūpagā ca, sabbe te.

Itthābhāvāññathābhāvan-ti imaṃ yathāpaṭiladdhatta-bhāvañc'eva uppatti-bhāvantara-saṅkhātāṃ ito aññathā bhāvañcā-ti. dvippabhedam saṃsāram *nātivattare* na atikka-man-ti.

Sabbe pariccaje kāme-ti dibbādi-bhede sabbe pi kāme vatthukāme ca kilesa-kāme ca pariccajeyya. Kilesa-kāme anāgāmi-maggena pajahanto yeva hi vatthu-kāme pariccajati nāma.

* Cf. A. iv, 262.

† Vibh. 423.

¹ S omits.

⁴ Vibh. "samiddhino.

² S Pakatis^o.

⁵ Vibh. "khāto.

³⁻⁴ C tādīseyeva.

⁶ Vibh. "tako.

Piyarūpa-sātarūpa-gadhītan-ti piyarūpesu rūpādisu sukha-vedanassādena gadhitam giddham.

Chetvā sotaṃ duraccayan-ti aññehi duraccayaṃ duratikka-maṃ taṇhāsotaṃ arahattamaggena samucchinditvā. Sesaṃ heṭṭhā vuttanayameva.*

Chaṭṭhasuttavaṇṇanā.

7. Sattame:—†

Kāmayogayutto-ti pañca-kāmaguṇiko rāgo kāmayogo, tena yutto kāmayogayutto. Asamucchinnakāmarāgassa'etaṃ adhi-vacanaṃ. Rūpārūpa-bhavesu chandarāgo *bhavayogo*, tathā jhānanikanti, sassatadiṭṭhisahagato ca rāgo, tena yutto *bhavayogayutto*, appahīnabhavarāgo-ti attho.

Āgāmī-ti brahmaloke ṭhito'pi paṭisandhiggahaṇavasena imaṃ manussalokaṃ āgamanasīlo. Ten'evāha—*āgantā*¹ *itthatan*-ti. Manussattabhāva-saṅkhātāṃ itthabhāvaṃ āgamana-dhammo, manussesu uppajjanasīlo-ti attho. Kāmañc'ettha kāmayogo itthattaṃ āgamanassa kāraṇaṃ. Yo pana kāmayogayutto, so ekantena bhavayogayutto'pi hoti-ti dassan'atthaṃ *kāmayogayutto bhikkhave bhavayogayutto*-ti ubhayaṃ pi ekajjhaṃ katvā vuttaṃ.

*Kāmayogavisamyutto*²-ti ettha asubhajjhānaṃ pi kāmayogavisamyogo, taṃ pādakaṃ katvā adhigato anāgāmimaggo ekanten'eva kāmayogavisamyogo nāma. Tasmā tatiyamag-gaphale ṭhito ariya-puggalo *kāmayogavisamyutto*-ti vutto. Yasmā³ pana rūpārūpabhavesu chandarāgo anāgāmimaggena na pahiyati, tasmā so appahīna-bhavayogattā bhavayoga-yutto-ti vutto.

Anāgāmī-ti kāmaloḥkaṃ paṭisandhigahaṇavasena anāgāmī, kāmayoga-visamyogavasena'eva hi saddhim anavasesa-orambhāgiya-saṃyojana-samugghātena ajjhata-saṃyojanabhāva-siddhito itthattaṃ anāgantā hoti, tattha parinibbāyī anāvatti-dhammo.

Yassa pana anavasesaṃ bhavayogo pahīno, tassa avijjā-yogādi-avasatṭhakilesā pi tadekatṭhabhāvato pahīnā eva

* Cf. ante Sutta 3, V, 4.

† Cf. A. ii, 10; D. iii, 230; S. v, 59.

¹ S āgantvā.

² For 'saddhutto of the Text.

³ C Tasmā.

honti-ti so parikkhīṇabhavasamyojano araham¹ khīṇāsavo-ti vuccati. Tena vuttam: *kāmayogavisamyutto bhikkhave bhavayogavisamyutto araham hoti khīṇāsavo-ti*. Ettha ca kāmayoga-visamyogo anāgāmī catutthajjhānassa sukha-dukkha-somanassa-domanassappahānam viya, tatiya-maggassa diṭṭhi-vicikicchā-sīlabhata-parāmāsa-samyojana-parikkhayo viya ca² catuttha-maggassa vaṇṇabhaṇanattam vutto-ti daṭṭhabbam. Paṭhama-padena sotāpannasakadāgāmīhi saddhim sabbo puthujjano gahito, dutiya-padena pana sabbo anāgāmī, tatiyapadena arahā-ti arahattanikūṭena³ desanam niṭṭhāpesi.

Gathāsu:—*

Ubhayan-ti ubhayena kāmayogena bhavayogena ca samyut-tā-ti attho.

Sattā gacchanti saṃsāran-ti puthujjanā sotāpannā saka-dāgāmīno-ti ime tividhā *sattā* kāmayoga-bhavayogānam appahīnattā *gacchanti saṃsāranti*, tato eva *jātimaraṇagāmino* honti. Tattha⁴ ekabījī, kolaṃkolo, sattakkhattuparamo-ti tisu sotāpannesu sabbhamudu sattakkhattu-paramo, so aṭṭhamam bhavam na nibhatteti, attano paricchinna-jāti-vasena⁵ pana saṃsarati, tathā itare pi. Sakadāgāmīsu'pi yo idha sakadāgāmimaggaṃ patvā devaloke uppajjitvā puna idha nibhattati, so attano paricchinnajāti-vasen'eva saṃsarati. Ye pana sakadāgāmīno vomissakanayena vinā tattha tattha devesu yeva manussesu yeva vā nibhattanti, te uparimaggā-dhigamāya yāva indriyaparipākā punappunam uppajjanato saṃsaranti yeva. Puthujjane pana vattabbameva n'atthi sabbabhavasamyojanānam aparikkhīṇattā. Tena vuttam:—

“*Kāmayogena samyuttā bhavayogena c'ubhayam,
Sattā gacchanti saṃsāram jātimaraṇagāmīno*”-ti.

Kāme pahantvānā-ti kāmarāgasuñkhāte kilesakāme anāgāmimaggena pajahitvā.

Chinnasaṃsayā-ti samucchinnakañkhā, tañ ca kho sotāpat-timaggen'eva. Vaṇṇabhaṇanattam pana catutthamaggassa

* Cf. A. ii, 12.

† Cf. D. iii, 132.

¹ S arahanta-khi°.

² S omīṭṭa.

³ C nikūṭhena.

⁴ S ettha.

⁵ C paricchanna°; also below.

evaṃ vuttaṃ. Arahanto hi idha chinnaśaṃsayā-ti adhippetā. Ten'evāha:—*Khīṇamānapunabbhavā*-ti. Sabbaso khīṇo navavidho pi māno āyatīṃ punabbhavo ca etesaṃ-ti *khīṇamānapunabbhavā*. Mānaggahaṇena c'ettha tadekaṭṭhatāya lakhaṇavasena vā sabbo catuttha-maggavajjho kilesa gahito-ti. Khīṇamānatāya ca saupādisesā nibbānadhātu vuttā hoti. Khīṇapunabbhavatāya anupādisesā. Sesamaṃsuviññeyyameva. Sattamasuttavaṇṇaṇā.

8. Aṭṭhame:—

Kalyāṇasīlo-ti sundarasīlo, sampannasīlo, paripunṇasīlo. Tattha: sīlapāripūri dvihi kāraṇhi hoti sammadeva sīlavipattiyā ādinavadassanena sīlasampattiyā ca āniśaṃsadassanena. Idha paṇ'assa¹ sabbaparibandhavippamuttassa² sabbākāraparipunṇassa maggasīlassa ca phalasīlassa ca vasena kalyāṇatā veditabbā.

Kalyāṇa-dhammo-ti sabbe bodhipakkhiyadhammā adhippetā. Tasmā kalyāṇa satipaṭṭhānādi-bodhipakkhiya-dhammā, etassa-ti kalyāṇadhammo.

Kalyāṇapaṇṇāso-ti ca maggaphalapaṇṇāsa-vasen'eva kalyāṇapaṇṇāso. Lokuttarā eva hi sīlādi-dhammā ekantakalyāṇa nāma akuppasabhāvattā. Keci pana "Catu-pārisuddhisīlavasena kalyāṇa-sīlo, vipassanā-maggadhammavasena kalyāṇa-dhammo, maggaphalapaṇṇāsa-vasena kalyāṇapaṇṇāso"-ti vadanti. "Asekkhā eva te sīladhamma-paṇṇāsa"-ti eke. Apara pana bhaṇanti "Sotāpanna-sakadāgāmināṃ maggaphalasīlaṃ kalyāṇasīlaṃ nāma, tasmā *kalyāṇasīlo*"-ti iminā sotāpanno sakadāgāmi ca gahitā va honti, te hi sīlesu paripūrikārino nāma. Anāgāmi-maggaphala-dhammā aggamaggadhammā ca kalyāṇa-dhammā nāma, tattha hi bodhipakkhiyadhammā bhāvanāpāripūriṃ gacchanti, tasmā *kalyāṇadhammo*-ti iminā tatiyamaggaṭṭhato paṭṭhāya tayo ariyā gahitā honti. Paṇṇā-kiccassa matthakappattiyā aggaphale paṇṇāsa *kalyāṇa-paṇṇāsa* nāma, tasmā paṇṇāsa-vepullappatto arahā *kalyāṇapaṇṇāso*-ti vutto, evameva puggalā gahitā honti-ti. Kiṃ iminā papañcena, aggamaggaphaladhammā idha kalyāṇasīlāda-

¹ C Idha pana.

² C vippayuttassa.

yo vuttā-ti ayamamhākaṃ khanti. Dhammavibhāgena hi ayaṃ puggalavibhāgo, na dhammavibhāgo-ti.

Kevalī-ti ettha kevalaṃ vuccati kenaci avomissakatāya sabba-saṅkhatavivittaṃ nibbānaṃ, tassa adhigatattā arahā *kevalī*. Athavā: pahānabhāvanā-pāripūriyā pariyosāna-ana-vajja-dhamma-pāripūriyā ca kalyāṇakatṭhena abyāsekasukhatāya ca kevalaṃ arahattaṃ, tadadhigamena *kevalī* khīṇāsavo.

Maggabrahmacariyavāsaṃ vasitvā pariyosāpetvā tṭhito-ti *vusitavā*.

Uttamehi aggabhūtehi vā asekkhadhammehi* samannāgatattā *uttamapuriso* ti vuccati.

Sīlavā†-ti ottha ken'aṭṭhena sīlaṃ? Sīlanatṭhena sīlaṃ. Kimidaṃ sīlaṃ nāma? Samādhānaṃ susīlyavasena kāyakammādināṃ avippakiṇṇatā-ti attho. Athavā: upadhāraṇaṃ jhānādi-kusala-dhammānaṃ patitṭhāna-vasena ādhārabhāvo-ti‡ attho. Tasmā sīlati, sīleti-ti vā sīlaṃ. Ayaṃ tāva saddalakkhaṇanayena sīl'attho. Apare pana: Sīr'aṭṭho sīl'aṭṭho, sītal'aṭṭho sīl'aṭṭho, siv'aṭṭho sīlatṭho"-ti nirutti-nayena atthaṃ vaṇṇenti. Tayidaṃ pāripūrito atisayato vā sīlaṃ assa atthī-ti *sīlavā*. Catupārisuddhisīlavase-na sīlasampanno-ti attho. Tattha yaṃ jeṭṭhakasīlaṃ, taṃ vitthāretvā dassetuṃ—*pāṭimokkhasaṃvara* – *saṃvuto*-ti – ādi vuttan-ti ekaccānaṃ ācariyānaṃ adhippāyo.

Apare pana bhaṇanti ubhayatthāpi§ pāṭimokkhasaṃvaro Bhagavatā vutto. Pāṭimokkhasaṃvaro eva hi sīlaṃ. Itaresu indriya – saṃvaro chadvārarakkhāmattakameva. Ājīvapārisuddhi – dhammena paccayuppādamattameva. Paccaya-sunniṣṭitaṃ paṭiladdhapaccaye idamatthan-ti paccavekkhitvā paribhuñjana-mattameva. Nippariyāyena pāṭimokkhasaṃvaro va sīlaṃ. Yassa so bhinno, so chinnaśīso puriso viya hatthapāde sesāni rakkhissatī-ti na vattabbo. Yassa pana so arogo, so acchinnasīso viya puriso tāni puna pākati-kāni katvā rakkhituṃ sakkoti. Tasmā *sīlavā*-ti iminā pāṭimokkhasīlameva uddisitvā taṃ vitthāretuṃ *pāṭimokkha-saṃvarasaṃvuto*-ti-ādi vuttanti.

* Cf. D. iii, 271.

† Vism. i, 8.

‡ Cf. Ud. iv, 1; and UdA. 223.

§ Cf. MA. 155.

Tattha:—

Pāṭimokkhan-ti sikkhāpadasīlaṃ, taṃ hi yo pāti rakkhati, taṃ mokkheti mocayati apāyikādihi dukkhehi¹-ti *pāṭimokkham*. Saṃvaraṇaṃ saṃvaro,—kāyavācāhi avitikkamo. Pāṭimokkhameva saṃvaro-ti *pāṭimokkha-saṃvaro*. Tena saṃvuto pihitakāyavāco-ti *pāṭimokkhasaṃvarasaṃvuto*. Idamassa tasmim sīle paṭiṭṭhitabhāvaparidīpanaṃ.*

Vidharālī-ti tadanurūpa-vihāra-samaṅgibhāva-paridīpanaṃ.

Acāragocarasaṃpanno-ti heṭṭhā pāṭimokkha—saṃvarassa upari viśeśānuyogassa ca upakārakadhammaparidīpanaṃ.

Anumattesu vajjesu bhayadassāvī-ti Pāṭimokkhasīlato aca-
vanadhammatā-paridīpanaṃ.

Samādāyā-ti sikkhāpadānaṃ anavaśesato ādānaparidī-
panaṃ.

Sikkhatī-ti sikkhāya samaṅgibhāvaparidīpanaṃ.

Sikkhāpadesu-ti sikkhitabbadhammaparidīpanaṃ.

Aparo nayo: kilesānaṃ balavabhāvato, pāpakiriyāya su-
karabhāvato, puññakiriyāya ca dukkarabhāvato, bahukkhata-
tū apāyesu patanasīlo-ti *pāti* puthujjano. Aniccatāya vā
bhavādisu kammavegukkhitto ghaṭiyantaṃ viya anavaṭṭhā-
nena¹ paribbhamanato gamanasīlo-ti *pāti*.

Marapaśavasena² vā tamhi tamhi sattanikāye attabhāvassa
pātanasi³-ti *pāti*, sattasantāno cittameva vā. Taṃ pātināṃ
saṃsāradukkhato mokkheti⁴-ti *pāṭimokkham*.⁴ Cittassa hi
vimokkhena satto vimutto. “Cittavodānā visujjhanti”-ti,
“anupādāya āsavehi cittaṃ vimuttan”-ti† ca vuttaṃ.

Athavā: Avijjānidānā hetunā saṃsāre patati gacchati pavat-
tati⁵-ti *pāti*. “Avijjānīvaraṇānaṃ sattānaṃ taṇhā-saṃyo-
janānaṃ sandhāvataṃ saṃsaratan”-ti† hi vuttaṃ. Tassa
pātino sattassa taṇhādi-saṅkilesattayato mokkho etenā-ti
pāṭimokkham. Taṇhākālo-ti⁶ ādīnaṃ viyassa samāsa-siddhi
veditabbā.

* Cf. VM. i, 16; Sam. Vin. 323; Vin. ii, 95; A. iii, 113, 262; UdA. 223.

† S. ii, 187; iv, 20; v, 317.

‡ S. ii, 178.

¹ UdA. °vadānena.

² UdA. caranava°.

³ UdA. pata°.

⁴ S °kkho.

⁵ C Kaṇṭhekālo; UdA. Kaṇṭh oṭṭha-kālo.

Athavā: pātetī vinipātetī dukkhetī¹-ti *pāṭi*, cittaṃ. Vuttaṃ hi:—“Cittena niyati loko, cittena parikassatī”²-ti.* Tassa pātino makkho etenā-ti *pātimokkho*.

Patati vā etena apāya-dukkhe saṃsāradukkhe cā-ti *pāṭi*, taṇhādi-sañkilesa.³ Vuttaṃ hi:—“Taṇhā janeti purisaṃ, taṇhā-dutiyo puriso”-ti† ca ādi. Tato patito makkho-ti *pātimokkho*.⁴

Athavā: patati etthā-ti *pāṭi*, cha ajjhattikabāhirāni āyatanāni. Vuttaṃ hi:—

“Chassu⁵ loko samuppanno . . . chassu kubbati santhavan”-ti.‡ Tato cha ajjhattikabāhir’āyatana – saṅkhātato pātito makkho-ti *pātimokkho*.

Athavā: pāto vinipāto assa atthī-ti *pāṭi*, saṃsāro. Tato pātito makkho-ti *pātimokkho*.

Athavā: sabba-lokādhīpatibhāvato dhamm’issaro Bhagavā patī-ti vuccati, muccati etenāti makkho, patino makkho tena paññatto-ti patimokkho, patimokkho eva *pātimokkho*.

Sabbagaṇānaṃ vā mūlabhāvato uttam’aṭṭhena pati ca so yathāvutten’atthena makkho cā-ti patimokkho, patimokkho eva *pātimokkho*. Tathāhi vuttaṃ:—“Pātimokkhan-ti mukhametaṃ pamukhametan”-ti§ vitthāro.

Athavā: ‘Pa’ iti pakāre, aṭṭi-ti accant’atthe nipāto. Tasmā pakārehi accantaṃ makkhetī-ti *pātimokkho*.

Idaṃ hi sīlaṃ sayaṃ tadaṅgavasena samādhisahitaṃ paññāsahitaṃ vikkhambhana-vasena samuccheda-vasena ca accantaṃ makkhetī mocetī-ti *pātimokkhaṃ*.

Paṭipatī makkho-ti vā paṭimokkho, tamhā tamhā vītikamitabba-dosato paṭi paccekaṃ makkho ti attho. Paṭimokkho eva *pātimokkho*.

Mokkho vā nibbānaṃ; tassa makkhassa paṭimokkhaṃ paṭibimba-bhūtan-ti paṭimokkhaṃ. *Pātimokkha-sīlasaṃvaro* hi suriyassa aruṇ’uggamaṇaṃ viya nibbānassa udayabhūto tappatibhāgo viya hoti yathārahaṃ kilesanibbāpanato-ti paṭimokkhaṃ, paṭimokkhameva *pātimokkhaṃ*.

* S. i, 39.

† S. i, 37; ii, 10.

‡ Sn. 169.

§ Vin. i, 103.

¹ UdA. ‘khehi.² C ‘kissati.³ C ‘leasā.⁴ O ‘kho; also below.⁵ S chassu; also below.

Athavā: mokkhaṃ paṭivattati, mokkhābhimukhaṃ-ti vā paṭimokkhaṃ, paṭimokkhameva paṭimokkhaṃ-ti evaṃ tāv'ettha *paṭimokkha*-saddassa attho veditabbo.

Samvarati pidahati etenā-ti *saṃvaro*, paṭimokkhameva saṃvaro, paṭimokkhasaṃvaro. Atthato pana tato tato vīṭikkamitabbato viratiyo cetanā ca. Tena paṭimokkhasaṃvarena upeto samannāgato *paṭimokkhasaṃvarasaṃvuto*-ti vutto. Vuttaṃ h'etaṃ Vibhaṅge:—"Iminā paṭimokkhasaṃvarena upeto hoti samupeto upagato samupagato sampanno samannāgato, tena vuccati paṭimokkhasaṃvarasaṃvuto"-ti.*

Viharati-ti iriyāpathavihārena viharati iriyati vattati.

Ācāragocarasaṃpanno-ti veludānādi¹-micchājīvassa kāya-pāgabbhiyādīnañca akaraṇena sabbaso anācāraṃ vajjetvā,² kāyiko avīṭikkamo vācasiko avīṭikkamo-ti, evaṃ vuttabhikkhusārappaācārasampattiyaṃ vesiyādi-agocaraṃ vajjetvā, piṇḍapātādiatthaṃ upasaṅkamitum yuttatṭhānasaṃkhātāgocarena ca sampannattā *ācāragocarasaṃpanno*.

Api ca yo bhikkhu satthari sagāro sappatisso sabrahma-cārlsu sagāro sappatisso hirottappasaṃpanno, sunivattho, supāruto, pāsādikena abhikkantena paṭikkantena ālokitena vilokitena, sammiñjitena pasāritena okkhittacakkhu iriyāpathasaṃpanno, indriyesu guttadvāro, bhojane mattaññū, jāgariyānuyutto, satisampajaññaṃ samannāgato, appiccho santuṭṭho pavivitto asaṃsaṭṭho abhisamācārike sakkaccakāri garucitikārabahulo viharati, ayaṃ vuccati *ācārasaṃpanno*.

Gocarō pana upanissayagocarō, āraṅkagocarō, upanibandhagocarō-ti tividho. Tattha dasakathāvatthu-guṇasaṃannāgato vutta-lakkhaṇo kalyāṇamitto yaṃ nissāya asutaṃ supāti, sutañca pariyodapeti, kaṅkhaṃ vinodeti,³ diṭṭhiṃ ujukaṃ karoti, cittaṃ pasādeti, yassa ca anusikkhanto saddhāya vaḍḍhati, sīlena sutena cāgena paññāya vaḍḍhati, ayaṃ upanissayagocarō.

Yo bhikkhu antaragharaṃ pavatṭho, vīthiṃ paṭipanno okkhittacakkhu yugamattadassāvī saṃvuto gacchati, na

* Cf. Vibh. 246.

¹ C veddhedā.

² Cf. KhA. 242; VM. 17; Vibh. 246.

³ C vitarati.

hatthiṃ olokeno na assaṃ na rathaṃ na pattīṃ na itthiṃ
na purisaṃ olokeno na disāvidisā pekkhamāno gacchati,
ayaṃ āraḁkhagocaro.

Upanibandhagocaro pana cattāro satipaṭṭhānā yathā
bhikkhu attano cittaṃ upanibandhati. Vuttañhi'etaṃ Bha-
gavatā—"Ko ca, bhikkhave, bhikkhuno gocaro, sako pettiko
visayo? Yadidaṃ cattāro satipaṭṭhānā"-ti.* Iti yathā-
vuttāya ācārasampattiyaṃ imāya ca gocarasaṃpattiyaṃ saman-
nāgatattā ācāragocarasaṃpanno.

Aṇumattesu vajjesu bhayaḁassāvī-ti appamattakesu aṇu-
pamaṇesu asaṇcicca āpannasekhiyaakusalacitt'uppādādi-
bhedesu vajjesu bhayaḁassanaṣṭo. Yo hi bhikkhu paramā-
ṇumattaṃ vajjaṃ aṭṭhasaṭṭhiyojanasatasahass'ubbedha-Si-
nerupabbatarājasadisam katvā passati, yo pi sabbalahukam
dubbhāsitaṃ mattaṃ pārājikasadisam katvā passati, ayaṃ
aṇumattesu vajjesu bhayaḁassāvī nāma.

Samādayā sikkhati sikkhāpadesū-ti yaṃ kiñci sikkhāpadesu
sikkhitabbaṃ, taṃ sabbena sabbam sabbathā sabbam anava-
sesaṃ samādayitvā sikkhati, vattati, pūreti-ti attho.

Iti *kalyāṇasīlo*-ti iminā pakāreṇa kalyāṇasīlo samāno.
Puggalādhittānavasena hi niddittāṃ sīlaṃ. *Evam kho*
bhikkhave bhikkhu kalyāṇasīlo hoī-ti vutta puggalādhittāna-
vasena'eva nigametvā, *kalyāṇadhammo*-ti ettha vuttadhamme
niddisitukāmena tesaṃ dhammānaṃ idaṃ sīlaṃ adhiṭṭhā-
naṃ-ti dassetuṃ puna *iti kalyāṇasīlo*-ti vuttaṃ.

Sattannaṃ bodhipakkhiyānaṃ-ti ādi sabbam heṭṭhā vuttat-
thameva. Puna kalyāṇasīlo-ti-ādi nigamaṇaṃ.

Gāthāsu:—

Dukkaḁaṇ-ti duṭṭhu kataṃ, (tathā) duccaritaṃ-ti attho.
Hirimaṇaṇ-ti hirimaṇaṃ hirisampannaṃ. Sabbaso pāpa-
pavattiyaṃ jigucchanaṣabhāvaṃ-ti attho. Hirimaṇaṇ-ti vā
hirisahitacittaṃ. Hiriggahaṇeṇa'eva c'ettha ottappam pi
gahitaṃ-ti veditabbaṃ. Hir'ottappaggahaṇeṇa ca sabbaso
duccaritābhāvassa hetuṃ dassento kalyāṇasīlataṃ hetuto
vibhāveti.

* S. v, 148; cf. M. i, 221; JA. ii, 59; Dialog. iii, 60.

† Cf. Viṃ. 20; Vibh. 247.

Sambodhiṃ ariyamaggañāṇaṃ gacchanti bhajanti-ti sam-bodhiḡāmino. Bodhipakkhikā-ti attho.

Anussadan-ti rāgussadādirahitaṃ.

Tathāvidhan ti pi paṭhanti. Bodhipakkhikānaṃ dhammānaṃ bhāvanānuyogamanuyutto-ti yathā yathā pubbe vuttaṃ tathāvidhaṃ tādisaṃ-ti attho.

Dukkhaṣṣā-ti vaṭṭadukkhaṣṣa vaṭṭadukkhaḡhetuno vā.

Idh'eva khayaṃattano-ti āsavakkhayaādhigameṇa attano vaṭṭadukkhaḡhetuno samudayaṃpakkhiyaṣṣa kilesaḡḡgahaṇaṣṣa **idh'eva** imasmiṃ yeva attabhāve **khayaṃ** anuppādaṃ pajānāti. Vaṭṭadukkhaṣṣ'eva vā **idh'eva** carimakacittanirodhena **khayaṃ** khīṇabhāvaṃ pajānāti.

Tehi dhammehi sampannaṃ-ti tehi yathāvuttasīlādidhammehi samannāgataṃ.

Asitaṃ-ti taṇhādiṭṭhinissayaṇaṃ pahīnattā asitaṃ katthaci anissitaṃ.

Sabbalokaṣṣā-ti sabbasmiṃ sattaloke. Sesaṃ vuttanayameva.

Aṭṭhamasuttavaṇṇanā.

9. Navame* :—

Dānaṃ-ti dātaḡbbaṃ savatthukā vā cetanā dānaṃ. Sampatipariccāḡassa'etaṃ adhivacanaṃ.

Āmisadānaṃ-ti cattāro paccayā deyyabhāvavasena āmisadānaṃ nāma. Te hi taṇhādīhi āmasitabbato āmisaṃ-ti vuccanti. Tesaṃ vā pariccāḡacetanā āmisadānaṃ.

Dhammadānaṃ-ti “Idh'ekacco ime dhammā kusalā ime dhammā akusalā, ime dhammā sāvajjā ime dhammā anavajjā, ime viññūgarahitā ime viññūpasatthā, ime samattā samā-dinnā ahitāya dukkhāya saṃvattan ti ime hitāya sukhāya saṃvattanti”-tiḡ kusalākusalakammaṃpathe vibhajanto kammakammaṃvipāke idhalokaṃ paralokaṃ paccakkhato dassento viya pākaṭaṃ karonto akusalehi dhammehi nivattāpento kusalesu dhammesu paṭiṭṭhāpento dhammaṃ deseti, idaṃ dhammadānaṃ. Yo pana “Ime dhammā abhiññeyyā, ime pariññeyyā, ime pahātābbā, ime sacchikātābbā, ime bhāvetābbā”-tiḡ saccāni vibhāvento amatādhigamāya paṭipatti-

* Cf. A. A. i, 91.

† (?).

‡ Pts. i, 1.

dhammaṃ deseti, idaṃ sikhappattaṃ dhammadānaṃ nāma.

Etadagga-ti etaṃ aggaṃ.

Yadida-ti yaṃ idaṃ dhammadānaṃ vuttaṃ, etaṃ imesu dvīsu dānesu aggaṃ seṭṭhaṃ uttamaṃ. Vivatṭagāmiṃ dhammadānaṃ hi nissāya sabbānatthato parimuccati sakalaṃ vaṭṭadukhaṃ atikkamati. Lokiyaṃ pana dhammadānaṃ sabbesaṃ dānaṃ nidānaṃ sabbasampattiṇaṃ mūlaṃ. Ten'e-vāha—

Sabbadānaṃ dhammadānaṃ jināti

Sabbarasaṃ dhammaraso jināti

Sabbaratiṃ dhammaratī jināti

Taṇhakkhayaṃ sabbadukkhaṃ jināti-ti*

abhayadānaṃ'ettha dhammadānaṃ'eva saṅgahitaṃ-ti daṭṭhabbaṃ.

Sādhāraṇabhogitādhīpāyena attanā paribhuñjītabbato ca-
tupaccayato sayameva abhuñjītvā paresaṃ saṃvibhajanaṃ
āmisasaṃvibhāgo. Sādhāraṇabhogitādhīpāyen'eva attanā vi-
ditassa adhigatassa dhammassa appossukko ahutvā paresaṃ
upadeso *dhammasaṃvibhāgo*. Catūhi paccayehi catūhi ca
saṅgahavatthūhi paresaṃ anuggaṇhaṇaṃ anukampanaṃ *āmi-
sānuggaho*. Vuttanayen'eva dhammena paresaṃ anuggaṇha-
ṇaṃ anukampanaṃ *dhammānuggaho*. Sesāṃ vuttanayameva.

Gāthāsu:—

Yam āhu dānaṃ parama-ti yaṃ dānaṃ cittakhettadeyya-
dhammānaṃ ulārabhāvena paramaṃ uttamaṃ bhogasampat-
ti-ādināṃ vā pūranato phalanato parassa vā lobhamacchari-
yādikassa paṭipakkhassa maddanato hīnsanato paramaṃ-ti
Buddhā Bhagavanto āhu.

Anuttara-ti yaṃ dānaṃ cetanādisampattiyā sātisaṃyap-
pavattiyā aggabhāvena aggavipākattā ca uttararahitaṃ
anuttarabhāvasādhanaṃ'eti āhu.

Yaṃ saṃvibhāga-ti etthā pi *paramaṃ anuttara*-ti pada-
dvayaṃ ānetvā yojetabbāṃ.

Avanneyi-ti kittayī “Bhojanaṃ, bhikkhave, dadamāno
dāyako paṭiggāhakaṇaṃ paṭicatṭhānāni deti”-ti†-ādinā,

"Sace bhikkhave, sattā jāneyyūṃ dānassa saṃvibhāgassa vipākaṃ"-ti-ādinā* ca pasamsayi.

Yathā pana dānaṃ saṃvibhāgo ca paramaṃ anuttaraṇca hoti, taṃ dassetuṃ *aggamhī*-ti-ādi vuttaṃ.

Tattha *aggamhī*-ti silādiguṇavisesayogena seṭṭhe anuttare puññakkhette sammāsambuddhe ariyasamghe ca.

Pasannacitto-ti kammaphalasandhāya ratanattayasandhāya ca cittaṃ pasādentō okappento. Cittasampattiyaṃ hi khettsampattiyaṃ ca paritte pi deyyadhamme dānaṃ mahānubhāvaṃ hoti mahājutikaṃ mahāvippahāraṃ. Vuttañ-h'etaṃ—

N'atthi citte pasannamhi
Tathāgate ca Sambuddhe

appakā nāma dakkhiṇā
athavā tassa sāvakehi.†

Vīññū-ti sappañño.

Pajānan-ti sammadeva dānaphaladānānisamse pajānanto.

Ko na yajetha kāle-ti yuttapattakāle ko nāma dānaṃ na dadeyya. Saddhā deyyadhammā paṭiggāhakā-ti imesaṃ tippaṃ sammukhībhūtakāle yeva hi dānaṃ sambhavati na aññathā. Paṭiggāhakānaṃ vā dātuṃ yuttakāle.

Evam paṭhamagāthāya āmisadānaṃsaṃvibhāgānuggahe dassetvā, idāni dhammadānaṃsaṃvibhāgānuggahe dassetuṃ *ye c'eva bhāsanti*-ti dutiyaṃ gāthamāha.

Tattha *ubhayan*-ti *bhāsanti suṇanti*-ti vuttā desakā paṭiggāhakā-ti ubhayaṃ. Ayaṃ pan'ettha saṃkhep'attho: *Ye sugalassa Bhagavato sāsane* saddhamme *pasannacittā* vimuttāyatanaṃsaṃse ṭhatvā desenti paṭiggaṇhanti ca *tesaṃ* desaka-paṭiggāhakānaṃ *so* dhammadānadhammasaṃvibhāga-dhammānuggahasamkhāto attho paramatthasādhanaṃ *paramo* tanhāsaṃkilesādisabbasaṃkilesamalavisodhanena *visujjhati*. Kidisānaṃ? *Ye appamattā Sugalassa sāsane* yeva—

Sabbapāpassa akaraṇaṃ
Sacittapariyodapanaṃ

kusalass'ūpasampadā
etaṃ Buddhāna sāsanaṃ-ti‡

samkhepato evaṃ pakāsita Sammāsambuddhassa sāsane ovāde anusitṭhiyaṃ appamattā adhisilasikkhādayo sakkac-

caṃ sampādentī, tesam visujjhati arahattaphalavisuddhiyā
ativiya vodāyatī-ti.

Navamasuttavaṇṇanā.

10. Dasame*:—

Dhammenā-ti ñāṇena sammāpaṭipattisaṃkhātena hetunā
kāraṇena. Yāya hi paṭipadāya tevijjo hoti, sā paṭipadā
idha dhammo-ti veditabbā. Kā pana sā paṭipadā-ti? Ca-
raṇasampadā ca, vijjāsampadā ca.

Tevijjan-ti pubbe nivāsānussatiñāṇādihi tīhi vijjāhi saman-
nāgataṃ.

Brāhmaṇan-ti bāhitapāpabrāhmaṇaṃ.

Paññāpemi-ti brāhmaṇo-ti pajānāpemi¹ paṭiṭṭhapemi.

Nāññaṃ lapitalāpanamattenā-ti aññaṃ jātimattabrāhma-
ṇaṃ aṭṭhakādihi lapitamattavilapanamattena² brāhmaṇaṃ
na paññāpemi. Athavā, *lapitalāpanamattenā*-ti mantānaṃ
ajjhenaajjhāpanamattena. Ubhayathā pi yaṃ pana brāh-
maṇā Sāma vedādivedattayaajjhenena *tevijjaṃ brāhmaṇaṃ*
vadanti, taṃ paṭikkhipati. Bhagavatā hi paramatthato
atevijjaṃ brāhmaṇaṃ yeva c'ete bhovādino avijjānivutā
tevijjo brāhmaṇo-ti vadanti, evaṃ pana *tevijjo brāhmaṇo*
hoṭi-ti dassanattaṃ tathā bujjanakānaṃ puggalānaṃ
ajjhāsayena ayaṃ desanā āradhā.

Tattha yasmā vijjāsampanno caraṇasampanno yeva ḥoti
caraṇasampadāya vinā vijjāsampattiya abhāvato, tasmā
caraṇasampadaṃ antogadhaṃ katvā vijjāsisen'eva brāh-
maṇaṃ paññāpetukāmo, *dhammenaṃ, bhikkhave, tevijjaṃ*
brāhmaṇaṃ paññāpemi-ti desanaṃ samuṭṭhāpetvā, *kathaṃcā-*
haṃ, bhikkhave, dhammena tevijjaṃ brāhmaṇaṃ paññāpemi-ti
kathetukammatāya pucchāṃ katvā puggalādhītṭhānāya de-
sanāya vijjattayaṃ vibhajanto *idha bhikkhave bhikkhū*-ti
ādimāha.

Tattha—*Anekavihāna*-ti anekavidhaṃ anekehi vā pakārehi
pavattitaṃ samvaṇṇitaṃ-ti attho.

* Cf. Vibh. 343-4; D. iii. 108 ff.; M. i, 22, etc.

¹ C °janāp°.

² C °vippalapana°.

Pubbenivāsan-ti samanantarāṭītaṃ bhavaṃ ādim katvā tattha tattha nivuṭṭhakkhandhasantānaṃ.

Nivuṭṭhan-ti ajjhāvuṭṭhaṃ anubhūtaṃ attano santāne uppajjitvā niruddhaṃ. Nivuṭṭhadhammaṃ vā nivuṭṭhaṃ gocarānivāseṇa nivuṭṭhaṃ, attano viññāpeṇa viññātaṃ, paraviññāpaviññātaṃ pi vā chinnavatṭumakānussaraṇādisu.

Anussarati-ti *ekaṃ pi jātiṃ dve pi jātiyo*-ti evaṃ jātipaṭi-pāṭivasena anugantvā sarati anudeva vā sarati citte abhinin-nāmite parikammasamanantaraṃ sarati.

Seyyathīdan-ti āradhappakāradassan'atthe nipāto. Te-n'eva yvāyaṃ pubbenivāso āradhho hoti, tassa pakāraṃ dassento *ekaṃ pi jātin*-ti-ādimāha.

Tattha:—*Ekaṃ pi jātin*-ti *ekaṃ paṭisandhimūlakaṃ cuti-pariyosānaṃ ekabhavapariyāpannaṃ khandhasantānaṃ*. Esa nayo *dve pi jātiyo*-ti-ādisu.

*Aneke pi saṃvattakappe**-ti-ādisu pana parihāyamāno kappo *saṃvattakappo*, vaḍḍhamāno *vivattakappo*. Tattha saṃvaṭṭeṇa saṃvattatṭhāyī gahito hoti, tammūlakattā vivatṭeṇa ca vivattatṭhāyī. Evaṃ hi sati yāni tāni: “Cattār'īmāni, bhikkhave, kappassa asaṃkheyyāni. Katamāni cattāri? Saṃvaṭṭo, saṃvattatṭhāyī, vivatṭo, vivattatṭhāyī”—tiṭṭutṭāni cattāri asaṃkheyyāni, tāni pariggahitāni honti. Tattha tayo saṃvaṭṭā: tejosamvaṭṭo, āposamvaṭṭo, vāyo-samvaṭṭo-ti. Tisso saṃvaṭṭasīmā:—Ābhassarā, Subhakiṇhā, Vehapphalā-ti. Yadā kappo tejena saṃvaṭṭati, Ābhas-sarato heṭṭhā agginā dayhati. Yadā udakena saṃvaṭṭati, Subhakiṇhato heṭṭhā udakena vilīyati. Yadā vātena saṃvaṭṭati, Vehapphalato heṭṭhā vātena viddhamsiyati. Vitthā-rato pana koṭisatasahassacakkavālaṃ ekato vinassati.

Iti evarūpo ayaṃ pubbenivāsaṃ anussaranto bhikkhu aneke pi saṃvattakappe, aneke pi vivattakappe, anekehi saṃvattavivattakappe anussarati.† Kathaṃ? *Amutrāsīn*-ti-ādinā nayena.

Tattha:—*Amutrāsīn*-ti amumhi saṃvattakappe, amumhi bhava vā yoniyā vā gatiyā vā viññāpattṭhiyā vā sattāvāse vā sattanikāye vā ahamahosiṃ.

* VM. 414 ff.

† A. ii, 142.

‡ Cf. M. i, 22.

Evannāmo-ti Tisso vā Pusso vā.

Evamgotto-ti Gotamo vā Kassapo vā.

Evamvaṇṇo-ti odāto vā sāmo vā.

Evamāhāro-ti sālīmamsodanāhāro vā pavattaphalabhojano vā.

Evam sukhadukkhapaṭisaṃvedī-ti anekappakārānaṃ kāyikacetasikānaṃ sāmisanirāmisādippabhedānaṃ vā *sukhadukkhānaṃ paṭisaṃvedī*.

Evamāyupariyanto-ti evaṃ vassasataparimāṇāyupariyanto vā caturāsītikappasatasahassaparimāṇāyupariyanto vā.

So tato cuto amutra udapādin-ti so 'haṃ tato bhavaṇto yonito gatito viññāṇaṭṭhitito sattāvāsato sattanikāyato vā cuto puna amusmiṃ nāma bhava yoniyā gatiyā viññāṇaṭṭhitiyā sattāvāse sattanikāye vā udapādiṃ.

Tatrāpāsin-ti atha tatrāpi bhava yoniyā gatiyā viññāṇaṭṭhitiyā 'tatrāvāse tatranikāye' vā puna ahoṣiṃ. *Evannāmo*-ti ādi vuttanayameva.

Athavā. *Yasmā amutrāsin*-ti idaṃ anupubbena ārohanassa attano abhinihārānurūpaṃ yathābalaṃ saraṇaṃ, *so tato cuto*-ti paṭinivattentassa² paccavekkhaṇaṃ, tasmā idhūpappanno-ti imissā idhūpapattiyā anantaraṃ *amutra udapādin*-ti vuttaṃ.

Tatrāpāsin-ti tatrāpi bhava—pe—sattanikāye vā āsiṃ.

Evannāmo-ti Datto vā Mitto vā.

Evam gotto-ti Vasiṭṭho vā Kassapo vā.

Evam vaṇṇo-ti kālo vā odāto vā.

Evamāhāro-ti suddhāhāro vā sālīdanādiāhāro vā.

Evam sukhadukkhapaṭisaṃvedī-ti dibbasukhapaṭisaṃvedī vā mānusa-sukhadukkhapaṭisaṃvedī vā.

Evamāyupariyanto-ti evaṃ taṃ taṃ paramāyupariyanto.

So tato cuto-ti so ahaṃ tato bhavādito cuto.

Idhūpappanno-ti imasmiṃ carimabhave manusso hutvā upapanno nibbatto.

Iti-ti evaṃ.

Sākāraṃ sauddesaṃ-ti nāma-gottādivasena *sauddesaṃ*, vaṇṇādivasena *sākāraṃ*.

¹⁻¹ O sattāvāse sattanikāye.

² C °vallanta°.

Nāma-gottena hi sattā Tisso Gotamo-ti uddisiyanti, vaṇṇā-dīhi sāmo odāto-ti nānattato paññāyan-ti, tasmā nāmagottaṃ uddeso, itare ākāra.

Ayamassa paṭhamā vijjā adhigatā-ti ayaṃ iminā bhikkhunā paṭhamam adhigamavasena paṭhamā viditakaraṇ'aṭṭhena vijjā adhigatā sacchikatā hoti. Kiṃ panāyaṃ viditaṃ karoti ? Pubbenivāsaṃ.

Avijjā-ti tass'eva pubbenivāsassa aviditakaraṇ'aṭṭhena tassa paṭicchādakamoho vuccati.

Tamo-ti sv'eva moho paṭicchādak'aṭṭhena tamo-ti vuccati.

Āloko-ti sā eva vijjā obhāsakaraṇ'aṭṭhena¹ āloko.

Ettha ca *vijjā adhigatā-ti* ayamatto. Sesaṃ pasamsāvacanaṃ. Yojanā pan'ettha ayaṃ kho tena bhikkhunā *vijjā adhigatā* tassa adhigatavijjassa *avijjā vihatā* vinatṭhāti (attho). Kasmā ? *Vijjā uppannā*. Sesa-padadvaye pi es'eva nayo.

Yathā tan-ti ettha yathā-ti opammatthe.² Tan-ti nipātamattaṃ. Satiyā avippavāsena appamattassa viriyātāpena ātāpino, kāye ca jīvite ca anapekkhatāya pahitattassa pesitat-tassā³-ti attho. Idaṃ vuttaṃ hoti—yathā appamattassa ātāpino pahitattassa viharato avijjā vihaññeyya, vijjā uppajjeyya, tamo vihaññeyya, āloko uppajjeyya, evameva tassa bhikkhu-no avijjā vihatā, vijjā uppannā, tamo vihatō, āloko uppanno, tassa padhānānuyogassa anurūpameva phalaṃ labhitvā viharati-ti.

*Dibbena cakkhunā-ti ettha yaṃ vattabbaṃ, taṃ heṭṭhā vuttameva.**

Visuddhenā-ti cutūpapātadassanena diṭṭhivisuddhihetubhāvato visuddhaṃ hoti. Yo hi cutimattameva passati na upapātaṃ, so ucchedadiṭṭhiṃ gaṇhati. Yo upapātamattameva passati na cutiṃ, so navasattapātubhāvadiṭṭhiṃ gaṇhati. Yo pana tadubhayaṃ passati, so yasmā duvidhaṃ pi diṭṭhigataṃ ativattati, tasmāssa taṃ dassanaṃ diṭṭhivisuddhihetu hoti. Tadubhayaṃ cāyaṃ buddhaputto passati. Tena vuttaṃ cutūpapātadassanena diṭṭhivisuddhihetu-

* Vide ante Sutta 3, II, 2.

¹ C okāsaḥ.

² C 'ttho.

³ C pesitacitta°.

bhāvato visuddhan-ti. Ekādasaupakkilesavirahitattā vā visuddham. Yathāha—“Vicikicchā cittassa upakkilesa”-ti* iti viditvā vicikicchā cittassa upakkilesa pajahitabbo, ayoniso-manasikāro, thīnamiddham, chambhitattam, ubbillam, duṭṭhullam, accāraddhaviriyam, atilīnaviriyam, abhijappā, nānattasaññā, atinijjhāyitattam¹ rūpānam cittassa upakkilesa pajahitabbo-ti evam vutthehi ekādasahi upakkilesehi anūpak-kilīṭṭhattā visuddham.

Manuss’upacāram atikkamitvā rūpadassanena atikkanta-mānusakam, mānusakam vā maṃsacakkhum atikkantattā atikkantamānusakam. Tena dibbena cakkhunā visuddhena atikkantamānusakena.

Satte passatī-ti manusso maṃsacakkhunā viya satte passati dakkhati oloketi.

Cavamāne upajjamāne-ti ettha cutikkhaṇe upapattikkhaṇe vā dibbacakkhunā pi daṭṭhum na sakkā, ye pana āsannacutikā idāni cavissantī-ti te cavamānā, ye ca gahitapaṭisandhikā sampatti-nibbattā vā te upapajjamānā-ti adhippetā, te evarūpe cavamāne upapajjamāne ca passatī-ti dasseti.

Hīne-ti mohanissandayuttattā hīnānam jātikulabhogādīnam vasena hlīte paribhūte.

Paṇīte-ti amohanissandayuttattā tabbiparīte.

Suvanne-ti adosanissandayuttattā iṭṭhakantamanāpavannayutte.

Dubbanne-ti dosanissandayuttattā aniṭṭhaakantaamanāpavannayutte. Abhirūpe virūpe-ti attho.

Sugate-ti sugati-gate alobhanissandayuttattā vā adḍhe mahaddhane.

Duggate-ti duggatigate lobhanissandayuttattā vā dalidde appannapānabhojane.

Yathākammūpage-ti yaṃ yaṃ kammaṃ upacitam, tena tena upagate.

Tattha purimehi cavamāne-ti ādīhi dibbacakkhukiccam vuttam. Iminā pana padena yathākammūpagaññapakiccam.

* Cf. Vibh. 256.

¹ Cabbini°.

Tassa ca ñāṇassa ayaṃ uppattikkamo. Idha bhikkhu heṭṭhā nirayābhimukhaṃ ālokaṃ vaddhetvā nerayike satte passati mahantaṃ dukkhaṃ anubhavamāne, idaṃ dassanaṃ dibbacakkhuñāpakiccomeva. So ca evaṃ manasikaroti kinnu kho kammaṃ katvā ime sattā evaṃ dukkhaṃ anubhavanti-ti. Ath'assa idaṃ nāma katvā-ti taṃ kammārammaṇaṃ ñāṇaṃ uppajjati. Tathā upari deva lokābhimukhaṃ ālokaṃ vaddhetvā Nandanavanamissakavana-Pārusakavanādisu satte passati sampattiṃ anubhavamāne idaṃ pi dassanaṃ dibbacakkhuñāpakiccomeva. So evaṃ manasikaroti kinnu kho kammaṃ katvā ime sattā etaṃ sampattiṃ anubhavanti-ti. Ath'assa idaṃ nāma katvā-ti taṃ kammārammaṇaṃ ñāṇaṃ uppajjati. Idaṃ yathā kammūpagañāṇaṃ nāma. Imassa pi visuṃ parikammaṃ nāma n'atthi. Yathā c'imassa, evaṃ anāgataṃ sañāṇassāpi. Dibbacakkhupādakān'eva hi imāni dibbacakkhunā sah'eva ijjhanti. *Kāyaduccaritenā*-ti ādisu yaṃ vattabbaṃ, taṃ heṭṭhā vuttameva.*

Idha *vijjā*-ti dibbacakkhuñāṇavijjā. *Avijjā*-ti sattānaṃ cutipatisandhicchādikā avijjā. Sesaṃ vuttanayameva.

Tatiyavāre *vijjā*-ti arahattamaggañāṇavijjā. *Avijjā*-ti catusaccapaticchādikā avijjā. Sesaṃ heṭṭhā vuttanayattā suviññeyyameva. *Evaṃ kho*-ti-ādi nigamaṇaṃ.

Gāthāsu ayaṃ saṃkhep'attho. Yo yathāvuttaṃ *pubbenivāsaṃ avedī* adhigacchanti vuttanayena pākaṭaṃ katvā jānāti. Yo vedī-ti pi pāṭho. Yo veditaṃ katvā ṭhito-ti attho.

Chabbīsati deva lokasaṃkhātaṃ saggaṃ catubbidhaṃ apāyañca vuttanayen'eva dibbacakkhunā passati. Athā-ti tato paraṃ jātikkhayasaṃkhātaṃ arahattaṃ nibbānameva vā patto adhigato tato eva abhiññā abhivisiṭṭhāya magga-paññāya jānitabbaṃ catusaccadhammaṃ jānitvā kiccavo-sānena vosito niṭṭhānappatto moneyyadhammasamannāgamaṇa muni khīṇāsavo yasmā etāhi yathāvuttāhi tīhi vijjāhi samannāgatattā tato tatiyavijjāya sabbathā bāhitapāpattā ca *tevijjo brāhmaṇo* nāma hoti, tasmā *tameva ahaṃ tevijjaṃ brāhmaṇaṃ vadāmi*, aññaṃ pana lapitalapaṇaṃ Yaju-ādi-

mantapadānaṃ ajjhāpanaparaṃ tevijjaṃ brāhmaṇaṃ na
vadāmi, tevijjo-ti taṃ na kathemi-ti.

Dasamasuttavaṇṇanā.

Iti imasmim vagge dutiyasutte vaṭṭaṃ kathitaṃ, pañcama-
aṭṭhama-dasamesu vivaṭṭaṃ, itaresu vaṭṭavivaṭṭaṃ kathitan-
ti veditabbaṃ.

Pañcamavaggavaṇṇanā.

Paramatthadīpaniyā Khuddaka-Nikāy'aṭṭhakathāya Iti-
vuttakassa Tika-Nipātavaṇṇanā niṭṭhitā.

CATUKKA-NIPĀTA-VANṆANĀ

4. I, 1. Catukkanipātassa paṭhame—

Ahan-ti attaniddeso, yo hi paro na hoti so niyakajjhatta-saṅkhāto atto¹ *ahan*-ti vuccati.

Asmī-ti paṭijānanā,² yo paramatthabrāhmaṇabhāvo ahan-ti vuccamāno, tassa attani atthibhāvaṃ paṭijānanto hi Satthā *asmī*-ti avoca. *Ahamasmī*-ti ca yathā—“Ahamasmi brahmā mahābrahmā,” “Seyyo³hamasmi”-ti* ca appahinadiṭṭhi-mānānusayā puthujjanā attano diṭṭhimānamaññanābhini-vesa-vasena abhivadanti, na evaṃ vuttaṃ. Sabbaso pana pahīna-diṭṭhimānānusayo Bhagavā sāmaññaṃ anatidhāvanto lokasāmaññānurodhena⁴ veneyyasantānesu dhammaṃ paṭiṭṭhapento kevalaṃ tādissassa guṇassa attani vijjamānataṃ paṭijānanto *ahamasmī*-ti āha.

*Brāhmaṇo*⁵-ti bāhitapāpattā brahmassa ca aṇanato brāhmaṇo. Ayaṃ h’ettha attho: Bhikkhave ahaṃ paramatthato *brāhmaṇo*’smī-ti. Bhagavā hi sabbākārūparipuppuṇṇassa dāna-saññaṃmādi—vattasamādānassa niravasesāya tapacariyāya pāraṃ gato sammadeva vusitabrahmacariyavāso sakalavedantagū suvisuddhavijjācaraṇo sabbathā niddhota⁶-pāpamalo anuttarassa ariyamaggasaṅkhātassa brahmassa vattā pavattā suparisuddhassa ca sāsana-brahmacariyassa pavedetā, tasmā sabbaso bāhitapāpattā brahmassa ca aṇanato kathanato Bhagavā paramatthena *brāhmaṇo*-ti vuccati. Iti Bhagavā sadevake loke attano anuttaraṃ brāhmaṇabhāvaṃ pavedetvā yāni tāni brāhmaṇā dānādīni cha kammāni brāhmaṇassa paññāpentī, tesam pi suparisuddhānaṃ ukkaṃsato attani samvijjamānataṃ dassetum—*Yācayogo*-ti-ādīmāha.

Tattha—*Yācayogo*-ti yācehi⁶ yutto. Yācanti-ti yācā yāca-

* D. i, 18; S. iii, 48.

¹ S attā.

⁴ C Brahmaṇo always.

² S paṭijānanto.

⁵ S nahāta.

³ S °nuparodhena.

⁶ S yācayogehi.

kā,¹ te pañ'ettha veneyyā veditabbā. Te hi—"Desetu bhante Bhagavā dhammaṃ desetu sugato dhamman"-ti* Bhagavantam upasaṅkamitvā dhammadesanāṃ yācanti. Bhagavā ca tesam icchāvighātaṃ akaronto yathā-rucim dhammaṃ desento dhammadānaṃ deti-ti yācayogo. Sabbadā sabbakālaṃ tehi avirahito. Athavā: yācayogo-ti yācanayogo,² adhippāya-puraṇato yācituṃ yutto-ti attho. Yājayogo-ti pi paṭho. Tattha yājo vuccati mahādānaṃ, yitṭhan-ti attho. Idha pana dhammadānaṃ veditabbam. Yāje niyutto-ti yājayogo.

Sadā-ti sabbadā, anavaratappavatta³-saddhammamahādāno-ti attho. Athavā: yājena yojeti-ti yājayogo tividhadāna-saṅkhātena yājena satte yathārahaṃ yojeti, tathā dāne niyojeti-ti attho. Yājayogo satatan-ti pi paṭhanti.

Payatapāṇi-ti parisuddhahattho. Yo hi dānādhimutto āmisadānaṃ dento sakkaccaṃ sahatthena deyyadhammaṃ dātuṃ sadā dhotahattho yeva hoti, so payatapāṇi-ti vuccati. Bhagavā pi dhammadānādhimutto sakkaccaṃ sabbakālaṃ dhammadāne yuttappayutto-ti katvā vuttaṃ Payatapāṇi-ti. Sadā-ti ca padaṃ imināpi saddhiṃ yojetabbam. Sadā payatapāṇi-ti avibhāgena hi Satthā veneyyalokassa saddhammadānaṃ sadā sabba-kālaṃ pavattento tattha yuttappayutto hutvā viharati.

Aparo nayo: yogo vuccati bhāvanā. Yathāha: "Yogā ve jāyate bhūri"-ti.† Tasmā yājayogo-ti yājabhābanam pañcāgabhāvanam anuyutto-ti attho. Bhagavā hi abhisambodhi-to pubbe Bodhisattaḥhūto pi karuṇāsamussāhito anavasesato dānaṃ paribrūhento⁴ tattha ukkaṃsapāramippatto hutvā abhisambodhiṃ pāpuṇi. Buddho hutvāpi tividham dānaṃ paribrūhesi, viśesato dhamma-dānaṃ⁵ pare pi tattha niyojeti. Tathā hi so veneyyayācākaṇaṃ kassaci saraṇāni adāsi, kassaci pañcasīlāni, kassaci dasasīlāni, kassaci catupārisuddhasīlaṃ, kassaci dhutadhamme, kassaci cattāri nīpāni, kassaci attha samāpattiyo, kassaci pañcābhīṇṇāyo, cattāro magge,

* D. ii, 37.

† Dh. p. 282.

¹ Somita. ² S notes in fn. yācane niyutto-ti yācayogo-ti pi paṭho.³ S anussaritaḥhāvatta.⁴ S bruhanto.⁵ S dānaṃsa deti.

cattāri sāmāññaphalāni, tisso vijjā, catasso paṭisambhidā-ti evamādilokiyalokuttarabhedam guṇadhanam dhammadāna-vasena yathādhippāyam dento pare ca dethā-ti niyojento pariccāgabdhāvanam paribrūhesi. Tena vuttam — “Paric-
cāgabdhāvanam anuyutto”-ti.* *Payatapāṇi*-ti vā āyatapāṇi, hatthagatam kiñci dātum ‘ehi gaṇhā’-ti pasāritahattho viya ācariyamutthim akatvā saddhammadāne yuttappayut-
to-ti attho. *Payatapāṇi*-ti vā ussāhitahattho āmisadānam dātum ussāhitahattho viya dhammadāne kat’ussāho-ti attho.

Antimadehadharo-ti brahmacariya-vāsena brāhmaṇa-kara-
ṇam dhammānam pāripūriyā pacchimattabhāvadhārī. Avu-
sitavato¹ hi vasalakaraṇam dhammānam appahānena vasa-
lādisamaññā gati āyatim gabbhaseyyā siyā. Tena Bhagavā
attano accanta-vusitabrāhmaṇabhāvam dasseti.

Anuttaro bhisako sallakatto-ti duttikicchassa vaṭṭadukkha-
rogassa tikkicchanato uttamo bhisako, aññehi anuddharaṇi-
yānam rāgādisallānam kantanato samucchavedasena samud-
dharaṇato uttamo sallakantanavejjo. Iminā nippariyāyato
brāhmaṇakaraṇam dhammānam attani patiṭṭhitānam para-
santatiyam patiṭṭhāpanena paresam pi brāhmaṇakaraṇamāha.

Tassa me tumhe puttā-ti tassa evarūpassa mama tumhe
bhikkhave puttā atrajā hotha.

Orasā-ti urasī sambandhā. Yathā hi sattānam orasaputtā
atrajā² visesena pitu santakassa dāyajjassa bhāgino honti,
evametepi ariyapuggalā Sammāsambuddhassa dhammassavaṇ-
ante ariyāya jātīyā jātā tassa santakassa vimuttisukhassa
ariyadhammaratanassa ca ekantabhāgiyatāya *orasā*. Athavā:
Bhagavato dhammadesanānubhāvena ariyabhūmim okkama-
mānā okkantā ca ariyasāvakā Satthu ure vāyāmajanitābhi-
jātītāya nippariyāyena orasaputtā-ti vattabbatam arahanti.
Tathā hi: te³ Bhagavatā āsayānussayacariyādhimutti-ādi-
lokanena vajjānucintanena ca hadaye katvā vajjato nivā-
retvā anavajje patiṭṭhapentena sīlādidhammasarīraposanena
saṃvaḍḍhitā.

Mukhato jātā-ti mukhato jātāya dhammadesanāya ariyāya

* (?).

¹ C Assutavato in fn.

² S attajā.

³ C ye.

jātiyā jātattā *mukhato jātā*. Athavā: anaññasādhāraṇato sabbassa kusaladhammassa mukhato pāṭimokkhato, vuṭṭhānagāminivipassanāsañkhātato vimokkhamukhato vā ariyamaggajātiyā jātā-ti pi *mukhato jātā*.

Sikkhattaya¹-saṅgahe sāsanaadhamme ariyamaggadhamme vā jātā-ti *dhammajā*, ten'eva dhammena nimmitā māpitā-ti *dhammananimmitā*. Sati-dhamma-vicayādidhammadāyādā na lābhasakkārādiāmisadāyādā, dhammadāyādā no āmisadāyādā hothā-ti² attho.

Tattha* dhammo duvidho: nippariyāyadhammo, pariyāyadhammo-ti. Āmisam pi duvidham: nippariyāyāmisam, pariyāyāmisam-ti. Katham? Maggaphalanibbānappabhedo hi navavidho lokuttaradhammo nippariyāyadhammo nibbattitadhammo³ yeva, na kenaci pariyāyena kāraṇena vā lesena vā dhammo. Yampan'idaṃ vivaṭṭupanissitaṃ kusalaṃ, seyyathidaṃ: Idh'ekacco vivaṭṭaṃ paṭṭhento dānaṃ deti, sīlaṃ samādiyati, uposathakammaṃ karoti, gandhamālādīhi Satthu pūjaṃ karoti, dhammaṃ suṇāti, deseti, jhānasamāpattiyo nibbatteti. Evaṃ karonto anupubbena nippariyāyaṃ amataṃ nibbānaṃ paṭilabhati: ayaṃ pariyāyadhammo. Tathā cīvarādayo cattāro paccayā nippariyāyāmisameva, na aññena pariyāyena vā karaṇena vā lesena vā āmisam. Yampan'idaṃ vaṭṭagāmikusalaṃ, seyyathidaṃ: Idh'ekacco vaṭṭaṃ paṭṭhento sampattibhavaṃ icchamāno dānaṃ deti . . . pe . . . samāpattiyo nibbatteti, evaṃ karonto anupubbena devamanussa-sampattiyo paṭilabhati, idaṃ pariyāyāmisam nāma.

Tattha† nippariyāyadhammo pi Bhagavato yeva santako. Bhagavatā hi kathitattā bhikkhū maggaphalanibbānāni⁴ adhigacchanti. Vuttaṃ h'etaṃ:—"So hi, brāhmaṇa, Bhagavā anuppannassa maggassa uppādetā, asaṇṇjātassa maggassa sañjanetā . . . pe . . . maggānugā ca pan'etarahi sāvakā viharanti, pacchā samannāgatā"-ti,‡ "So h'āvuso, Bhagavā jānaṃ jānāti, passaṃ passati, cakkhubhūto, ñāna-bhūto, dhammabhūto, brahmabhūto, vattā, pavattā, atthassa

* Cf. MA. 89.

† Cf. MA. 90.

‡ M. iii, 8.

¹ C Sikkhattaya in fn.² S yevā-ti.³ S omīte.⁴ C nibbāna in fn.

ninnetā, amatassa dātā, dhammasāmi Tathāgato"-ti* ca. Pariyāyadhammo pi Bhagavato yeva santako, Bhagavatā hi kathitattā yeva jānanti—vivatṭaṃ paṭṭhetvā dānaṃ dento . . . pe . . . samāpattiyo nibbattento anukkamena amataṃ nibbānaṃ paṭilabhatī-ti. Nippariyāyāmisam pi Bhagavato yeva santakaṃ, Bhagavatā hi anuññātattā yeva bhikkūhi jīvakavatthum ādiṃ katvā paṇitacīvaraṃ laddhaṃ. Yathāha:—"Anujānāmi, bhikkhave, gahapati-cīvaraṃ. Yo icchati paṃsukūliko hotu, yo icchati gahapaticīvaraṃ sādīyatu. Itarītarena cāhaṃ,¹ bhikkhave, santutṭhiṃ yeva vaṇṇemī"-ti² evaṃ itare pi paccayā Bhagavatā anuññātattāyeva bhikkūhi paribhuñjitum laddhā. Pariyāyāmisam pi Bhagavato yeva santakaṃ, Bhagavatā kathitattāyeva hi jānanti—sampatti-bhāvaṃ paṭṭhento dānaṃ datvā sīlaṃ . . . pe . . . samāpattiyo nibbattetvā anukkamena pariyāyāmisam dibbasampattiṃ manussasampattiṃ ca paṭilabhatī-ti. Yadeva yasmā nippariyāyadhammo pi, pariyāyadhammo pi, nippariyāyāmisam pi, pariyāyāmisam pi Bhagavato yeva santakaṃ, tasmā tattha attano sāmibhāvaṃ dassento tattha ca yaṃ seṭṭhataraṃ accantabhasukhāvahaṃ tatth'eva ne niyojento evamāha:—*Tassa me tumhe pullā orasā . . . pe . . . no āmisadāyādā*-ti.

Iti Bhagavā paripunnāvatthasamādānaṃ tapacariyaṃ sammadeva vusitabrahmacariyaṃ suvisuddhaviññācārāṇasampannaṃ anavasesavedantaṭṭhāgamaṃ bāhitasabhapāpaṃ satataṃ yācayogaṃ² sadevake loke anuttaradakkhiṇe yabhāvappattantaṃ attano paramatthabrāhmaṇabhāvaṃ ariyasāvakānañca attano orasaputtādibhāvaṃ pavedesi.

Bhagavā hi—"Sīho-ti kho, bhikkhave, Tathāgatass'etaṃ adbhavaṇaṃ arahato sammāsambuddhassā"-ti³ ettha sīhasadisāṃ, "Puriso maggakusalo-ti kho, Tissa,³ Tathāgatass'etaṃ adbhavaṇaṃ"-ti⁴ ettha maggadesika⁴-purisasadisāṃ, "Rājā"-

* M. i, 111.

† Vin. i, 280.

‡ A. iii, 122.

§ A. iv, 340 (if 'puriso magg' means "vedagu" as expl. in 4. I, 10 below).

¹ C pāhaṃ.² S yācayogaṃ.³ C Bhikkhave in fn.⁴ S magguddesaka.

ham'smi, Selā''-ti* ettha rājasadisam, "Bhisako sallakat-to-ti kho, Sunakkhatta, Tathāgatass'etaṃ adbhivacanan''-ti† ettha vejjasadisam, "Brāhmaṇo-ti kho, bhikkhave, Tathāgatass'etaṃ adbhivacanan''‡-ti ettha brāhmaṇasadisam attānaṃ katheti. Idhāpi brāhmaṇasadisam katvā kathesi.

Idāni yehi dānādihi yuttassa ito bāhiraka-brāhmaṇassa brāhmaṇakiccaṃ paripuṇṇaṃ maññanti, tehi attano dānādīnaṃ aggasetṭhabhāvaṃ pakāsetuṃ—*dve'māni bhikkhave dānāni*-ti ādi āradhmaṇ. Tattha:—

Yūgā-ti mahāyaññā, mahādānāni-ti attho, yāni yitṭhāni-ti vuccanti. Tattha velāmadānavessantaradānamahāvijitayaññasādisā *āmisayūgā* veditabbā.

Mahāsamayasutta - *Maṅgalasutta* - *Culla*¹ - *Rāhulovādasutta* - *Samacittasutta*§ - *desanādayo dhammayāgā*. Sesam heṭṭhāvuttanayameva.

Gāthāyaṃ:—*Ayaṇṇi*-ti adāsi. *Amacchari*-ti sabbamacchari-yānaṃ bodhimūle yeva supahīnattā maccherarahito.

Sabbasattānukampī-ti mahākaruṇāya sabbasatte piyaputaṃ viya anuggaṇhanasīlo. Vuttaṃ h'etaṃ:—

Vadhake Devadatte ca core Aṅgulimālake,
Dhanapāle Rāhule c'eva² samacitto Mahāmuni-ti||.

Sesam suviññeyyameva.

Paṭhama-sutta-Vaṇṇanā.

2. Dutīye¶—*Appāni*-ti parittāni.

Sulabhāni-ti sukkena laddhabbāni, yattha katthaci vā³ sakkaṃ hoti laddhuṃ.

Anavaṇṇāni-ti vajjarahitāni niddesāni āgamanasuddhito kāyamaṇḍanādi-kilesavatthubhāvābhāvato ca. Tattha sulabhatāya pariyesanadukkhassa abhāvo dassito, appatāya

* Sn. 109. † Cf. A. iv, 340; M. i, 510; ii, 256.

‡ A. iv, 340.

§ See P. J. ii, 174; UdA. 324, also MP. 20.

|| (?).

¶ Cf. A. ii, 26.

pariharaṇadukkhassāpi abbhāvo dassito, anavajjatāya agara-hitabbatāya bhikkhusārubbhāvo dassito hoti. Appatāya parittāsassa avatthutā, sulabhatāya gedhāya avatthutā. anavajjatāya ādinava-vasena nissaraṇapauññāṇaṃ¹ vatthutā dasitā hoti. Appatāya yathālābhena na somanassaṃ janayanti. sulabhatāya alābhena na domanassaṃ janayanti. anavajjatāya vipphaṇṇasāraṇimittam aṇṇānupekkham na janayanti avipphaṇṇasāravatthubhāvato.

Pamsukūlan-ti rathikā-susānasaṅkārakūṭādisu yatthakatthaci paṃsūnaṃ upari ṭhitattā abbhuggataṭṭhena paṃsukūlaṃ viyā-ti *paṃsukūlaṃ*, paṃsum viya kucchitabhāvaṃ ulati gacchatī-ti *paṃsukūlan*-ti evaṃ laddhanāmaṃ rathikādisu patitanantakāni uccinitvā katacīvaraṃ.

Pinḍiyūlopo-ti jaṅgha-piṇḍiyā balena caritvā ghare ghare ālopamattaṃ ālopamattaṃ² katvā laddhabhojanaṃ.

Rukkhamūlan-ti vivekānurūpaṃ yaṃ kiñcirukkkhasamīpaṃ.

Pūtimuttan-ti yaṃ kiñci gomuttaṃ. Yathā hi suvaṇṇavaṇṇo pi kāyo pūtikāyo va, evaṃ abhinavampi muttaṃ pūtimuttameva. Tattha keci gomuttabhāvitam haritakikhaṇḍam pūtimuttan-ti vadanti. Pūtibhāvena āpaṇādito visatṭham chaḍḍitam apariggahitam³ yaṃ kiñci bhesajjam pūtimuttan-ti adhippetan-ti apare.

Yato kho-ti paccatte nissakavacanaṃ, yaṃ kho-ti vuttaṃ hoti. Tena *Tuṭṭho hoti*-ti vuttakiriyaṃ parāmasati.

Tuṭṭho-ti santuṭṭho.

*Idamassāhanti*⁴ yvāyaṃ catubbidhena yathāvuttena puc-cayena appena sulabhena santoso, idaṃ imassa bhikkhuno sīlasamvarādisu aṇṇataraṃ ekaṃ sāmāññaṇṇaṃ samaṇa-bhāvakaraṇan-ti ahaṃ vadāmi. Santuṭṭhassa hi catupārisuddhisīlaṃ suparipuṇṇam hoti. Samathovipassanā ca bhāvanā pāripūriṃ gacchanti. Athavā: Sāmāññaṃ nāma uriya-maggo, tassa saṅkhepato dve aṅgāni: bāhiram, ajjhattikan-ti. Tattha bāhiram sappurisupassayo⁵ saddhammassavaṇaṇca, ajjhattikam pana yoniso manasikāro dhammānudhamma-

¹ C °saññānaṃ in fn.

² S ālopamattaṃ only once.

³ S apaṇitam.

⁴ Imassāhan-ti—Text.

⁵ C sappurissupanissayo in fn.

paṭipatti ca. Tesu yasmā yathārahaṃ dhammānudhamma-
paṭipattibhūtā tassā mūlabhūtā c'ete dhammā, yadidaṃ
appicchatā, santuṭṭhitā, pavivittatā, asaṃsaṭṭhatā, āradha-
viriyatā-ti evamādayo. Tasmā vuttaṃ:—*Idamassāhaṃ añ-
ñalaram sāmāññaṅgan-ti vadāmi-ti.*

Gāthāsu:—*Senāsanamārabbhā*¹-ti viharādiṃ mañcapīṭhādīṇ-
ca senāsanam nissāya.

Cīvaram pīṇabhujanan-ti nivāsanādicīvaram ambapāna-
kūdi-pānam, khādanīyabhajanīyādibhuñjitabbavatthuṇca
ārabbhā-ti sambandho.

Vighāto vihatabhāvo cetodukkhaṃ na hotī-ti yojanā.
Ayaṃ h'ettha saṅkhep'attho: asukhasmiṃ² nāma āvāse pac-
cayā sulabhā-ti labhitabbatṭhānagamanena vā mayhaṃ
pāpuṇāti na tuyhanti vivādāpajjanena vā navakammakaraṇā-
di³-vasena vā senāsanādīni pariyesantānaṃ asantuṭṭhānaṃ
icchitālābhādīnā yo vighāto cittassa hoti, so tattha santuṭ-
ṭhassa na hotī-ti.

Disā nappaṭihaññati-ti santuṭṭhiyā cātuddisabhāvena disā
nappaṭihanti. Vuttaṃ h'etaṃ:—

“Cātuddiso appaṭigho ca hoti,
Santussamāno itarītareṇā”-ti.*

Yassa hi asukaṭṭhānaṃ nāma gato cīvarādīni labhissāmi-ti
cittaṃ uppajjati, tassa *disā paṭihaññati* nāma. Yassa pana
evaṃ na uppajjati, tassa *disā nappaṭihaññati* nāma.

Dhammā-ti paṭipattidhammā.

Sāmāññassāmulomikā-ti samaṇadhammassa samathavipas-
sanā-bhāvanāya ariyamaggass'eva vā anucchavikā appic-
chatūlayo.

Adhiggahitā-ti sabbe tē *tutṭhacittassa* santuṭṭhacittena bhik-
khunā adhiggahitā paṭipakkhadhamme abhibhavitvā gahitā
honti abbhantaragatā, na bāhiragatā-ti.

Dutiyasutta-Vaṇṇanā.

* Sn. 7.

3. Tatiye:—*Jānato*-ti jānantassa.

Passato-ti passantassa; yadipi imāni dvepi padāni ekatthāni byañjanaṃeva nānaṃ, evaṃ santepi *jānato*-ti nāṇalakkhaṇaṃ upādāya puggalaṃ niddisati. Jānanalakkhaṇaṃ hi nānaṃ. *passato*-ti nāṇappabhāvaṃ upādāya. Dassanappabhāvaṃ hi upādāya nāṇasamaṅgī puggalo cakkhumā viya puggalo cakkhunā rūpāni nāṇena vivaṭṭe dhamme passati. Athavā: *Jānato*-ti anubodhañāṇena jānato. *Passato*-ti paṭivedhañāṇena passato. Paṭilomato vā dassanamaggena passato, bhāvanāmaggena jānato. Keci pana nātattvaṇa-pahāna-pariññāhi jānato sikhāpatta-vipassanāya passato-ti vadanti. Athavā: dukkhaṃ pariññābhisamayena jānato, nirodhaṃ sacchikiriyābhisamayena passato. Tadubhaye ca sati pahānabhāvanābhisamayā siddhā eva hontī-ti catusaccābhisamayo vutto hoti. Yadā c'ettha vipassanāñāṇaṃ adhippetam, tadā *jānato passato*-ti padānaṃ hetu-attha¹-dīpanatā daṭṭhabbā. Yadā pana maggañāṇaṃ adhippetam, tadā maggakiccacatthadīpanatā.²

Āsavānaṃ khayān-ti “Jānato ahaṃ bhikkhave passato āsavānaṃ khayam vadāmi”-ti* evamāgate *Subbāsavaṣaṃ-varapariyāye*, ‘Āsavānaṃ khayā anāsavaṃ cetovimuttin’-ti† ādisu ca Suttapadesu āsavānaṃ pahānaṃ accanta kkhayo asamuppādo khīṇākāro n’atthibhāvo āsavakkhayo-ti vutto. Āsavānaṃ khayā samaṇo hoti”-ti‡ ādisu phalaṃ.

“Paravajjānupassissa niccaṃ ujjhānasaññino,

Āsavā tassa vaḍḍhanti, ārā so āsavakkhayā”-ti§

ādisu nibbānaṃ.

“Sekkhaṃ sikkhamānassa uju-maggānusārino,

Khayasmim paṭhamam nānaṃ tato añño anantarā

Tato añño vimuttassa nānaṃ ve hoti tādino”-ti||

evamāgate *Indriyasutte*,¶ idha ca maggo āsavakkhayo-ti vutto. Tasmā yathāvuttanayena jānantassa passantassa ahaṃ ariyamaggādhigamaṃ vadāmi-ti vuttaṃ hoti.

* M. i, 7.

† Ud. iii, 2; M. i, 284.

‡ M. i, 284.

§ Dh. 253.

|| A. i, 231 (with aññā for añño); It. 53.

¶ S. v, 193.

¹ S hetumagga°.

² S °kiccadīpanatā.

No ajānato no¹ apassato-ti yo pana na jānāti, na passati, tassa no vadāmi-ti attho. Etena ye ajānato apassato pi saṃsārasuddhiṃ vadanti, te paṭikkhipati. Purimena vā padadvayena upāyo vutto, iminā anupāyapaṭisēdho. Saṅkhepena c'ettha ṇāpaṃ āsavakkhayakaraṃ,² sesaṃ tassa parikkhāro-ti dasseti. Idāni yaṃ jānato yaṃ passato āsavakkhayo hoti, taṃ dassetuṃ—*Kiṃca bhikkhave jānato-ti pucchāṃ ārabhi*. Tattha-jānanā bahuvīdhā: dabbajātiko eva hi koci bhikkhu chaṭṭaṃ kātuṃ jānāti, koci cīvarādīnaṃ aññatarāṃ. Tassa idisāni kammāni vattasīse ṭhatvā karontassa sā jānanā maggaṃ phalaṇaṃ padaṭṭhānaṃ na hoti-ti na vattaḃbā. Yo pana sāsane pabbajitvā vejjakammādīni kātuṃ jānāti, tass' evaṃ jānato āsavā vaḍḍhanti yeva, tasmā *yaṃ jānato yaṃ passato āsavānaṃ khayō hoti*, tadeva dassento āha *Idaṃ dukkhaṇ-ti* ādiṃ.

Tattha: yaṃ vattaḃbaṃ catusaccakammaṭṭhānaṃ, taṃ heṭṭhā *Yonisomanasikārasuttē* saṅkhepato vuttameva.* Tattha pana "Yoniso bhikkhave bhikkhu manasikaronto akusalaṃ pajahati, kusalaṃ bhāveti"-ti† āgatattā, "Idaṃ dukkhaṇ-ti yoniso manasikaroti"-ti‡-ādinā atthavibhāvanā katā. Idha "Idaṃ dukkhaṇ-ti bhikkhave jānato passato āsavānaṃ khayō hoti"-ti§ āgatattā, "Idaṃ dukkhaṇ-ti pariññāpaṭivedhasena pariññābhisaṃmayā-vasena maggaṇāpānaṃ jānato passato āsavānaṃ khayō hoti"-ti|| ādinā nayena yojetabbāṃ. Āsavesu ca paṭhamamaggena diṭṭhāsavo khīyati, tatiyamaggena kāmāsavo, catuttha-maggena bhavāsavo avijjāsavo ca khīyati-ti veditaḃbaṃ.

Gathāsu:—*Vimuttiāñāṇ-ti* vimuttiyaṃ nibbāṇe phale ca paccavekkhaṇaṇāṃ.

Uttamaṇ-ti uttamadharmārammaṇattā uttamaṃ.

Khaye āñāṇ-ti āsavānaṃ saṃyojanānaṃ ca khaye khayakare ariyamagge ṇāpaṃ. "Khīṇā saṃyojanā iti ṇāṇaṇ"-ti idhāpi ānetvā sambandhitabbāṃ. Tena pahīnakilesapaccavekkhaṇaṃ dasseti. Evamettha cattāri pi paccavekkhaṇaṇāni vuttāni

* Vide It. I., ii, 6.

§ It. 103-4.

† It. 9.

|| (?).

‡ M. i, 9.

honti. Avasiṭṭhakilesapaccavekkhaṇā hi idha n'atthi arahat-
taphalādhigamassa adhippetattā. Yathā c'ettha *jānato pas-
sato*-ti nibbānādhigamena sammādiṭṭhikiccaṃ adhikaṃ katvā
vuttaṃ, evaṃ sammappadhānakiocampi adhikameva icchi-
tabban-ti dassento *Na tvev'idaṃ kusītenā*-ti osānagāthamāha.

Tattha:—*Na tvev' idan*-ti na tu eva idaṃ. Tu-saddo
nipātamattaṃ.

Bālena-m-avijānatā-ti makāro padasandhikaro. Ayañ-
h'ettha saṅkhepattho: idaṃ sekkhamaggena asekkhamaggena
ca pattabbaṃ abhijjhākāyagaṇṭhādisabbagaṇṭhānaṃ *pamo-
canaṃ* pamocanassa nimittabhūtaṃ nibbānaṃ “*Idaṃ duk-
khan*”-ti-adinā cattāri saccāni yāthābhūtaṃ *avijānatā* tato
eva *bālena* aviddasunā yathā adhigantaṃ na sakkā, evaṃ
kusītena nibbiriyeṇāpi, tasmā tadadhigamāya āradhaviyena
bhavitabban-ti. Tenāha Bhagavā:—

“*Āradhaviyassāyaṃ dhammo no kusītassa.*”*

Ārabhatha nikkhamatha yuñjatha Buddhasāsane,
Dhunātha Maccuno senaṃ Naḷāgāraṃ va kuñjaro ”-ti.†
Tatiya-sutta-Vaṇṇanā.

4. Catutthe—*ye hi kecī*-ti ye keci.

Idaṃ dukkhan-ti yathābhūtaṃ nappajānanī-ti idaṃ duk-
khaṃ ettakaṃ dukkhaṃ na ito bhiyyo-ti aviparītaṃ sabhāva-
sarasaḷakkhaṇato vipassanāpaññāsahitāya maggapaññāya duk-
kha-saccaṃ na jānanti, na paṭivijjhanti.

Sesesiya es'eva nayo.

Na me te bhikkhave-ti-ādisu ayaṃ saṅkhep'attho: bhikkhave
catusaccakammaṭṭhānaṃ ananuyuttā pabbajjāmatasamaṇā
o'eva jātimattabrāhmaṇā ca, na mayā te samitapāpasamaṇesu
samaṇo-ti bāhitapāpabrāhmaṇesu brāhmaṇo-ti ca sammatā
anuññātā. Kasmā? Samaṇakaraṇānaṃ brāhmaṇakaraṇā-
nañca dhammānaṃ abhāvato-ti. Ten'evāha—*Na ca paṇ'ete
āyasmanto*-ti-ādiṃ.

Tattha:—*Sāmaññatthan*-ti sāmaññasaṅkhātāṃ atthaṃ, cat-
tāri sāmaññaphalāni -ti attho.

Brahmaññatthan-ti tass'eva vevacanaṃ. Apare pana *sāmañ-*

ñatthan-ti cattāro ariyamaggā, *brahmaññatthan*-ti cattāri ariya-phalāni¹-ti vadanti. Sesam vuttanayameva. Sukkapakkhe vuttavipariyāyena veditabbo.

Gāthāsu apubbaṃ n'atthi.

Catutthasuttavaṇṇanā.

5. Pañcame:—*

Sīlasampannā-ti ettha sīlaṃ nāma: khīṇāsavānaṃ lokiya-lokuttaraṃ sīlaṃ, tena sampannā samannāgātā²-ti sīlasampannā. Samādhi-paññāsu pi es'eva nayo. Vimutti pana phala-vimutti yeva. Vimuttiñāpadassanaṃ paccavekkhaṇāññaṃ. Evamettha sīlādayo tayo lokiya-lokuttarā, vimuttilokuttarā va, vimutti-ñāpadassanaṃ lokiyameva.

Diṭṭhadhammikasamparāyikaparamatthehi yathārahaṃ pare ovaḍanti anusāsanti³-ti *ovāḍakā*.

Viññāpakā-ti kammāni kammaphalāni ca *viññāpakā*. Tattha ca—"Ime dhammā kusalā, ime dhammā akusalā, ime¹ sāvajjā, ime¹ anavajjā"-ti[†]-ādinā kusalādivibhāgato khandhādi-vibhāgato salakkhaṇato sāmāññalakkhaṇato tividhehi nayehi dhammānaṃ *ñāpakā* avabodhakā.

Sandassakā-ti te yeva dhamme hatthena gahetvā viya parassa paccakkhato dassetāro.

Samādapakā-ti yaṃ sīlādi yehi asamādinnaṃ, tassa samādapetāro, tattha te patitṭhapetāro.

Samuttejakā-ti evaṃ kusaladhammesu patitṭhitānaṃ upari adhiccittānuyoge niyojanavasena cittassa sammā uttejakā, yathā visesūdhigamo hoti, evaṃ nisāmanavasena *vodapakā*.²

Sampahamsakā-ti tesam yathāladdhehi upari laddhabbehi ca guṇavisesehi cittassa sammā pahamsakā laddha'ssāda-vasena sutṭhu tosakā.

Alaṃ samakkhātāro-ti alaṃ pariyattaṃ³ yathāvuttaṃ aparihāpetvā sammadeva anuggahādhippāyena akkhātāro.

Athavā *Sandassakā*-ti dhammaṃ desetā pavattinivattiyo sabhāvasarasalakkhaṇato sammadeva dassetāro. *Samādapakā*-ti citte patitṭhāpanavasena tass'eva atthassa gāhāpakā.

* Cf. Puggalapaññatti iv, 23 and iii, 13.

† (?).

¹ C ime dhammā in fn.

² C tejanā in fn.

³ C pati in fn.

Samuttejakā-ti tadatthagahane ussāhajananena sammadeva vodapakā,¹ jotakā vā. *Sampahaṃsakā*-ti tadatthaṃ paṭipattiyam² ānisaṃsadassanena sammadeva pahaṃsakā tosakā. *Alaṃsamakkhātāro*-ti samatthā hutvā vuttanayena samakkhātāro.

Saddhammassā-ti³ paṭivedhasaddhammassa tividhassāpi vā saddhammassa desetāro.

Dassanamp'ahan-ti dassanampi ahaṃ. Tampan'etaṃ cakkhudassanaṃ, ñāṇadassanan-ti duvidhaṃ. Tattha pasan-
nehi cakkhūhi ariyānaṃ olokanam cakkhudassanaṃ nāma. Ariyabhāvakarānaṃ pana dhammānaṃ ariyabhāvassa ca vipassanā-maggaphalehi adhigamo ñāṇadassanaṃ nāma. Imasmiṃ pan'atthe cakkhudassanaṃ adhippetam. Ariyānaṃ hi pasannehi cakkhūhi olokanampi sattānaṃ bahupakārameva.

Savaṇan-ti asuko nāma khīṇāsavo asukasmiṃ nāma ratthe vā janapade vā gāme vā nigame vā vihāre vā lepe vā vasatī-ti kathentānaṃ sotena savaṇaṃ etampi⁴ bahupakārameva.

Upasaṅkamaṇan-ti dānaṃ vā dassāmi, pañhaṃ vā pucchissāmi, dhammaṃ vā sossāmi, sakkāraṃ vā karissāmi-ti evarūpena cittaena ariyānaṃ upasaṅkamaṇaṃ.

Payirupāsanan-ti pañhāpayirupāsanaṃ,⁵ ariyānaṃ guṇe sutvā te upasaṅkamitvā nimantetvā dānaṃ vā datvā, vattaṃ vā katvā. 'kiṃ bhante kusalan'-ti-ādinaṃ nayena pañhāpucchanaṃ-ti attho. Veyyāvaccādikaraṇaṃ payirupāsanaṃ yeva.

Anussaraṇan-ti⁶ rattitṭhānadivātṭhānesu nisinnassu idāni ariyā gumbaleṇamaṇḍapādīsu jhānavipassanāmagga-phala-sukhehi vītināmenti-ti tesam dibbavihārādiguṇavisesārammaṇaṃ anussaraṇaṃ. Yo vā tesam santikā ovādo laddho hoti, taṃ āvajjitvā imasmiṃ ṭhāne sīlaṃ kathitaṃ, imasmiṃ samādhi, imasmiṃ vipassanā, imasmiṃ maggo, imasmiṃ phalan-ti evaṃ anussaraṇaṃ.

Anupabbajan-ti ariyesu cittaṃ pasādetvā gharā nikkhamma tesam santike pabbajjaṃ.

¹ C samuttejakā in fn.

² S Saddhammassa.

³ C pañhe in fn.

⁴ C tattha paṭipattiyam in fn.

⁵ C sotena savaṇampi.

⁶ S Anussatin-ti.

Ariyesu ca cittaṃ pasādetvā tesam yeva santike pabbajitvā tesam yeva ovādānusāsaniṃ paccāsimsamānassa caratopi¹ pabbajjā anupabbajjā nāma. Aññesaṃ santike ovādānusāsaniṃ paccāsimsamānassa caratopi pabbajjā anupabbajjā nāma. Ariyesu pasādena aññattha pabbajitvā ariyānaṃ santike ovādānusāsaniṃ paccāsimsamānassa caratopi pabbajjā anupabbajjāva. Aññesu pana pasādena aññesaṃ yeva santike pabbajitvā aññesaṃ yeva ovādānusāsaniṃ paccāsimsamānassa aññapabbajjā² anupabbajjā nāma na hoti. Vuttanayena pabbajitesu pana Mahākassapattherassa tāva anupabbajjaṃ pabbajitā satasahassamattā ahesuṃ. Tathā therassa'eva Saddhivihārikassa Candaguttattherassa, tassāpi Saddhi-vihārikassa Suriyaguttattherassa, tassāpi Saddhivihārikassa Assaguttattherassa, tassāpi Saddhivihārikassa Yonakadhammarakkhitattherassa. Tassa pana Saddhivihāriko Asokarañño kaniṭṭhabhātā Tissatthero nāma ahosi. Tassa anupabbajjaṃ pabbajitā aḍḍhateyyakoṭṭisañkhā ahesuṃ. Dīpappasādaka-Mahāmahindattherassa pana anupabbajitānaṃ gaṇanaparicchedo n'atthi. Yāvajjādivasā Laṅkādiṇe satthari pasādena pabbajantā Mahāmahindattherassa'eva anupabbajanti nāma.

Idāni yena kāraṇena tesam ariyānaṃ dassanādi bahupakāraṇaṇti vuttaṃ, taṃ dassetuṃ—*tathārūpe*-ti-ādimāha.

Tattha:—*tathārūpe*-ti tādise sīlādiguṇasampanne ariye. Yasmā dassanasavaṇṇānussaraṇāni upasaṅkamaṇapayirupāsanaṭṭhānāni, tasmā tāni anāmasitvā upasaṅkamaṇapayirupāsanaṇi yeva dassetuṃ *Sevato bhajato payirupāsato*-ti vuttaṃ. Dassanasavaṇṇānussaraṇato hi ariyesu uppanna-saddho te upasaṅkamitvā payirupāsitvā pañhaṃ pucchitvā laddhasavaṇṇānuttariyo aparipūre sīlādiguṇe paripūressatīti. Tathāhi vuttaṃ:—“Saddhājāto upasaṅkamati, upasaṅkamanto payirupāsati”-ti*-ādi.

Tattha—*Sevato*-ti vattapaṭivattakarapa-vasena kālana kālāṃ upasaṅkamato.

* Cf. M. ii, 173.

¹ O caratopi, and after.

² S caratopi pabbajjā.

Bhajato-ti sampiyāyanabhatti-vasena bhajato.

Payirupāsato-ti pañhāpucchanena¹ paṭipattianukaraṇena ca payirupāsato-ti tinnam padānaṃ atthavibhāgo veditabbo. Vimuttiñāṇadassanassa pāripūri ekūnavisatimassa paccavekkhaṇāñāṇassa uppattiyā veditabbā.

Evarūpā ca te bhikkhave bhikkhū-ti-ādisu ye yathāvuttagūṇasamannāgamena evarūpā edisā bhinnasabbakilesā bhikkhū, te diṭṭhadhammikādihiṭesu sattānaṃ niyojana-vasena anusāsanato *sattāro ti pi* vuccanti. Jātikantārādinittharaṇato *sattavāhā ti pi*, rāgādiraṇānaṃ jahanato jahāpanato ca *raṇaṇjahāti pi*, avijjātamassa vinodanato vinodāpanato ca *tamonudā ti pi*, saṇarasantānesu² paññāālokapaññāobhāsa-paññāpajjotānaṃ karaṇena nibbattanena *ālokaḍḍikarā ti pi* tathā ³*ñānukkā-ñānappabhādhammukkādhammappabhānaṃ dhāraṇena karaṇena*³ ca *ukkāḍḍharā ti pi*, *paḍhaṇkarā ti pi*, ārakattā kilesehi, anaye ⁴*na iriyanato*,⁴ *aye ca iriyanato* ⁵*paresaṃ ca tathābhāve*⁵ hetubhāvato sadevakena lokena araṇiyato *ariyā ti pi*, paññācakkhuddhammacakkhūnaṃ sātisaṃyapaṭilābhena *cakkhumanto ti pi* vuccanti.

Gathāsu:—

Pāmojjakaraṇatthāna-ti nirāmisappamodassa nibbatta-⁶*kaṃ thānaṃ*⁶ kāraṇaṃ.

Etan-ti idāni vattabbanidassanaṃ sandhāya vadati.

Vijānatan-ti saṃkilesavodānassa⁷ yāthāvato jānantaṇaṃ.

Bhāvitattāna-ti bhāvitasabhāvānaṃ, kāyabhāvanādīhi bhāvitasantānānaṃ-ti attho.

Dhammajīvinan-ti micchājīvaṃ pahāya dhammena ñāyena jīvitakappanato, dhammena vā ñāyena attabhāvassa pavatana⁸to⁸ samāpattibahulatāya vā aggaphaladhammena jīvanato dhammajīvaṇaṃ. Ayaṃ h'ettha saṅkhep'attho: yadidaṃ bhāvitattānaṃ pariniṭṭhitasamādhipaññābhāvanānaṃ tato eva dhammajīvaṇaṃ ariyānaṃ dassanaṃ, evaṃ avippaṭi-sāranimittānaṃ sīlādīnaṃ pāripūrihetubhāvato vijānataṃ

¹ C pañhāpucchanena.

² S saṇarasantānesu.

³⁻⁵ S ñānappabhā-dhammakiraṇakaraṇena.

⁴⁻⁴ S anīriyanato.

⁵⁻⁵ S nesaṃ ca tathābhāve.

⁶⁻⁶ C nibbattikatthānaṃ.

⁷ C. vodāne.

⁸ S vahanato.

sappañña-jātikanam ekanten'eva pītipāmojjakāraṇan-ti. Idāni taṃ tassa kāraṇabhāvaṃ dassetuṃ—*Te jotayanti*-ti osāna-gāthādvayaṃ āha.

Tattha: *Te*-ti te bhāvitattā dhammajjvino ariyā. *Jotayanti*-ti pakāsentī.

Bhāsanti-ti saddhammobhāsenā lokam pabhāsanti, dhammam desenti-ti attho.

Yesanti-ti yesam ariyānam.

Sāsanti-ti ovādam.

Sammadaññāyā-ti pubbabhāgaññāhehi sammadeva jānitvā. Sesam vuttanayameva.

Pañcama-sutta-vaṇṇanā.

6. Chaṭṭhe—*

Taṇhuppādā-ti ettha uppajjati etesū-ti uppādā. Kā uppajjati? Taṇhā. Taṇhāya uppādā taṇhuppādā; taṇhāvatthūni, taṇhākāraṇāni-ti attho.

Yatthā-ti yesu nimittabhūtesu.

Uppajjamānā-ti uppajjanasīlā.

Civaraḥetū-ti ettha manāpaṃ cīvaraṃ labhissāmi-ti cīvarakāraṇā uppajjati. Sesapadesu pi es'eva nayo.

Iti bhavābhavaḥetū-ti ettha pana *ū*-ti nidassan'atthe nipāto, yathā cīvarādiḥetupī-ti¹ attho. *Bhavābhavā*-ti c'ettha pañtappañtāni sappīnavanītādīni adhippetāni bhavati ārogyam etenā-ti katvā. Sampattibhavesu pañtappañtataro bhavābhavo-ti pi vadanti. “*Bhavo*-ti vā sampatti, *abhavo*-ti vipatti. *Bhavo*-ti vuḍḍhi, *abhavo*-ti hāni. Tannimittañca taṇhā uppajjati-ti vuttam *bhavābhavaḥetu* cā”²-ti.

Gāthā heṭṭhā vuttatthā eva. Api ca—

Taṇhādutiyo-ti taṇhāsahāyo. Ayaṃ hi satto anamatagge saṃsāravatṭe saṃsaranto na ekako va saṃsarati, taṇham pana dutiyikaṃ sahāyikaṃ labhitvā va saṃsarati. Tathā hi taṃ papātapātaṃ acintetvā madhuggaṇhana-kaluddakam³

* Cf. A. ii, 10.

¹ C yāthā cīvarādiḥetu, evaṃ mahābhavaḥetu pī-ti in fn.

² S vā.

³ S °luddhakam.

viya anekādinavākulesupi bhavesu ānisaṃsameva dassenti anattahajāle sā paribbhamāpeti.

Itamādīnaṃ ātāvā-ti etaṃ attitānāgatapaccuppannesu khandhesu itthabbhāvaññāthabbhāvasaññitam ādinavaṃ jānitvā.

Taṇhā dukkhassa sambhavan-ti taṇhā c'ayaṃ¹ vaṭṭadukkhassa sambhavo pabhavo kāraṇaṇ-ti jānitvā. Ettāvatā ca ekassa bhikkhuno vipassanaṃ vaḍḍhetvā arahattuppati dassitā. Idāni taṃ khīṇāsavaṃ thomento *vītataṇho*-ti-ādimāha. Yampan'ettha avuttaṃ taṃ heṭṭhā vuttanayameva.

Chaṭṭhasuttavaṇṇanā.

7. Sattame:—*

Sabrahmakāni-ti saseṭṭhakāni.

Yesan-ti yesaṃ kulānaṃ.

Puttāna-ti puttehi, pūjita-saddayogena hi idaṃ karaṇatthe sāmivacanaṃ.

Ajjhāgāre-ti sake ghare.

Pūjitā hontī-ti yaṃ ghare atthi, tena paṭijaggitā manāpena c'eva kāyikavācasikena ca paccuppaṭṭhitā honti. Iti mātā-pitupūjakāni² kulāni sabrahmakāni³-ti pasaṃsitvā upari pi n'esaṃ pasaṃsanīyataṃ dassento *Sapubbadevatāni*-ti ādimāha.

Tattha *Brahmā*-ti-ādīni tesāṃ brahmādibbhāvasādhanaṇ-atthaṃ vuttāni. Tatrāyamatthavibhāvanā:

Brahmā-ti seṭṭhādhivacanaṃ. Yathā hi brahmuno³ catasso bhāvanā avijahitā honti:—mettā, karuṇā, muditā, upekkhā-ti, evaṃ mātāpitūnnaṃ⁴ puttesu catasso bhāvanā avijahitā honti. Tā tasmim tasmim kāle veditabbā: kucchigataasmim hi dārake kadā nu kho puttakaṃ arogaṃ paripuṇṇaṃ aṅgapaccaṅgaṃ passissāmā-ti mātāpitunnaṃ mettacittaṃ uppajjati. Yadā paṇ'esa mando uttānaseyyoko ūkāhi⁵ vā maṅkuṇehi vā daṭṭho dukkhasēyyāya vā pīlito parodati viravati, tadāssa saddaṃ sutvā mātāpitunnaṃ kāruṇṇaṃ uppajjati. Ādhāvitvā vidhāvitvā kilanakāle pana lobhanīya-vayasmim⁶ vā ṭhitakāle

* Cf. A. i, 132; ii, 70.

¹ S ca bhaya.

² S mahābrahmuno.

³ Sukkāhi.

⁴ S mātāpitūpūjitāni.

⁵ S mātāpitūnaṃ, and after.

⁶ S sobhanīya°.

dāraṇaṃ oloketvā mātāpitunnaṃ cittaṃ sappiṃmaṇḍe pakkhit-
taṃ satavihataḥkappāsapaṭalaṃ viya mudukaṃ āmoditaṃ
pamoditaṃ¹ tadā tesam muditā labbhati. Yadā pana tesam
putto dārabharanaṃ paccupaṭṭhapetvā pāṭiyekkaṃ agāraṃ
ajjhāvasati, tadā mātāpitunnaṃ 'sakkotidāni no puttako
attano dhammatāya jīvitun'-ti majjhatabbhāvo uppajjati,
evaṃ tasmim kāle upekkhā labbhati. Evaṃ mātāpitunnaṃ
puttesu yathākālaṃ catubbidhassāpi brahmavihārassa la-
bhanato brahmasadisavuttitāya vuttaṃ *Brahmā-ti bhikkhave*
mātāpitunnaṃ etaṃ adhvācānaṃ-ti.*

Pubbadevā-ti etthadevā nāma tividhā: sammatidevā,²
uppattidevā, visuddhidevā-ti. Tesu sammatidevā nāma: rā-
jāno khattiyā, tehi devo devī-ti loke vohariyanti, devā viya
lokassa niggahānuggahasamatthā va honti. Uppattidevā
nāma: cātummahārājikato paṭṭhāya yāva bhavaggā uppanna-
sattā.³ Visuddhi-devā nāma: khīṇāsavā sabbasaṃkilesa-vi-
suddhito. Tatrāyaṃ vacan'attho: Dibbanti kīṇanti laṇṇanti
jotanti⁴ paṭipakkhaṃ jayanti cā-ti devā. Tesu sabbasetthā
visuddhidevā. Yathā te bālaṇṇaṃ kataṃ aparādhaṃ agaṇet-
vā⁵ ekanten'eva tesam anattahāniṃ atth'uppattiñca ākañ-
khantā va yathāvuttaḥbrahmavihārayogena atthāya hitāya
sukhāya paṭipajjanti, dakkhiṇeyyatāya ca tesam kārānaṃ
mahapphalataṃ mahānisamsatañca āvahanti, evameva mātā-
pitaro pi puttānaṃ aparādhaṃ agaṇetvā ekanten'eva tesam
anattahāniṃ atth'uppattiñca ākañkhantā vuttanāyena'eva
catubbidhassāpi brahmavihārassa labhanato atthāya hitāya
sukhāya paṭipajjantā paramadakkhiṇeyyā hutvā attani katā-
naṃ kārānaṃ mahapphalataṃ mahānisamsatañca āvahanti.
Sabbadevehi ca paṭhamam tesam upakāravantatāya te ādito
yeva devā. Tesam hi vasena te paṭhamam aññe deve devā-ti
jānanti ārādhenti payirūpāsanti, ārādhanavidhiṃ ſiṭtvā tathā
paṭipajjantā tassā paṭipattiyaṃ phalaṃ adhigacchanti, tasmā

* A. II. 70.

¹ C omits.

² C sammuti-devā.

³ S upapannasattā.

⁴ S jotenti.

⁵ C agahetvā in fn.

te pacchādevā nāma. Tena vuttaṃ *Pubbadevā-ti bhikkhave mātāpitunnaṃ etaṃ adhivacanan-ti*.

Pubbācariyā-ti paṭhama¹-ācariyā, matāpitāro hi putte sikkhāpentā ati-taruṇa-kālate paṭṭhāya 'evaṃ nisīda, evaṃ gaccha, evaṃ tiṭṭha,² evaṃ saya,³ evaṃ khāda, evaṃ bhujja, ayaṃ te tāto-ti vattabbo, ayaṃ bhātiko-ti, ayaṃ bhaginī-ti, idaṃ nāma kātum vaṭṭati, idaṃ na vaṭṭati, asukaṃ nāma upasaṅkamitum vaṭṭati, asukaṃ na vaṭṭati⁴-ti gāhenti, sikkhāpenti. Aparabhāge, aññe ācariyāpi sippaṃ muddaṃ⁴ gaṇanan-ti evamādiṃ sikkhāpenti. Aññe saraṇāni denti, sīlesu paṭiṭṭhāpenti, pabbājenti, dhammaṃ uggaṇhāpenti, upasampādenti, sotāpattimaggādāni pāpenti. Iti sabbe pi te pacchā-ācariyā nāma. Mātāpitāro pana sabbapaṭhamam. Tenāha *Pubbācariyā-ti bhikkhave mātāpitunnaṃ etaṃ adhivacanan-ti*.

Āhuneyyā-ti ānetvā hunitabbaṃ, dūrato-pi ānetvā phala-visesaṃ ākaṅkhaṇtena guṇavantesu dātabban-ti *āhunaṃ*. Annapānavatthacchādanādīnaṃ etaṃ nāmaṃ. Upakārak-khattatāya taṃ āhunaṃ arahanti-ti *āhuneyyā*. Tena vuttaṃ:—

Āhuneyyā-ti bhikkhave mātāpitunnaṃ etaṃ adhivacanan-ti.

Idāni tesaṃ brahmādi-bhāve kāraṇaṃ dassetuṃ taṃ kissa *hetu*, *bahukārā-ti*-ādi vuttaṃ.

Taṃ kissa hetu-ti taṃ mātāpitunnaṃ brahmādi-adhivacanaṃ kena kāraṇenā-ti ceti attho.

Bahukāra-ti bahūpakārā.

Āpādakā-ti jīvitassa āpādakā pālakā. Puttānaṃ hi mātāpitūhi jīvitaṃ āpāditam pālitaṃ ghaṭitaṃ anuppabandhena pavattitaṃ sampāditam.

Posakā-ti hatthapāde vaḍḍhetvā hadaya-lohitaṃ pāyetaṃ posetāro.

Imassa lokassa dassetāro-ti puttānaṃ imasmim loke iṭṭhāniṭṭhārammaṇadassanaṃ nāma mātāpitāro nissāya jānanti, te tesaṃ imassa lokassa *dassetāro* nāma. Iti tesaṃ bahukāratam⁵ brahmādibhāvassa ca kāraṇaṃ dassitaṃ, yena putto

¹ C paṭhamam in fn.

² S muddham.

³ S passa.

⁴ C bahukārabhāvo in fn.

⁵ S omīto.

mātāpitūnaṃ lokiyena upakārena kenaci pariyāyena pariyaṇ-
taṃ paṭikāraṃ kātuṃ na samattho yeva.

Sace hi putto 'mātāpitunnaṃ upakārassa paccupakāraṃ
karissāmi'-ti utthāya samutthāya vāyamanto dakkhiṇe aṃ-
sakūṭe mātaraṃ itarasmaṃ pitaraṃ ṭhapetvā vassasatāyuko
sakalaṃ vassasatampi parihareyya catūhi paccayehi ucchā-
danaparimaddananahāpanasambahanādihi ca yathārucaṃ upaṭ-
ṭhahanto tesāṃ muttakarisampi ajigucchanto, na ettāvata
puttena mātāpitunnaṃ paṭikāro kato hoti, aññatra saddhā-
diguṇavisesapatiṭṭhāpanā. Vuttaṃ h'etaṃ Bhagavatā:—
“Dvinnāhaṃ, bhikkhave, na suppatikāraṃ vadāmi. Ka-
tamesaṃ dvinnaṃ? Mātu ca, pitu ca.¹ Ekena, bhikkhave,
aṃsena mātaraṃ parihareyya, ekena aṃsena . . . pitaraṃ
parihareyya vassasatāyuko vassasatajīvi. So ca tesāṃ uc-
chādanaparimaddananahāpanasambāhanena, te ca tatth'eva
muttakariṣaṃ cajeyyuṃ, na tveva, bhikkhave, mātāpitunnaṃ
kataṃ vā hoti, paṭikataṃ vā. Imissā ca, bhikkhave, mahā-
paṭhaviyā pahūtasattaratanāya mātāpitaro issariyādhipacce
raje patiṭṭhāpeyya na tveva, bhikkhave, mātāpitunnaṃ
kataṃ vā hoti paṭikataṃ vā. Taṃ kissa hetu? Bahukārā,
bhikkhave, mātā-pitaro puttānaṃ āpālakā posakā imassa
lokassa dassetāro. Yo ca kho, bhikkhave, mātāpitaro assad-
dhe saddhāsampadāya samādapeti niveseti, patiṭṭhāpeti,
dussīle sīlasampadāya, maccharino cāgasampadāya, dupaṇṇe
paṇṇāsampadāya samādapeti niveseti, patiṭṭhāpeti, ettavata
kho, bhikkhave, mātāpitunnaṃ kataṇca hoti paṭikataṇca ati-
kataṇca”-ti.* Tathā:—“*Mātāpitu-upaṭṭhānaṃ bhikkhave paṇ-
ḍitapaṇṇattan*”-ti* ca evamādiṃ mātāpitunnaṃ puttassa bahu-
kārabhāvasādhakāni suttāni daṭṭhabbāni.

Gāthāsu:—*Vuccare*-ti vuccanti kathiyanti.

Pajāya anukampakā-ti paresaṃ pāpaṃ chinditvāpi attano
santakaṃ yaṃ kiñci cajitvā pi attano paṇaṃ paṭijagganti
gopayanti. Tasmā *pajāya* attano puttānaṃ *anukampakā*
anuggāhakā.²

* A. i, 61-2; 151.

¹⁻¹ C has *mātucca pitucca* for the whole of this part.

² S *anuggāhakā*.

Namasseyyā-ti sāyaṃ pātaṃ upatṭhānaṃ gantvā idaṃ mayhaṃ uttamaṃ puññakkhettaṃ-ti namakāraṃ kāreyya.

*Sakkareyyā*¹-ti sakkārena paṭimāneyya. Idāni taṃ sakkāraṃ dassento *Annenā*-ti ādimāha.

Tattha:—*Annenā*-ti yāgubhattakhādanīyena.

Pānenā-ti aṭṭhavidhapānena.

Vatthenā-ti nivāsanapārūpanena.

Sayanenā-ti mañcapīṭṭhabhisibibbohanādinā sayanena.²

Uccādanenā-ti duggandhaṃ paṭivinodetvā sugandha-karaṇucchādanena.

Nahāpanenā-ti sītakāle uṇhodakena, uṇhakāle sītodakena gattāni parisiñcitvā nahāpanena.

Pādānaṃ dhovanena cā-ti uṇhodakasītudakehi pādadhovanena c'eva telamakkhaṇena ca.

Tāya naṃ pāricariyāyā-ti ettha *nan*-ti nipātamattaṃ, yathāvuttaparicaraṇena. Athavā: *pāricariyāyā*-ti varaṇa-kiccakaraṇakulavaṃsapatitṭhāpanādinā pañcavidha—upatṭhānena. Vuttaṃ h'etaṃ:—“Pañcahi kho gahapatiputta ṭhānehi puttana puratthimā disā mātāpitaro paccupatṭhātabbā. ‘Bhato nesaṃ bharissāmi, kiccaṃ nesaṃ karissāmi, kula-vaṃsaṃ ṭhapessāmi, dāyajjaṃ paṭipajjissāmi. Athavā pana nesaṃ petānaṃ kālakatānaṃ dakkhiṇamanupadassāmi’-ti.³ Imehi kho gahapatiputta pañcahi ṭhānehi puttana puratthimā disā mātāpitaro paccupatṭhitā pañcahi ṭhānehi puttaṃ anukampanti, pāpā nivārenti, kalyāṇe nivesenti, sippaṃ sikkhāpenti, paṭirūpena dārena saṃyojenti, samaye dāyajjaṃ niyyādentī”-ti.*

Api ca: yo mātāpitaro tīsu vatthūsu abhippasanne katvā silesu vā patitṭhāpetvā pabbajjāya vā niyojetvā upatṭhahati, ayaṃ mātāpitu-upatṭhākānaṃ aggo-ti veditabbo. Sā panāyaṃ pāricariyā puttassa ubhayalokahitasukhāvahā-ti dassento *Idh'eva naṃ paṃsaṃsanti pecca sagge pamodati*-ti āha.

Tattha *Idhā*-ti imasmim loke. Mātāpitu-upatṭhākāṃ hi puggalaṃ paṇḍita-manussā tattha pāricariyāya paṃsaṃsanti

* D. iii, 189.

¹ S *Sakkaveyyā*.

² C *senāsanena in sn*.

³ S *omits*.

vaṇṇenti thomenti, tassa ca diṭṭhānugatiṃ āpajjantā sayampi attano mātāpitūsu tathā¹ patipajjitvā mahantaṃ puññaṃ pasavanti.

Peccā-ti paralokaṃ gantvā sagge ṭhito mātāpitupaṭṭhāko dibbasampattihi modati pamodati abhinandatī-ti.

Sattamasuttavaṇṇanā.

8. Aṭṭhame:—*Brāhmaṇagahapatikā*-ti brāhmaṇā c'eva gahapatikā ca, vajjetvā² brāhmaṇe ye keci agāraṃ ajjhāvasantā idha *gahapatikā*-ti veditabbā.

Ye-ti aniyamato niddiṭṭhaparāmāsaṇaṃ.

Te-ti upayogabahuvacanaṃ. Ayaṃ h'ettha saṅkhep'attho: Bhikkhave, tumhākaṃ bahūpakārā brāhmaṇaggahapatikā: ye brāhmaṇā c'eva sesāgarikā ca, tumhe eva amhākaṃ puññaṃ khettaṃ yattha mayaṃ uddhaggikaṃ dakkhiṇaṃ paṭiṭṭhapema sovaṃgikaṃ sukhavipākaṃ saggasaṃvattanikaṃ-ti cīvarādīhi paccayehi pati-upaṭṭhitā-ti. Evaṃ āmisadānena āmisasaṃvibhāgena āmisānuggahena gahaṭṭhā bhikkhūnaṃ upakāravanto-ti dassetvā, idāni dhammānena dhammasaṃvibhāgena dhammānuggahena bhikkhūnampi tesāṃ upakāravantaṃ dassetuṃ—

Tumhe pi bhikkhave-ti-ādivuttaṃ. Taṃ vuttanayameva. Iminā kiṃ kathitaṃ? Piṇḍāpacāyanaṃ nāma kathitaṃ. Ayaṃ h'ettha adhippāyo: bhikkhave yasmā ime brāhmaṇagahapatikā n'eva tumhākaṃ nātakā, na mittā, na iṇaṃ dhārenti, atha kho ime samaṇā dhammaggaṭā³ sammāpaṭipannā, ettha no kāra mahapphalā bhavissanti mahānisaṃsā-ti phalavisesaṃ ākaṅkhaṇtā tumhe cīvarādīhi upaṭṭhahanti, tasmā taṃ tesāṃ adhippāyaṃ paripūrentā appamādena sampādettha; dhammadesanāpi vo⁴ kārakānaṃ yeva sobhati ādeyyā ca hoti, na itaresaṇ-ti evaṃ sammāpaṭipattiyaṃ appamādo karaṇīyo-ti. *Evamidaṃ bhikkhave*-ti-ādisu ayaṃ saṅkhep'attho. Bhikkhave evaṃ iminā vuttappakārena gahaṭṭhapabbajitehi āmisadānadhammānāvasena aññaṃ aññaṃ sannissāya kāmādivasena catubbidhassāpi oghassa niṭṭha-

¹ C yathā.

² S sammaggatā.

³ C. ṭhapetvā.

⁴ S tesāṃ.

raṇ'atthāya, sakalassāpi vaṭṭadukkhassa sammadeva pariyosā-nakaraṇāya uposathasīlaniyamādi-vasena catupārisuddhisīlā-divasena ca idaṃ sāsanaabrahmacariyaṃ maggabrahmacariyaṇca vussati cariyatī-ti.

Gāthāsu:—Sāgārā-ti gahaṭṭhā.

Anāgārā-ti pariccattāgārā pabbajitā.

Ubho aññoññanissitā-ti te ubho pi aññamaññasannissitā. Sāgārā hi anāgārānaṃ dhammadānasannissitā, anāgārā ca sāgārānaṃ paccayadānasannissitā.

Ārūdhayanti-ti sādheti, sampādentī.

Saddhamman-ti paṭipatti-saddhammaṃ paṭivedhasaddhammaṇca. Tattha:—yaṃ uttamaṃ, taṃ dassento āha *yogakkhemaṃ anullaran-ti*: arahattaṃ nibbāṇaṇca.

Sāgāresū-ti sāgārehi, nissakke idaṃ bhumma vacanaṃ; sāgārānaṃ vā santike.

Paccayan-ti vuttāvasesaṃ duvidhaṃ paccayaṃ: piṇḍapātaṃ bhesajjaṇca.

Parissaya-vinodanan-ti utu-parissayā diparissaya haraṇaṃ viharādi-āvasathaṃ.

Sugatan-ti sammāpaṭipannaṃ kalyāṇaputhujjanaena¹ sad-dhiṃ aṭṭhavidhaṃ ariyapuggalaṃ. Sāvako hi idha sugato-ti adhippeto.

Gharamesino-ti gharaṃ esino; gehe thatvā gharāvāsaṃ vasantā bhogūpakaraṇāni² c'eva gahaṭṭhasīlādini ca³ esana-sīlā-ti attho.

Saddhāno⁴ arahatan-ti arahantānaṃ ariyānaṃ vacanaṃ, tesāṃ vā sammāpaṭipattiṃ saddahantā. Addhā ime sammāpaṭipannā, yathā ime kathenti, tathā paṭipajjantānaṃ sā paṭipatti saggamokkhasampattiyaṃ samvattatī-ti abhisaddahantā-ti attho. *Saddhātā-ti pi pāṭho.*

Ariyapaññāyā-ti suvisuddhapaññāya.

Jhāyino-ti ārammaṇalakkhaṇ'upanijjhānavasena duvidhe-na pi jhānena jhāyino.

Idha dhammaṃ caritvānā-ti imasmim attabhāve imasmim vā sāsane lokiya lokuttarassa sukhasa maggabhūtaṃ sīlādi-

¹ S puthujjanehi.

² S sīlādinaṇca.

³ S 'karaṇānaṃ.

⁴ S Saddahantā.

dhammaṃ paṭipajjitvā yāva parinibbāṇaṃ na pāpuṇan-ti tāvadeva sugatigāmino.

Nandino-ti pītisomanassayogena nandanasīlā. Keci pana “Dhammaṃ caritvāna maggan,”-ti sotāpatti-maggaṃ pāpuṇitvā-ti vadanti.

Devalokasmin-ti chabbidhe pi kāma¹-devaloke.

Modanti kāmakāmino-ti yathicchitavatthunipphattito kāmakāmino kāmavanto hutvā pamodanti-ti.

Atthamasuttavaṇṇanā.

9. Navame*:—*Kuhā*-ti sāmanta-jappanādina² kuhanayatthunā kuhanā, asanta-guṇasambhāvanicchāya³ kohaññaṃ katvā paresaṃ vimhāpakāni⁴ attho.

Thaddhā-ti kodhena ca mānena ca thaddhamānasā. “Kodhano hoti:—upāyāsabahuḷo appam pi vutto samāno abhisappati,⁵ kuppati, byāpajjhati, patitthiyati⁶”-tiṭ evaṃ vuttena kodhena ca; “Dubbaco hoti:—dovacassa karaṇehi dhammehi samannāgato akkhamo appadakkhiṇaggāhi anusāsanin”-tiṭ evaṃ vuttena dovacassena ca; “Jātimado, gottamado, sippamado,⁷ ārogyamado, yobbanamado, jīvitamado”-tiṣ evaṃ vuttena jātimadādibhedena madena ca, garūkātābbesu garūsu paramanipaccakāraṃ akatvā ayosalākaṃ gilitvā tthitā viya anonatā hutvā vicaraṇakā.

Lapā-ti upalāpakā micchājīvavasena kulasaṅgāhakā, pac-cayatthaṃ payuttavācāvasena nippesikatāvasena ca lapakā-ti vā attho.

Siṅgi-ti tattha katamaṃ siṅgaṃ? Yaṃ siṅgaṃ siṅgaratā cāturatā cāturīyaṃ parikkhattatā⁸ pārikkhattiyan⁹-ti evaṃ vuttehi siṅgasadisēhi pākāṭakilesehi samannāgatā.

Unnaḷā-ti uggatanaḷā naḷasadisēṃ tucchamānaṃ ukkhipitvā vicaraṇakā.

* Cf. A. ii, 26.

† A. ii, 147.

† A. ii, 203.

§ Cf. D. iii, 220; A. i, 146.

¹ C kāmāvacara in fn.

² S °sambhāvanatthāya.

³ S paṭippharati.

⁴ S omits.

⁵ S °panā-ti.

⁶ S manta°.

⁷ S abhisajjati.

⁸ S siṅgamado.

⁹ S parikkatiyanti.

Asamāhitā-ti cित्तेकagga¹tāmattassāpi alābhino.

Na me te bhikkhave bhikkhū māmakā-ti te mayhaṃ bhikkhū mama santakā na honti. Mayhan-ti idaṃ attānaṃ uddissa pabbajitattā Bhagavatā vuttaṃ. Yasmā pana te kuhanādi-yogato na sammāpaṭipannā, tasmā *na māmakā*-ti vuttā.

Apagatā-ti yadipi te mama sāsane pabbajitā, yathānusiṭṭhaṃ pana appaṭipajjanato apagatā eva imamahā dhammavinayā, ito te suvidūraviddhūre ṭhitā-ti dasseti. Vuttaṃ h'etaṃ:—

“Nabhañ ca dūre paṭhavi ca dūre
Pāraṃ samuddassa tathāhu¹ dūre,
Tato have dūratarāṃ vadanti
Satañ ca dhammaṃ asatañ ca rājā ”-ti.*

Vuḍḍhiṃ virūhiṃ vepullaṃ āpajjanti-ti sīlādiguṇehi vaḍḍhanavasena vuḍḍhiṃ, tattha niccalabhāvena² virūhiṃ, sabbattha patthaṭa-bhāvena sīlādidhammakkhanda-pāripūriyā vepullaṃ na ca te kuhādisabhāvā bhikkhū āpajjanti, na ca pāpuṇanti-ti attho.

Te³ kho me bhikkhave bhikkhū māmakā-ti idhāpi *me*-ti attānaṃ uddissa pabbajitattā vadati, sammāpaṭipannattā pana *māmakā*-ti āha. Vuttavipariyāyena sukkapakkho veditabbo. Tattha:—yāva arahattamaggā virūhanti nāma, arahattaphale pana patte virūhiṃ vepullaṃ āpannā nāma.

Gāthā suviññeyya eva.

Navamasuttavaṇṇanā.

10. Dasame—*Seyyathāpi*-ti opamma⁴dassan'atthe nīpāto, yathā nāmā-ti attho.

Nadiyā sotena ovuyheyyā-ti siṅgha-sotāya hārahāriniyā⁴ nadiyā udaka⁵-vegena hetṭhato vuyheyya adho hariyetha.

Piyarūpa-sātarūpenā-ti piyasabhāvena sātasabhāvena ca kāraṇabhūtena, tassā nadiyaṃ tassā vā paratīre maṇi-suvaṇṇādīṃ aṇṇāṃ vā piyavatthūṃ vittupakaraṇaṃ atthi, taṃ gahessāmi-ti nadiyaṃ pativā sotena avakaḍḍheyya.

* Cf. A. ii, 51.

¹ O tadāhu.

² S nīlāsa°.

³ S te ca.

⁴ S haritā.

⁵ S nadi-udaka°.

Kiñcāpi-ti anujānanaasambhāvan'atthe nipāto. Kiṃ anujānāti, kiṃ na sambhāveti? Tena purisena adhippetassa piyavatthuno tattha atthibhāvaṃ anujānāti, tathā-gamaṇaṃ pana ādīnavavāntatāya na sambhāveti. Idaṃ vuttaṃ hoti: *Ambho purisa*, yadipi tayā adhippetam piyavatthu tattha upalabbhati, evaṃ gamane pana ayamādīnavo: yaṃ tvam heṭṭhā rahadaṃ patvā maraṇaṃ maraṇamattaṃ vā dukkhaṃ pāpuṇeyyāsi-ti.

Atthi c'ettha heṭṭhā rahado-ti etissā nadiyā heṭṭhā anusotabhāge ativiya gambhīra-vitthato eko mahāsaro atthi. So ca samantato vātābhighātasamuṭṭhitāhi maṇimayapabbatakūṭa-sannibhāhi¹ mahatīhi ūmīhi vīcīhi saummi. Visamesu bhūmippadesu savegaṃ anupakkhannena² imissā tāva nadiyā mahoghena tahiṃ tahiṃ āvaṭṭamānavipula-jalatāya valavā-mukhasadisēhi saha āvaṭṭehi-ti āvaṭṭo. Taṃ rahadaṃ otiṇṇa-satte yeva attano nibaddhāmisa³-gocare katvā ajjhāvasanta ativiya bhayānakadassanena ghoracetasā dakarakkhasena *sagāho sarakkhaso*.

Caṇḍamaccha-⁴makarādīnā vā *sagāho*⁴ yathāvuttarakkhasena *sarakkhaso*.

Yan-ti evaṃ sappatibhayaṃ rahadaṃ.

Ambho purisa-ti ālapanam.

Maraṇaṃ vā nigacchasi-ti tāhi vā ummīhi⁵ ajjhotthato tesu vā āvaṭṭesu nipatito sīsaṃ ukkhipitum asakkonto tesam vā caṇḍamacchamakārādīnaṃ mukhe nipatito tassa vā dakarakkhasassa hatthaṃ gato maraṇaṃ vā gamissati. Athavā pana, āyusese sati tato muccitvā⁶ apagacchanto tehi ummi-ādīhi janitaghaṭitavasena maraṇamattaṃ maraṇappamāṇaṃ dukkhaṃ nigacchasi.

Paṭisotaṃ vāyameyyā-ti so pubbe anusotaṃ vuyhamāno tassa purisassa vacanaṃ *suvā*, 'anattho kira me upatṭhito, maccumukhe kirāhaṃ parivattāmi'-ti uppannavālavabhayo sambhamanto dviguṇaṃ katvā ussāhaṃ *hatthehi ca pādehi ca vāyameyya* tareyya⁷ na ciren'eva tīraṃ sampāpuṇeyya.

¹ O sannikāsāhi.

² S 'pakkhandantena.

³ S nibandhāpita.

⁴ S 'makārādīnā vā sagāho.

⁵ C ūmi, also below.

⁶ S muccitvā.

⁷ S omāte.

Atthassa viññāpanāyā-ti catusaccapaṭivedhānukulassa atthassa sambodhanāya upamā katā.

*Ayañc'ettha*¹ *attho*-ti: *ayam* eva idāni vuccamāno idha mayā adhippeto upameyy'attho: yassa viññāpanāya upamā āhaṭā.

Taṇhāy'daṃ adbhivaccanā-ti ettha catūhi ākārehi taṇhāya sotasadisatā veditabbā: anukkamāparivuḍḍhito² anuppabandhato osīdāpanato duruttarato ca. Yathā hi upari mahāmeghe abhippavutṭhe udakaṃ pabbatakandarapadarasākhāyo pūretvā tato bhassitvā, kusubbhe pūretvā tato bhassitvā, kunnadiyo pūretvā tato mahānadiyo pakkhanditvā, ekoghaṃ hutvā pabattamānaṃ nadisoto-ti vuccati, evameva ajjhattikabāhirādivasena anekabhedesu rūpādisu ārammaṇesu lobho uppajjitvā anukkamena parivuḍḍhiṃ gacchanto taṇhā soto-ti vuccati. Yathā ca nadisoto āgamanto yāva samuddappatti, tāva³ asati vicchedappaccayabhāve³ avicchiḍḍhamāno anuppabandhena pavattati. Evaṃ taṇhāsotopi āgamanato paṭṭhāya asati vicchedapaccaye avicchiḍḍhamāno apāyasamuddābhimukho anuppabandhena pavattati. Yathā pano nadisoto sotantogate satte osīdāpeti, sīsaṃ ukkhipitum na deti, maraṇaṃ vā⁴ maraṇamattaṃ vā dukkhaṃ pāpeti, evaṃ taṇhāsotopi attano sotantogate satte osīdāpeti, paññāsisāṃ ukkhipitum na deti, kusalamūlacchedanena saṅkilesadhammasamāpajjanena ca maraṇaṃ vā maraṇamattaṃ vā dukkhaṃ pāpeti. Yathā ca nadiyā soto mahoghabhāvena pavattamāno udphampaṃ⁵ vā nāvaṃ vā bandhitum netum ca chekaṃ purisaṃ nissāya paratīraṃ gantum ajjhāsayam katvā tājjaṃ vāyāmaṃ karontena taritabbo:—na yena vā tena vā-ti duruttaro, evaṃ taṇhāsotopi kām'oghabhav'oghabhūto sīlasamvaram pūretum samathavipassanāsu kammaṃ kātum nipakena arahattaṃ pāpunissāmī-ti ajjhāsayam samuṭṭhāpetvā kalyāṇamitte nissāya samathavipassanānāvaṃ abhirūhitvā sammāvāyāmaṃ karontena taritabbo: na yena vā tena vā-ti duruttaro. Evaṃ anukkamaparivuḍḍhito⁶ anuppabandhanato⁷ osīdāpanato duruttarato-ti catūhi ākārehi taṇhāya nadisotasadisatā veditabbā.

¹ S ayañc'ev'ettha.

²⁻³ C vicchedappaccayābhāve.

⁴ S uḷumpaṃ. ⁵ S "vutṭhito.

² S anukkamābhippavutṭhito.

³ S omīte, also below.

⁷ S "bandhato.

Piyarūpasātarūpan-ti piyajātiyaṃ piyasabhāvaṃ piyarūpaṃ, madhuraajātiyaṃ madhurasabhāvaṃ sātarūpaṃ, itṭhasabhāvan-ti attho.

Channetan-ti channaṃ etaṃ.

Ajjhattikānan-ti ettha evaṃ mayaṃ attā-ti gahaṇaṃ gamis-sāmā-ti iminā viya adhippāyena attānaṃ adhikāraṃ katvā pavattānī-ti ajjhattikāni. Tattha* gocar'ajjhattaṃ, niyak'ajjhattaṃ, visay'ajjhattaṃ, ajjhatt'ajjhattan-ti catubbidhaṃ ajjhattaṃ. Tesu:—"Ajjhattarato samāhito"-tiḥ evamādisu vuttaṃ idaṃ gocar'ajjhattaṃ nāma; "Ajjhattaṃ sampasādanan"-tiḥ āgataṃ idaṃ niyak'ajjhattaṃ nāma; "Sabbanimittānaṃ amanasikārā ajjhattaṃ suññataṃ upasampajja viharati"-tiḥ evamāgataṃ idaṃ visay'ajjhattaṃ nāma; "Ajjhattikā dhammā bāhirā dhammā"-tiḥ ettha vuttaṃ ajjhatt'ajjhattaṃ nāma. Idhāpi etadeva adhippettaṃ. Tasmā ajjhattaniyeva ajjhattikānī-ti. Athavā: yathā—vutten'eva atthēna:—"Ajjhattā dhammā bahiddhā dhammā"-tiḥ-ādisu viya tesu ajjhattesu bhavāni ajjhattikāni cakkhādīni, tesāṃ ajjhattikānaṃ.

*Āyatanānan*** -ti ettha āyatanato, āyānaṃ tananato, āyātassa ca nayanato āyatanānī-ti. Cakkhādisu hi taṃ taṃ dvāravatthukā cittacetāsikā dhammā sakena sakena anubhavanādinā kiccena āyatanti utṭhahanti ghaṭanti vāyamanti; te ca āyabhūte dhamme etāni āyatanti vitthārenti; yañca anamatagge samsāre pavattaṃ ativiya āyataṃ vaṭṭadukkhaṃ, taṃ nayanti pavattenti. Iti sabbathāpi'me dhammā āyatanato, āyānaṃ tananato, āyatassa ca nayanato, āyatanānī-ti vuccanti. Api†† ca: nivāsaṭṭhān'atṭhena,¹ ākar'atṭhena, samosaraṇaṭṭhān'atṭhena, sañjātides'atṭhena, kāraṇ'atṭhena ca āyatanāṃ veditabbaṃ. Tathāhi: loke:—"Issarāyatanāṃ devāyatanan"††-ti-ādisu nivāsaṭṭhānaṃ āyatanan-ti vuccati; "Suvannaāyatanāṃ ratanāyatan"††-ti-ādisu ākaro. Sāsane

* Cf. UdA. 374; AsJ. 46.

§ M. iii, 111.

** Cf. Viem. 481-2.

†† Cf. Viem. 482.

† S. v. 263.

|| Dhs. 5.

†† Cf. Sum. Vil. 124 f., and AsJ. 140 f.

‡ S. ii, 211.

¶ Dhs. 2.

pana:—"Manorame āyatane sevanti naṃ vihaṅgamā"^{*-ti} ādisu samosaraṇaṭṭhānaṃ; "Dakkhiṇāpatho gunnaṃ āyatanan"^{-ti} ādisu *sañjātideso*; "Tatra tatr'eva sakkebhābhataṃ¹ pāpuṇāti sati² sati āyatane"^{-ti} ādisu *Kāraṇaṃ* āyatanan-ti vuccati. Cakkhādisu³ ca te te cittacetasikā dhammā nivasanti tadāyattavuttitāyā-ti cakkhādayo tesam nivāsaṭṭhānaṃ. Tattha ca te ākiṇṇā tannissitattā-ti te⁴ tesam⁵ ākāro, samosaraṇaṭṭhānaṃca tattha vatthuvārabhāvena samosaraṇato sañjātideso ca tannissayabhāvena tesam tatth'eva uppatto kāraṇaṃca tadabhāve tesam abhāvato-ti. Iti nivāsaṭṭhānaṃ'atthena, ākāraṃ'atthena, samosaraṇaṭṭhānaṃ'atthena, sañjātidesaṃ'atthena, kāraṇaṃ'atthena-ti imehi kāraṇehi cakkhādāni āyatanāni-ti vuccanti. Tena vuttaṃ: *Channetaṃ ajjhakkānaṃ āyatanānaṃ*-ti.

Yadi piyarūpādayopi⁶ dhammā:—"Rūpaṃ loke piyarūpaṃ sātārūpaṃ etth'esā taṇhā uppajjamānā uppajjati"^{-ti} taṇhāvatthubhāvato piyarūpasātārūpabhāvena vuttā. Cakkhādike pana muñcitvā⁷ attabhāvapaññattiyaṃ abhāvato 'mama cakkhu, mama sotana'-ti ādinā adhikasinehavatthubhāvato cakkhādayo sātisarūpaṃ piyarūpaṃ sātārūpan-ti niddesaṃ arahanti-ti dassetuṃ—*Piya-rūpasātārūpan-ti kho bhikkhave channetaṃ ajjhakkānaṃ āyatanānaṃ adhivacanan*-ti vuttaṃ.

Oraṃbhāgiyānaṃ-ti ettha oraṃ vuccati kāmabhātu. Appariyāpannā oraṃbhāgā. Paccayabhāvena tena sahita-ti oraṃbhāgiyā.

Yassa saṃvijjan-ti, taṃ puggalaṃ vuttaṃsaṃsaṃyojenti-ti *saṃyojanāni*. Sakkaṃyaditthi-vicikicchā-sīlabbataparāmāsa-kāmarāga-byāpādānaṃ evaṃ adhivacanaṃ. Te hi kāmabhav'ūpagānaṃ saṃkhārānaṃ paccayā hutvā rūpārūpa-dhātuto hetthābhāvena nihīna-bhāvena oraṃbhāga-bhūtena kāmabhāvena satte *saṃyojenti*. Eten'eva tesam *hetthārahada*-satisatā dīpitā-ti daṭṭhabbā.

* A. iii, 43.

† M. i, 494.

† Vism. 482.

§ Vibh. 101.

¹ S sikkhitabbataṃ.

² S omits.

³ S cakkhādisu, also below.

⁴ S omits.

⁵ Vism. reads nesaṃ.

⁶ S yadi pi rūpādayo pi.

⁷ S muñcitvā.

*Ummibhayan¹-ti kho bhikkhave kodh'ūpāyāsass'etaṃ adhi-
vacanan-ti:** Bhāyati etasmā-ti bhayaṃ; ummi eva bhayan-
ti ummibhayaṃ.

Kujjhan'aṭṭhena kodho. Sveva cittassa kāyassa ca abhip-
pamaddanapavedhan'uppādena daḥhaṃ āyāsan'aṭṭhena upā-
yāso. Ettha ca anekavāraṃ pavattitvā attanā samavegaṃ
sattaṃ ajjhottharitvā sīsaṃ ukkhipituṃ adatvā anayabya-
sanāpādanena kodh'ūpāyāsassa ummi-sadisatā daṭṭhabbā.

Tathā kāmaguṇānaṃ kilesābhibhūte satte ito ca etto etto ca
ito-ti evaṃ manāpiyarūpādivisayasamkhatē attani saṃsāretvā,
yathā tato bahibhūte nekkhamme cittaṃ pi na uppajjati,
evaṃ āvaṭṭetvā vyasanāpādanena āvaṭṭa-sadisatā daṭṭhabbā.
Yathā pana gāharakkhaso pi ārakkhārahitaṃ attano gocara-
bhūmigataṃ purisaṃ abhibhuyya gahetvā agocare t̐hitaṃ
pi rakkhasa-māyāya gocaraṃ netvā bheravarūpadassanādinā
avasaṃ attano upakāraṃ kātuṃ asamatthaṃ katvā anvā-
visitvā, vaṇṇabalabhogayayasasukhehi pi yojento mahantaṃ
anayavyasanaṃ āpādeti, evaṃ mātugāmo pi yonisomanasikā-
rarahitaṃ avirapurisaṃ itthikuttabhūtehi attano hāsabhāva-
vilāsehi abhibhuyya gahetvā vīrajātiyaṃ pi attano rūpādīhi
palobhanavasena itthimāyāya anvāvisitvā avasaṃ attano
upakāradhamme silādayo sampādetuṃ asamatthaṃ karonto
guṇavaṇṇādīhi yojetvā mahantaṃ anayavyasanaṃ āpādeti.
Evaṃ mātugāmassa gāharakkhasa-sadisatā daṭṭhabbā. Tena
vuttaṃ: āvaṭṭan-ti² kho bhikkhave pañcann'etaṃ kāmaguṇā-
naṃ adhivacanaṃ, gāharakkhaso-ti³ kho bhikkhave mātugāmas-
s'etaṃ adhivacanaṃ.

Paṭisoto-ti kho bhikkhave nekkhammass'etaṃ adhivacanan-ti
ettha pabbajjā saha upacārena paṭhamam ṇāṇam vipassanā-
paññā ca nibbānañca nekkhammaṃ nāma. Sabbe pi kusalā
dhammā nekkhammaṃ nāma. Vuttañh'etaṃ:—

Pabbajjā paṭhamam ṇāṇam nibbānañca vipassanā
Sabbe pi kusalā dhammā nekkhamman-ti pavuccare-
ti†

* Cf. A. ii, 124.

† (?).

¹ For saummi of the Text; cf. n. 26, p. 114.

² For sāvaṭṭo-ti of the Text. ³ For sagaho sarakkhaso-ti of the Text.

imesaṃ pana pabbajjādīnaṃ taṇhāsotassa paṭilomato paṭi-sotasadisatā veditabbā. Avisesena hi dhammavinayo nek-khammaṃ. Tassa ca adhiṭṭhānaṃ pabbajjā ca dhamma-vinayo ca taṇhāsotapaṭisotaṃ vuccati. Vuttañhi'etaṃ:—

Patisotagāmiṃ nipuṇaṃ gambhīraṃ duddasaṃ aṇuṃ
Rāgarattā na dakkhanti tamokkhandhena āvutā-ti.*

Iriyārambhassā-ti catubbidha - sammappadhānaviriyassa. Tassa kām'oghādibhedataṇhāsota¹ santaraṇassa *hatthehi* pādehi caturaṅgiyanadisatasantaraṇavāyāmassa sadisatā pākātā yeva. Tathā nadīsotassa tīre ṭhitassa cakkhumato purisassa kāmādiṃ catubbidhaṃ pi ohaṃ taritvā, tassa paratīrabhūte nibbānathale ṭhitassa pañcahi cakkhūhi cakkhumato Bhagavato sadisabhāvo. Tena vuttaṃ:—*cakkhumā puriso—pe - sambuddhassā*-ti.

Tatr'idaṃ opammasaṃsandanaṃ: *Nadī*-soto viya anup-pabandhavasena pavattamāno *taṇhā*-soto. Tena vuyhamāno puriso viya anamatagge saṃsāra vaṭṭe paribbhamanato *taṇhā*-sotena vuyhamāno satto. Tassa tattha *piyarūpasātarūpa*-vatthusmiṃ abhiniveso viya imassa cakkhvādisu abhiniveso. *Sa-ummi-sāvatta-sagāharakkhaso heṭṭhā rahado* viya kodh'ū-pāyāsa-pañcakāmaguṇamātugāmasamākulo pañc'orambhāgi-yasaṃyojanasamūho. Tamatthaṃ yathābhūtaṃ viditvā tas-sa nadīsotassa paratīre *ṭhito cakkhumā puriso* viya sakalaṃ saṃsārādīnaṃ sabbañca ñeyyadhammaṃ yathābhūtaṃ vi-ditvā taṇhāsotassa paratīrabhūte nibbānathale ṭhito samanta-cakkhu Bhagavā. Tassa purisassa tasmīṃ nadiyā sote vuyhamānapurisassa anukampāya rahadassa rahadūdinavas-sa ca ācikkhanaṃ viya taṇhāsotena vuyhmānasattassa mahā-karuṇāya Bhagavato taṇhādīnaṃ taṇhādīnavassa ca vibhā-vanā. Tassa vacanaṃ asaddahitvā anusotagāmino tassa purisassa tasmīṃ rahade maraṇappattimarāṇamattadukkhap-pattiyo viya Bhagavato vacanaṃ asampaṭicchantaṃ apā-yupapatti ca sugatiyaṃ dukkh'upapatti ca. Tassa pana vacanaṃ saddahitvā *hatthehi ca pādehi ca vāyāma*-karaṇaṃ

* S. i, 136.

¹ Cf. *taṇhāyetaṃ of the Text, also fn. on p. 114.*

viya tena ca vāyāmena paratīraṃ patvā sukhena yath'icchi-tatṭhānagamanam viya Bhagavato vacanam sampatīcchitvā taṇhādisu ādīnavam passitvā, taṇhāsotassa paṭisotapabbajjā-dinekkhammavasena viriyārambho āradhāviriyaṃ ca ten'eva viriyārambhena taṇhāsotātikkamanam nibbānatīraṃ patvā arahattaphalasamāpattivasena yathārucim sukhavihāro-ti.

Gāthāsu*:
Sahāpi dukkhena jaheyya kāme-ti jhānamaggā-dhigam'attham samathavipassanānuyogam karonto bhikkhu yadi tesam pubbabhagapaṭipadā kicchena kasirena sampaj-jati na sukhena vīthim otarati pubbabhāgabhāvanāya kile-sānam balavabhāvato indriyānam vā atikkhabhāvato, tathā sati *sahāpi dukkhena jaheyya kāme* paṭhamajjhānena vikkham-bhento tatiyamaggena samucchindanto kilesakāme *pajaheyya*. Etena dukkhāpaṭipade jhānamagge dasseti.

Yogakkhemam āyatim paṭṭhayāno-ti anāgāmitam arahattam icchanto ākaṅkhamāno. Ayañh'ettha adhippāyo: yadi pi etarahi kicchena kasirena ñāṇapurimamagge adhigacchāmi, imaṃ pan'imaṃ ca nissāya upari arahattam adhigantvā katakicco pahīnasabbadukkho bhavissāmi-ti *sahāpi dukkhena ñāṇādīhi kāme pajajeyyā*-ti.† Athāvā, yo kāmavitakka-bahulo puggalo kalyāṇamittassa vasena pabbajjam sīlavi-sodhanam ñāṇādīnam pubbabhāgapaṭipattim vā paṭipaj-janto kicchena kasirena assumukho rodamāno tam vitakkaṃ vikkhambheti, tam sāndhāya vuttam:
—sahāpi dukkhena jaheyya kāme-ti. So hi kicchena pi kāme pajahanto ñāṇam nibbattetvā tam ñāṇam pāḍakam katvā vipassanto anukka-mena arahatte paṭiṭṭhaheyya. Tena vuttam:
—yogakkhemam āyatim paṭṭhayāno-ti.

Sammappajāno-ti vipassanāsahitāya maggapaññāya sam-madeva pajānanto.

Suvimuttacitto-ti tassa ariyamaggādhigamassa anantaram phalavimuttiyā suṭṭhu vimuttacitto.

Vimuttiyā phassaye tattha tatthā-ti tasmim tasmim magga-phalādhigamanakāle *vimuttim* nibbānam *phuseyya* pāpuṇeyya adhigaccheyya sacchikareyya. Upayog'atthe hi *vimuttiyā*-ti idaṃ sāmivacanam.

Vimuttiyā vā ārammaṇabhūṭāya tattha tattha tantamphala-samāpattikāle attano maggaṇḍakacittam *phassaye* phuseyya pāpuṇeyya nibbān'ogadhāya phalasamāpattiyā viraheyyā-ti attho.

Sa Vedagū-ti so veda-saṃkhātena maggañāṇena catunnam saccānam gatattā paṭividdhattā *Vedagū*.

Lokantagū-ti khandhalokassa pariyantaṃ gato.

Sesaṃ suviññeyyameva.

Dasamasuttavaṇṇanā.

11. Ekādasame* :—

Carato-ti gacchantassa caṅkamantassa vā.

Uppajjati kāmavitakko vā-ti† vatthukāmesu avitarāgatāya tādise paccaye *kāma*-paṭisaṃyutto vā *vitakko* ce yadi *up-paj-jati*.

Byāpāda-vitakko vā *vihimsāvitakko* vā-ti āghātanimitta-byāpādapatisaṃyutto vā *vitakko*, leḍḍudaṇḍādīhi para-viheṭhana-vasena vihiṃsāya paṭisaṃyutto vā *vitakko* up-pajjati ceti sambandho.

Adhivāseti-ti yathāvuttaṃ kāmavitakkādiṃ yathāpacca-yam attano citte uppannam, itipāyam *vitakko* pāpako iti pi akusalo iti pi sāvajjo, so ca kho attabyābhādhāya pi saṃvat-tatī-ti-ādinā nayena paccavekkhaṇāya abhāvato adhivāseti attano cittam āropetvā *adhivāseti* ce, adhivāsento yeva ca *nappajjati* tadaṅgādippahānavasena nappaṭinissajjati, tato eva *na vinodeti* attano citta-santānato na nudati na nīharati, tathā avinodanato *na byantīkaroti* na vigatantaṃ karoti. Ātāpi pahitatto, yathā tesam anto pi nāvasissati antamaso bhaṅgamattaṃ pi, evaṃ karoti, ayaṃ pana tathā na karotī-ti attho. Yathābhūto va na anabhāvaṃ gameti anu-abhāvaṃ na gameti.

Na-p-pajjati ce *na vinodeti* ce-ti ādinā ce-saddaṃ yojetvā attho veditabbo.

Caran-ti caranto.

Evambhūto-ti evaṃ kāmavitakkādipāpavitakkehi samaṅgi-bhūto.

* Cf. A. ii, 13-14.

† Cf. Vibh. 362-3; D. iii, 215.

Anātāpī anottappī-ti kilesānaṃ ātāpanassa viriyassa abhāvena *anātāpī*, pāp'utrāsa-ātāpanaparittāpanalakkaṇassa otappassa abhāvena *anottappī*.

Salataṃ samītaṃ-ti sabbakālaṃ niccaṃ.

Kusīto hīna-viriyo-ti kusalehi dhammehi parihāyitvā akusalapakkhe kucchitaṃ sīdanato kosajjasamannāgamanato ca *kusīto*, sammappadhānaviriyābhāvena *hīnaviriyo* viriyavirahito-ti *vuccati* kathiyati.

Thīlassā-ti gamaṇaṃ upacchinditvā tiṭṭhato. Sayanīriyāpathassa visesato kosajjapakkhittattā yathā taṃ samaṅgino vitakkā sambhavanti, taṃ dassetuṃ *jāgarassā*-ti vuttaṃ.

Sukkapakkhe—

Taṇce bhikkhu nādhivāseti-ti āradhāviriyaṃ viharato anādimati saṃsāre cīrakālabhāvitena yathārūpapaccayasamāyogena satisammosena vā kāmavitakkādi uppajjati ce, taṃ bhikkhu attano cittaṃ āropetvā nādhivāseti ce abbhantare nādhivāseti ce-ti attho. Anādhivāseto kiṃ karoti? Pajahati chaḍḍeti. Kiṃ kacavaraṃ viya piṭakena? Na hi, api ca kho taṃ vinodeti nudati nīharati. Kiṃ balibaddhaṃ viya patodena? Na hi, atha kho naṃ byantikaroti vigatantaṃ karoti, yathā tesam anto pi nāvasissati antamaso bhaṅgamattaṃ pi, tathā te karoti. Kathaṃ pana te tathā karoti? Anabhāvaṃ gameti anu-abhāvaṃ gameti. Vikkhambhanappahānena yathā sukhaṃ vikkhambhito hoti, tathā na karoti-ti vuttaṃ hoti.

Evambhūto-ti ādisu evaṃ kāmavitakkādīnaṃ anādhivāsanena suvisuddhāsāyo samāno tāya ca āsayasampattiyaṃ tan-nimittāya ca payogasampattiyaṃ parisuddhasīlo indriyesu guttadvāro bhojane mattaṇṇū satisampajaṇṇena samannāgato *jāgariyaṃ* anuyutto tadaṅgādivasena kilesānaṃ ātāpanalakkaṇena viriyena samannāgatattā *ātāpī*, sabbaso pāp'utrāsena samannāgatattā *ottappī*, *salataṃ* rattindivaṃ, *samītaṃ* nīrantaraṃ, samathavipassanābhāvanānuyogavasena catubbidhasammappadhānasiddhiyā *āradhāviriyo*, *pahitatto* nibbānaṃ paṭipesitacitto-ti kathiyati-ti attho. Sesam vuttanayameva.

Gāthāsu:—*Gehanissītaṃ*-ti ettha gehavāsīhi apariccattattā gehavāsinaṃ sabhāvattā gehadhammattā vā gehaṃ vuccati vatthukāmo. Athavā, gehapaṭibandhabhāvato kilesakāmā-

naṃ nivāsanaṭṭhānabhāvato vā vatthukattā vā kāmavitak-kādi *gehanissitaṃ* nāma.

*Kummaggaṃ*¹ *paṭipanno*-ti yasmā ariyamaggassa upatha-bhāvato abhiijhādayo tadekaṭṭhadhammā ca kummaggo tasmā kāmavitakkādibahulo puggalo *kummaggaṃ paṭipanno* nāma.

Mohaneyyesu mucchito-ti moha-saṃvattanīyesu rūpādisu mucchito sammatto ajjhopenno.

Sambodhin-ti ariyamaggañāṇaṃ.

Phuṭṭhun-ti phusituṃ pattuṃ. So tādiso micchāsaṃkap-pagocarō na kadāci taṃ pāpupāṭi-ti attho.

Vitakkaṃ samayitvānā-ti yathāvuttaṃ micchāvitakkaṃ paṭisaṃkhānabhāvanābalehi vūpasametvā.

Vitakkūpasame rato-ti navannaṃ pi mahāvitakkānaṃ ac-cantavūpasamaabhūte arahatte nibbāne eva vā ajjhāsayena *rato* abhirato.

Bhabbo so tādiso-ti so yathāvutto sammāpaṭipajjamāno puggalo pubbabhāge samathavipassanābalena sabbavitakke yathārahaṃ tadañgādivasena vūpasametvā ṭhito vipassanaṃ ussukkāpetvā maggaṭipāṭiyā arahattamaggañāṇasaṃkhā-taṃ nibbānasaṃkhātāñca anuttaraṃ *sambodhiṃ phuṭṭhuṃ* adhigantumuṃ *bhabbo* samattho-ti.

Ekādasamasuttavaṇṇanā.

12. Dvādasame*:-

Saṃpannasīlā-tiṭ ettha tividhaṃ saṃpannaṃ: paripuṇṇa-samañgīmadhuravasena. Tesu:-

“Saṃpannaṃ sālīkedāraṃ sutvā bhuñjanti Kosiya
Paṭivedemi² te, brahme, na ne³ vāretum ussahe”-tiṭ

ettha paripuṇṇ’attho *saṃpanna*-saddo. “Iminā pāṭimok-khasaṃvarena upeto hoti, samupeto, upagato, samupagato, saṃpanno samannāgato”-tiṭ ettha samañgībhāv’attho *saṃ*-

* Cf. A. ii, 14.

† J. iv, 278.

† Cf. MA. 153 ff.

§ Vibh. 246.

¹ For kummaggaṃ of the Text.

² J. and MA. paṭivedayāmi.

³ J. and MA. naṃ.

panna-saddo. “Imissā, bhante, mahāpaṭhaviyā heṭṭhimata-lam sampannaṃ seyyathāpi khuddamadhum anelakaṃ evam-assādan”-ti* ettha madhur’attho *sampanna-saddo*. Idha pana paripuṇṇ’atthe pi, samañgibhāve pi vaṭṭati. Tasmā *sampannasīlā*-ti paripuṇṇasīlā hutvā pi, sīlasamañgino hutvā-ti pi evam ettha attho veditabbo. Tattha: paripuṇṇa-sīlā-ti iminā atthena khettadosavigamena khettpāripūri viya paripuṇṇaṃ nāma hoti. Tena vuttaṃ:—khettadosavigamena khettpāripūri viya, sīladadosavigamena sīlapāripūri vuttā-ti. Sīlasamañgino-ti iminā pan’atthena sīlena samañgibhūtā samodhānagatā samannāgatā hutvā viharathā-ti vuttaṃ hoti. Tattha: dvīhi kāraṇehi sampannasīlatā hoti: sīlavipattiyā ādinavadassanena, sīlasampattiyā ānisaṃsadassanena ca. Tadubhayaṃ pi Visuddhimagge vuttanayena veditabbaṃ.† Tattha‡ sampannasīlā-ti ettāvata kira Bhagavā catupārisuddhasīlam uddisitvā pāṭimokkhasaṃvarasaṃvutā-ti iminā jeṭṭhakasīlam dassesi-ti ādinā ettha yaṃ vattabbaṃ, taṃ heṭṭhā vuttameva.

Kimassa¹ uttarim karaṇīyan-ti evaṃ sampannasīlānaṃ viharataṃ tumhākaṃ kin-ti siyā *uttarim* kātabbaṃ paṭipajjitabban-ti ceti attho.

Evaṃ *sampannasīlā bhikkhave viharathā*-ti-ādinā sampādanupāyena saddhim sīlasampadāya bhikkhū niyojento aneka-puggalādhiṭṭhānaṃ katvā desanaṃ ārabhitvā, idāni yasmā ekapuggalādhiṭṭhānavasena pavattitā pi Bhagavato desanā anekapuggalādhiṭṭhānā va hoti sabbasādhārapattā, tasmā taṃ ekapuggalādhiṭṭhānavasena dassento *carato ce pi bhikkhave bhikkhuno*-ti ādimāha.

Tattha: Abhiññhāyati etāyā-ti *abhiññhā*. Parabhaṇḍābhijñhānalakkhaṇassa lokass’etaṃ adhivacanam.

Byāpajjati pūtibhavati oittaṃ etenā-ti *byāpādo*. Anattaṃ me acari-ti—ādinayappavattassa ekūnavāsatiāghātavatthuvīsayassa dosass’etaṃ adhivacanam. Ubhinnaṃ pi “Tattha katamo kāmaccchando? Yo kāmesu kāmaccchando, kāmāsneho, kāmapiṇḍā, kāmapiṇḍāho, kāmamucchā, kāmaj-

* (?).

† Viṃ. 53-8.

‡ Cf. MA. 155.

jhosānan-ti,* tathā “Lobho lubbhanā lubbhitattam sārāgo sārājanā sārājitattam abhijjhā lobho akusalamūlan”-ti†-ādinā, “Doso dussanā dussitattam byāpādo byāpajjanā byāpajjitattam, virodho paṭivirodho, caṇḍikatam assuropo anatamanatā cittassā”-ti‡-ādinā ca vitthāro veditabbo.

Vigato hoti-ti ayañca abhijjhā, ayañca byāpādo *vigato* hoti apagato pahīno hoti-ti attho. Ettāvatā kāmaccchandanīvarapaṇassa ca byāpādanīvarapaṇassa ca pahānam dassitam hoti.

Thīnamiddhan-ti thīnañc’eva middhañca. Tesu cittassa akammaññatā *thīnam*. Ālasiyass’etaṃ adhivacanam. Vedanādīnam tinnam khandhānam akammaññatā *middham*. Capalāyikabhāvass’etaṃ adhivacanam. Ubhinnaṃ pi:—“Tattha katamam *thīnam*? Yā cittassa akalyatā akammaññatā oliyanā caliyānā”; “Tattha katamam *middham*? Yā kāyassa akalyatā akammaññatā onāho pariyonāho”-ti§-ādinā nayena vitthāro veditabbo.

Uddhaccakukkuccan-ti uddhaccañc’eva kukkuccañca. Tattha *uddhaccam* nāma cittassa uddhatākāro. *Kukkuccam* nāma akatakalyāṇassa katapāpassa tappaccayā vippaṭisāro. Ubhinnaṃ pi:—“Tattha katamam *uddhaccam*? Yaṃ cittassa uddhaccam avūpasamo cetaso vikkhepo bhantatam cittassā”-ti||-ādinā vitthāro. “Akataṃ me kalyāṇam, akataṃ kusalam, akataṃ bhiruttānam, kataṃ pāpam, kataṃ luddham, kataṃ kibbisan”-ti¶-ādinā pavatti-ākāro veditabbo.

Vicikicchā-ti buddhādisu saṃsayo. Tassā “Satthari kañkhati vicikicchati na adhimuccati na sampasīdati”-ti** -ādinā, Tattha “Katamā vicikicchā? Yā kañkhā kañkhāyanā kañkhāyitattam vimati vicikicchā dvelhakam dvedhāpatho saṃsayo anekamaṣagāho āsappanā parisappanā apariyogāhanā chambhitattam cittassa manovilekho”-ti††-ādinā ca nayena vitthāro veditabbo.

Ettha ca *abhijjhābyāpādadīnam* vigamavasena ca pahānavasena ca tesam vikkhambhanameva adhippetam. Yaṃ sandhāya vuttam—“So *abhijjham* lobham¹ pahāya vigatā-

* Cf. Dhs. 204.

† Dhs. 79.

‡ Dhs. 215; Vibh. 253.

§ Vibh. 253-4; Dhs. 204-5.

|| Vibh. 369; Dhs. 205.

¶ A. ii. 174.

** Cf. Vibh. 364; Dhs. 205.

†† Vibh. 364-5; Dhs. 205.

bhijjhena cetasā viharati, abhijjhāya cittaṃ parisodheti, *byāpāda*-padosaṃ pahāya abyāpannacitto viharati, *byāpāda*-padosā cittaṃ parisodheti, *thīnamiddhaṃ* pahāya vigatathīna-middho viharati, ālokasaññi sato sampajāno thīnamiddhā cittaṃ parisodheti, *uddhaccakukkuccaṃ* pahāya *anuddhato* viharati, ajjhataṃ vūpasantacitto uddhaccakukkuccā cittaṃ parisodheti, *vicikicchāṃ* pahāya tinṇavicikicchho viharati, akathaṃkathī, kusalessu dhammesu vicikicchāya cittaṃ parisodheti"-ti.* Tattha yathā nīvaraṇānaṃ pahānaṃ hoti, taṃ veditaḥkkaṃ.

Kathaṃ nesaṃ pahānaṃ hoti? Kāmacchandassa tāva asubhanimitte yoniso-manasikārena pahānaṃ hoti. Subhanimitte ayoniso-manasikārena uppatti.† Tenāha Bhagavā:—"Atthi, bhikkhave, subhanimittaṃ. Tattha ayoniso-manasikārabahulikāro, ayam āhāro anuppannassa vā kāmacchandassa uppādāya, uppannassa vā kāmacchandassa bhiyyo-bhāvāya vepullāyā"-ti.‡ Evaṃ subhanimitte ayoniso-manasikārena uppajjanakassa kāmacchandassa tappaṭipakkhato asubhanimitte yonisomanasikārena pahānaṃ hoti. Tattha asubhanimittaṃ nāma asubhaṃ pi asubhārammaṇaṃ pi. Yoniso-manasikāro nāma upāyamanasikāro, pathamana-sikāro, anicce aniccan-ti vā, dukkhe dukkhan-ti vā, anattani anattā-ti vā, asubhe asubhan-ti vā manasikāro. Taṃ tattha bahulaṃ pavattayato kāmacchando pahiyati. Tenāha Bhagavā:—"Atthi, bhikkhave, asubhanimittaṃ. Tattha yoniso-manasikārabahulikāro, ayam āhāro anuppannassa vā kāmacchandassa anuppādāya, uppannassa vā kāmacchandassa pahānāyā"-ti.§

||Api ca cha dhammā kāmacchandassa pahānāya samvattanti: asubhanimittassa uggaho, asubhabhavanānu-yogo, indriyesu guttadvāratā, bhojane mattaññitā, kal-yāṇamittatā, sappāyakathā-ti. Dasavidhaṃ hi asubhanimittaṃ uggaṇhantassa pi kāmacchando pahiyati. Bhāventassa pi kāmacchando pahiyati, indriyesu pīhitadvārassa

* Vibh. 244-5.

† Cf. MA. 231.

‡ S. v, 64, 103.

§ S. v, 106 (with "ānāhāro" . . . 'uppādāya,' etc.).

|| Cf. MA. 232-3.

pi, catunnaṃ pañcannaṃ ālopānaṃ okāse sati udakaṃ pivitvā yāpanasīlatāya bhojane mattaññuno pi. Tena vuttaṃ:—

Cattāro pañca ālope abhutvā udakaṃ pive
Alaṃ phāsuvihārāya pahitattassa bhikkhuno-ti.*

Asubhakammika-Tissattherasadiṣe kalyānamitte sevantassa pi kāmaccchando pahiyati. Thānanisajjādīsu dasaasubbhanissitasappāyakathāya pi pahiyati. Tena vuttaṃ:—cha dhammā kāmaccchandassa pahānāya saṃvattanti-ti.

Paṭighanimitte ayoniso-manasikārena byāpādassa uppādo hoti. Tattha paṭighaṃ paṭighanimittaṃ, paṭighārammaṇaṃ pi paṭighanimittaṃ. Tattha ayoniso-manasikāro sabbattha ekalakkhaṇo eva. Tasmim nimitte bahulaṃ pavattayato byāpādo uppajjati. Tenāha Bhagavā:—“Atthi, bhikkhave, paṭighanimittaṃ. Tattha ayoniso-manasikāra-bahulīkāro, ayam āhāro anuppannassa vā byāpādassa uppādāya, uppannassa vā byāpādassa bhiyyobhāvāya vepullāyā”-ti.† Mettāya pana cetovimuttiyā yoniso-manasikāren’assa pahānaṃ hoti. Tattha mettā-ti vutte appanā pi upacāro pi vaṭṭati. Cetovimutti-ti pana appanā va. Yoniso-manasikāro vuttalakkhaṇo va. Taṃ tattha bahulaṃ pavattayato byāpādo pahiyati. Tenāha Bhagavā:—“Atthi, bhikkhave, mettā cetovimutti. Tattha yoniso-manasikārabahulīkāro, ayam āhāro anuppannassa vā byāpādassa anuppādāya, anuppannassa vā byāpādassa pahānāyā”-ti.‡

Api ca cha dhammā byāpādassa pahānāya saṃvattanti: mettānimittassa uggaho, mettābhāvanā, kammassakatāpacca-vekkhaṇā, paṭisaṃkhānabahulatā, kalyānamittatā, sappāyakathā-ti. Odiṣṣakānodissakadiṣapharaṇānaṃ hi aññatara-vasena mettaṃ uggaṇhantassa pi byāpādo pahiyati, odhiso anodhiso diṣapharaṇavasena mettaṃ bhāventassa pi byāpādo pahiyati. Evaṃ etassa kuddho kiṃ karissasi? Kimassa sīlādīni vināsetuṃ sakkhissasi? Nanu tvaṃ attano kammena āgantvā attano kammen’eva gamissasi? Parassa kujjhananāma vītaṇṇaṃ āgāratattaṃ ayaṃ sīlāgādhānī¹ gahe tvā pa-

* Th. i, 983.

† S. v, 103.

‡ S. v, 105.

¹ MA. reads vītaṇṇaṃ āgāratattaṃ ayaṃ sīlāgādhānī.

raṃ paharitukāmatā viya hoti. Eso pi tava kuddho kiṃ karissati? Kinte sīlādini vināsetuṃ sakkhissati? Esa attano kammena āgantvā attano kammen'eva gamissati. Appaṭicchitapahēṇakaṃ viya paṭivātakhittarajomuṭṭhi viya ca etass'eva esa kodho matthake patissati-ti evaṃ attano ca parassa cā-ti ubhay'esam kammassakataṃ paccavekkhato pi, paccavekkhitvā paṭisaṃkhāne ṭhitassa pi Assaguttattherassa-dise mettābhāvanārāte kalyāṇamitte sevantassa pi byāpādo pahiyati. Thānanisajjādisu mettānissitasappāyakathāya pi pahiyati. Ten vuttaṃ:—cha dhammā byāpādassa pahānāya saṃvattanti-ti.

Arati-ādisu ayoṇiso-manasikārena thīnamiddhassa uppādo hoti. Arati nāma ukkaṇṭhikā. Tandī nāma kāyālasīyaṃ. Vijambhikā nāma kāyavināmanā. Bhattasammado nāma bhattamucchā, bhattaparijāho. Cetaso līnattaṃ nāma cittassa līnākāro. Imesu ayoṇiso-manasikāraṃ bahulaṃ pavattayato thīnamiddhaṃ uppajjati. Tenāha Bhagavā:—“Atthi, bhikkhave, arati, tandī, vijambhikā, bhattasammado, cetaso līnattaṃ. Tattha: ayoṇiso-manasikārabahulikāro, ayam āhāro anuppannassa vā thīnamiddhassa uppādāya, uppannassa vā thīnamiddhassa bhiyyobhāvāya vepullāyā”-ti.* Ārambhadhātuādisu pana yoṇiso-manasikārena thīnamiddhassa pahānaṃ hoti. Ārambhadhātu nāma paṭhamārambhaviriyam. Nikkhamadhātu¹ nāma kosajjato nikkhantatāya tato balavataraṃ. Parakkama-dhātu nāma paraṃ paraṃ thānaṃ akkamanato tato pi balavataraṃ. Imasmiṃ tippabhede viriye yoṇiso-manasikāraṃ bahulaṃ pavattayato thīnamiddhaṃ pahiyati. Tenāha Bhagavā:—“Atthi, bhikkhave, ārambhadhātu, nikkhamadhātu, parakkamadhātu. Tattha yoṇiso-manasikārabahulikāro, ayam āhāro anuppannassa vā thīnamiddhassa anuppādāya, uppannassa vā thīnamiddhassa pahānāyā”-ti.†

Api ca cha dhammā thīnamiddhassa pahānāya saṃvattanti: atibhojane māttaggāho, iriyāpathasamparivattanatā, āloka-

* S. v, 103.

† S. v, 105 (with anāhāro . . . anuppād° . . . etc.).

saññāmanasikāro, abbhokāsavāso, kalyāṇamittatā, sappāya-kathā-ti. Āhārahatthakabhuttavammikatatthavaṭṭakaalam-sātakakākamāsakabhojanam bhuñjitvā rattitṭhāna-divā-ṭhāne nisinnassa hi samaṇadhammaṃ karoto thīnamiddham mahāhatthī viya ottharantaṃ āgacchati. Catupañca-ālope okāsaṃ pana ṭhapetvā, pāṇiyaṃ pīvitvā yāpanasīlassa bhikkhuno taṃ na hoti. Evaṃ atibhojane mattaṃ gaṇhantassa pi thīnamiddham pahiyati. Yasmiṃ iriyāpathe thīnamiddham okkamati, tato aññaṃ parivattantassa pi, rattiṃ candālokaṃ dīpālokaṃ ukkālokaṃ, divā suriyālokaṃ manasikarontassa pi, abbhokāse vasantassa pi, Mahākassapattherasadiṣe vigata-thīnamiddhe kalyāṇamitte sevantassa pi thīnamiddham pahiyati. Thānanisajjādīsu dhutaṅganissitasappāyakathāya pi pahiyati. Tena vuttaṃ:—Cha dhammā thīnamiddhassa pahānāya saṃvattantī-ti.

Cetaso avūpasame ayoniso-manasikārena uddhaccakukkucassa uppādo hoti. Avūpasamo nāma avūpasantākāro. Atthato taṃ uddhaccakukkuccameva. Tattha ayoniso-manasikāraṃ bahulaṃ pavattayato uddhaccakukkuccaṃ uppajjati. Tenāha:—“Atthi, bhikkhave, cetaso vūpasamo. Tattha ayoniso-manasikārabahulikāro, ayam āhāro anuppannassa vā uddhaccakukkucassa uppādāya, uppannassa vā uddhaccakukkucassa bhiyyobhāvāya vepullāyā”-ti.* Samādhisaṃkhāte pana cetaso vūpasame yoniso-manasikāren’assa pahānaṃ hoti. Tanāha:—“Atthi, bhikkhave, cetaso vūpasamo. Tattha yoniso-manasikārabahulikāro, ayam āhāro anuppannassa vā uddhaccakukkucassa anuppādāya, uppannassa vā uddhaccakukkucassa pahānāyā”-ti.†

Api ca cha dhammā uddhaccakukkucassa pahānāya saṃvattanti: bahussutatā, paripucchakatā, Vinaye pakataññūtā, vuḍḍhāsevitā, kalyāṇamittatā, sappāyakathā-ti. Bāhusaccena pi ekaṃ vā dve vā tayo vā cattāro vā pañca vā Nikāye pālivasena ca atthavasena ca uggaṇhantassa pi uddhaccakukkuccaṃ pahiyati. Kappiyākappiyaparipucchābahulassa pi, Vinayapaññattiyaṃ ciṇṇavasibhāvatāya paka-

* S. v, 103.

† S. v, 106 (with anāhāro . . . uppād° . . . etc.).

taññuno pi, vuḍḍhe mahallake there upasaṅkhamantassa pi, Upālitherasadise Vinayadhare kalyāṇamitte sevantassa pi uddhaccakukkuccaṃ pahiyati. Thānanisajjādisu kappiyā-kappiyanissitasappāyakathāya pi pahiyati. Tena vuttaṃ:—
Oha dhammā uddhaccakukkuccassa pahānāya saṃvattanti-ti.

Vicikicchāthānīyesu dhammesu ayoniso-manasikārena vicikicchāya uppādo hoti. Vicikicchāthānīyā dhammā nāma punappunaṃ vicikicchāya kāraṇattā vicikicchā va. Tattha ayonisomanasikāraṃ bahulaṃ pavattayato vicikicchā up-pajjati. Tenāha:—“Atthi, bhikkhave, vicikicchāthānīyā dhammā. Tattha ayoniso-manasikārabahulīkāro, ayam āhā-ro anuppannāya vā vicikicchāya uppādāya, uppannāya vā vicikicchāya bhiyyobhāvāya vepullāyā”-ti.* Kusalādidhammesu pana yoniso manasikārena vicikicchāya pahānaṃ hoti. Tenāha:—“Atthi, bhikkhave, kusalākusalā dhammā, sāvaj-jānavajjā dhammā, sevitaḥṭṭhasevitaḥṭṭhā dhammā, hinappanītā dhammā, kaṇhasukkasappaṭibhāgā dhammā. Tattha yoniso-manasikārabahulīkāro, ayam āhāro anuppannāya vā vicikicchāya anuppādāya, uppannāya vā vicikicchāya pahānāyā”-ti.†

Api ca cha dhammā vicikicchāya pahānāya saṃvattanti: bahussutatā, paripucchakatā, Vinaye pakataññūtā, adhimokkhabahulatā, kalyāṇamittatā, sappāyakathā-ti. Bāhusaccavasena pi ekaṃ vā—pe—pañca vā Nikāye pālivasena ca atthavasena ca uggaṇṭhantassa pi vicikicchā pahiyati. Tīpi ratanāni ārambha kusalādi-bhedesu dhammesu paripucchā-bahulassa pi, Vinaye ciṇṇavasibhāvassa pi, tīsu ratanesu okappanīyasaddhāsamkhāta-adhimokkhabahulassa pi, saddhādhimutte Vakkalitherasadise kalyāṇamitte sevantassa pi vicikicchā pahiyati. Thāna-nisajjādisu tīnaṃ ratanānaṃ guṇanissitasappāyakathāya pi pahiyati. Tena vuttaṃ:—
Oha dhammā vicikicchāya pahānāya saṃvattanti-ti.

Ettha ca yathāvuttehi tehi dhammehi vikkhambhanavasena pahinānaṃ imesaṃ nīvaraṇānaṃ kāmacchandanivaraṇassa tāva arahattamaggena accantappahānaṃ hoti. Tathā thīnamiddhanīvaraṇassa uddhaccanīvaraṇassa ca. Byāpāda-

* S. v, 103.

† S. v, 106 (with ānāhāro . . . uppādāya . . . etc.).

nīvaraṇassa pana kukkuccanīvaraṇassa ca anāgāmimaggena. Vicikicchānīvaraṇassa sotāpattimaggena accantappahānaṃ hoti. Tasmā tesam tathā pahānāya upakāradhamme das-setuṃ *āradhmaṃ hoti viriyan-ti* ādi āradhmaṃ. Idameva vā yathāvuttaṃ *abhiññādaṃ* nīvaraṇānaṃ pahānaṃ. Yasmā hīnaviriyatāya kusītena anūpaṭṭhitassatitāya muṭṭhassatinā appaṭipassaddhadarathatāya *sāradधा-kāyena* asamahitatāya vikkhitta-cittena na kadāci pi te sakkā nibbattetuṃ pageva itaraṃ, tasmā yathā paṭipannassa so abhiññādaṃ vigamo pahānaṃ sambhavati, taṃ dassetuṃ *āradhmaṃ hoti viriyan-ti*-ādi āradhmaṃ.

Tass'attho: tesam nīvaraṇānaṃ pahānāya sabbesaṃ pi saṃkilesadhammānaṃ samuucchindan'atthāya *viriyaṃ āradhmaṃ hoti* paggaḥitaṃ asithilappavattan-ti vuttaṃ hoti.

Āradhattā eva ca antarā saṃkocassa anāpajjanato *asallīnaṃ*.

Upaṭṭhitā sati appamuṭṭhā-ti na kevalañca viriyameva, sati pi ārammaṇābhimukhabhāvena *upaṭṭhitā* hoti, tathā upaṭṭhitattā eva ca cīrakata-cīrabhāsītānaṃ saraṇasamatthatāya *appamuṭṭhā*.

Passaddho-ti kāyacittadarathapassambhanena *kāyo* pīssa passaddho hoti. Tattha yasmā nāmakāye passaddhe, rūpakāyo pi passaddho eva hoti, tasmā mānakāyo rūpakāyo-ti avisesetvā *passaddho kāyo-ti* vuttaṃ.

Asāradधा-ti so ca passaddhattā eva asāradधा, vigatadaratho-ti vuttaṃ hoti.

Samāhitaṃ cittaṃ ekaggaṇ-ti cittaṃ pīssa sammā āhitaṃ suṭṭhu ṭhapitaṃ appitaṃ viya hoti samāhitattā eva ca ekaggaṃ acalaṃ nipphandaṇaṃ niriñjanan-ti. Eṭṭāvatā *ñāna-maggānaṃ* pubbaḥāgapaṭipadā kathitā.

Ten'evdha:—caraṃ pi bhikkhave bhikkhu evambhūto ātāpī ottappī satataṃ samitaṃ āraddhaviriyo pahitatto-ti vuccaṭi-ti. Tass'attho heṭṭhā vutto eva.

Gāthāsu:—

Yataṃ care-ti yathāmāno careyya. Caṇkamanādivasena gamaṇaṃ kappento pi, “Anuppannānaṃ pāpakānaṃ akusalānaṃ dhammānaṃ anuppādāya ohaṇaṃ janeti vāyamatī”.

ti*-ādinā nayena vuttasammappadhānaviriyavasena yatanto ghaṭento vāyamanto, yathā akusalā dhammā pahīyanti, kusalā dhammā bhāvanāpāripūriṃ gacchanti, evaṃ gamanaṃ kappeyyā-ti attho. Esa nayo sesesu pi.

Keci pana *yatan*-ti etassa saṃyato-ti atthaṃ vadanti.

Tiṭṭhe-ti tiṭṭheyya ṭhānaṃ kappeyya.

Acche-ti nisīdeyya.

Saye-ti nipajjeyya.

Yatamenam pasāraye-ti etaṃ pasāretabbaṃ hatthapādādim yataṃ yatamāno yathāvuttaviriya-samaṅgi yeva hutvā *pasāreyya*.

Sabbattha pamādaṃ vijaheyyā¹-ti adhippāyo.

Idāni yathā paṭipajjanto yataṃ yatamāno nāma hoti, taṃ paṭipadaṃ dassetuṃ *uddhan*-ti ādi vuttaṃ. Tattha:—

Uddhan-ti upari.

Tiriyān-ti tiriyato. Puratthimadisādivasena samantato disābhāgesū-ti attho.

Apācinan-ti heṭṭhā.

Yāvātā jagatā gatī-ti yattakā sattasaṃkhārābhedaṃ lokassa pavatti, tattha sabbathā-ti attho. Ettāvātā anavasesato sammasanañāṇassa visayaṃ saṃgahetvā dasseti.

Samavekkhitā-ti tasmā hetunā nayena avekkhitā. Aniccādivasena vipassako-ti vuttaṃ hoti.

Dhammūnan-ti sattasuññānaṃ.

Khandhānan-ti rūpādīnaṃ pañcannaṃ khandhānaṃ.

Udayabbayan-ti udayaṇca vayaṇca. Idaṃ vuttaṃ hoti:— upari tiriyaṃ adho-ti tisaṅgahe sabbasmiṃ loke atitādibhedābhinnānaṃ pañc'upādānakhandha-saṃkhātānaṃ sabbesaṃ rūpārūpadhammānaṃ aniccatādi-sammasanādhigatena udayabbayañāṇena pañcaviśatiyā ākārehi udayaṃ pañcaviśatiyā ākārehi vayaṇca samavekkhitā samanupassitā bhaveyyā-ti.

Cetosamathasāmicittān-ti cittasaṃkilesānaṃ accantavūpa-

* Vibh. 105.

¹ S vijjah°.

samanato cetosamathasañkhātassa ariyamaggassa anucchavikapapātipadam ānāpāssanavisuddhiṃ.

Sikkhamāna-ti paṭipajjamānaṃ bhāventam ānāparam-param nibbattentam.

Sadā-ti sabbakālam rattiñc'eva divā ca.

Satan-ti catusampajāññena samannāgatāya satiyā sato-kāriṃ.

Salataṃ pahitatto-ti sabbakālam pahitatto nibbānaṃ paṭipesitatto-ti *tathāvidhaṃ bhikkhuṃ* Buddhādayo ariyā āhu ācikkhanti kathenti-ti. Sesam vuttanayameva.

Dvādasamasuttavaṇṇanā.

Terasame*:—

13. *Loko*-tiḥ lujjanapalujjan'aṭṭhena *loko*. Atthato purimaṃ ariyasaccadvayaṃ. Idha pana dukkhaṃ ariyasaccam veditabbaṃ. Svāyaṃ sattaloko, sañkhāraloko, okāsaloko-ti vibhāgato sarūpato ca heṭṭhā vutto yeva. Api ca khandhalokādivasena anekavidho loko. Katamo loko-ti? Khandhaloko, dhātuloko, āyatanaloko, vipattibhavaloko, vipattisambhavaloko, sampattibhavaloko, sampattisambhavaloko. "Eko loko, sabbe sattā āharaṭṭhitikā; dve lokā, nāmañca rūpañca; tayo lokā, tisso vedanā; cattāro lokā, cattāro āhārā; pañca lokā, pañc'upādānakkhandhā; cha lokā, cha ajjhat-tikāni āyatanāni; sattalokā, satta viññāṇaṭṭhitiyo; aṭṭha lokā, aṭṭha lokadhammā; nava lokā, nava sattāvāsā; dasa lokā dasāyatanāni; dvādasa lokā, dvādasāyatanāni; aṭṭhārasa lokā, aṭṭhārasa dhātuyo"-ti,† evamanekadhā vibhatto pi loko pañcasu upādānakkhandhesu eva saṅghaṃ samosaraṇaṃ gacchati. Upādānakkhandhā ca dukkhaṃ ariyasaccam jāti pi dukkhā—pe—samkhittena pañc'upādānakkhandhā pi dukkhā-ti. Tena vuttaṃ atthato purimaṃ ariyasaccadvayaṃ, idha pana dukkhaṃ ariyasaccam veditabba-ti.

Nanu ca lujjanapalujjan'aṭṭho avisesena pañcasu khandhesu sambhavati-ti? Saccam sambhavati, yaṃ pana na lujjati-ti gahitaṃ, taṃ tathā na hoti, ekamsen'eva lujjati palujjati-

* Cf. A. ii, 23-4.

† Cf. UdA. 207.

‡ Pts. 123; also cf. A. v, 50.

ti so loko-ti. Upādānakkhandhesveva lokasaddo nirūlho-ti veditabbo. Tasmā loko-ti dukkhaṃ ariyasaccaṃ eva. Yadi pi tathāgatasaddassa heṭṭhā Tathāgatasutte nānāyehi vitthārato attho vibhatto, tathāpi pāliyā atthasaṃvaṇṇanā-mukhena ayamettha vibhāvanā.

Abhisambuddho-ti abhiññeyyato pariññeyyato-ti pubbe vuttavibhāgena vā avisesato tāva āsayānusayacariyādhimutti-ādibhedato kusalākusalādivibhāgato vaṭṭappamānasatthānādibhedato visesato vā pana 'ayaṃ sassatāsayo ayaṃ uccedāsayo'-ti-ādinā, 'kakkhalalakkhaṇā paṭhavīdhātu, paggharaṇalakkhaṇā āpodhātū'-ti-ādinā ca abhivasiṭṭhena sayambhūñāpena sammā aviparitaṃ, yo yo attho yathā yathā bujjiṭṭabbo, tathā tathā Buddho ñāto attapaccakkho kato-ti abhisambuddho.

Lokaśmā-ti yathāvuttalokato.

Viśaṃyutto-ti viśaṃsatṭho. Tappaṭibaddhānaṃ sabbesaṃ saṃpyojanānaṃ sammadeva samucchinnattā tato vippamutto-ti attho.

Lokasamudayo-ti Suttantanayena taṇhā. Abhidhammanayena pana abhisāṅkhārehi saddhiṃ diyaḍḍhakilesasahassaṃ.

Pahīno-ti bodhimaṇḍe arahattamaggañāpena samuccheda-pahānavasena savāsaṇaṃ pahīno.

Loka-nirodho-ti nibbānaṃ.

Sacchikato-ti attapaccakkho kato.

Lokanirodhagāminī paṭipadā-ti sīlādikkhandhattayasaṅgaho ariyo aṭṭhaṅgiko maggo. So hi lokanirodhaṃ nibbānaṃ gacchati adhigacchati¹ tadatthaṃ ariyehi paṭipajjiyati vā-ti *lokanirodhagāminī paṭipadā*-ti vuccati.

Ettāvatā tathāni abhisambuddho yāthāvato gato-ti tathā-gato-ti ayamattho dassito hoti. Cattāri hi ariyasaccāni tathāni nāma. Yathāha—"Cattāri māni bhikkhave tathāni avi-tathāni anaññathāni. Katamāni cattāri? Idaṃ dukkhan-ti bhikkhave tathametam avitathametaṃ anaññathametan"-ti* vitthāro.

Api ca tathāya gato-ti tathāgato. Tathaṃ gato-ti tathā-

Pajā-vacanena sattalokaggahanaṃ. Sadevamanussa-vaca-
nena sammatideva-avasasamanussaggahanaṃ. Evamettha ti-
hi padehi devamāra-Brahmehi saddhim sattaloko, dvīhi pajā-
vasena sattaloko va gahito-ti veditaṃbo.

Aparo nayo. *Sadevaka*-ggahaṇena arūpāvacaradevaloko gahito. *Samāraka*-vacanena chakāmāvacaradevaloko. *Sabrahmaka*-vacanena rūpībrahmaloko. *Sassamaṇa-brāhmaṇādi*-vacanena sammatidevehi saha avasesasattaloko gahito.

Api c'ettha *sadevaka*-vacanena ukkaṭṭhaparicchedato sabbaloka-visayassa Bhagavato abhisambuddhabhāve pakāsīte, yesamevaṃ siyā Māro nāma mahānubhāvo chakāmāvacar'issaro vasavatti, Brahmā pana tato pi mahānubhāvataro dasahi aṅgulīhi dasasu cakkavālasahassesu ālokaṃ pharati uttamaj-jhānasamāpatti-sukhaṃ paṭisaṃvedeti, puthū ca samaṇa-brāhmaṇā iddhimanto dibbacakkhukā paracittaviduno mahānubhāvā saṃvijjanti, ayañca sattanikāyo ananto aparimāṇo kimetesam sabbesam yeva visayo anavasesato bhagavatā abhisambuddho-ti. Tesam vimatiṃ vidhamento bhagavā *sadevakassa lokassā*-ti-ādimāha. Porāṇā panāhu:—*Sadevakassā*-ti devatāhi saddhiṃ avasesalokaṃ pariyādiyati, *samārakassā*-ti Mārena saddhiṃ avasesalokaṃ, *sabrahmakassā*-ti Brahmehi saddhiṃ avasesalokaṃ, evaṃ sabbe pi tibhavūpage satte tīsu padesu pakkhiptvā, puna dvīhi padehi pariyādiyanto *sassamaṇabrāhmaṇiyyā pajāya sadevamanussāyā*-ti āha, evaṃ pañcahi pi padehi khandhattayaparicchinne sabbasatte pariyādiyati.¹

Yasmā taṃ tathāgatena abhisambuddhan-ti iminā idaṃ dasseti. Yaṃ aparimāṇāsu lokadhātūsu imassa *sadevakassa* lokassa nīlaṃ pītakaṇ-ti-ādi rūpārammaṇaṃ cakkhuvāre āpāthaṃ āgacchati, taṃ sabbaṃ ayaṃ satto imasmiṃ khaṇe imaṃ nāma-rūpārammaṇaṃ disvā sumano vā dummano vā majjhatto vā jāto-ti tathāgatassa evaṃ abhisambuddhaṃ. Tathā yaṃ aparimāṇāsu lokadhātūsu imassa *sadevakassa* lokassa bherisaddo mudiṅgasaddo-ti-ādi saddārammaṇaṃ sotadvāre āpāthaṃ āgacchati, mūlagandho tacagandho-ti-ādi gandhārammaṇaṃ ghānavāre āpāthaṃ āgacchati, mūlaraso khandharaso-ti-ādi rasārammaṇaṃ jivhādvāre āpāthaṃ āgacchati, kakkhalaṃ mudukaṇ-ti-ādi paṭhavīdhātutejodhātuvāyodhātubhedam phoṭṭhabbārammaṇaṃ kāyadvāre āpāthaṃ āgacchati, ayaṃ satto imasmiṃ khaṇe imaṃ nāma phoṭṭhab-

¹ S suggests iti after this.

baṃ phusitvā sumano vā dummano vā majjhatto vā jāto-ti sabbam taṃ tathāgatassa evaṃ abhisambuddham. Tathā yaṃ aparimāṇasu lokadhātūsu imassa sadevakassa lokassa sukhādibhedam dhammārammaṇam manodvāre āpātham āgacchati, ayaṃ satto imasmiṃ khaṇe imaṃ nāma dhammārammaṇam jānitvā sumano vā dummano vā majjhatto vā jāto-ti sabbam taṃ tathāgatassa evaṃ abhisambuddham. Evaṃ yaṃ imassa sadevakassa lokassa diṭṭham sutam mutam viññātam, taṃ tathāgatena adiṭṭham vā asutam vā amutam vā n'atthi. Imassa pana mahājanassa pariyesitvā appattam pi atthi apariyesitvā, appattam pi atthi pariyesitvā, pattam pi atthi pariyesitvā pattam pi atthi, sabbam pi tathāgatassa appattam nāma n'atthi ñāṇena asacchikataṃ. Tato eva yaṃ aparimāṇasu lokadhātūsu aparimāṇānam sattānam cakkhuvāre āpātham āgacchantam rūpārammaṇam nāma atthi, taṃ bhagavā sabbam sabbākāreṇa jānāti passati. Evaṃ jānatā passatā cānena taṃ iṭṭhāniṭṭhādivasena vā diṭṭhasutamutaviññātesu labbhamānapadavasena vā katamantaṃ rūpam rūpāyatanam yaṃ rūpam catunnam mahābhūtānam upādāya vaṇṇanibhāsanidassanam sappatigham nīlam pītakan-ti-ādinā nayena anekehi nāmehi terasahi vārehi dvepaññāsāya nayehi vibhajjamānam tath'eva hoti, vitatham n'atthi. Esa nayo sotadvārādisu pi āpāthamāgacchantesu saddādisu.

Tasmā tathāgato ti vuccati-ti yaṃ yathā lokena gataṃ, tassa tath'eva gatattā tathāgato-ti vuccati. Pāliyaṃ pana abhisambuddhan-ti vuttam taṃ *tathāgata*-saddena samān'attham. Iminā tathādassibhāvato *tathāgato*-ti ayamatto dassito hoti. Vuttañh'etaṃ Dhammasenāpatinā:—

Na tassa adhiṭṭham idhatthi kiñci
 Attho aviññātam ajānitabbam
 Sabbam abhiññāsi yadatthi neyyam
 Tathāgato tena samantacakkhū-ti.*

Suttante pi vuttam bhagavatā—“ Yaṃ, bhikkhave, sadevakassa lokassa—pe—sadevamanussāya diṭṭham, sutam, mu-

“Yañca bhikkhave rattim tathāgato anuttaraṃ Sammasambodhiṃ abhisambujjhatī”-tiṭṭha yassaṃ ca Visākha-punnamirattiyāṃ tathā-āgatādi-atthena tathāgato bhagavā bodhimande aparājita-pallaṅke nisinnō tinnaṃ Mārānaṃ matthakaṃ madditvā uttaritarābhāvato anuttaraṃ sammasambodhiṃ āsavakkhayaññāpēna saddhiṃ sabbaññutaññaṃ ādhigacchati. Yañca rattim anupādisesāya nibbānadhātuyā parinibbāyati-ti, yassaṃ ca Visākha-punnamirattiyāṃ yeva Kusinārāyaṃ Upavattane Mallānaṃ sālavane yamakasālānamantare anupādisesāya nibbānadhātuyā parinibbāyati. Yaṃ etasmiṃ antare ti imāsaṃ dvinaṃ sa-upādiseśa-anupādiseśanibbānadhātūnaṃ vemajjhe pañcaccattālisavassa parimāṇe kāle paṭhamabodhiyaṃ pi, majjhima-bodhiyaṃ pi, pacchimabodhiyaṃ pi suttageyyā-dippabhedaṃ dhammaṃ bhāsati, niddisaṇavasena lapati, uddisaṇavasena niddisati, paṭiniddisaṇavasena, sabbaṃ taṃ tath’eva hotī-ti,† taṃ etthantare desitaṃ sabbaṃ suttageyyādi-navañgaṃ buddhavacanāṃ atthato byañjanato ca anūpavajjaṃ anūnama-nadhikaṃ sabbākāraparipuṇṇaṃ rāga-mada-nimmadanaṃ—pe—mohama-danimmadanaṃ, n’atthi tattha vālaggamattaṃ pi avakkhalitaṃ ekamuḍḍikāya lañcitā viya ekanāliya mitā viya ekatulāya tulitaṃ viya ca tath’eva hoti yaś-atthāya bhāsitaṃ ekanten’eva’tthāya tassa sādhanato, no aññathā, tasmiṃ tathaṃ avitathaṃ anaññathā, etena tathāvāditāya *tathāgato*-ti dasseti. Gada-attho ayaṃ gata-saddo da-kārassa ta-kāraṃ katvā. Tasmā tathaṃ gadatī-ti tathāgato-ti attho. Athavā, āgadanaṃ āgado vacanaṃ-ti attho. Tathā vipariṭto āgado assā-ti da-kārassa ta-kāraṃ katvā *tathāgato*-ti evamettha padasiddhiṃ veditaṃ.

‡ Cf. D. iii, 135; A. ii, 24.

nā ahiṭṭāya dukkhāya sampvattanti''-ti paresaṃ dhammaṃ desento vadati, te dhamme ekanten'eva sayaṃ pahāsi. Ye pana dhamme bhagavā—"Ime dhammā kusalā anavajjā viññūpasatthā samattā samādinna hitāya sukhāya sampvattanti''-ti vadati, te dhamme ekanten'eva sayaṃ upasampajja vihāsi. Tasmā *yathāvādī* bhagavā *tathākārī*-ti vedītabbo. *Yathākārī tathāvādī*-ti sammadeva sīlādīparipūraṇavasena sammā paṭipanno sayaṃ *yathākārī* bhagavā tath'eva dhammedesanāya paresaṃ tattha paṭiṭṭhāpanavasena *tathākārī*. Bhagavato hi vācāya kāyo anulometi, kāyassa pi vācā. Tasmā *yathāvādī tathākārī*, *yathākārī tathāvādī* ca hoti. Evambhūtaṃ c'assa yathā vācā, kāyo pi tathā gato pavatto, yathā ca kāyo, vācā pi tathā gatā pavattā-ti attho.

Abhibhū anabhibhūto-ti upari bhavaggaṃ heṭṭhā avcīnirayaṃ pariyantaṃ katvā tiriyaṃ aparimāṇasu lokadhātūsu bhagavā sabbasatte abhibhavati sīlena pi samādhinā pi paññāya pi vimuttiyā pi vimuttiñānadassanena pi, na tassa tulā vā pamāṇaṃ vā atthi, asamo, asamasamo, appaṭisamo, appaṭibhāgo, appaṭipuggalo, atulo, appameyyo, anuttaro, dhammarājā, devātidevo, sakkānaṃ ati-Sakko, Brahmānaṃ ati-Brahmā, tato eva sayaṃ na kenaci abhibhūto-ti *anabhibhūto*.

Āññadattū -ti ekamaṃ'atthe nipāto. Yaṃ hi kiñci neyyaṃ¹ nāma, sabbaṃ taṃ hatthatale āmalakaṃ viya passati-ti *daso*.

Aviparītaṃ āsayādiavabodhena hit'upāsaphārādinaṃ ca sette bhāvañña-itt'ūpanayanavasena saññhāre sabbākāreṇa sucinnavasitāya samāpattiyo cittañca vasa vatteti-ti *vasavattī*.

Ettāvataṃ abhibhavan'aṭṭhena bhagavā attano tathāgatabhāvaṃ dasseti. Tatr'evaṃ padasiddhi vedītabbā. Agado viya agado. Ko paṇ'essa? Desanāvīlāso c'eva puññ'ussayo ca. Ten'eva h'essa mahānubhāvo bhisako viya dibbāgadena sappe sabbe parappavādino sadevakañca lokaṃ abhibhavati. Iti sabbalokābhibhavane tatho aviparīto desanāvīlāso c'eva puññ'ussayo ca agado assā-ti *da-kārassa ta-kāraṃ* katvā tathāgato-ti vedītabbo. Tena vuttaṃ—*sadevake, bhikkhave, loka-pe—vasavattī, tasmā tathāgato-ti vuccati-ti*.

¹ S reads neyyaṃ, also below.

Gāthāsu:—

Sabbalokaṃ abhiññāyā-ti te-dhātukalokasannivāsaṃ jānitvā.

Sabbaloke yathātatthan-ti tasmim̐ teddhātukalokasannivāse yaṃ kiñci ñeyyaṃ, taṃ sabbam̐ yathātatthaṃ aviparītaṃ jānitvā.

Sabbalokavisaṃyutto-ti catunnaṃ yogānaṃ anavasesappahānena sabbena pi lokena viṣaṃyutto vippamutto.

*Anusayo*¹-ti sabbasmim̐ pi loka taṇhādīṭṭhi-usayehi *anusayo*, tehi usayehi virahito.

Sabbābhibhū-ti rūpādīnaṃ sabbārammaṇāni sabbam̐ saṃkhāragataṃ sabbe pi Māre abhibhavitvā ṭhito.

Dhīro-ti dhitisampanno.

Sabbagaṇṭhappamocano-ti sabbe abhiijhākāyagaṇṭhādike mocetvā ṭhito veneyyasantānena attano desanāvilāsena ca tesam̐ pamocanato *sabbagaṇṭhappamocano*.

Phuṭṭhassā-ti phuṭṭhā assa. Karaṇ'atthe idaṃ sāmivacanaṃ. Phuṭṭhā anenā-ti attho.

Paramā santī-ti nibbānaṃ. Tañ hi tena ñānaphusanena phuṭṭhaṃ. Ten'evāha:—*nibbānaṃ akutoḥayan-ti*.

Athavā:—

Paramā santī-ti uttamā santi. Katarā sā-ti? Nibbānaṃ. Yasmā pana nibbāne kutoci bhayaṃ n'atthi, tasmā taṃ *akutoḥayan-ti* vuccati.

Aniḡho-ti niddukkho.

Sabbakammakkhayappatto-ti sabbesaṃ kammānaṃ khayaṃ pariyosānaṃ accantābhāvaṃ patto.

Vimutto upadhisamkhaye-ti upadhikkhayasamkhāte nibbāne tadārammaṇāya phalavimuttiyā *vimutto*.

Ēsa so-ti eso so.

Sīho anuttaro-ti parissayānaṃ sahan'aṭṭhena kilesānaṃ hanan'aṭṭhena ca Tathāgato anuttaro sīho nāma.

Brahmaṇ-ti seṭṭhaṃ.

Cakkaṇ-ti dhammacakkaṃ.

Pavattayī-ti tiparivaṭṭaṃ dvādasākāraṃ pavattesi.

Īñi-ti evaṃ Tathāgatassa guṇe jānitvā.

¹ For anūpamo of the Text.

Saṅgammā-ti samāgantvā.

Taṃ namassanī-ti taṃ tathāgataṃ te saraṇaṃ gatā,
devamanussā namassanti mahantehi sīlādigupehi samannā-
gatattā mahantaṃ catuvesārajjayogena vītasāraḍaṃ.

Idāni yaṃ vadantā te namassanti, taṃ dassetuṃ *danto-*
ti-ādi vuttaṃ. Taṃ uttānatthameva.

Terasamasuttavaṇṇanā.

Iti imasmim Catukkanipāte Chaṭṭhe Sattame ca sutte
vaṭṭaṃ kathitaṃ. Dutiyatatiyapaṭṭhamadvādasamaterasam-
esu vivaṭṭaṃ kathitaṃ. Sesesu vaṭṭavivaṭṭaṃ kathitaṃ-ti
veditabbaṃ.

Iti Paramatthadīpaniyā Khuddakanikāy'aṭṭhakathāya
Iti-vuttakassa Catukkanipātavaṇṇanā niṭṭhitā.

Ettāvatā ca*—

Dhamm'issarena jagato	dhammalokavidassinā
Dhammānaṃ bodhaneyyānaṃ	jānatā desanāvidhiṃ
Taṃ taṃ nidānaṃ āgama	sabbalokahitesinā
Ekakādippabhedena	desitāni mahesinā
Das'uttarasataṃ dve ca	suttāni Itivuttakaṃ.
Itivuttappabhedena	saṅgāyimsu mahesayo
Chaḷābhinnāvasippattā	pabhinnapaṭisambhidā
Yantaṃ sāsanaḍhoreyhā	dhammasaṃgāhakā pure.
Tassa atthaṃ pakāsetuṃ	porāṇ'aṭṭhakathānayaṃ
Nissāya yā samāradḍhā	atthasaṃvaṇṇanā mayā.
Sā tattha paramatthānaṃ	Suttantesu yathārahaṃ
Pakāsanā Paramattha—	dīpanī nāma nāmato
Sampattā pariniṭṭhānaṃ	anākulavinicchayā
Aṭṭhattimsappamattāya	Pāliya bhānavārato:
Iti taṃ saṃkharontena	yantaṃ adhigataṃ mayā.
Puññaṃ tassānubhāvena	lokanāthassa sāsanaṃ
Obhāsetvā visuddhāya	sīlādipaṭipattiyā
Sabbe pi paṇino hontu	vimuttirasaḍhāgino.

Ciraṃ tiṭṭhatu lokasmiṃ	sammāsambuddhasāsanam,
Tasmiṃ sagāravā niccam	hontu sabbe pi pāṇino.
Sammāvassatu kālena	devo pi jagatippati
Saddhammanirato lokam	dhammen'eva pasāsatū-ti.

Iti Padaritiṭṭhavihāravāsina¹ ācariya-Dhammapālena katā
Iti-vuttakassa Aṭṭhakathā niṭṭhitā-ti.

¹ B *inserts* Baddharatiṭṭha°.

I. INDEX OF WORDS

[Page-references of words not commented on are in italics]

- akusala-mūla, ii, 1
 akusalaṃ pajahati kusalaṃ bhāveti,
 65
 akkhātar, ii, 32 *f.*
 akkheyya, ii, 31 *ff.*
 agga, ii, 102-111, 132 *f.*: -ppasāda,
 ii, 102 *f.*: -sadda, ii, 102
 aggi, ii, 117
 ajāta abhūta, *etc.* 161 *ff.*
 ajeḷaka, 159
 ajjhatta, 168, ii, 87, 92, 120
 ajjhattika, 62, ii, 168
 ajjhāsaya, 20, 35, 37
 aññathābhāva, 60
 aññā, 169, ii, 30; anantarā, ii, 29
 aññātāvindriya, ii, 29
 aññindriya, ii, 29
 aṭṭhi-kaṅkala, *etc.* 83 *f.*
 atakkāvacara, 164
 atidhāvati, 178
 atekiccha, ii, 99
 attha, 79, 81, ii, 84, 167; -sadda, 81;
 sa-, ii, 86; sad-, 165
 atthaṅgata, ii, 38
 atthavasika, ii, 113
 atthi, 161
 adinnādāna, ii, 51, 56
 adukkhamasukha, ii, 5 *f.*
 aduṭṭhacitta, 93
 addhā, ii, 30
 adhiṭṭhāna, 14 (4 *kds.*) 102, ii, 10
 adhivāseti, ii, 173 *f.*
 anaññātāññassāmitindriya, ii, 28
 anavaññatti, ii, 69
 anagāriya, ii, 73
 anavajja, ii, 146
 anāgāmin, 40, 51 (5 *kds.*), ii, 123,
 125
 anicca, ii, 14; -anupassin, ii, 88 *f.*
 anu-sadda, 168
 anuttara, 61, ii, 28, 84, 132
 anupatta-sadattha, 165
 anupabbajjā, ii, 153 *f.*
 anupassanā, 168 (7 *kds.*)
 anupubba, 67
 anusaya, ii, 11, 192
 anussaraṇa, ii, 153
 aneja, ii, 116 *f.*
 antarā-sadda, ii, 95
 aparijāna, 53, 55
 apāya, 72 *f.*
 api-sadda, 45
 appajaha, 54
 appamatta, 106
 appamāna, 92
 appamāda, 80; -rata, 170
 abhijjhā, ii, 176 *ff.*: -lū, ii, 114
 abhiññattha, 113
 abhinīta, ii, 113
 abhibhū ananabhibhūta, ii, 191
 abhisambuddha, ii, 186, 188
 abhisāpa, ii, 112
 amitta, ii, 96
 arahā, 13 *ff.*, 139, 165
 ariya: -ddasa, ii, 119; -dhamme
 akovida, ii, 118; -saccāni, 85
 aviḡata, 166
 avijjā, 57, ii, 89, 137, 139; -nīvaraṇa,
 57
 asubha: -anupassin, ii, 87 *f.*;
 -nimitta, ii, 178; -saññin, ii, 118
 asekkha, ii, 21
 assamedha, 93 *f.*
 ahan, 39 *f.*, 56, ii, 141
 ahita, 69
 ahīrika, 106
 āgantaro punabbhavaṃ, 55
 ācāragocarasaṃpanna, ii, 129

ātāpin, 105 *f.*; an-, ii, 174
 ādīnava, 60, ii, 157 (*so read for*
-ādīnaṃ)
 ānāpānasati, ii, 87
 āmisa: -anuggaha, -saṃvibhāga, ii,
 132; -dāna, ii, 131; pariyāya-nip-,
 ii, 144 *f.*
 āyat' agga, 78
 āyatana, ii, 168
 ārakā, ii, 115 *f.*
 āradhaviṛiya, ii, 174 *ff.*
 ālopa, 88
 āvaṭṭa, ii, 166, 170
 āsava, 114, ii, 19, 74, 150; an-, 150
 āhāranettippabhava, 164
 āhuneyya, ii, 108, 159

iti, 4, 19, 23 *ff.*, ii, 136; -sadda, 19,
 23
 itthabhāvaññathābhāva, 60, ii, 122
 idam: -sadda, 107
 idha, 71
 indriya, ii, 28 *f.*; -yesu
 (a) guttadvāratā, 96 *f.*, ii, 178
 iriyā, 147

Itiha, 111

ujumaggānusārin, ii, 29
 udayabbaya, ii, 184
 uddhaccakukkucca, ii, 177 *ff.*
 upadhi, 89, ii, 4, 64 (4 *kds.*), 80;
 -kkhaya, 92; nir-, ii, 80
 upaparikkheyya, ii, 120
 upasaṅkamaṇa, ii, 153
 upādi, 165, 169
 upekkhaka, ii, 91
 uppajjati, ii, 82 *f.*
 uppatti, ii, 11
 ubho pi te pecca samā bhavanti, 176
 ummi, ii, 166; -bhaya, ii, 170

eka: -dhamma, 58, 67 *f.*, 86;
 -puggala, 82 *f.*; -vidha to nava-
 vidhā, ii, 12; -sadda, 37
 ekadhammaṃ: atitassa, 86;
 pajahatha, 35 *ff.*
 ekanīvaraṇaṃ samanupassāmi, 56

ekodibhūta, 175
 ejānuga, ii, 116
 etaṃ, 32 *f.*; -sadda, 5
 evaṃ, 87; -nāma, *etc.* ii, 136;
 -bhūta, ii, 173 *f.*
 esanā, ii, 16 *ff.* (3 *kds.*)

ottappa, 156 *ff.*
 otappin, 105 (ottāpin); an-, ii, 174
 orambhāgiya, ii, 169
 orasa, ii, 143
 oliya, 177 *f.*
 osadhi-tārakā, 90
 ohitabhāra, 165

kacchehi sedā muccanti, ii, 76
 kata-karaṇiya, 165
 kappa, 71, 76, 83, ii, 135; -ttha, 70
 kamma, ii, 67; -tthāna, ii 9 (2 *kds.*)
 karuṇā, 15 *f.*, 130
 kalyāṇa, 102; -ādhimuttika, ii, 65;
 -dhamma, ii, 57, 125, 130;
 -paññā, ii, 125; -mitta, 64 *f.*;
 -sīla, ii, 125, 130
 kāma, ii, 40 *f.*; -esanā, ii, 16;
 -kāmin, 89; -taṇhā, ii, 19;
 -yoga, ii, 123
 kāya, 100 (*manifest*), ii, 4, 63 *f.*;
 -duccarita, 102; -ssa bheda, 72
 kāye dubbhaṇṇiyaṃ okkamati, ii, 76
 kālavipassin, 173
 kiṃ: akusala, appahīna, pajahāma,
 148 *f.*
 kummagga, ii, 175
 kusīta, 106
 kuhana, 109 *f.*
 kevalin, ii, 126
 kodha, 49

khandha, 83, ii, 184; -sadda, ii, 22
 khaya, 114 *f.*, 167, ii, 131, 150;
 -anta, 171
 khīṇa: -āsava, 165; -māna, ii, 125
 khema, 146; -vitakka, 143 *ff.*

gati, 127 *f.* (5 *kds.*)
 gandha-sadda, ii, 57
 garu, 159

gehanissita, ii, 174
gocara, ii, 129 *f.* (3 *kds.*)

ca -sadda, 54, 93, 172, 178, ii, 23,
32
cakkavattin, 77
cakkhu, 99, ii, 26 *ff.*
cakkhumā, 167 (5 *kds.*), 178, 180,
ii, 155 (2 *kds.*)
carita: duc-, ii, 33 *f.* (3 *kds.*); su-, ii,
34, (3 *kds.*)
carimā ālopa, 88
cavamāna, ii, 138
citta, 53
cuta, ii, 136
ce, 87
cetasa, 72
ceto, 72; -dukkha, 101; -vimutti,
ii, 74, 179

jantu, 87
jāgara, 172 *ff.*, ii, 174
jāta: ati-, anu-, ava-, ii, 42 *f.*, 57;
mukhato j., ii, 143
jāti, ii, 113, 135
jānato passato, ii, 149 *f.*

jhāna-rata, 171
jhāyin, 106, 169
jhāyībhī, ii, 67

taṇhā, 58, ii, 15, 19 (3 *kds.*), 167;
-dutiya, ii, 156; -yoga, ii, 20;
-sota, ii, 171
tattha, 44
Tathāgata, 117 *ff.*, ii, 37, 82, 186 *f.*,
188 *ff.*: -sadda, ii, 189
tanu saṃyojanā honti, 92
tapanīya, 101 *f.*
tama, 175; -gata 90
tamo-nuda, 149
tādin, 167, ii, 30, 70
ti ha, 148
tu-sadda, ii, 151
te, ii, 162
tevijja, ii, 134, 139

thaddha, ii, 164
thale tiṭṭhati, ii, 38
thīnamiddha, ii, 177 *ff.*

dakkhina, 88
dama, 78
dassana, ii, 153 (2 *kds.*)
dassetar, ii, 159
dāna, 87, ii, 131 *f.*; āmisa-, dhamma-,
ii, 131; -maya, ii, 24
diṭṭhadhammika, 79, 167
diṭṭhigata, 177
dibba-cakkhu, ii, 27
diḥharatta, 74 *f.*
dukkha, 55, 64, 69, 85, ii, 5, 14,
113, 131, 157, 172; -kkhaya, 54;
-sadda, ii, 5; -ssa anta, 113, ii,
15; -ss' antakara, 86; -ā vedanā,
ii, 14
duggati, 44, 72, 153 *f.*, ii, 138
dujjayam ajjhabhū, ii, 75
duṭṭhāse, 48
duvidhātītā, ii, 12
desanā, 82 (2 *kds.*)
deva, 177, ii, 75 *f.*, (3 *kds.*), 158
(3 *kds.*); -kāya, ii, 75; -loka, ii,
164; pubba-, ii, 158
dosa, 45 *f.*, ii, 98

dhamma, 125, 169, 175, 178, ii, 44,
90 *f.*, 97, 116 *f.*, 134, 144,
(2 *kds.*), 148; -am deseti, ii, 85;
-ānupgaha-, -samvibhāga, ii, 132;
-ānudhammapaṭipanna, ii, 90;
-kkhandha, 6; -ja, ii, 144; jīvin,
ii, 155; -tṭha, ii, 33; -dāna, ii, 131;
-nimmita, ii, 144; -vitakka, ii, 91;
-vinaya, ii, 78; -sadda, 37;
-sārādhigama, 167; asa-, ii, 99;
nippariyāya-, pariyāya-, ii, 144;
pahāna-, 171; sad-, ii, 92, 169

dhammā, ii, 184
dhātu, ii, 3 (3 *kds.*), 40, 65 *f.*
dhīra, ii, 62 *f.*
dhurra, 164

na, 56
nadi-sota, ii, 171
nicchāta, ii, 14

niddārāma, ii, 68
 nibbāna, 105, 164; -ogadaha, 112;
 -dhātu, 164
 nibbindati, 152, 180
 nibbedhagāmin, 155
 niraggala, 94
 nirutti, 124, ii, 126; Māgadhiḱā, 126
 nirodha, 164, 180, ii, 4, 41 f.;
 -dhātu, ii, 3
 nivuṭṭha, ii, 135
 nivuta, 56, 58
 nissaraṇa, ii, 41
 nīvaraṇa, 56 f.
 nekkhamma, ii, 41, 170
 netticchinna, ii, 121
 nevasaṁvīṇāsaṁvīṇī, ii, 104

paṁsukūla, ii, 147
 paccanubhoti, 166
 paccupaṭṭhitakāma, ii, 121
 paccekabuddha, 91
 pajahati, 4, 39, 42, 45 ff., 167
 pañña, 26, ii, 27, 92, (3 kds.);
 -ānisaṁsa, 170; -kkhandha, ii, 23;
 -cakkhu, ii, 27; -nirodhika, ii, 92;
 -vimutti, ii, 74

paṭi, 21
 paṭisambhidā, 27, (4 kds.), 124,
 (4 kds.)
 paṭisallāna, 168
 paṇḍita, 117
 patthanā, 61, (2 kds.)
 patthayamāna, 61
 pada, 164
 padesarajja, 78
 padhāna, 116
 pamāda, 80; -am anuciṇṇa, ii, 160
 payatapāṇin, ii, 142
 payirupāsana, ii, 153 ff.
 payoga, ii, 50, (6 kds.)
 parattha, 176
 pariññā, ii, 32, (3 kds.); -attha, 113
 parinibbuta, ii, 14
 paripunṇa-sikkha, 171
 pariyādinna-citta, ii, 71
 pariyāya, ii, 30, (2 kds.), 144;
 -sadda, 151; nip-, ii, 144
 parihāna, 170, ii, 67
 pavattikāla, ii, 12
 paviveka-vitakka, 143 ff.
 pusannacitta, 73, ii, 133

pasu-sadda, ii, 70
 passaddha, ii, 183
 pahāna, 39, (5 kds.), 111 (5 kds.),
 ii, 178; -dhamma, 171
 pahitatta, ii, 174
 pātibhoga, 40
 pāṭimokkha, ii, 126 ff.
 pāṭihāriya, 20 f.
 pāṇa, ii, 48; -ātipāta, ii, 48 ff.
 pāpa, 152, 177; -ka, 103 f.
 pāpiccha, 154
 pāragata, 149, ii, 38
 pāragā, 172
 pāragū, 150
 piṇḍolya, ii, 112
 puggala, 72; -katha, 82, (8 ways of);
 eka-, 82 f.
 pucchāvācana, 40 f. (5 kds.)
 puñña, 75, 78; -kkhetta, ii, 109;
 -sadda, 73; a-kara, ii, 40
 puññakiriyāvattu, 89, (3 kds.), ii,
 23 ff.
 putta, ii, 42; -sadda, ii, 70
 punāyati, 45
 pubbaṅgama, 153 (2 ways)
 pubba: nimitta, ii, 76 f.; -deva-
 ācariya, ii, 158 f.
 pubbenivāsa, ii, 135
 purisa: -ājañña, ii, 75; -uttama, ii,
 28; -puggala, ii, 108; -medha,
 93 f.; -yuga, ii, 107 f.

phusati, ii, 172 f., 175

bala, ii, 111 (2 kds.)
 bahiddhā, ii, 120
 bahu: -janahita, 68, ii, 84; -ssuta, ii,
 86
 bāhira, 64
 Buddha, 149, ii, 37, 43, 82, 85
 bojjhaṅga, 130, (7 kds.)
 bodhipakkhiya, ii, 73, 125
 Bodhisatta, 13, 76
 byañjana: sa-, ii, 86
 byāpāda, ii, 176 ff.
 brahmacariya: -esaṇā, ii, 17 f.; -sadda,
 107; a-, ii, 56
 brahmacārin, 176
 brahmaññattha, ii, 151

brāhmaṇa, ii, 134, 141
brūhetāra, 168

Bhagavā, 5 ff., 15 ff., ii, 111

bhaṇḍana, 69

bhaddaka, 104

bhabba, 54, ii, 175; a-, 54, 105

bhaya, 74 (2 kds.); -dassāvin, ii, 130

bhava, 178, (9 kds.), ii, 104, (9 kds.);

-ābhava, 180, ii, 19 f., 156; -āsava,

ii, 19; -esana, ii, 17; -taphā, ii, 19;

-nirodha, 178; -nettisaṅkhaya,

167; -yoga, ii, 123 f.; vi-, 179,

ii, 19

bhassa, ii, 68 f.

bhāvanāmaya, ii, 24 ff.

bhāvita bahulīketa, 79 f.

bhāvitatta, ii, 100, 155

bhikkhu, 64, ii, 18

bhikkhave, 38

bhūta, 179 f.; evaṃ-, ii, 173 f.

bhesmā, ii, 101

bhogā me uppajjantu, ii, 61

bhojane amataññu 96 ff.

maṇsa-cakkhu, ii, 27

makkha, 49; -āse, 50

magga, 85, 131 f., ii, 28

maccheramala, 87 f.

mattāse, 51

madanimaddana, ii, 106

mano, 99, 101

mala, ii, 95 (2 kds.)

mahaṇṇava, ii, 66

mahānubhāva, 78

mahiddhika, 78

mahesi, 84, 88, 112

mā, 73, ii, 100

mātā, 159

mātu: -cchā, -lāni, 159

māna, 50; -ābhisamaya, ii, 15;

-upeta, -gaṇṭha, 55

mānasa, 61

māṇmāyanti, ii, 76

micchā: -cāra, ii, 52, 56; -diṭṭhi, ii, 39

mutṭhasati, ii, 114

muta, ii, 187

mudita, 173

muni, 150 (6 kds.), ii, 35

musāvāda, 86 f., ii, 52, 56

mūḷhāse, 49

me, 19 ff., 33; -sadda, 22 ff.

-mettacitta, 75

mettā, 92; -amṣa, 95; -cetovimutti,

89, ii, 179

mettāyati, 93

moneyya, ii, 35 (3 kds.)

moha, 48 f., 58, ii, 98

ya, ii, 97

yaṃ akusalaṃ taṃ pahīnaṃ, 147

yata, ii, 16, 90, 184

yato, 85, ii, 15 f.; y. kho, ii, 147

yathākammūpaga, ii, 138 f.

yathāvādin tathākārin, ii, 190

yadidaṃ, ii, 106, 107

yasa, ii, 111

yāga, ii, 146

yācaka, ii, 58

yācayoga, ii, 141

yājayoga, ii, 142

yoga, ii, 87, 142, 172; -kkhema, 61,

70, 105; -māya, ii, 32

yoni, 113, (4 kds.).

yonisomanasikāra, 26, 62

ratana, 77, (7 kds.)

rahada, ii, 166, 171

rāga; -anusaya, ii, 88; -kkhaya, 166

rājābhiniṭa, ii, 113

rūpa, ii, 41 f.

lapana, 109 f.

lapitalāpana, ii, 134

loka, 73, 76, 153, 165, 156, ii, 81,

100, 131, 185; -ānukampā, ii, 84;

-nirodha, ii, 186; -vidū, ii, 84;

sabba-, ii, 192

lobha, 41, ii, 97 f.; -aṃ pajahatha,

42 ff.

vaṇṇibbaka, ii, 58

vattāni kiṭṭhanti, ii, 76

vadaññu, ii, 57

vasima, 150

vassin: padasa-, sabbatthābhi- ii, 58

vā-sadda, 52, ii, 104

vācāpeyya, 93 f.

vāṇa, 164

vicikicchā, ii, 177 ff.

vijjā, ii, 137, 139; -caraṇa, ii, 84
 viññāṇa, ii, 64
 viññāta, ii, 187
 vitakka, 142 ff. (2 kds.), ii, 89,
 (17 kds.), 175; -āsaya, ii, 88;
 kāma-, byāpada-, etc. ii, 92 ff.
 173; dhamma-, ii, 91
 vitiṇṇaparaloka, 87
 vipassanāya samannāgata, 168 f.
 vippasanna, 173
 vimutta, 166 (2 kds.), ii, 192
 vimutti, ii, 172 f.; -sāra, 170
 viraja, 164
 virāga, ii, 106, 110
 virāgaya, 180
 virājaya, 54; a- 53
 vivcka, 146, (8 kds.)
 visuddha, ii, 137
 visesādhigama, ii, 99
 viharati, 62, 170
 vuḍḍhi virūhi vepulla, ii, 165
 vutta, 16 ff. 32 ff.; -sadda, 4
 vusitavan, 165
 vedagū, ii, 33, 119, 173
 vedanā, ii, 4 ff. 13 ff.
 vo-sadda, 39
 vosāna, ii, 100

samyojana, 58, 107, ii, 169;
 -kkhaya, 67, 86; parikkhīṇa-bhava-
 166; see s.v. tanu
 samvaṭṭa-vivaṭṭa-kappa, 76
 samvara, 110 (5 kds.), ii, 129
 samvibhāga, 87 f.
 samvega, 116
 samveja, 115 f.
 samṣagga, ii, 66 (5 kds.)
 samṣarati, 56 f.
 sakkāya, ii, 118
 sakkāra, ii, 69 ff.
 sagga, 73
 saṅkiya, ii, 62
 saṅkhata, ii, 106
 saṅkhāra; -upasama, 164;
 -samatha, ii, 41
 saṅga, ii, 121 (7 kds.)
 saṅgha, ii, 44 f.; -bheda, 68 f.
 saṅghama, 78
 sata, 60
 satādhipateyya, 170
 sati, ii, 87 f.; -mant, 169

satta (*a being*), 44; -saṇḍa, 93
 sattakkhattum paramaṇ sandhāvitvā
 puggalo, 85
 satthar, ii, 85
 satthavāha, ii, 87
 sadeva(ka), ii, 187 f.
 santa, 164, ii, 16, 30; -citta, 169
 santa (*being*), 170, ii, 42
 santi, ii, 92, 192; -pada, ii, 33, 95
 sappatissa, 66
 sabba, 53 ff.; -ābhikhā, ii, 192;
 -loka, ii, 192
 samagga, 70 f.
 samaya, ii, 72
 samāhita, 173, 175, ii, 13, 183
 samudda, ii, 37
 sameti, ii, 65
 sampajāna, 66, 173, ii, 13
 sampanna: -sadda, ii, 175 (3 kds.);
 -sīla, ii, 175 f.
 samparāyika, 79, 81, 167
 sambodhi, ii, 175; -gāmin, ii, 131
 sammadaññā, 45; -vimutta, 166
 sammapaññā, 85
 sammā, ii, 15; -pāsa, 93;
 -sambuddha, 139
 sallakatta, ii, 143
 saraṇa, ii, 43 ff.
 savaṇa, ii, 153
 sassamedha, 93
 sahāpi dukkhena jaheyya kāme, ii, 172
 sāmañña: -aṅga, ii, 147; -attha, ii, 151
 sāvakasaṅgha, ii, 108
 sāsaṇa, ii, 133
 sikkhānisamsa, 170 f.
 sītibhavati, 167
 sīla, ii, 60 f.; -maya, ii, 24;
 -sampanna, ii, 152; sampanna-, ii,
 175
 sīla samādhi paññā, ii, 21
 sīlavant, ii, 126
 sukka, 156, 159; -mūla, 160
 sukha, 79, 164, ii, 5, 61 f. (3 kds.), 84,
 110, 111, (2 kds.); -sadda, 74, ii, 4;
 -somanassa, 113, 116; -ā vedanā, ii,
 14
 sugata, ii, 84, 163
 sugati, 73, ii, 77 f. 138
 suññāgāra, 168
 suta, 19 ff. 33, ii, 187; -sadda, 23 f.
 suttanikkhepā, 35 (4 kds.) 67
 subha-nimitta, ii, 178 f.

surāmerayamajja, ii, 53, 56
suladdhalābhasaṅkhāta, ii, 78
sekkha, 60, ii, 21; a-, ii, 22
seyyathāpi, ii, 165
seyyathādan, ii, 135
soka, ii, 113
soceyya, ii, 35

hatthehi ca pādehi ca vāyāma, ii,
166, 171
hi, 4, 32
hiri, 156 ff.; -mant, ii, 130
hīnaviriya, 106
hetu, ii, 1 f.

II INDEX OF PROPER NAMES

[Names occurring in Quotations are not included]

Ahkura-petavatthu, 108
Ahguttaraṭṭhakathā, ii, 105
Aññā-Koṇḍañña, ii, 83
Aṭṭhisañcayasutta, 95
Anuruddha, ii, 122
Andha-bhāsa, 82
Appamāda-sutta, 95
Abhidhamma, 115, ii, 30, 186
Ambaṭṭha-sutta, ii, 84
Ayoghara-pandita, 11
Avici, 86, ii, 99; -*niraya*, ii, 101
Asubhakammika-Tissa therā, ii, 179
Assagutta, ii, 154
Assayuḍa-Kattikamāsa, 90

Ākaṃkheyya-sutta, 36
Ānanda, 29, 32, ii, 111
Ābhassarā, 76, ii, 135

Indriya-sutta, ii, 149

Ukkala-Jaya-Bhañña, 103
Uttarakuru, 11
Uddāna, 161
Udena, 29
Upāli, ii, 182
Uśraddhaja, ii, 82

Okkākarāja, 94
Osadhitārakā, 90

Kaṇṇhala, ii, 81
Kattikamāsa, 90
Kapilavatthu, ii, 111
Kassapa (1) *Buddha*, 31, 122;
 (2) *mahā-* 32 *f.*, ii, 46, 154, 181;
 (3) *clan*, ii, 136
Kuhumba-sutta, ii, 49
Kusinārā, 80, ii, 190

Kokālika, 103, ii, 99
Kosambi, 29 *f.* 32

Khujjutarā, 29 *ff.*

Gayāśāsa, 67
Gijjhakūṭa, ii, 66
Giribbaja, 84
Gotama (1) *Buddha*, 29, 146, ii, 99;
 (2) *a clan*, ii, 136 *f.*
Godhiputta, ii, 100

Candagutta therā, ii, 154
Cificā, 86, 103
Cūlarāhulovāda, ii, 83, 146
Cūḷasutasoma, 11

Chakka-nipāta, 115
Chattamāṇavaka-vimāna, ii, 44

Tittira-jātaka, 108
Tissa (1) *Asoka's brother*, ii, 154;
 (2) *a name*, ii, 136
Tuvaṭṭaka-sutta, 36
Tusitabhavana, ii, 82

Thūṇa, ii, 82

Datta, *a name*, ii, 136
Damila-bhāsa, 82
Dārukkhandhūpama, 37
Dīpaṅkara, 121 *f.*
Devadatta, 67 *f.*, ii, 71, 99 *f.*

Dhammacakkapavattana, 36, ii, 83
Dhammadāyāda, 36 *f.*
Dhammasenāpati, ii, 189

Nanda (1) goghātaka, 103;
(2) māṇavaka, 103; (3) yakkha,
102

Nandanavana, ii, 77, 139

Namuci, ii, 75

Nāthaputta, ii, 71

Nāḷagiri, 67

Nikāya, ii, 181 f.

Nigrodhārāma, ii, 111

Niddesa, 62

Nibbedhika-pariyāya, 115

Nimi-jātaka, 109

Nimmānarati, ii, 122

Niraya, 72 f. 102, ii, 99, 118, 139

Nivaraṇa-sutta, 95

Pañcasikha, ii, 121

Paṭiccasamuppāda-Vibhaṅga, ii, 11

Paṭisambhida, 140, ii, 24, 88

Padumuttara, 29

Paranimmitavasavatti, ii, 122

Pārusakavana, ii, 139

Pāsādika-sutta, 109

Piṭaka, 82, (3)

Punnaka-jātaka, 108

P(h)ussa, a name, ii, 136

Porāṇa, 5, ii, 188

Bimbisāra, 67

Bojjhaṅga-samyutta, 37

Brahma, 76, ii, 157, 188; -vimāna, 76;
ati- B. ii, 191

Brahmajāla-sutta, 33, 35

Brāhmaṇadhammiya-sutta, 94

Bhayabherava-sutta, ii, 84

Mamsāpama, 37

Makkaṭṭalepopama, 59

Majjhimaṇḍesa, ii, 82

Mahāgovinda-sutta, 108 f.

Mahādhammapāla-jātaka, 108

Mahāpaduma-jātaka, 86

Mahā-Brahmā, ii, 111, 141

Mahāmāgala-sutta, ii, 83, 146

Mahāvijita, ii, 146

Mahāvihāra, 83

Mahāsaccaka-sutta, 145

Mahāsamaya-sutta, ii, 83, 146

Mahāsālā, ii, 81

Mahinda-thera, ii, 84, 154

Māra, 171, ii, 20, 73 ff. 82, 188,
190, 192; -dheyya, ii, 21;

-pāsa, ii, 20, 36

Mitta, a name, ii, 136

Missakavana, ii, 139

Mūgapakkha-paṇḍita, 11

Mūlapariyāya, 33

Moggallāna, ii, 66

Yaju(r-Veda), ii, 139

Yugandhara, 11

Yonakadhammarakkhita therā, ii, 154

Yonisomanasikāra-sutta, ii, 150

Rāhulovāda-sutta, 36; *Culla-* ii, 83, 146

Lakkhaṇa-samyutta, 177

Laṅkāḍīpa, ii, 154

Vakkali therā, ii, 182

Vajjīputtaka, 67

Vāsiṭṭha, a clan, ii, 136

Vitaṇḍavādī, ii, 6

Vinaya, 114, ii, 181 f.

Vipassī, 118

Vibhaṅga, 48, ii, 129

Visuddhimagga, 12, 168, ii, 85, 88,
176

Veda, 82 (3)

Vepulla, 84

Velāma, ii, 146

Velāma-sutta, 91, ii, 48

Vessantara, ii, 146

Vehapphalā, ii, 135

Samyojana-sutta, 95

Sakka deva, 76 f., 86, 137; ati- S. ii,
191

Saccaka Nigaṇṭhaputta, 146

Sabbāsavaśamvara-pariyāya, 115, ii,
149

Samacitta:- *desanā*, ii, 83;

-*sutta*, ii, 146

Sallavati, ii, 81

Sallekha-sutta, 108

Saḷāyatana, 114

Sāmaveda, ii, 134

Sāmavati, 29 ff.

Sāriputta, ii, 66

Sineru, 11

Sutta, 114, ii, 30, 186, 189

Sunetta, 75

Suppabuddha, 103**Subhakinā, ii, 135****Subhadda paribbajaka, ii, 83****Sumedha, 121****Suriyagutta thera, ii, 154*****Sekkha-sutta.* 95****Setakaṇṇika, ii, 81****Somanassa, 11****Hatthipāla, 11****Himavant, 11, 151**

